





Ex Bibliotheca
majori Coll. Rom.
Societ. Jesu

69 69/
6 6/
10 10/

THOMÆ
BARTHOLINI

ACTA

MEDICA ET PHILOSO-
PHICA HAFNIENSIA

Ann. 1677, 1678, 1679.

Accesserunt figuræ æneæ.

VOLUM. V.



Bib. Sec. Coll.



Am. Soc. J.




HAFNIÆ,

Sumptibus PETRI HAUBOLDI Acad. Bibl.
cl. lre LXXX.



Index Observationum Voluminis V. Actorum Hafniensium,

1.  Ingultus & Sternutatio mirabilis. *Th. Bartholini.* pag. 1.
2. De filamentis in urina. *Joh. Dan. Horst.* p. 2.
Responsio *Th. Bartholini* p. 5.
3. De Moxa. *Th. Bartholini* p. 7.
4. Consilium de Curanda & præcavenda Dylen-
teria Hafniæ grassante 1677. *Facult.*
Medice Hafn. p. 11.
5. Casus singularis vulnerati abdominis. *Joh. Siller* p. 18.
6. De Cataractæ causis, & Monstri Anatome. *J. L. Hanneman* p. 21.
7. De Vermibus in aceto & semine. *Th. Bartholini Fil.* p. 24.
8. Abscessus Ossis. *Th. Bartholini.* p. 25.
9. Anatomii diaphoretici damna. *Th. Bartholini.* p. 25.
10. De radice Indorum Nisi. *Th. Bartholini.* p. 26.
11. Processus Judicialis Virginis veneno Heram extinguere conant s.
Th. Bartholini. p. 28.
12. Rara monstrosi Ascitis historia. *Georg. Hannei.* p. 32.
13. De Ovariis Mulierum. *Casp. Bartholini Th. f.* p. 33.
14. De

14. De Ovariis Mulierum Dubia soluta. *Casp. Bartholini Th. f.* p. 54.
15. Antipathia Singularis, nomen proprium averfantis. *Georg. Han-*
nai p. 60.
16. De Vero olfactus Organo. *Casp. Bartholini Th. f.* p. 61.
17. Ovum Gallinæ pragnans. *Tb. Bartholini* p. 71.
18. Secretum Antiepilepticum. *Th. Bartholini* p. 73.
19. Oculorum Suppuratio & Visus imminutio. *Th. Bartholini* p. 74.
20. De Triplici Quartana & sextuplici. *Tb. Bartholini* p. 79.
21. Vermes cum urina. *Tb. Bartholini* p. 81.
22. De Subitanea pueruli Illustris morte. *Tb. Bartholin. H. d*
Möminchen. I. H. Brechsfeld. p. 84.
23. An gangraena pedis ex Sp. C. C. rectificat. inunctione processerit.
Facultat. Med. Hafn. p. 84.
24. Cataplasma odore sudorem provocans. *Tb. Bartholini* p. 86.
25. Crisis morbi per ungues. *Tb. Bartholini.* p. 87.
26. Vomica Pulmonis. *Eduardi Tyson.* p. 88.
27. Hydrops Thoracis & difficultatis spirandi rara causa. *Eduar-*
di Tyson. p. 90.
28. Hæmoptoe, Tussis, Pleuritis, & Empyema, à duobus claviculis
fortuito in Pulmones delapsis. *Eduardi Ty-*
son p. 91.
29. Polypus omnes Corporis totius Venas & Arterias occupans.
Eduardi Tyson. p. 93.
30. Polypus Bronchiarum & Tracheæ. *Ed. Tyson* p. 94.
31. De Dysenteria Castrensi ejusq; causa Verminosa & Curatione.
Pauli Brand p. 96.
32. Methodus Demonstrationum Anatomicarum, cum præpa-
rationibus quibusdam selectioribus. *Casp. Bar-*
tholini Th. f. p. 98.
33. Anatomie mulieris 30 annorum, phthisi, hydropse thoracis,
ascite, ac vesiculari extinctæ. *Simon Warmboldi* p. 116.
34. Cardialgia ex vermibus. *Tb. Bartholini* p. 118.
35. De Tumentibus senum pedibus. *Th. Bartholini* p. 119.
36. De fluore albo. *Tb. Bartholini* p. 122.
37. De gemmarum odore. *Ol. Porrichii.* p. 124.
38. Urina viridis. *Ol. Borrichii.* p. 125.
39. Ex tubis puerilibus periculum. *Ol. Borrichii* p. 126.

40. Putridorum imago gustui repræsentata. *Ol. Borrichii*
p. 127.
41. Febris petechialis per diabete[m] spurium soluta. *Ol. Borrichii*
p. 128.
42. Diabetes Dysentericæ Comes. *Ol. Borrichii*
p. 128.
43. Dysentericæ raris symptomatibus infestæ. *Ol. Borrichii*
p. 129.
44. Crurum ulcera contagiosa. *Ol. Borrichii*
p. 130.
45. Novi generis fenestræ. *Ol. Borrichii*
p. 132.
46. Mirum, sed nunquam fallens agræ somnium. *Ol. Borrichii*
p. 133.
47. De odoribus singularia. *Ol. Borrichii*
p. 133.
48. Alia de odoribus. *Ol. Borrichii*
p. 135.
49. Ex aspectu pharmaci cathartici liberalis purgatio. *Ol. Borrichii*
p. 136.
50. Alia imaginantium exempla. *Ol. Borrichii*
p. 137.
51. Mirus oculi, & digiti annularis consensus. *Ol. Borrichii*
p. 140.
52. Ex vivo argento carpi applicato mors. *Ol. Borrichii*
p. 141.
53. Anginarum & Calculi symptomata rara. *Ol. Borrichii*
p. 142.
54. Cur tertianæ hoc anno frequentissimè in quartanas exeant. *Ol. Borrichii*
p. 144.
55. Singulare symptoma à veratro albo productum. *Ol. Borrichii*
p. 145.
56. Superfectionum exempla. *Ol. Borrichii*
p. 146.
57. Suspicio de aliis Urinæ decubus, quam qui vulgò cogniti sunt.
Ol. Borrichii p. 148.
58. Ex glande melleâ vitæ periculum. *Ol. Borrichii*
p. 149.
59. Immenus scroti tumor. *Ol. Borrichii*
p. 150.
60. Fæmina, quæ mortuam se credit, & miratur se quandoq[ue] reviviscere. *Ol. Borrichii*
p. 151.
61. Rosalia squamosa. *Ol. Borrichii*
p. 153.
62. Acerrimi dolores capitis euporisto sanati. *Ol. Borrichii*
p. 154.
63. Euporista ad catarractam imminentem. *Ol. Borrichii*
p. 156.
64. An

64. An fluentibus liberaliter hæmorrhoidibus liceat uti cathartico?

Ol. Borrichii.

P. 157.

65. Calculi per anum excreti. *Ol. Borrichii* *p. 158.*
66. Quartana post diuturnam violentiam sopita, tandem post ulum Mercurii iterum evigilavit. *Ol. Borrichii.* *p. 160.*
67. Puer totâ vitâ rudis, subito ante mortem doctus & disertus. *Ol. Borrichii* *p. 162.*
68. De Epilepticis varia. *Ol. Borrichii* *p. 163.*
69. Quid faciat aliquando immanitas doloris. *Ol. Borrichii* *p. 166.*
70. De Urinis Varia. *Ol. Borrichii* *p. 167.*
71. Ex venæ sectione oblivio. *Ol. Borrichii* *p. 169.*
72. Ebrius sectâ venâ evadit sobrius. *Ol. Borrichii.* *p. 170.*
73. Varia cadentium fortuna. *Ol. Borrichii* *p. 172.*
74. Menstrua per nares excurrentia. *Ol. Borrichii* *p. 174.*
75. Matre variolis extincta infans sine variolis exclusus *Ol. Borrichii* *p. 176.*
76. De sudore perpetuo volæ manus. *Ol. Borrichii* *p. 177.*
77. Tumor frontis & narium à cauterio suppresso. *Ol. Borrichii* *p. 178.*
78. Digitus à triginta annis incurvus improviso sibi restituitur. *Ol. Borrichii* *p. 180.*
79. Cartilaginis ensiformis incurvatio periculosa. *Ol. Borrichii* *p. 182.*
80. Moxa vix plus præstat in malo podagrico, quam alia Vescicatoria. *Ol. Borrichii* *p. 183.*
81. De generatione lapidum in macro & microcolmo. *Ol. Borrichii* *p. 184.*
82. De aliis è statu volatili in fixum translatis. *Ol. Borrichii* *p. 197.*
83. Adamantes lapidibus aliis innati. *Ol. Borrichii* *p. 198.*
84. Quid ad historiam Naturalem spectans observatum sit in itinere Gallie interioris. *Ol. Borrichii* *p. 201.*
85. Talcum Norvegicum torno obtemperans. *Ol. Borrichii* *p. 208.*
86. Periculosissimum Asthma sebaceum. *Ol. Borrichii* *p. 209.*
87. Coma somnolentum variis stipatum symptomatis. *Ol. Borrichii* *p. 210.*
88. Nitrum non inflammari. *Ol. Borrichii* *p. 213.*
89. De Cantharidibus appendix. *Ol. Borrichii* *p. 216.*

90. Ar.

90. Argus Islandicus. *Ol. Borrichii* p. 218.
91. De Cinamomi arbore & remediis ex ea variis. *Herm. Grim* p. 223.
92. De Unguento Armario. *Tb. Bartholini* p. 240.
93. De Thermis Artificialibus. *Joh. Dan. Majer* p. 242.
94. Anatome Ciconiæ. *Olig. Jacobi* p. 247.
95. Lingvi Pici Martij structura mirabilis. *Olig. Jacobi* p. 249.
96. Anatome Piscis Centrines Italis Pisce Porco. *Ol. Jacobi* p. 251.
97. Anatome piscis Torpedinis motusq; tremuli examen. *Ol. Jacobi* p. 253.
98. De Lampetra ejusq; pulmonibus & Angvilla. *Ol. Jacobi* p. 259.
99. De Scorpione observationes. *Ol. Jacobi* p. 262.
100. Serpentum & Viperarum Anatome. *Ol. Jacobi* p. 266.
101. De Asino Observationes Anatomica. *Ol. Jacobi* p. 272.
102. Caput Monstrum Infantis. *Ol. Jacobi* p. 273.
103. Puella monstrosa hirsuta, & infans *avrosos*. *Ol. Jacobi* p. 274.
104. Cornu in palpebris enatum. *Ol. Jacobi* p. 275.
105. Afellus seu *avrosos* vivus cum lotio excretus. *Ol. Jacobi* p. 276.
106. De renibus Canum. *Ol. Jacobi* p. 277.
107. De Cultrivoro & Pyrophago Londinensi. *Ol. Jacobi* p. 278.
108. De Verme dentium. *Ol. Jacobi* p. 281.
109. De Phosphoro Hermæico & sapia luce. *Ol. Jacobi* p. 282.
110. Iridem non esse in nube rorida, juxta mentem Aristotelis & veterum aliorum sed guttis aquæ cadentibus. *Erasmi Bartholini* p. 284.
111. De Mixtione Symplicum cum aquis. *Erasmi Bartholini* p. 286.
112. Pulveris Corticis Chinæ-Chinæ usus contra febrem quartanam in Dania probatus. *Erasmi Bartholini* p. 287.
113. De Aere Hauniensi. *Erasmi Bartholini* p. 290.
114. Anatome Hydrophobici. *Joh. Henr. Brechtfeld* p. 307.
115. Ex pilulis Cephalicis intempestive & inconsulto Medico assumptis intumescencia capitis & tandem subita mors. *Casp. Kolichen* p. 309.
116. Aqua ex Mercurio sublimato pro Aqua C. C. ex incuria deglutita. *Casp. Kolichen* p. 310.
117. Pecus marinum patria lingvæ *Strandqvæ*. *Casp. Kolichen* p. 311.
118. Spi-

118. Spiritus Vini & frumenti potus noxius maris accolis. *Casp. Kölichen* P. 313.
 119. Hydrops Scorbuticus. *Casp. Kölichen* P. 314.
 120. Excrabile Calculi remedium. *Casp. Kölichen* P. 315.
 121. Singularis Urinæ suppressio. *Casp. Kölichen* P. 316.
 122. Hæmorrhagia rebellis. *Casp. Kölichen* P. 317.
 123. Fixa herbarum falia non sunt ejusdem facultatis. *Rosm. Lentilii* P. 318.
 124. Axungia leporina ad oculorum pannos. *Ros. Lentilii* P. 320.
 125. De Thermis Anglicis. *Pauli Vindingii Er. fil.* P. 320.
 126. Dolor dentium & auditus difficultas subsultu curatus. *Th. Bartholini* P. 321.
 127. Monstrum Lalandicum. *J. H. Brechtfeld* P. 323.
 128. Carcinoma Uteri ex suppressio fluore. *Th. Bartholini* P. 324.
 129. Malva Monstrosa. *Th. Bartholini* P. 325.

In Appendice.

130. Verum Lapidis Bezoartici Orientalis Examen. *Casp. Kölichen* P. 327.
 131. Gangræna post Variolas. *Casp. Kölichen* P. 328.
 132. Ex febre quartana malè curata dysenteria. *Casp. Kölichen* P. 329.
 133. Telephium seu crassula major. *Casp. Kölichen* P. 330.
 134. De Opio Observationes. *Ol. Borrichii* P. 336.



THO-

TH. BARTHOLINI

Aetorum Medicorum & Philosophicorum
Hafniensium

Ann. 1677. 1678. 1679.

Volum. V.

Pars I.

De Observationibus Raris Medicis &
Philosophicis.

I.

Singultus & Sternutatio mirabilis.

NUnquam similem affectum memini vel observasse vel legisse. Virgo Hafniensis, Parentibus primariis nata, annorum XIV, temperamenti pituitosi, debellata feliciter febre tertiana, singultum vehementer molestum experta non ita pridem est, in quo expugnando operam perdidimus quotquot, à Magno Parente rogati, consilia dedimus. Inusitatam enim faciem induit singultus, misere tenellum corpus excrucians. Nullas inducias concessit vixq; deglutationi tempus indulisit. Quandoq; cessare videbatur. Sed singulari metastasi sternutatio succedebat, pereñi motu ægram excitans, tamq; vehemens, ut lecto excuteretur, nisi ab instantibus impedita fuisset. Viciū in œsophago hæcere, tuberculo quodam impedito, suspicio fuit, quia, quæ exhibe-

A

hibebantur, difficulter degloriebantur. Sternutatio vero unde? Divinare non facile fuit. Vermes in abdomine an quidquam huc contribuerint, inficiari non ausim. Magni illi satis per enemata expurgati. Omnibus tentatis, nihil profecimus, quanquam thecas plerasq; Pharmacopoli evacuaemus. Aliquot menses protracti inter hæc tormenta. Leniri subinde malum videbatur, sed recurrebat, donec tandem corpore prorsus expurgato, variisq; tam Galenicis quam Chymicis medicamentis præparato, solo spiritu æruginis ab Empirico exhibito, convalescere inciperet. Non tamen postea prorsus immunis à levibus paroxysmis fuit.

Haud absimilem affectum in puella alia Visitatoris vidimus, quam hystericam dixisses, sed angustia cordis anni ferè decursu perseverans in pectore malum hæere perfrasilit.

II.

De filamentis in urina.

Ad Thomam Bartholinum.

UT saluum te & incolumem hæc saluent, animitus precor, cum ulteriori voto, ut sospitem Te DEUS servet in annos multos & longævos, & pax vobis & nobis affulgeat. Ignosce autem quod tuos circulos turbem hac scriptione, sit ea partim ut certior fiam tuæ valerudinis, partim ut iudicium tuum peram quoad inclusum casum. Amicus meus à multis timidus factus, & tristior, indefinenter metuit renum putredinem & ulcus, quod tamen non suspicor, quod nullum adsit signum, puto potius oriri illa filamenta à chylo & semine in subiecto eusarco, sangvi
aco,

neo, scorbutico. Quæso tribus saltem lineis vel verbis, ut dicitur, breviter responde, & si putas, exime timorem & curam optimo Viro, simulq; expone, an insistendum illis remediis, quibus hætenus utitur. Vale. Francofurti 23. Oct. 1677.

T. T.

J. D. Horstius.

Vir 53. annorum, cælebs, crassi corporis sangvineæ calidæ & humida, constitutione totius satis robustâ præditus, fluxione quâdam sinistri cruris, catarrho item oculi ejusdem lateris ante annos 22. correptus fuit, quibus tandem debellatis plenarie convaluit. Hanc verò convalescentiam raucedo secuta est quæ adhibitis licet multiplicibus Celeberrimorum Medicorum pharmacis, Galenicis æq; ac Spagyricis, Mercurialibus etiam, aliisve sine levamine remansit: patiens tandem tam vario medicamentorum usu abstinens, per aliquot annos hucusq; raucedinem sentit mitiorem. Interea vero in ipsius urinâ aliquot abhinc annis filamenta quotidie conspiciuntur fundum pētentia & ibi conglomerata, ad motum matulæ se dividētia, quæ interdum dolorifica, non tamen diu durans, insecuta est urinæ suppressio, potissimum post errorem in victu commissum, & majorē vini ingurgitationem. Filamenta alias per se nullum inferunt incommodum, excepto, quod urina interdum justo tardior, tandem cum impetu reddatur filamentis exitum quærentibus. In matulâ rarissimum & paucum quidem subsidet sabulum tartareum rubrum. Urina ipsa non foetet, nec unquam purulentam exhibuit materiam, quam primū autem nimia vini ingurgitatione in dextram impingitur, communiter dolorifica illa sequitur urinæ suppressio, abdominisq; in-

A 2

flatio

flatio & distentio, quæ tamen ad usum clysterum & laxantium evanescunt. Dein non obstante, quod alius duplici quotidie gaudeat laxatione, attamen patiens interdum flatuum cruciatus experitur præprimis in regione lienis & sinistri hypochondrii, quo ad caput valet, appetitus quoque cibi & somnus naturaliter sese habent. Renum & lumborum nullum sentit dolorem. Ipse est valde laboriosus, & summo mane lectum relinquit. Juvenis adhuc & sequentibus primis annis, peregrinationibus fuit deditus, paucissimam è contrario vitam egit sedentariam. Vingt abhinc annis simplicem saltem levemque, passus est gonorrhæam, quæ brevi curata nihil amplius tale hætenus sensit, sed quo ad omnes corporis functiones plane sanus & incolumis vivit. Acidularum usus semper bene cessit ratione lienis oppilati & sanguinis crassioris scorbutici. Usus alias aliquoties est aliorum consilio Therebinthinâ, emuls. & aliis similibus renes & vesicam respicientibus sed sine effectu. Utitur nunc per intervalla cum successu, lenibus evacuationibus per alvum, aqua destillata pro corrigendo sanguine & absorbendis serosis humoribus, sanguinis imminutione & diætâ convenienti, satque bene habet. Quærit tamen, unde filamenta illa? quidam renibus adscribunt & putant illos inclinare ad putredinem ulcusque metuunt & hinc exsiccantia sudent. Alii hoc non verentur propter superius dicta, febrisque absentiam, sed putant filamenta illa oriri partim à non penitus digesto chylo, partim à seminali materiâ superflua excremento utili, quod sanus sit & robustus, Veneri nihilominus in totum abstinens ab annis 20. & ultra suadentque, ut naturæ negotium relinquatur, diætâ bona servetur, destillatis sanguinem depurantibus pharmacisque viscera roborantibus & intermediis blandis evacuationibus per clysteres & Syru-

syrupos laxativos sangvinisq; per V. S. scarificationem, hirudines ano appositos imminutione naturæ succurratur. Unice desiderat patiens doceri, an sine periculo vitæ liceat naturæ negotium relinquere, aut quid in hac re præter diætam & supra dicta institui possit.

Responsio, ad J. D. Horstium.

Gaudeo quod vivas valeasq; meiq; adhuc memor sis post tot annorum silentia. Ego laus Deo inter vivos etiamnum numeror, si senum vita vita dici mereatur, quia cum morte quotidiana potius luctatur, quam vitæ commodis fruitur. Superanda tamen omnia animi constantia, ut ad æterna certius adspiremus. Solatur mei Dei benignitas, bonorum favor, & liberorum amplexus. Reduces ex Italia nuper habui filios duos, quorum major natus Casparus Anatomico Theatro destinatus exercitia Anatomica quamprimum publicè resumat, ut monstret quantum in hac arte valeat. Cæterum Casum Amici tui quod attinet, quanquam variis negotiis districtus accuratè expendere non valeam, tui tamen in gratiam nihil non tentarem; Variorum symptomatum Syndromen perspicio, sed ante omnia sollicitum esse ægrum de filamentis in lotio comparentibus, & iccirco unicè desiderare, ut certior sit, an sine periculo vitæ liceat negotium naturæ relinquere. Ut brevissimis verbis mentem meam aperiam: non video periculum magnum aut formidandum ab illis filamentis imminere corpori satis robusto, quin naturæ porro relinqui possint, quippe nihil inde æger sentit incommodi, benè concoquit, unde à chylo origo eorum repetenda non est, benè valet, nisi quod hypochondriacis affectibus conflictetur, qui cum his nihil commercii habent. Nec vitium latere potest in renibus ad putredinem

nem vergentibus, quia nullus dolor regionem renum vexat, abestq; febris. Suppressio verò urinæ ab acribus potius & Scorbuticis flatibus provenit, quæ cedit medicamentis opportunis, sicut ex relatione transmissa intelligo. Credo filamenta illa seminis esse excrementa, ex vesiculis seminariis vel laxis, vel à materiâ acri vellicatis vel quocunq; modo affectis. Persuadent id gonorrhæa priorum annorum, forsitan non satis percurata, & habitus sanguineus & robustus, ventriculiq; robur constans, qui copiam sanguinis generat, & seminis in cœlibatu retenti coacervatiq;. Hinc quanquam non rarò emacietur corpus in hujusmodi gonorrhæa, attamen quia benè digerit alimenta, refarcitur statim illud damnum. Mea quidem sententia porrò hætenus præscriptis ex methodo medicamentis insisteret, sed non nisi semel aut bis anno, vere & Autumno ad corporis scorbutici expiationem. In primis pro urinæ difficultate & valis seminariis curandis ingens præsidium ponerem in Terebinthina quacunq; forma adhibita, sive pilularum, sive Emulsionis. Nec dissuaderem ut *Barbarum* de Re Uxorâ legeret, hoc est, ut licet tam Venerem, diu intermissam, repeteret. Quod si istum statum res ejus rationesq; non ferunt, bono tamen animo ægrum optimum, amicum meum, quia tuus, esse jubeo, cum non ignotus sit mihi alius, qui ludibrium illud profluentis materiæ seminalis ultra XXX annos passus est sine periculo vitæ. Plura non vacat de hoc affectu scribere, luctu enim impediatur ob funus Matris meæ desideratissimæ *Anne Finckie*, quæ anno ætatis 84. nuperè rimè excessit Mater, Avia, Proavia, Abavia LXX liberorum. Nos sequemur quando Deus jusserit vitæ necisq; nostræ arbiter. Tu interea, Magne Horsti, in plurimos annos

nos famæ Tux interfis, meq; meosq; amare perge. Hæ-
nia VIII. Dec. 1677.

T. T.

T h. Bartholin.

III.

De Moxa.

Ad J. D. *Horstium*.

ET Tibi & mihi gratulor de filiis paterna vestigia tam feliciter prementibus. Atq; eademum nostra est felicitas, quod posteritati nostræ intersimus, & senectutis nostræ solatia intueamur. Deus utriq; hoc gaudium jubeat esse diuturnum. De Moxa vidi quid Nepos Tuus *Gregorius Horstius* commentetur. Innotuit mihi illa ex *Buschovii* Libro Belgico cum ille in publicum prodiiisset. Particulam Moxæ ipsius ad me pertulit D. *Mönnichenius* superiori anno ex Belgio cum conjuge ad nos redux. Nul- lum verò ejus experimentum hic fecimus, partim quod ea copia ad nos non sit delata quæ sufficiat multis experi- mentis, partim quod propositum remedium respuant ægri nostri arthritici propter doloris metum. Nec facilè per- svaderi sibi patiuntur ignoto experimento corpus subji- cere. Quod verò Moxa præstare dicitur, idem prorsus gossypium vulgare & linea petia præstare potest, quibus *Ægyptii* utuntur in cauteriis suis, teste *Alpino* Lib. 3. c. 12. Ustionem illam Arabicam vocat M. Aur. *Severinus*, apud quem Neapoli olim vidi pluculos tophos Gallicos felicissimè sed non sine ægrorum dolore insigni curatos si- mili ustione ex filis carptis in pyramidem effictis. Nostri ægri tam patientes dolorum non sunt, voluntq; mitius tractari.

tractari etiam cum maximo sanitatis detrimento. Rectè verò monet Clarissimus Tuus Nepos, stultum esse uno calopodio omnium pedes metiri. Neq; id svadet *Alpinus*, nec *Busseofus*. Uterq; enim in eo consentit, ut in doloribus articularum ex frigidorum humorum defluxu obortis, aut à flatulento spiritu vel à simplici intemperie frigida genitis ad istam uestionem descendamus. De genere Moxæ non valdè laborandum censeo. Non credo occulta aliqua qualitate hic agi, sed instar aliorum cauteriorum ex quacunq; materiâ confectorum, partium imbecillitatem corrigi, contentos humores vel flatus retolvi calore uestionis ex accenso gossypio vel filis accensis quibuscunq; aliis. Domi se offerunt in plantarum genere non pauca quæ paria faciant. Per microscopium, quod ac curatum habet filius meus Casparus, vidi Moxam continere filamenta tenuia, qualia plantæ lanuginosæ ostendant, intermixtis quibusdam pulvisculis, qui an ex radice Chinæ Chinæ sint deprompti, non facilè divinarem. Interim libenter haberem iconem floris, quem ex liberalitate Dn. Kirschii, se habere refert Nepos Tuus Doctissimus. Vale, Hafniæ 20. Feb. 1678

Th. Bartholin.

Ex *Gregorii Horstii* jam laudati specimine Anatomix Practicæ Francofurti 1678. edito, hæc de Moxa, quæ ibi adjecta sunt, subicere placet: Arthriticorum dolorum gratia in Disputatione Inaugurali Moxæ mentionem feci, quamq; cum ratione, & sic cum successu, denuo hic Francofurti adhibitam vidi hisce diebus. Dixi autem p. 16. non novum esse inventum uestionem Podagricorum per ferrum ignitum, aut frixatum sterco hircinum. *Avicenna* commendat eam, sed per aurum potius ignitum, quam

quam ferrum, t. i. p. 372. 377. & Ischiaticis quidem t. 1. p. 378. podagricis p. 374. cum quibus confer Obl. com. p. 371. Vulgare apud Lappones referente Scheffero Upf. Prof. p. 310. remedium, quod capiant fungum arboribus betulinis placentæ instar ad hærentem (de fungorum usu ad hæc rem lege *Hippocratem* de Intern. affect. p. 103. l. 14.) eumq; accensum igne, imponent loco ubi sentiunt dolorem atq; cruciatus, quem si rursus tetigerit, ultro deinde fungum ignitam resiliere, doloremq; tolli per exulcerationem subsequentem. Dixi simul Dn. K. & Dn. *Jorals* bene ab hac inusione Moxæ habuisse, M. K. & S. male. Ibi exposui, & alia scitu necessaria. Interea hic vidi literas Augustæ Vindelicorum exaratas, 30. Sept. *Elaphi* abhi ad Dn. *Jorals*, quæ testantur, ibidem felici cum successu Moxam adhibitam esse. *Urgentibus doloribus*, ait *Architritus Augustanus*, *moxam incensam ter-tila vite modo utroque pedi & manui adhibui, & postea appo-sui per horas XXIV. nullum conusum. Vesica nulla excita-ta est; est hanc verò paulatim post Emplastri diapalm. usum intra quatuordecim cessit, & per quinque septimanas ploravit topiosam factam humorem heterogeneum pars asla, tandem sponte consolidata. Bene habeo ab hac unctione, melius ta-men quoad minimum, quam ad pedem, quod forsitan manus ingruente stat in paroxysmo, per verò jam tumidus, fuerit usus. Arbitror etiam convenire partibus à doloribus longo tempore debilitatis. Magnifici certe moxam, Dn. *Christ. T.* ante 14. dies digito jam nodoso applicuit. Alius tamen hic Moxæ inusione dolores trajecit in lumbos. Cum verò ut plurimum notante *Clar. Waldschmid* p. 31. de *Idle* Podagrici moriantur, si natura ad partes externas propellere cesset materiam, non optanda videtur allegata metastasis. *J. A. Idelberg* scribit Amicus quod Dn. Dr.*

B

Kir-


Kircherer in Helvetiam profecturus *Moxam* summo cum successu usurpaverit, & professus fuerit, nobilius medium non posse inveniri. Sed hæc omnia cum grano salis sumenda. Ubi Cauteria necessaria, utilis *Moxa*, ubi non necessaria aut inconvenientia, noxia *Moxa*. Stultum enim uno calopodio omnium pedes metiri. Nobilis quidam Vir, rerum naturalium indagator strenuus Dn. D. *Scheffero* Francf. Fautori meo colendo, scribit, Sp. Kal. Novembr. se *Moxam* per Microscopium excellens penitus examinasse & deprehendisse, esse compositam ex Gossypio Chinensi, & cortice lignoso minutim incisq, corticis China China æmulo. Ego verò vix fidem habeo huic suspicioni. Est enim *Moxa* simplex vegetabile, cujus florem habeo ex liberalitate Dn. *Kirschii* Viri integerrimi. Refert quoq; hujus Frater, qui per annos XIV in India vixit, se in Japponia vidisse sæpius hanc *Moxam*, plantulam humi repentem, quo ad nomen autem quidam putant *Mocham*, non *Moxam* dicendam, quod Chinæ & Japponiæ incolæ X per Ch. communiter exprimant.

Ex Epistola J. D. *Horstii* ad Th. *Bartholinum* Francofurti 9. April. 1678: Nuper *Argentorati* *Moxam* adhibuit Medicus satis eminens ad tollendos podagricos, sed ulationi accedens febris maligna ipsum è medio sustulit.

Ex Epistola *Ejusdem* ad *Eundem* 17. April. 1678: Mitto hic flosculos quos in explicata *Moxa* inveni. *Argentorates* *Moxam* ipsis fuisse noxam prædicant, rumoremq; spargunt, Medicum ibidem ab illa ulatione mortuum. Sed ille Vir interit febre maligna potius, quam usu *Moxæ*. Hic multi utuntur, nec dolorem magnum excitat *Moxa*, etiamsi applicetur sano membro, ut ipse expertus sum

sum in me, qui usurpavi semel. In cæteris plane tecum sentio.

Adduntur figuræ 1. Moxæ, 2. floris 3. bacillorum quibus ignis accenditur.



IV.

Consilium Facultatis Medicæ Hafniensis de curanda
& præcavenda Dysenteria Hafniæ grassante
1677.

I.

Quomodo Dysenteria DEI auxilio præcavenda.

PRimò purgandus aër, plateæ & ædes nitidæ servandæ ab impuritatibus foetidis, præsertim à sordibus infectarum ædium. Proficuum est, si mane, sæpiusq; de die, perfumentur ædes ligno juniperino, vel baccis juniperi, aqua lavendulæ, balsami, Rosarum, thure &c.

B 2

In

In Pharmacopolio quoq; præparati possunt Rotulæ pro
suffumigio sequentes;

R. Rad. Angelic.

— Benzoi

— Styrac. calamit. an. ʒß.

Cinamom.

Gariophyll.

Mastich.

Succin. an. ʒij.

Cum Mucilagine Tragacanthi in aq. ros. fact.

f. Rotulæ.

Anteqvam domo egrediatis mane, vel ægros visites,
aliquid ore sumas ex Theriaca, Diascordio, Radice An-
gelicæ, Zedoaria, Citro, aurantiis, vel ex his rotulis
sublingualibus:

R. Spec. Liberant.

Diamarg. frig.

Corall. rubr. præp. an. ʒj.

Terræ sigillat. filef.

C. C. Phil. præp. an. ʒß.

Cum Saccharo in aq. ros. solut.

f. Rotulæ.

Qui electuaria malunt, capiant singulis horis matutinis
ex præscripto hoc electuario quantitate nucis juglan-
dis:

R. Conf. Ros. antiq.

Fl. Borrag.

Coad. Rad. Scorzon. Hisp.

Cort. Citri an. ʒijß.

C. C. Phil. præp.

Spec. Diamar. frig.

Diarrhod. Abb. an. ʒj

Cum

Cum miva Cidon, qd.

f. Electuarium.

Proficuus etiam erit haustus Vini absorhites. Balsama odorifera naribus applicentur ex Angelica, rufis, succino &c.

2. In cibo & potu sit temperantia. Praferendi plerumq; cibi recentes, bonæ concoctionis, in aqua pura & limpida cocti sine aromatis aut, herbis calidioribus. Cerevisia nec recens, nec inveterata, ex aqua bona cocta. Fructus crudi, poma, pyra, pruna, nuges, cucumeres, melones, uvæ &c. vitandæ.

3. Fugienda conversatio cum infectis, quantum fieri potest & Christianum est. Non dormiendum in lecto vel illis eulcitris, quibus infecti usi sunt. Fugienda inprimis illa, in quæ excrementa sua ægri deposuerunt.

4. Ad majorem cautione malvus aperta servanda. Singulis hebdomadibus, vel quotiens opus, assumendæ pilulæ Ruffi, vel de Ammoniaco, ad pondus Drachmæ dimidiæ.

5. Nec inconsultam sudorem subinde provocare Theriaca, vel Mithridatio, vel dioscordio in aqua Cardui Benedicti vel Scabiosæ.

II.

Qua ratione hic morbus curandus.

Non statim initio morbi medicamentis adstringentibus utendum, sed sine mora assumendæ ea quæ acrem materiam educant, quo sine hunc pulverem præscribimus:

R. Rhab. elect. ʒj.

Cort. Myrob. Citr. ʒj.

Cinamom. ʒß.

M. f. Pulvis.

B 3

Adul.

Adulti hominis una est dosiſ hæc in calidæ aquæ plantæginis Unciis tribus circiter, vel potione ex cereviſia aſſumenda. Minores ætate & ſeminæ minorem doſin eligant.

Quibus commodum eſt, per opportunum erit ſine morâ clyſteribus uti, ad eluendam materiam ſegnem lentamq; & acrem mitigandam.

R. Hordei decort.

Furfur. Tritic.

Fl. Roſ. rubr.

Verbaſc. à Mj.

Coq. in aq. q. ſ. Colatur. R. Lib. ʒ.ß.

Mel Roſat.

Sacchar. rub. a. ʒj.

Vitell. ovor. n. ij.

M. ſ. Clyſter.

Clyſter ex furfur. triticin. cereviſia coctus pauperioribus ſufficiet.

Ex lacte dulci domesticum clyſterem ſibi quisque hoc modo præparet: R. lactis dulcis ʒij, extingvantur in illa terq; quaterq; ſilices igniti, vel Chalybs, deinde adde duos vel tres vitellos ovi, ſacchari ʒij, ſævi hircini vel Cervini ʒij, ſeorſim liquari. Hic Clyſter purgat, ſanât, & ſedat dolorem.

2. Si malignitatem ſubeſſe intelligas, qualis illas dyſenterias, quæ jam graſſantur, comitatur, ſtatim in principio vel poſt ulum clyſteris, alexipharmaca ægris exhibenda, Theriaca v. g. Diaſcordium, C. C. præparatum, Terra ſigillata, vel his ſimilia.

3. Ita expurgatis inteſtinalis ſemel, iterumq; ſi tormina urgeant, ſecurè danda ægris adſtringentia, inter quæ ſequens Pulvis commendatur.

R. C.

R. C. C. Phil. ppt.

Terr. Sigill. Siles. a. 3iij.

Rad. Tormentill.

Boli Armen.

Maxill. Lucii pisc. à 3ij.

Sem. Acetof.

Plantag.

Macis an. 3j.

Croci 3j.

M. f. Pulvis.

Dosis in adulto 3j, bis terq; de die sumenda in cochlearibus duobus aquæ sequentis:

R. Aq. Plantag. Tormentill.

Fol. querc. à 3iij. M.

Infanti datur 3ß. in lacte dulci, in quo extincti filices igniti, vel in sorbitione cerevisiaria.

Loco pulveris substitui potest hoc Electuarium:

R. Conf. ros. antiq.

Diacyd. simpl. an. 3iij.

Rad. Tormentill.

C. C. Phil. præp.

Terræ Sigill. an. 3iß.

Sem. Plantag.

Acetof. an. 3j.

Corall. præp. 3ij.

Cum miva Cidon. q. s.

f. Electuarium.

Bis terq; , si exigit usus, quotidie ex Electuario sumatur quantitate nucis juglandis, nec quicquam statim superbibatur.

Tenuioris fortis homines Drachmam Unam radices Tormentillæ assumant, vel sem. lapath. acut. vel cupul. querc.

quercus minutim confus. in cerevisia Myrsillosum, vel sero.

Externè inungatur universum abdomen hoc Lini-mento:

R. Ol. Absinth.

Cydon. ʒ. ʒj.

Lumbric. terrestr.

Mastich. an. ʒʒ.

Nuc. mosch. express. ʒij.

Ceræ parum.

M. f. Linimentum.

Incalescat in cochleari, & protobè inungatur, deinde imponatur Cataplasma hircocerastris, & postea unum abdomen tegat.

R. Rad. Tormentill. pulv.

Micæ panis an. ʒij.

Coq. cum aceto in fornax publicola.

III.

Quo modo varia Symptomata praeceper. qveant.

1. Ingenti siti inservit Iuleps hirc.

R. Decoct. C. O. cum rad. Storzoni & Tormentill. ʒij.

Syr. Cydon. ʒij.

Item defaecata, tenuis & chyl. cerevisia, cui immergatur frustulum panis tosti cinis parum Absinthii & Rad. tormentillæ suspendatur. Potis cerevisialia & emulsio amygdalarum ex aq. hordei preparata, in qua igniti filices extincti sunt. Sympus Rhenan. Et si absit febris, concedi quoq; potest agro lac dulce cum saccharo, in quo aliquoties extincti fuerunt filices candidæ. Pauperiores rursi eodem modo uti possunt sero hircis cum rad. tormentillæ decocto.

2. Tor

2. Torminibus doloribusq; gravioribus circa umbilicum & stomachum, inserviunt clysteres supra præscripti. Abdomen quoq; inungi potest linimento antea nominato, & tegi omento ex ove nuper mactata, & recalefacto inter duos orbes in oleo rosarum, item theriaca nucis magnitudine umbilico apposita. Si tormina modum excedant cum vigiliis, nec cedant prædictis, dari possunt ægro grana tria ad summum Laudani Opiati, sed non sine magna cautione & Medicorum judicio.

3. Ad tenesmum & vanum crebrumq; egerendi Conatum, duo sacculi linei conficiantur ex herbis sequentibus:

R. Fol. & flor. Verbasc. Querc.
Herb. Potentill. Polygon. an. Mj.
Flor. Camomill. Melilot. an. P. j.
Sem. Lini, Fœnugr. an. ʒiʒ.

Incisa & contusa dentur in charta.

Coquantur in aqua fabrorum, in qua ferrum candens extinguitur. Post levem ebullitionem in vase clauso, sacculus unus inter duos orbiculos exprimendus, anoq; applicandus tam calidè quam ferre potest æger, ubi refrixerit, alter reponendus. Fumus etiam excitetur in sella, cui insidet, ex mastiche, olibano, terebinthina vel resina quæ carbonibus injecta sellæ supponantur. Utile quoq; est intestinum rectum ungere Unguento albo Camphorato, imprimis si inflammatio accesserit.

4. Nonnunquam prolabitur intestinum rectum, vixq; in loco retinetur. Huic malo destinantur hæc herbæ:

R. Rad. Alth. c. foliis
Fol. & Flor. Verbasc.
Fl. Melilot.
Camomill. a. Mj.

C .

Sem.

Sem. Lini.

Fœnugræci an. ʒj.

Incisa & contusa dentur in charta.

Coquantur in lacte dulci vase clauso. Deinde spon-
giâ vel linteo quadruplicato in decocto isto tincto intesti-
num foveatur, tenteturq; intestini repositio. Intestino
reposito Cataplasma sequens imponatur, ne denuo
excidat.

R. Farinæ Volatil. ʒij.

Sangu. Dracon.

Boli Armen. Rad. Plantag. Maj.

Mastich. an. ʒij.

Cum Albumine Ovorum & parum vini rubri

f. Cataplasma.

Inungatur duplicato linteo. Sumi quoq; potest asser-
culus novus ligni querni, cui calido inungatur sævum cer-
vinum, illiq; deinde insideat æger.

V.

Casus singularis vulnerati abdominis.

Honoratissime Domine

Postquam A. 1676, DEO propitio feliciter appuli ad
Bantam mense Novembri navi, quam albam Fortu-
nam vocant, eaq; exonerata mercibus Societatis Danicæ &
Norvegiæ, Amplissimus Dn. *Johannes Joachimus Paulli*
Residens Regiæ Societatis Indicæ, misit Orientem ver-
sus ad vendendas merces non nullas, emendasq; asseres &
trabes. Et quia ego valetudine minus prospera detentus,
Bantam subsistere cogebar, accidit die 20. April. st. v. vel
1. May st. n. Ann. 1677. ut die isto Sabbathi nuntium ad
præ-

prædictum Dominum Paulli aliquoties mitteret Anglicus Agens Arnoldus Weit, prudens & officiosus Vir, amiceq; invitaret ut secum ad Lotionis locum perfluvium trajiceret ad conferendos sermones de transfuga Johanne Henrico Schytte. Non posuit hoc illi negare Dn. Paulli jure amicitiae, cum etiam multum interesset Societati, ut fugitivus ille revocaretur ad Societatem Danicam. Igitur in comitatu multorum splendidissimorum hominum ad prædictum locum tendebant singuli sua scapha, nempe Anglicus Agens, Dn. Johannes Joachimus Paulli, Dn. Williby, cum conjuge, quæ utrum postremis mensibus gerebat, Dn. Nord Anglorum summus Capitaneus in Zambi, aliiq; plures. Cum, Sole ad occasum vergente domum redire meditarentur suoq; ordine scaphæ singulæ proveherentur, ubi medium itineris absolvissent, tragicus casus miserabilis & detestandus accidit. Nequissimus quidam Javan, genutenus aquæ insiltens, brevi sed acuta utrinq; lancea tres digitos lata, Anglici Agentis latus dextrum perfodit, qui sanguinis profluvio post mediam horam expiravit. Sequens suo ordine in Scapha sua Dn. Paulli, in tenebris nesciens quid Agenti accidisset, ab eodem Javan petitur, vulneraturq; in trochantere. Dn. Paulli sentiens ictum, vertit se, ut ex scapha exsiliret, interea peractus est ictus, ibiq; aliquot muscoli resecti, cum tendonibus, fibris, & nervis sursum tendentibus, pertusoq; ramulo Venæ Cruralis, unde singulari DEI providentia lancea se vertit ingressaq; est plana sui parte infra umbilicum, ubi cutis, pinguedo, una cum musculis transversam manum latè à Peritonæo separata fuerunt, lanceaq; suo acumine magnam laciniam ab ipso hypogastrio dilaceravit, vulnusq; effecit spithamam longum quatuorq; digitos quod ample hians horribilem faciem repræsentabat, ubi


etiam quinq; vel sex fibulæ impositæ. Dum ita vulneratum se Dn. Paulli sensit, exscapha provolutus in fluvium evasit sicarii periculum.

Non potui intermittere quin simplicissimè enarrarem statum Vulneris, & quid in eo consideratione dignum fuerit, & quam periculosum, nisi Omnipotens DEUS ex singulari gratia avertisset. Primò in vulnerato Trochantere, si ictus profundius descendisset & extrema Musculorum qui os movent itiq; firmiter adhærent, rescuisset, evenire debuit motus impotentia. Deinde, vulnerati sunt duo muscoli, qui ab osse ilium, & cum nervoso tendine inseritur in Trochanterem, ut eundem extendar. Hi muscoli sunt in origine sua candidi, & angustas insertiones habent, quæ diligenter sunt consideranda quando circa Trochanterem vulnera fiunt. Tertiò: Si ictus, pollicis crassitie, altius penetrasset, ut læderetur ramus major, qui una cum nervo magno ad genu pergit, venaq; cruralis pertula fuisset, magna sanguinis profusio sequi potuisset, ex qua sæpe animam cum sanguine vulnerati profundunt. Quartò: nisi lancea singulari DEI providentia sese vertisset, cum in hypogastrium descenderet, illæso tamen peritonæo, sed acie sua ulterius ingressa fuisset, extremum vitæ periculum timeri potuit, quia prope os pubis locus ille situs est, ubi sitæ sunt partes generationis, ubi etiam intestina vulnerata fuissent, morte insequente.

Ego quidem primus fui qui vulnus obligavi: si quidem verò multum pro Societate Nobili intererat laudatum Dn. Paulli salvum esse, consultum visum fuit ex Batavia evocare Chirurgum peritum. Quod curæ fuit Nobilissimo Dn. *Johanni Maatsuycher* Generali in Batavia, qui expertum & Doctum Chirurgum Reymerum de Witr huc misit, convocato præterea perito Gallorum hic degentium
Chis



Monstrum Ovinum



Chirurgo Guilhelmo de Comball, quorum nobiscum diligenti opera DEUS benedixit cœptis nostris, ut non tantum Symptomata prava averterentur, sed cura feliciter successerit, Etc.

Johan Siller Chirurgus

Bantam 16 May.
1677.

Danicus in Castello Dansborg
Indorum.

VI.

De Cataractæ causis, & Monsfri Anatome.

SI conjecturæ locus, ego de causa & foco suffusionis sequentia statuo, videlicet (de ætiologia hujus affectus secundum Galeni Scholam nihil addo) succum nutritium lymphaticum, qui humori crystallineo in nutrimentum cedit, extra suum locum esse propulsum, & in modum abscessus vel alicujus excrecentiæ tanquam appendicem aliquam humori crystallineo adnatam esse, ita etiam hæc passio insidet humori crystallino tanquam suo foco. Hanc meam conjecturam stabilis 1. quod corpuscula omni colore careant. 2. quod etiam minimi pulvisculi in aëre volitantis intuitum licet ea corpuscula inter visum & pulvisculum medium locum teneant, non tollant. Si ab aliquo humore hic affectus esset natus qualiscunq; etiam ille foret, 1. aliqua coloris tinctura gauderet, sunt verò humori crystallineo simillima, i. e. omnis coloris expertia. Posset autem hic humoris crystallinei abscessus facile addensari, si libero affluxu quorumlibet humorum gauderet; eos exhauriunt fontanella & pulvis nasalis Tuus, tumq; emplastra temporibus applicata. Mirum nihilominus est, quod rerum à meo visu contemplatarum simulachra,

etiā postquam ex visui meo sint subtractæ, in oculis circumferam, vestigiaq; diutius inhæreant. e.g. discus Solis & alia phænomena lucidiora, cujus rei ætiologiam ego à fortiori rerum spectandarum apprehensione, quæ fit in retina, deduco. Quemadmodum nunc de suffusionis ætiologia aliter ac alii philosophor, eodem modo divortium facio in causis reddendis vel foco guttæ Serenæ assignando, quem communiter in obstructione nervorum opticorum collocant, verum enimverò, si nervi optici forent obstructi, non solum visui cæcitatem, verum etiā ob privationem alimenti, quod per hos nervos impellitur vel trahitur, tabem aut oculorum marasum conciliarent, quare hi nervi sunt salvi, & alibi focus quærendus. Kiliz 21 May 1678.

Joh. Ludovic. Hanneman

Med.D.Prof.Phys.Leopold.

Societ. Collega.

P. S. Mitto iconem monstri informis Ovini, in qua

- A. Sunt pedes anteriores.
- B. Pedes posteriores.
- C. Nasus depressus instar nasi hominis.
- D. Umbilicus cum vena propendente.
- E. Vestigia mammarum.
- F. Vestigia genitalium.
- G. Vestigia ani.

Ego statim acceptum monstrum in præsentia trium Studioforum Medicinæ & cujusdam civis hujus loci (inter quos tunc erat *Georgius Kus* Med. Studiosus) cultro Anatomico subjeci interioraq; scrutatus.

I. Ex.

1. Exterior cutis glabra, alba instar humanæ cutis sine pilis, imo sine ullo pilorum vestigio.

2. Post aperturam conspectui sese obtulit materia serosa, qua & impletum erat universum corpus, excepto capite. Intestina pellucebant fere ob sericopiam, quo circumfluebant. Erant præterea adeo confusa, ut nullus ordo, nullumq; discrimen inter ea investigari posset, intestino colo annatum parvum quoddam instar lumbrici albigyris & anfractibus gaudens.

3. Color hepatis erat satis naturalis, Lobus sinister solito rubicundior, dexter verò subnigricans apparebat. Cæteroquin Epar magnitudinem naturalem corpori adæquatam obtinere videbatur, sed contextum mollem contraxerat vitio sevi, cui innatabat.

4. Cordis figura nihil insoliti continebat, ejusq; conus medium respiciebat thoracem. Arteriæ benè dispositæ, arteria Magna videbatur duplex satis magna, firma albescens, ne guttam Sanguinis continens, sed Serum.

5. Pectus ut regio ventristum intestinorum materiam glandulosam instar piscium spermatis granulatim coherentis continebat.

6. Nulli aderant renes.

7. Omentum sese representabat per istam modo dictam membranam pellucidam glandulis intertextam.

8. Lingua inferiori oris parti tota annata multoque sero imbuta, colore albescenti prædita, ejus substantia pellicula alba & satis firma erat obvoluta, quæ pellicula firmiter adhærebat dictæ oris parti.

9. Ad oculos nulli patebant ductus, nervi optici nulli, os imperforatum, & ne vestigium quidem ductuum exhibebat.

Nobi-

Nobilissimus & Doctissimus Juvenis *Adolphus Conradus Langelott* Cimbræ nostræ Æsculāpii & Hermetis redivivi, communis nostri Amici filius talem historiam Lugduno Baravorum ad me perscripsit 23 Aug. An. 77. referamq; propriis ejus verbis: Nuperrimè hic fuit editum monstrum aliquod, ubi duæ puellæ alias bene formatæ pectore sibi invicem erant adnatæ. Unum umbilicum tantum habebant, duo capita & quatuor pedes, totidemq; manus. Sat magnæ erant, valdeq; formosæ, ut omnes Medici eas admirarentur, placenta fruebantur una, cui filiulus (qui adhuc in vivis est) quoq; erat alligatus. Nam tres in utero gessit, peperitq; fœtus. Ego ipse vidi, cæterum istæ puellæ statim in ipso partu fato sunt functæ, quoniam obstetrix illas vivas educere non poterat.

VII.

De Vermibus in aceto & Semine

Ex Epistola *Thomæ Bartholini* Filii Profess. Hafn.
scripta Leidæ XXVIII May 1678.

VIdi apud *Myssenbruchium* microscopiorum artificem, quomodo instrumento *Boyleano*, columbæ & ranæ vitro inclusæ, aërem ita expresserit, ut Spiritum efflaverint. Quod sanè notabile fuit, cum *Boyleus*, si rectè memini, ranam eo modo extingui posse constanter neget. Eleganter etiam adjumento microscopii globulos in sanguine humano, & vermes in omni etiam paucissimo aceto conspexi. Addidit insuper, observasse sese, semen humanum animal culis multorum generum esse repletum; idq; verissimum esse postea mihi dixit *D. Voller*, Philosophiæ Professor Doctissimus.

VIII. Ab.

VIII.

Abscessus Ossis.

IN ædibus Philippi Hacquart Chirurgi Regii peritissimi, præsentibus Medicis, sectus fuit pes à milite detruncatus, in quo præter alia notavimus per abscessum exesam & absumptam fuisse tibiæ partem, quæ exinde in pede defuit ad quinque digitorum transversorum capacitatem. Eodem abscessu musculi pedis ejusdem, prorsus glandulosi evaserant, quam metamorphosin satis admirari non potuimus, in diversas conjecturas abrepti.

IX.

Antimonii diaphoretici damna.

INstante vere Sudoriferum ex Theriaca, Antimonio diaphoretico gr. vii &c. filix suæ exhibuit Vir Reverendus, ex officina quadam Urbis petitus. Statim sudoris loco oborta tormina ventris & anxietates, cum siti & ardore ingenti, qui sedari non potuit nisi propinata cerevisia calida. Hinc vomitus secutus & fluxus alvi cruentus, qui mitigatus fuit exhibita Theriaca cum lacte. Alia quoque Symptomata comitabantur, lipothymia, extremitatum partium frigus, pulsus intermittens horulæ spatio, convulsiones &c. Oblatis alexipharmacis sedata omnia. Pharmacopœi servus cuncta legitime præparata dicebat, nec venenum in vicinia adfuisse, nec mortarium impurum. Antimonium quoque, optimè ante 14. dies à se ipso præparatum Pharmacopœus dejerabat, colore adhuc candido monstrandum, & sine noxa à se ad scrupulum medium devorandum. Existimavit verò puellam hystericam
D
fuisse

fuisse, cujus tamen affectus nulla comparebant indicia, & cura per alexipharmaca & lachrye suspicioni repugnat. In quem culpa reicienda, expiscari nequivimus. Casus verò fortuitos nec Pharmacopœum nec Medicum ullum præstare posse, nemo ignorat. Pacis amore Vir Religiosissimus DEO vindictam, commisit si quidem in Officina culpa lateret. Convaluit enim virgo, quanquam lento gradu & cottidiano medicaminum usu, orbiq; testis est, quam periculosa sint medicamenta ex Antimonio malè fido confecta. Summa necessitas me ad hoc remediî genus vix propeller. Antimonium enim & Mercurius mihi semper fuisse suspecta. Levissimus quippe error in præparatione commissus vitâ hominis expiatur.

X.

De radice Indorum Nisi.

Allata ad nos est his annis ex India Orientali cum navibus Societatis nostræ Indicæ, Radix quædam, quâ vocant Nisi, saccharo condita magno satis precio, sed sapore non adeo delicato. Lardum enim coctum sapit. Alias verò dotes & virtutes depredicare nesciunt, qui hanc degustarunt. At Major ejus in India fama & estimatio. Misit aliquot ex India radicis hujus exemplaria recentia non ita pridem *Johannes Joachimus Paulli* Societatis Danicæ in Insula Javâ Præfectus ad Parentem Virum incomparabilem *D. Simonem Paulli*, cujus beneficio debemus, quod hic ejus mentionem facere possimus, his additis literis, scriptis in Bantam 4 Oct. 1676: Cum morti vicinus decumberem, à Chinenſi quodam hic curatus sum, Virales spiritus penè consumptos restituit radice

dice quæ Ginseng in China , & Nisi in Japonia vocatur. At quia hujus etiam mentionem facit *Athanasius Kircherus* in *Descript. Chin.* p. 178. quatuor ego radices Nisi transmittere volui , ut etiam de virtute illarum in Dania experimentum fieret. • Auri pretium æquat, pondus enim illarum totidem auri pensatur. Hactenus ille.



P. Martinus in *Atlante Chinitico* pag. 35. ita hanc radicem describit : *Jungfeng* urbs recta in Ortum ab urbe Regia *Peking* protenditur, tota regio montibus collibusq; extuberat , quia tamen adjacet sinui maris *Cang* , nihil eorum, quæ ad vitam sustentandam necessaria sunt , magnopere in ea desideratur. Magna piscium copia est, nobilissimæq; radices totâ Sinâ celebratissimæ *Ginseng*, Japonibus *Nisi* : nomen Sinicum illi à figura , divaricatis quippe cruribus hominis formam refert (*Gin* porro hominem significat) *Mandragoram* nostratam credas, nisi quod ea multò minor sit , quin illius tamen species sit aliqua, nullus dubito, quippe quæ & formâ & vim habeat. folia ejus mihi hactenus videre non contigit ; siccata radix

D 2

flave

flavesceat, fibras seu capillos, quibus alimentum sugat, vix ac ne vix quidem habet, nigricantibus venulis tanquã subtili atramento ductis circumspersa est; Cum manditur dulcedine ingrata est nonnulla ad mista amaritie, sed tenui; auget plurimum vitales spiritus tantævis uncie vix duodecima pars dosis sit. Sumptum illius pondus paullo amplius debiliū vires restaurat, suavem corporis calorem excitat, Balneo Mariæ, ut vocant, cocta adhibetur, atq; fragrantem ad instar aromatū exhalat odorem, calidioris fortiorisq; naturæ qui sunt, ejus sumptione vitæ periculum adire solent, nimium auctis exundantibusq; spiritibus, debilibus, fatigatis, vel morbo diuturniori, aliave de causa exhaustis ad miraculū prodest; moribundis ita vitales quandoq; vires reddit, ut sæpe illis adhuc Tempus sit sumendis aliis medicamentis sanitatiq; recuperandæ. Mira alia de hac radice Sinenfes prædicant, triplo argenti pondere appensa emitur libra.

Gentianam huic præfert *Kircherus* nobilioribus dori- bus præditam, idq; folia, saporem, radicem, virtutem, satis ostendere. Vitam tamen neutra perennare facit, ut rectè censer laudatus Pater. Sed folia Nisi *Martinius* nunquam vidit.

XII.

*Processus Judicialis Virginis veneno Heræ
extinguere conantis.*

Virgo Nobilis in familia Illustris Comitum degens, nescio quorum instinctu, arsenicum Heræ exhibere decreverat. Arsenicum à vetula emit, præparat, miscet potioni cerevisiariæ, quam Hera haurire debebat, aquis cordialibus ad quas subinde Hera valetudinaria recurrere
foliis

solita est. Successit Virgini consilium. Cum portione cerevisiaria haurit Comes venenum, sed DEI & Naturæ beneficio innoxium. Oborto enim vomitu violento rejecit sumptum pharmacum, in terra ebulliens. Malè habuit tamen Comes & alexipharmacis imminetia mala, quantum possibile, avertit, diu vel metu pharmaci vel veneni indole anxiam vitam inter querelas traxit, donec sensim convalesceret. Inter alia alexipharmaca, etiam lapidem ex India allatum, quem *Cobras de Cabelo* vocant, brachiis apposuit, quibus adhæsit velut venenum attracturus. Credo tamen etiam corpori sine veneni suspitione appositum adhærere, spongiosa sua natura. Id quod etiam censuit *Fraus. Redi* Naturæ consultissimus in Experim. Natural. de his lapidibus scribens: Negari non potest, quod vulneribus illis adhæreant; sed hoc addatur necesse est, illos quibuscumq; vulneribus non venenosis, atq; ad eò cuicumq; parti corporis adhærere, quæ quidem molles sunt, & sanguine vel quo alio liquore madent; eadem ratione, qua exigui illi panes terræ sigillatæ, & omnes aliæ bolorum species.

Virgo indicijis veneni propinati convicta factum confitetur & voluntatē necandi Comitissæ suæ heræ, sed ab alijs ad id persuasam. In jus vocatur. A Commissariis Regijs capitis damnatur. Neq; id injuria. In simplici enim homicidio, dolus ad pœnam sufficit, etiamsi eventus non fuerit secutus. Conforme id juri Civili, adeò ut qui strinxit gladium & cum telo ambulavit hominis occidendi causa, lege Cornelia de Sicariis teneatur Lib. 48. D. tit. 8. leg. 1. §. 1. 3. & Leon. Novell. 35. Quibus ferè consentit Codex Legg. Danicarum L. III. c. 67. Quanquam mitior pœna in Jure Aulæ Danicæ, vulgò *Gaards Rætt* §. 7. statuatur, manus perforatio. Ab eodem rigore recessit

quoq; Communis Schola Interpretum Romanorum , & usus fori in toto fere orbe, ut conatus cædis non ultimo supplicio sed extra ordinem mitius puniatur , præcipue cum ad actum cædi proximum perventum non est. *Ant. Mathæus* De Criminibus ad h. l. Digestorum accedit mitiori parti, quia 1. Sacra Scriptura consummatam cædem exigit. 2. Providentiam & misericordiam divinam revereri debemus, quod utriusq; vitæ consuluerit, sicut *Plato* illustrat l. IX. de Legibus. Ipse conatus veneno interficendi, nisi morte secuta, capitalis non est moribus Anglicis, notante *Th. Smithio* Lib. 2. de Rep. Angl. c. 27. quia Princeps Subditum non amisit, & vitam, nisi morte secuta, amittendam fuisse non placet. De Veneno quidem in jure Danico nulla lex lata, quia ignota hæc flagitia hætenus apud innocentem gentem nostram , & sanctius ad Oceanū nostrum vivere consuevimus. At jus Romanum facem præbet. Plus ibi est hominem extinguere veneno quam occidere gladio *Lib. IX. C. tit. 18. de Maleficiis §. 1.* Ergo & conatus seu voluntas propinandi venenum majorem poenam involvit. Tenetur verò lege Cornelia qui hominis necandi causa venenum confecerit, dederit. *L. 48. D. de leg. Cornel. tit. 8. l. 1. §. 1.* Item Leg. 3 *Marcianus*: Ejusdem legis poena ad fitur, qui venenum necandi hominis causa fecerit, vel vendiderit, vel habuerit. In mitiorem verò Sententiam pro virgine octodecim annos nata libenter propendissent judices, memores edicti Paulini in l. 108. *D. de Reg. Juris*: ferè in omnibus judiciis poenalibus & ætati & imprudentiæ succurrendum. Cæterum mitigari non potuit poena; in facto apud nos insolito, ne in exemplum traheretur. Imò mitissima poena videbatur capitis, cum parricidii poenam mereretur illa quæ heram suam veneno interimere tentavit. Matris enim loco

loco erat hera tam benefica. At lege Pompeja poena parricidii illi infligitur, qui emit venenum, ut Patri daret, quamvis non potuerit dare. Lib. 48. D. tit. 9. l. 1. Hinc *Plato* l. 9. de Legibus, quanquam vetuisset vulnus occidendi animo illatum morte puniri, tamen filium, Servum, fratrem, conjugem ob solum conatum capite plecti iussit. similem casum affert *Loccenius* Synops. Jur. p. 679. servi Holmiani volentis veneno extinguere herum, & eapropter capitis damnati.

Virgo tamen in sui excusationem juramento affirmabat se ad facinus hoc persuasam ab alia Matrona Nobili vicina, quæ simultates alebat cum Comitissa, & per internuntiam quandam vetulam, Luciam nuncupatam, ad animatam oblato pomo tosto intoxicato, uti rebatur, quo sumpto tantum animi se concepisse, ut quodvis facinus intrepidè perpetrare parata esset. Omnia verò hæc quæ Matronæ vicinæ Virgo imputabat, etiam jurejurando, strenuè à Matrona negabantur, quia unus, maleficii convictæ, confessio pro nullo habetur ex Recessu Christiani Tertii §. 18. Poma verò integra fuisse, & pro tussi sedanda Virgini missa.

Actio igitur contra Luciam vetulam & edentulam instituta, quæ conscia facinoris judicabatur vel prima instigatrix, ex Virginis Nobilis testimonio, ex alterius vetulæ vendentis confessione missam se à Lucia ad Virginem, ex tertiæ mulierculæ confirmatione quæ utramq; in platea colloquentem viderat & istam mox ad ædes Virginis ingredientem. Tribus his testibus suspicio confirmata. Nam quanquam Virginis testimonium minus ponderis habere videretur, tamen Testis unus inhabilitas, habilitare alterius compensatur. Alia præterea Luciam aggravabant. Statim enim postquam vetulam cum arsenico ad

Viræ

Virginis ædes misisset, tabulatum vicinæ Matronæ Nobilis concitato gressu adscendebat, visura an Virgo arsenicum emeret. Variis etiam mendaciis coram iudicio se suspectam reddidit. Eadem poma tosta Virgini attulit, quæ intoxicata credebantur & illis rebus infecta quæ audaces homines faciunt. Scribunt enim Botanici de radice Cattiariæ, ad audaciam accendere si sub lingua teneatur, idq; ob calidas ejus qualitates.

Contra Matronam Nobilem à Virgine infimulatam varia utrinq; disputata fuere, dissentientibus Commissariorum votis. In Supremo tandem Tribunali, cui præsidebat ipse Rex Augustissimus, latâ sententiâ finali, Virgo capitis damnata, Lucia virgis cadenda urbe & Regno excedere jussa, Matrona Nobilis ad Insulas relegata. Hic finis Tragediæ.

XIII.

Rara monstrosi Ascitis historia.

ANcilla quædam fuit hic Otthinæ, cujus abdomen ita distenderat Ascites, contabescentibus facie & artubus, ut, qui oculis eam non subjecit suis, animo concipere vix possit. Certè cum ventre foetæ vacæ certabat miscellæ Aqualiculus, infra genua ipsius exporrectus; qui tandem, anima cassus, Professorum novacula pependit vitiosæ lymphæ 120. libras, seu cantharos triginta, nobilioribus putredine consumptis visceribus. Ego, ante mortem ipsius, (quæ jam tum suspicabatur se à Dæmonio obsessam) ab ægrota varia quæsi vi circa hujus mali causas, quorum hæc notatu dignissima sunt. Conquerebatur se, tredecim annos ante fatalem vitæ terminum, lignum prægrande, cui non erat portando, bajulasse, & statim ab illo tem-
pore

pore dolorem se in sinistro percepisse latere, quem postea ulcisci coepit internus quidam tumor, trulatilis, qui in eodem semper hæreere videbatur loco, per octo priores annos, sine insigni molestia, attactui tamen digitorum cedens, huc & illuc propelli potuit. Elapso tot annorum spatio accidit, ut è curru præceps in terram deflueret; mox tumorem rumpi sentiens, referatis nescio quibus cataractis, intumuit actutum, imminenti cataclysmo gymnasium præbitura. Atq; ita in monstrosam indies accrevit magnitudinem, post fatalem hunc lapsum, dolorum plenissima, per octo integros menses lecto miserrime detenta, non sine quotidiano minitantis rupturæ metu. In causam subitanæ istius post lapsum intumescentiæ inquirere ne graveris. Ego puto vapulasse lienem (qui in defuncta obduratus emarcuisse prorsus observabatur,) ejusq; vasa lymphatica lymphâ terosiore diu multumq; distenta, rupturâ sua violentæ huic parentasse concussioni. Otthin. 24. Jun. 1679.

Georgius Hannæus.

XIII.

De Ovariis Mulierum.

Ad D. Guilielmum Rivam Anatomicum Romanum.

Unquamne ergo ab antiquis & diu confirmatis erroribus Anatome liberabitur? Semperne in dubiis incertis versabitur scientia nobilissima, quæ rectè considerata inter primas certissima est? Jam satis diu cum iteratis somniis & præconceptis antecedentium opinioibus colluctata caput erigere posset, & veterum illum ignobiles umbras excutere, nisi quorundam perfracta

E et

Ita & præjudicata mente adhuc dubia pro certis, falsæ pro indubitatis proponerentur, & ita nuperus Anatomiz restitutus splendor supprimeretur, atque in multis jam certis determinata veritas studio perverso occultaretur. Ita plures adhuc videntur ingenio fundatas suppositiones & nescio quam innumerabilem Autorum seriem veris experimentis præferre, adeoque hoc pacto nunquam ex antiquis tenebris emerget neque altam caliginem plenè discutiet Anatome. Tantum præjudicata opinio potest, ut etiam sine ratione valeat autoritas. Hinc est quod in Recentiorum etiam scriptis plurima ad oleum potius & piper condemnanda veniant, quippe cum ostendi possit eorum mentis oculos solos in consilium adhibitos, in multis errasse, alia excogitasse quæ non vera, non pauca admisisse quæ falsa, idque neglecto vero rerum examine, quod ab iis non poterat expectari. magnum, qui ex librorum pondere & Autorum numero commendationem quærent, & extra veterum dogmata aliquid sapere religioni sibi ducunt. Et sane errorum in Anatome omnium causa hinc proxime orta videtur, quod quilibet potius vanam nihil ignorandi, quam ingenuam quædam ignorandi, professionem amplexus sit. Adeo ignotum per magis ignotum passim explicatur, cum omnia specioso veri titulo adornantur & verbis nihil significantibus circumscribuntur. Cum tamen nesciam, quare pudori mihi sit ducendum, liberè fateri, me quædam planè ignorare, de aliis dubitare, nonnulla, ut certa, admittere. Quippe cum homines simus humanum esse recordamur non omnia nosse. Haud ullo in genere venia justior est, si modo, quod *Plinius* inculcat, minimè mirum est, hominem genitum non omnia humana novisse. Et hoc est Socratici præcepti, qui, fateri quempiam nescire quod nescit, turpe non esse asseverabat. Nam quod de errore monet

Cel-

Celsus l. 8. c. 4. hic de ignorantia dicam, ejus simplicem confessionem interdum etiam convenire magno ingenio, multaque nihilominus habituro, præcipuè in eo ministerio quod utilitatis causa posteris traditur, ne qui decipiantur eadem ratione, qua quis antea deceptus est. Et hac methodo majorem acquireret Anatome perfectionem, cum distinguantur ea de quibus dubitari non potest, ab iis quæ ulteriori cura investiganda sunt, ut ex dubiis, & incertis vera plane vel falsa evadant. Verumenimverò, quod maxime dolendum est, non paucos vanæ arrogantia in transversum rapit, qui, ne quicquam ignorasse videantur, omnia veris similia pro veris venditant & falsa specioso velo tecta pro veris obtrudunt. Pulchrè *Cartesius* de Methodo: Qui volunt scire de omnibus loqui & eruditioris famam sibi comparare, eò facilius perveniunt, si verisimilitudine contenti sunt, quæ sine magno labore in omni genere materiæ inveniri potest; quam veritatem investigando, quæ paulatim tantum in quibusdam patet, & cum de aliis loquendum est, ad ingenuam ignorantie suæ confessionem impellit. Si vero paucarum aliquot veritatum notitiam præferant vanæ nihil ignorandi professioni, sicut proculdubio præferenda est, longè aliter se res habet.

Plerique in nova inventa acriter insurgunt, & non solum res, sed & homines qui illas proponunt & vindicant, irritui habent, sed falluntur ii, nisi fallor ego. Quippe si res vera est, non est nova, cum nihil tam antiquum sit ac veritas. At sola erroris deprehensio nova dici potest. Et quia hæc non satis distinguuntur, ideo plurimi ridiculosè proclamant Naturam everti, quando solum falsa opinio evertitur veteri præjudicio firmata. Annon Parens meus, & *Harsiejus*, alique, qui vel sanguinis circulum vel lymphæ lactificæ vasa & viam demonstrarunt; quisque suos habuerunt

manes, & nil nisi invidiam reportarunt? cum tamen unusquisque, qui sensibus fidem denegare non velit, cogatur, vel invitò fateri, nihil illis inventis novis vel antiquius vel Naturæ acceptius esse. Non feliciorem applausum in incunabulis suis experta est nupera de Genitalibus Mulierum deprehensio erroris, quo falsò hætenus putatum fuit, partes Mulierum Genitales virorum partibus analogas fuisse, cum tamen Ova in Ovariis mulierum Recentiorum cura detexit. Manserunt tamen hætenus difficultates quædam, quæ novo & felici invento videbantur contrariæ, quibus quia ex Observationibus sæpius factis me non nihil satisfacere posse spero, non dubitavi hoc publico notum facere, ut & aliorum inventa confirmem, & de præclara re cunctis omne dubium eximam.

Et ecce his cogitationibus commodum Tu supervenis, Vir Clarissime, dum meam de Ovariis Mulierum & reliquis ad Generationis Historiam inde pertinentibus sententiam exquiris, quam, his paucis comprehensam, æquo animo sic accipe,

Namque Tu solebas

Meas esse aliquid putare nugas.

Jam tum in nuperis de Diaphragmate Observationibus, Parisiis editis, ubi de sanguine locutus sum, hunc pro principe parte habui, reliquas vero omnes hujus ministras, vel propellentes, ut cor, vel varios liquores sive secernendos sive secretos admittentes & emittentes, ut hepar, glandulas omnes, &c. Ita varia emergunt secreta sive utilia, vel individua, ut humor resolvens, vel speciei, ut seminalis liquor, sive inutilia, & ea ærea, ut vapor, aquea, ut urina, aliaque. Ut verè dici possit, omnia *secerni ex sanguine, per cribra, in excretoria vasa*, & vel in sanguinem redire vel partibus apponi, vel in alios usus extra receptaculum sang-

sanguineum eliminari. Hinc patet omnium functionum conservationi tam individui quam speciei destinatarum communis conditio, dum in singulis nihil fiat, nisi humorum à fluido interno, sive sanguine, secretorum, per angustiarum sanguinei vasis cribra, singulis humoribus propria, excretio.

Hæc est conditio omnium functionum individui conservationi necessariorum, ut latius alibi demonstrabitur. Nec diversa reseat de iis quæ pro specie conservanda instituntur.

In partium seminalium viæ consideratione, habemus angustias sanguinei vasis, vasa excretoria, sui generis substantiam, & quod ex sanguine secretum hac via excernitur.

In viris angustia vasis sanguinei reperiuntur in testiculis, vesiculis seminariis & prostaticis: Vasa excretoria sunt vel confluentia in canales plures visibiles, ut brevissimi canaliculi prostaticarum; vel confluentia in cavitates amplas, ut illæ vesicularum seminalium, vel meatum longum, sed angustum, ut longissimi duo canaliculi vasorum deferentium.

In mulieribus angustia vasorum sanguineorum reperiuntur in testiculis ita dictis communi loquendi modo, aliàs propriè ovariis dicendis, inque uteri tum corpore tum collo & vagina; vasa autem excretoria tum in placentæ parte utero annexa, ut meatus excernentes materiam ovo transmittendam; tum præterea totus meatus à loco ubi ovum continetur in ovario, per uterum & vaginam; tum alii in vagina canaliculi, glutinosum humorem, pro semine muliebri habitum, suppeditantes. Parenchyma vero est & placentæ utero coherens, vel potius ex utero protuberantis, propria substantia, & alia prostaticis virorum

analogia. Nam an ovarii propria substantia ovis circumfusa huc referenda sit, dubito.

Quod vero spectat organa Generationis in mulieribus, considerandum est eosdem hic errores commissos esse, qui & aliis partibus familiares sunt, nempe ex partium Analogia non recte instituta. Nimirum quia plerique vix facta levi paucarum circumstantiarum observacione, ad similitum rerum analogiam illico se conferunt, & quod observacioni deest, ex aliarum rerum ante, & nonnunquam perperam, perceptarum idea supplent. In proprio cerebro systema sibi formant, ad quod viscera ex placitu proprio distinguunt, & ita ex nonnullis solum partibus corporis ejusdem naturæ consideratis, genus sibi formant, priusquam omnes, quæ ad hoc reducuntur, species exactè examinarunt. Hoc facto partes corporis quæ ad genus illud, in cerebro eorum natum, reduci nequeunt, ejusdem esse naturæ non induci possunt ut credant. Quemadmodum hepar pro glandula habere nequeunt, quia aliis, quas glandulas illi appellant, neque colore neque magnitudine responderet. Attamen unde illi, nisi ex præconcepta opinione, exploratum habent, reliquas, quas ipsi putant glandulas, hoc nomen justius quam hepar mereri?

Nec aliter orta est, quod alibi monui, de carne musculo-
sa æquivocatio, quam habuerunt pro substantia tomentos-
sa replente spatia fibrarum in musculis, unde per analogi-
am applicuere eandem vocem reliquis similibus substan-
tiis. Cœterum si per carnes intelligimus (verba jam
refero quæ alibi proposui) partem sensibilem non fibro-
sam & mollem, tantum unius generis reperietur caro quæ
substantiam, licet quæ colores variè dividi possit. Nec
enim alibi reperitur quam circa angustias seu vasa capil-
laria receptaculi sanguinei, cribra seu viscera constituentis

ut

ut in hepate, glandulis aliis, cerebro, &c. Differentia autem à colore desumenda incerta erit, non solum ratione diversorum animalium, sed & ratione diversitatis temporis in eodem animali. Nam in eodem hepate interdum rubet, interdum flavescit, & arte omnia viscera alba reddi possunt. Quod si talem carnis ponamus significationem, vera caro musculorum sub illa non comprehendetur. Quare substantiam mollem non fibrosam appellabimus parenchyma, sive glandulosum sive alterius naturæ, & carnis nomen reservabimus soli parti fibrosæ, molli, aptæ ut in seipsam contrahatur, quæque nullas nisi cum tendinibus utrinque angulos habet. Quæ omnia quamvis in Corde deprehendantur, fuere tamen alii qui peculiarem & sui generis substantiam cordi tribuerunt, quia sibi persuadere non potuerunt, cum musculus id quicquam habere commercii, cujus fibræ non secundum rectam lineam extensæ sunt. Cum tamen considerandum fuisset, illud ex musculi essentia non esse, quemadmodum in aliis musculis apparet, quorum fibræ non omnes eadem via incedunt.

Ita, inter plures ex Analogia non recte instituta ortos errores, hic etiam invaluit, quod in Mulieribus voluerint partium genitalium analogiam instituere cum partibus genitalibus uirorum, & neglexerint analogiam instituendam inter partes genitales foeminarum omnium specierum quæ hactenus natæ. Hæc enim analogia evidenter demonstrat diversarum specierum foeminas saltem in eo convenire, quod contineant primò *Ovarium*, seu vesiculas inclusas membranis, habentibus vasis sanguinei angustias & sui generis substantiâ, unde & sponte separantur tempore convenienti, & per artem illæ extrahuntur; Deinde *Oviductum*, seu canalem patentem & versus ovarium & extror-

extrorsum, qui in quibusdam simplex est, ut in Avibus, in aliis duplex; Et ubi duplex est in quibusdam circa medium divisus est, sed circa extremum utrinque in unicum ostium concurrit, ut in pisce à *Stenonio* dissecto ex canum genere; in aliis autem circa extrema interiora divisus manet, ut in muliere & quadrupedibus.

Hæc ante me alii non ita pridem adverterunt, quæ publicis scriptis testati sunt, *Steno*, *Swammerdam*, *Kerckringius*, *Graaf*. Cæterum quamvis ego etiam clarissimè ova in testiculis mulierum viderim & demonstraverim Hafniæ, Lugduni Batavorum, Parisiis, Florentiæ, Romæ, alibique, nihilominus remansit mihi eadem cum aliis difficultas, quam novo invento prætendit *Diembroeckius*, qui ova in Ovario mulierum admittere non ausus est, nesciùs unde tam copiosum, qui in coitu profluit humorem deduceret, nisi à testiculis qui semen suum profunderent. Nimirum ductus quidam cæci, qui substantiam urethræ perreptant, à *Graafio* describuntur, quos non sufficientes huic muneri arbitratus sum, sed alios circa exitum urethræ & vaginæ orificium vidi magis patentes, quos etiam huic humori excernendo idoneos crediderim, præcipue cum attentius considerati originem utrinque ducere videntur à substantia quadam glandosa, prostates virorum ferè analogæ, vel sane illi similis, quam in urethra ductus, à *Graafio* descripti, perreptant. Conspectiora hæc in Vaccis non semel deprehendi, in quibus ad latera vaginæ, non procul ab urethræ exitu, utrinque glandula insignis canalé emittit, qui conspicuo & in pupilla, quando premitur glandula, prætuberante ostio, intra vulvam aperitur, quem cum sua glandula à nemine, uti credo, hætenus notatum. descripsi Lib. de Diaphragmatis structura, c. 3. sect. 5. Illa ex plurimis glandulis conglomerata

rata, fibris carnis peculiaribus & propriis undique investitur, unde magnum naturæ secretum deduxi, quod cum non nisi tempore coitus, vel irritationis, hic humor abundet vel excernatur, non reperiri possint ostia nisi cum papilla protuberet; ideoque, quia humor excerni non potest, nisi protuberante papilla, addidit Natura fibras carneas, quibus in actu venereo, cum liquor excernendus est, premerentur glandulæ, ut papillæ protuberarent. A sphinctere vesicæ videntur hæ fibræ carneæ oriri quemadmodum & virorum prostates à musculosis fibris superimpositis, à sphinctere vesicæ oriundis, contrahi asserit *Regn. de Graaf*. Ipsa glandula, quæ utrinque conspicitur ex plurimis aliis conglomerata est, ex qua excretoria exeunt ampla & in papillam illam terminantur, quæ protuberat quando glandula premitur, aliàs in se retracta vix sui vestigium relinquit. Ductus illos excretorios, si per ostium, ubi exonerantur, intromisso tubulo insistentur, amplos reperies & in varios insignes ramos divaricatos, qui ejusdem ferè ubique sunt crassitie usque ad extremum glandulæ, secus ac in aliarum glandularum ductibus excretoriis observatur, qui in varias ramificationes sensim decrescunt (scilicet à substantia glandulæ emergentes) terminari solent. Hos autem potius vesiculas seu sacculos oblongos dixeris glandulis interiectos à quibus humor in glandulis secretus excipitur & excernitur.

De vaccinis glandulis loquor quæ ita in Observationibus de Diaphragm. descripsi, quemadmodum constitutas scrutatus sum non semel Parisiis cum Amicissimo *Josepho du Verney* Regio Parisiensium Anatomico. Adeo ut hinc confirmetur *Galeni* sententia, qui lib. 14. de usu Part. ex Herophili decreto, proinde ac in viris, foeminis etiam

F

gland.

glandulosas prostates inesse scribit. Cum tales etiam ego Florentiæ in sectione foemini cadaveris in Nosocomio S. Mariæ Novæ, observaverim, præsentibus mihi amicissimis *Stefano Lorenzini*, & *Bernardo Bennenuti*, utroque magno Naturæ Amasio. Sed nulla hic, ut in vacca, protuberabat papilla. Presso glandoso hoc corpore viscidus & pituirosus exiit humor, ex una parte unicum, ex altera duo, forte in hoc subjecto, patuerunt ostia. A vaccinis diversa fuit, primò qua ductus ramificationes, quæ quamvis hic satis copiosæ, non tamen proportionem tam ampli sunt ductus, ac in vacca, cum illorum exitus hic vix nisi suillam seram admittat; deinde qua ipsam substantiam, cum hic nulla ferè glomeramina sed substantia durior, albicans, & ejusdem plane conditionis cum prostaticis virorum, unde corpus glandosum mulierum potius quàm simplex glandula appellari meretur. Nec sane dissimilis illa substantia videtur in toto vaginæ ductu, quam perreptant ductus illi à *Graafio* descripti.

Immediatè situm est corpus hoc glandosum sub reticulari vasorum plexu à *Regn. de Graaf* observato, unde cum hic copioso sanguine distentus propter musculi sphincteris fibras carneas comprimentes introrsum cedat, vaginæ orificium corarctat & ita glandosa corpora premit.

Alios illos ductus, quos cæcos seu lacunas *Graaf* appellat, etiam vidi, sed ultra transversæ digiti latitudinem seram non admisere, unde ulterius prosequi non potui & miror *Graafium* exemptos & inflatos descripsisse & delineasse, atque post eum *Schraderum*.

Cæterum non diffiteri possum illos ductus quos ego supra notavi forsan etiam esse posse inter eos por-
rulos

rulos sive ductus circa meatus Urinarii exitum in ipso meatu urinario à *Graafio* descriptos, quibus cum reliquis per totum vaginæ ductum repertis hunc usum tribuit, nimirum pituitofo-serosum humorem generare, qui acrimonia & falsedine sua mulieres salaciores reddit, pudendasque partes delectabiliter in coitu lubricat. De quo notat idem, materiam illam tanta cum delectatione ex ductibus illis profluire, quanta cum voluptate è prostaris virorum solet; ita ut non adeo alienum à ratione videretur, si effluxus ille mulierum pollutio appellaretur. Gonorrhæam etiam in mulieribus ex illis ductibus provenire posse probat *Graaf*, quia foeminæ nullum aliud semen fluidum, ut viri, intestibus habent. Atque ita difficultati, qua Ova Mulierum premebantur, obviam itur, cum hoc pacto analogia instituta inter partes genitales foeminarum, seu omnium specierum in eodem sexu, perbellè procedat, quæ ovario omnes præditas demonstrat, ut quicquid de una verum est, id & de reliquis ejusdem speciei pro certo dici debeat. De oviparis certum est, ova maris semine non nisi foecundari, quocunque demum id modo contingat. Ita & de viviparis dicendum est, masculini seminis particulis solida corporis non conflare. Quare nollem amplius admittere ut probabile, quod multi adhuc admittunt, seminis particulas ex appulsis ad testes succis separari, fierique diversarum omniumque partium, quibus animalis corpus inde coalescit, congeriem. Quippe cum omnia ex ovo producantur (quod etiam in minimis insectis verum esse demonstravit abunde felicissimus Naturæ scrutator, & illustris Amicus meus *Franciscus Redi*) omnia ovi conditionem habent.

Ovorum species tam variæ sunt, ut ad unam naturam referri nequeant. De illis eleganter in Anatome Plan-

tarum differentem *Malpighium* huc adducam: In viviparis à primordiis in ovariiis, quæ testes vulgariter dicuntur, exigua continentur ova, in quibus cicatrix colliquamenti portione ambitur, hæc autem in uterum delapsa & ibi fœcundata, adveniente ab utero nutritio succo in novum excrescunt ovum, adaucto sensim contento fœtu. In pennatis & oviparis ultra cicatriculam varii circumlocantur humores, qui utri vices supplent, contento fœtui auctorem & nutritionem suppeditant. In insectorum & quorundam imperfectorum animalium minimis ovis, ultra cicatriculam exigua humorum moles existat, & brevi incubata animal promunt, quod, successiva nutritione externarum partium facta mutatione, diversas subit apparentias, manifestatis & emergentibus plurimis membris & quibusdam etiam oblitteratis. Alia pariter aderunt ovorum genera nobis adhuc ignota. Illud unum videtur probabile in exaratis ovorum speciebus perpetuo animalis compagem contineri in aliquibus minus complicatam, in aliis magis manifestam; reliquum vero circumaffusæ substantiæ pro auctiva materia locari.

In seminalis plantulæ productione ovum etiam excitari arbitratur Celeberr. *Malpighius*, cujus elegantes circa Anatomen Plantarum & Insectorum Observationes exactissimas nuperprehendi, ejus methodo edoctus, cum præteriti Anni 1676. mensem Majum Bononiæ his naturæ operibus cum ipso perscrutandis infunderem, & viri, antiqui candoris & fidei, charissima consuetudine indies fruerer, quam semper grata animi recordatione recolere non desinam. Unde præter Insectorum Anatomes curiosissimam simul & admirandam notitiam, hunc etiam fructum reportavi, (nam de aliis quæ Plantarum reliquas partes spectant jam taceo,) quod nullo modo dubi-

dubitem cum *Malpighio* asserere, imo cuivis cupienti demonstrare, quomodo plantula, ceu amnio contenta, percolato à thorio humore sensim augetur, & varias subit formas, donec acquisita debita compage & structura, separetur & decidat à parente, sui que juris facta in determinatum servetur tempus, & advenientibus exterioribus succis excitetur ad vegetationem. Adeo ut status quo quiescit seminalis plantula sui generis ovum dici possit.

Hæc autem inter Viventium & Vegetabilium ova est differentia, quod in oviparis in ovo adest alimentum & pro stamine primo pulli ante incubationem & pro nutritione pulli in incubatione, adeoque, præter incubatum, illa exterius nullum expectent alimentum. At in Viviparorum ovis non nisi tantum humoris adest, quantum sufficit pro intestina fermentatione cicatriculæ, donec in utero ulterius tota auctioris & nutritionis materies exterius adveniat, quemadmodum etiam plantarum ovis accidit; In hoc tamen differunt, secundum *Malpighium*, quod manifestior est seminalis compages, gemma scilicet & insignis radicis conus cum appensis binis foliis, quam carinæ inchoamentum, quod animalium cicatriculam occupat; & in utero novum viviparorum ovum perpetuam subit auctioris & mutationem, percolatis continuo succis à circumstante utero decidentibus.

Totum opus *Generationis*, tam in *Oviparis* quam *viviparis*, versatur vel circa *Oviproductionem*, illius *fecundationem*, ejusdemque *incrementum*; vel circa *fetus intra Ovum productionem*, *incrementum* & *eruptionem*. Ex quibus totam *Ovi fecundationem* ad marem pertinere certum est, reliquas verò omnes à femina sola dependere, licet quo

modo & quo tempore singula contingant non ita facile determinatu est.

Circa Generationem multæ & difficiles quæstiones inveniuntur. Ego sepositis aliis solùm quæ certo mihi constant hic recenserebo, quorum partem alibi proposui. Certum autem est

I. Semen viri non manere in Oviductu, sed sive totum sive præcipua sui parte intra sanguinem penetrare; id quod constat & per *Harueii* experimenta, nihil in utero repientis licet plures damas eo sine aperuerit, & communi experimento ferè omnium mulierum percipientium illicd à conceptione symptomata universalia non aliunde oriunda, nisi à mutata proportionem humorum in fluido universali seu sanguine.

Non ita pridem hoc proposui in *Exercitationibus Miscellaneis*. Nimirum quemadmodum vires medicamentorum externè adhibitorum sanguini communicari videmus, ita & possibile credidi, assumptorum subtiliorem partem in toto alimentorum ductu statim sanguini communicari, cum idem de spiritibus ad refocillandas vires in ore assumtis experiamur, & clysteribus, atque mercurialibus externè illinitis sua vis à plerisque non denegetur. Eodem principio inductus credidi imprægnationem similiter fieri per subtiliorem seminis partem, sanguini statim eodem modo communicatam per vasa sanguinea. Unde controversiam cum *Regnero de Graaf* excussi lib. de Diaphragm. cap. 3. sect. 3. ille enim ova fecundari affirmat semine illuc per Tubas transmissio, at ego ibidem contrarium ex propriis *Graafii* rationibus probavi. I. Quia in cuniculis, quorum generationem observavit quotidie, primùm tertio à coitu die tubas testiculos amplecti vidit, cum tamè dimidia, uti & sexta, post coitum hora, ova testiculo-

rum immutata viderit, nulla facta mentione tubarum testiculis applicitarum. Unde patet *seminalem* quam dicit, *auram*, per *tubas ad ovum imprægnanda deferendam*, nihil esse, quia ex ipsius propria confessione *vappida evaderet*, ut alibi loquitur. 2. quod maxime nostram firmat sententiam, videmus ex relatione *Graafii*, Tubas non esse testiculis applicitas, nisi cum ovum excipiendum sit, ut nihil loquar de valvula; quam in cuniculorum tubis ipse vidit, impediens quo minus ex utero quicquam ad oviductus deferatur. Quæ tamen ipsum movere non poterant, ut potius existimaverit, quò sua valeret sententia, ipsam in venereo actu vel aperiri, vel inservire crassiori seminis parti excludendæ. Sed binas tales valvulas in quolibet uteri cornu in Cuniculo certo experimento comprobare facile est, quas omni vi adactus flatus superare non potest, nec aqua ex utero penetrare per siphonè injecta, quamvis contraria via ad uterum per totum cornuum ductum nullo negotio perveniat. In animalibus quadrupedibus & præcipuè vaccis, in vagina & circa os uteri plurimæ rugæ formant diversas quasi valvulas adeo ut me per Epistolam monuerit *Malpighius*, incredibile ferè videri substantiam seminis in uterum penetrare, nec in gallinis fieri posse, ut semen Galli duabus papillulis expressum, ad ovarium ascendat, cunctaque ova aspergendo fecundet. Quare ad simile quid recurrendum est, quod nos supra indicavimus. Diversa tamen res est in Insectis. In Bombycibus enim animadvertit *Malpighius*, semen masculinum nequaquam recipi in principio tubæ seu ovarii, sed in quodam sacculo laterali, & ita per ductum peculiarem ova in transitu semine ibi asservato aspergi, & illa quæ in hoc transitu asperisionem seminis non recepere, nequaquam fecun-

fœcunda esse , quod pluribus experimentis confirmavit, felicissimus in his indagandis, *Malpighius*.

II. Certum est post conceptionem à fluidis universali-
bus sive sanguineo solo, sive fluido simul nervoso, mutata
quædam ova intra oviductum recipi, id quod cum in avi-
bus, piscibus & serpentibus fiat per patens ostium ovidu-
ctus, abdominis cavitatem respiciens, non dubitandum est
quin in quadrupedibus & mulieribus eodem modo fiat,
præcipuè cum 1. nulla alia è testibus in uterum detur via.
2. Tubæ orificium fibris motricibus instructū esse evidens-
tissimum sit. 3. Illud ipsum testiculum seu ovarium am-
plecti non rarò observetur. 4. Non infrequens sit in
Tubis ova delapsa reperire; denique 5. Orificium Tubæ
Fallopianæ ejusdem in utroque genere nempe avibus &
quadrupedibus omnibus, figuræ sit, si in aqua considere-
tur, ubi foliaceum Tubarum ornamentum, *Graafio* ita
nominatum, eleganter se explicat. Id quod etiam illu-
strant fœtus extra uterum reperti, de qua re elegantem
observationem, Veneriis à Cl. *Jacobo Grandi* tactam,
delineatam mihi monstravit *Franciscus Nazarius*, in
Naturæ scientia versatissimus ubi non solum fœtus extra
uteri cavitatem cernitur, sed & ovum delapsum, in quo
primum rudimentum fœtus visum asserit.

III. Maternum sanguinem sub forma sanguinis nun-
quam penetrare aut membranas ovi (ovi nomine intel-
ligo non modo rotundas vesiculas humore plenas testicu-
lorum maximam partem constituentes, sed & easdem, ubi
in oviductu in membranas fœtus cum omnibus suis con-
tentis excreverunt) aut in sanguinem fœtus, id quod de-
monstratur tum primis à conspicuo in oviductu ovo die-
bus

bus, ubi ovum omnino liberum reperitur, tum circa instantem partum quando placenta vel cotyledones in duas partes dividuntur una adhærente ovo altera adhærente utero, nulla sanguinis guttula in illa divisione observanda. Quod ipsum experimento evidenti, per injectionem aquæ, confirmo, in *Preparat. Viscer.* Tractatui de Diaphragm. adjunctis, à me prolato. Hanc etiam opinionem præmonui in *Exercitationibus Miscellaneis* Lugduni Batavorum impressis.

IV. Fœtum nutriri & augeri seroso humore per placentam à sanguine Matris in sanguinem fœtus transmissio & per superficiem externam fœtus iterum excreto, iterumque per os assumpto; qui continuis circulationibus à superficie externa in internam, & vice versa sui partes transmittit, donec quicquid ibi fuerit augendo corpori utile singulis partibus accreverit, reliqua verò excrementitia & acriora redditâ fœtum inquietum sui stimulatione reddunt, quo motu uterus ad excretionem irritatur.

De prima origine humoris amnii controversia est, Quam in re non parum tribuendum existimo sententiæ Doctissimi *D. Sylvestris Bonflioli*, in Anatomicis versatissimi, quam à præclaro Amico Bononiæ coram accepi. Ille enim humoris in amnio contenti principium ab ipso ovo petendum censet, non secus ac vitelli principium in ovo gallinaceo præexistit.

Quemadmodum ita viventium fœtus per os & umbilicum nutritur, ita & vegetantium (seu plantula seminalis in stylo qui in diversis varius est, sed in omnibus utri vicem supplet) duplici via augeri videtur ex nuperis Observationibus Amici Celeberrimi *Marcelli Malpighii*, quæ consuli possunt, Londinensi prælo non ita pridem commissæ.

Cœterum quidnam sit quod post fecundationem ovum

ad exitum disponat, & quomodo in mulieribus membrana ex ovarii vasis constructa, pro augmento ovorum se extendens & iis elapsis se contrahens, pro transitu ovi aperiatur, altioris est indaginis. In quo præ reliquis penè omne punctum tulisse mihi visus est Anatomicus industrius *Regnerus Graaf*, cujus recentem mortem ubi primum in Belgium veni, ægrè merito tuli. Ex illius observatione constar, prodire ova imprægnata in testibus, quatenus post coitum tunicæ multis sanguineis vasis opacæ conspiciuntur, & sequenti tempore inter tunicas illas glandulosa materia globuli figuram repræsentans & sensim accrescens ovum undique comprimit, illudque perforamen ex ejus medio conspicuum expellit. Quod in cuniculis tertio die fit; in iis animalibus, quæ diutius urerum gerunt, tardius, unde judicæ *Graafio*, falluntur, qui humanos foetus 3. 4. vel 8. dierum invenisse se gloriantur. Foramen illud per quod elabatur ovum, papillam vocat prædictus Auctor. Immediatè ante & post ovi expulsionem reperitur, in vaccis stilum in cuniculis setam admittit. Inde concluditur, ex magnitudine ovi de ejus maturitate judicari non posse, quod forsitan alii temere facerent, cum ova è Testibus excludenda vel jam evclusa decuplo minorâ sint aliis adhuc in testibus hærentibus; quia ibi existentia adhuc aliam materiam complectuntur, illam scilicet ex qua glandulosa folliculorum substantia provenit. Plerumque post elapsum ovum tardè obliteratur hæc substantia, quæ in diversis diversicoloris est, in plerisque subflavi. Hoc corpus in foemina sex mensibus gravida observavit *Swammerdam*, quæ post gemellorum partum perierat. In cujus testiculo sinistro quasi quædam inflammatio, præterea notabilis cicatrix erat, qua divisa corpusculum heterogeneum subflavum & fibrosum duplici fove-

foveola præditum sese obtulit; quia nempe gemellos pepererat. De qua observatione vide plura in *Schradcri*, Medici Amstelodamensis, Præfatione ad *Harveii* Generat. Animal. Talia etiam mihi Amicissimus *Fridericus Ruyschius*, dexterimus Amstelodamensium Anatomicus eleganti figura publici juris facta, ex sectione gravidæ mulieris nuper adumbravit. Ego qui hæc sæpius in quadrupedibus evidentissime vidi, & non semel tum alibi, tum Parisiis in vaccis attentius examinavi cum Amico *D. Josepho du Vernoy*, in Anatomicis versatissimo, non dubito quin glandulosum hoc corpus post imprægnationem, ovo succrescat, ut illud, rupta testiculi membrana, extrudat in tubas, excipiendo ovo aptas, & ideo fibris motricibus instructas. Et quis non hic summam Naturæ Autoris providentiam miretur? Sed ut hoc apud me certum & indubitatum est, non alium in finem hanc substantiam post fecundationem ovi apparere & succrescere, atque post elapsum ovi sensim evanescere, ita hætenus, saltem mihi, ignota sunt sequentia, 1. Unde illa materia, quæ in glandulosum hoc corpus succrescit, derivetur, an à vasis sanguineis suppeditetur an in ovo præexistat, quod probabilius, quia, illa accrescente, decrescit ovum. Et quo modo semen virile ita ovum alterare possit, an præcipitando partes aliquas, an alio aliquo modo. 2. Quomodo rumpatur ovarij membrana, an sola corporis hujus magnitudine, an quovis alio modo. 3. Quò deinde abeat materia hæc, post elapsum ovi evanescens, & unde absorbeatur, an à vasis sanguineis, si illis originem debuerit, an aliter.

Non ita pridem per literas à me consultus Amicissimus *Malpigi*, ex fibris carneis circa ipsa ovaria foeminarum reperiundis, separationis causas petendas rescripsit, quæ

tractu temporis comprimere possent vasa ad ovum adultum euntia, & ita impeditis quodammodo alimentis corrumpi caulem, quemadmodum in aliis fructibus, uti ipsius verba, in Epistola Bononiæ 1676. d. 23. Decemb. Romam ad me scripta, ostendunt: *Circa ciò ch' ella mi chiede, non posso sodisfare alla sua curiosità, essendo gran tempo che hò tralasciato simile curiosità divertendomi nello studio delle piante. Pure le dirò così allo sfuggita, che l' ova probabilmente crescendo si vengono à separare dall' ovaia, e se ben mi ricordo, credo vi siano intorno all' ovaia delle femine fibre carnee, le quali con il tempo possono comprimere i vasi, che vanno al ova cresciuto, e così impedendosi l' alimento in un certo modo, si corrompe il gambo, come accede ne i frutti, e le stesse fibre carnee constringendosi, causano lo staccamento: Come poi s' insinui nella tuba, io sò, ch' in essa vi sono lacerti carnei. quali li danno moto & apertura, come necessariamente si fa nelle galline.*

Quarecum ea quæ de semine fluido in Testibus mulierum de vasis deferentibus &c. antiqui finxerunt, & hodierni nonnulli retinuerunt falsa sunt, cum in viviparis quemadmodum & oviparis, ovorum atque oviductuum eadem sint conditiones, conformatio atque connexio, non improbabilem, quin imo demonstrabilem haud immerito crediderim assertionem nostram, quod vera sit analogia, quæ inter foeminarum testes, omnium specierum, instituitur, *Ovaria* posthac tam in viviparis quàm *Oviparis* dicendos. Ut jam potius inquirendum sit quomodo ad generationem masculus concurrat, cum eadem quæstio de foeminis Antiquos jam satis diu fatigaverit, quemadmodum optimè monet *Amicus meus Præclarissimus Franciscus Nazarius* in *Literator. Ephemerid. 6. Romæ An.*

Anno 1669. edit. pag. 88. ubi refert Historiam foetus Parisiis reperti in Tuba dextra uteri.

Atque hic habes, Clarissime *Riva*, quæ de Ovariis mulierum & ex iis dependente Generationis Historia hætenus mihi ex propriis & aliorum principiis certò constant. Habes etiam breviter illa de quibus dubito & quæ inter ignota mihi retuli. Ipsam de his excute naturam atque extra animalium haud gravatus consule, certus sum Te ea quæ pro certis venditavi non invitum confirmaturum. Unum jam tum prævideo, duplici mulierû semini, quòd in privato nostro colloquio ex aliorum mente prætenderas, superius satisfactum esse; unum nempe ad voluptatè alcerum ad fecundationem. Primum corpora glandosa, seu si prostatas appellare libeat, cum reliquis in vagina ductibus suppeditant, hoc nullum datur præter ova quæ in Testiculis Mulierum, rectè jam *Ovariis*, reperiuntur, ab hydatidibus, quæ sæpe ovorum specie aliis imponunt, sola coctione facile dignoscenda, quod coctis ovis in albumen concreseat contentus liquor, sed hydatidum liquor coctione non facile indureseat. Alias notas addit *Græf*, quibus hydatides in testibus differunt ab ovis. 1. quod à testiculorum membranis veluti pediolo propendeant. 2. duplici constant tunica, quæ faciliè, contra vero ovorum tunicæ difficile separantur.

Atque hæc ex propriis, & Amicorum observationibus deprompta citius in chartas conieci, quàm coquuntur asparagi. Tuum erit, Clarissime *Riva*, ea æqui bonique consulere, quæ amicum animum testabuntur. Si digna visa fuerint, aliis communicata, sin minus, æterna nocte sepul-

sepulta absconde, nihilofeciùs de meo affectu tacitè locutura. Vale.

*Raptim scripsi Romæ d. 12. Jan. Anni
incunantis .M. DC. LXXVII.*

Casp. Bartholinus Thom. F.

XIV.

De Ovariis Mulierum Dubia Soluta.

Ad D. Gerhard. Blasium Med. Prof. Amstelodamensem.

Nondum excidit animo memoria gratissimæ consuetudinis Tux, quam insigni cum voluptate conjunctam expertus sum, dum me-Belgium vestrum teneret. Quod Tu mei exinde per trium annorum intervalla memor fueris, pro magno affectus Tui, mihi & Parenti meo sapius probati, documento interpretor. Corpore quidem à te in Galliam, Italiam, Germaniam, licet ægrè, divulsus sum, non animo. Grata enim elapsi temporis recordatione semper delectatus, quasi ad præteritam tecum consuetudinem redire mihi visus sum. Non destiti tamen subinde literis defectum præsentis supplere, & earum commercio obrepens identidem Tui desiderium lenire. Nunc, Deo gressus dirigente, Patriæ meæ dulcissimæ redditus, commodum offendi ultimas Tuas ad me datas, ex quibus quod de secundo statu Tuo certior factus sim, magno mihi gaudio est. Ut verò scias, quàm prompta voluntate jussis Tuis obsequi allaborem, mitto Tibi, quem desideras, Tractatum meum de Diaphragmate, Parisiis non ita pridem editum, una cum Epistola, quæ experimenta quædam de nervoso genere & motu musculorum in Rana exhibet. Illis insuper adjungo Romano prælo commissam

sam

ſam Epistolam de Ovariis Mulierum & Generationis Historia. Fortasse miraberis, Vir Clarissime, me post tot Homeros quasi Iliada scribere velle, & rem Observationibus Anatomicorum jam tum firmatam, nunc demum in publicum protrudere. Sed non miraberis, si ad occasionem, quæ me ad scribendum impulit, attendas. Fateor ante me alios ova in Testibus mulierum primò descripsisse, & hujus inventionis gloriam *Stenonio*, *Kerckringio*, *Swammerdamio*, *Graafio*, ingenuè defero. Sed mecum ipse non ignoras relictam esse difficultatem, quam novo invento obvertit *Diemerbrochius*, unde nisi à Testibus, humor in coitu profluens proveniret, cujus ego fontes paulo manifestiores quàm descripsit *Graafius*, inveni. Nec hæc observatio tanti mihi fuit, ut ideo pennam inſtruxiſſem, niſi ad hoc compulſus fuiſſem ab Amico Clarissimo *Guilielmo Riva*, cujus extant apud Romanos præclari in Anatome illustranda conatus. Illius rogatu rem hanc illustrandam ſuſcepi, quæ adhuc plerisque Romæ viſa eſt quaſi incredibilis. Ego observationibus aliorum & propriis ſtabilitam Generationis Historiam Epistoſa comprehenſam ipſi tradidi, in eorum gratiam, qui hanc de Ovariis Mulierum obſervationem nondum intellexerunt. Non illam intellexiſſe quosdam, qui aliàs magno, ſed inani, ſaſtu turgent, evincam. Prodiit nuper Patavii Anno 1676. in 4. *Hieronymi Barbatii* Diſſertatio Anatomica, de *Formatrice*, *Organizatione*, *conceptu & nutritione ſætus in utero*. In qua, quæ de ovariis mulierum proſert, breviter examinabocum forte nondum ad manus Tuas pervenerit.

• Pag. 69. ita loquitur: in ſeminarum teſtibus reperiri ova & aſperſione virilis ſeminis ſæcundari teſſatur *Graefius L. de mulier. Organ.* quam opinionem ſpecioſo certitudinis titulo ſtatim inſignivit *Mapighius*, ſolitus alioquin de ſingu.

singulis dubitare. At quæ in testiculis amulantur ova sunt glandulae ovales; illa quippe (scilicet ova aliorum animalium) liquoribus inveniuntur plena hæ (sc. ovales glandulae, ipsi appellatae, quas specie ovorum in Testibus imposuisse credi) plerumque extant inanes, quique humor in his aliquando luxuriat, æstu minime concrevit; illorum verò (ova aliorum animalium intelligit) substantia secundum omnes sui partes semper coagulatur ab igne. Vera hæc de ovis in genere dicit, quod ab igne illorum humores concreverint; at ejusdem planè naturæ ova, quæ in testibus mulierum reperiuntur, illum nunquam vidisse, Jovem lapidem jurarem. Verum hydatides, quæ ibi plerumque non infrequentes sunt, pro veris ovis ipsum sumplisse liquet, & ita magnis excidit ausis, quum illarum liquor coctione non facile indurescat, non ita autem ova in mulierum ovariiis, quæ ad sui generis naturam igne concreverint. Ignoscerem huic errori, nisi etiam limatum oculatissimi Malpighii judicium in dubium vocasset, talis enim ille mihi dudum cognitus est, ut nihil temerè credar. Anne ideo reus adduci meretur & malè audire? Maluit quondam Magnus Alexander videri nimis timidus, quàm parum prudens.

Pergit ibidem Barbatus his verbis: Quod perhibet fig. 2. lit. R. Graefio videbatur ovum, & extractum ostendit fig. 4. sed est evidens glandula, dissecta enim intus habet protuberantias, expressas fig. 5. lit. SS. Sicut cætera glandulae. Ad vim hujus argumenti attendat accuratus Lector. De crudis ovis loquitur in quibus humor ex ipsius propria confessione aliquando luxuriat, qui æstu minime concrevit. Quod si verò in nondum coctis ovis intus protuberantias mihi monstraverit ut in reliquis glandulis, jam mihi magnus erit Apollo, quia hoc falsissimum judico. Sed illum

illum ita deceptum credo, quod, quia corpus illud glandosum, post ovum elapsum nonnunquam in testibus remanens antequam evanescat, ignoravit, hoc pro vero ovum sumserit. Nam hujus dissectionis facies vix à reliquis glandulis diversa est.

Porro ova humana impugnat *Barbatus*: Imo, inquit, si foret ovum, quod negamus, testium tot devinctum vasis, quomodo commearet in *Tubas*. Hoc argumentum invictum esset, si *Barbati* arbitrio staret natura & caderet, atque ipsum solum à consiliis haberet. *Barbatus* modum ignoravit, quia non satis investigavit, quomodo è testibus liberetur ovum, ergo omnino non liberatur. Misera certè hæc veritatis conditio foret, si propter quorundam ignorantiam semper lateret. Alios ductus è testibus in uterum dilatatos, fig. 2. q. q. ab ipso indicatos, ibidem descripsit, quos *Barbato* notissimos ipsi naturæ maximè ignotos constanter affirmo.

Nec felicius pag. 40. mulieribus prostatas glandulosas denegat, quia nullius usus fore affirmat, argumento ex viris delumpto, de quorum prostaticis, quot verba tot figmenta proponit pag. 40: *Prostatarum radices ab arteriis nascuntur, per corpus penis expansis, unctuosam non extravasati sanguinis humiditatem intra prostatarum cavitatem adducentes, quæ musculorum superimpositorum compressione in alios pellitur albescentes ductus ad glandem usque sub urethra tunica expansos, rotundasque penis dein innumeras, ingreditur fibras, ubi calore arteriarum fit tenuior, sique veneris imaginibus, cogitationibus aut delectabili contactu accendatur sanguis, extenuatur magis fibrillarum humor, ac vertitur in flatus, quibus erigitur tenditurque colis, &c.* Hanc glossam, in cerebro ejus natam, quivis facile refellere potest, qui vel semel consideraverit, cor

H

poris

poris glandosi varios ductus, ad latera carunculæ magnæ, ubi terminantur ostia deferentium, sese in urethram exonerare, qui exiguis carunculis obturatur, quales in homine 10. in canibus circiter 90. numeravit *Regn. de Graaf*. Taceo quod de vesiculis seminalibus ibidem valde absurdum assert *Barbatus*, dum illas idem peni præstare credit, quod vasa lymphatica reliquis partibus. Quem errorem inde processisse iudico, quod non rectè reliquorum lymphaticorum originem, progressum ac usum novisse videatur.

Possem circa alia in dicto libro refellenda, eandem mihi in ipsum licentiam sumere, quam ille sibi in alios sumsit, nisi hoc jam agere nollem. Prætereo enim quæ de Parente meo parum justè loquitur in *libr. de sero sangu.* cum res illæ tam claræ sint, ut responsione mea non indigeant satis superque ab aliis ante me vindicatæ. Non semel in hoc tractatu de *setus nutritione* immeritò *Bartholinum* lacescit, ut pag. 17: *Displicet*, inquit, *quod Autor ille ignotum per magis ignotum doceat*; non enim declarat, quid per spirituosam seminis substantiam intelligi debeat. Ita & pag. 88: *At veterum facultas*, quam admittit *Bartholinus*, non intelligitur de qua fusius qui loquuntur, circa ens versantur imaginarium, aut non satis se explicant. Cæterum videat *Barbatus* an magis intelligantur quæ ipse passim in hoc suo opere usurpat. Pag. 1. *prolifca seminis virtus*, *effingentis animæ latens essentia*. Pag. 4. *Efficiens naturale in semine præexistens*. p. 6. *vis formaliter effectiva*. p. 8. *vascula testium quibus formator extrahitur spiritus*. p. 104. *Prout magis vel minus formator spiritus operi aptus est*. Nam integras paginas omitto, quas innumerabilibus Autorum testimoniis oppleras edisserit de *Spiritu insito*, *calido innato*, *causa sexus*, *specifica similitudine*, *similitudine*

individuali, recta fœtus organizatione, &c. De quibus illi hocidem respondebo, quod ipse usurpat Pag. 4. ubi varias Auctorum *de formatrice* opiniones recensuit: *At quid hæc præter nomina?* Et Pag. 17. de alicujus sententia inquit: *quibus nihil docemur, suntque voces inanes.* Nescio sanè an rectius hæc intelligantur, quam illa quæ ex veterum placitis attulit *Bartholmus*. Quippe unicuique addam quod ad defensionem Parentis mei hoc loco sufficiet, me à quovis, Parentis mei *Anatomen*, toties *Reformatam*, pervolvente velle in ea tres ætates distingui: Primam, quando Institutiones primò ab Avo meo scriptæ sunt, methodo, ex more seculi, Galenica, cum penè nefas esset extra veteres quicquam sapere: Secundam, cum jam paulatim è tenebris emerfit, experimentis nonnullis firmata & semel atque iterum illustrata à Patre meo: Tertiam, ubi nunc in clara Anatomes luce nihil temere creditur, nisi experimentis firmatum, ad usum rationis accommodatis. Ita Parens meus illa omnia abundè tam à se, quàm ab aliis acquisita, ad Anatomem priorem contulit; paucis ex pristina methodo immutatis, ut utrorumque curiositati satisfaceret, & eorum qui veterum placita, & eorum qui Neoterico- rum experimenta desiderabant. Atque hac via progressus in Anatomes Reformatione, quia fundamento Galenico Patris sui, ut tunc erant tempora, ab initio reliqua superstruxerat; non potuit quin terminos quosdam retineret, postquam semel Parentis sui Institutiones ad genium seculi prioris scriptas, edendas & illustrandas sumserat. Nunquam autem, quemadmodum ex scriptis ejus liquet tantum dedit præconcep- tæ ex Antiquorum scriptis opinioni, quin hac veriora, tam à se quàm ab aliis detecta, potiora semper habuerit, ubique demonstrationes admittere paratus. Non ita autem alii nonnulli animati sunt,

qui veritatem potius ipsam, quam scripta sua, toties ac Pater meus, reformare velint.

Sed de his plura jam non addo. Tu vale, & favere perge Tuo Bartholino.

Scripti Hafnia d. 26. Nov. 1677.

Casp. Bartholinus Th. F.

XV.

Antipathia singularis, nomen proprium aversantis.

OBerrabat apud nos aliquando juvenis quidam, Olaus dictus, è Cimbria, ni fallor, oriundus, cujus res ad peram & palliam, quod dicitur, jam redierant. Hic proprium suum Nomen tanto (quod mirari liceat) prosequebatur odio, ut à quovis, qui illum noverat, peteret, suo parceret nomini, nec ipsum nominatum compelleret. Ultrò parvè qui mores hominis didicerant. Ubi autem in alios incidebat, qui, vel per imprudentiam, vel ludos faciendi gratia, Olaum inclamabant; primà quidem vice compellatus perhorrescere cœpit; iteratâ, caput concutere ac varia indignantis & fastidientis signa proferre; quod si autem molestius instarent, in obvia quavis suo capite sæviens, imò nec muris nec lapidibus parcens, corruerat actutum, ceu Epilepsia vel Apoplexia correptus. Cætera sanus. Sed quæ causâ hujus Antipathia? Quid si statuamus hoc odium ipsi, ex Matris gravidæ imaginatione, nomen hoc nato olim imponendum nullatenus admittentis, implantatum esse. Novimus quippe liberorû nomina patri cum Matrè non semper convenire.

Georg. Hannæus.

XVI.

De Vero Olfactus Organo

Ex Casp. Bartholini Thom. Fil. Disquisitione
Hafniæ xxvi Febr. 1679 proposita.

Olfactum hætenus plerique adscripserunt processibus mamillaribus cerebri odoras scilicet evaporationes per cribrosi ossis foramina ascendentes in eosdem irrumpere & odorum sensum procreare, uti etiam inter Recentiores nuperrimè odoratum explicavit *Laur. Bellini* de Gust. Org. cap. 14. At si structuram Nasi & in eo latitantium ossium spongiosorum cum membranis involventibus ritè in variis examinemus animalibus, præcipuè iis, quæ hoc sensu reliqua antecellunt, longe nobis alia de Olfactus organo sententia erit.

Nimirum per numerosas istas ossium spongiosorum lamellas membranis involutas, id effici putat Celeberrimus *Steno*, ut facilius per ambiens fluidum diffusa corpuscula sensum istius partis afficiant, dum id lamellarum, quæ membranis investiuntur, numerus præstat, ut in exiguo spatio magna sit superficiei extensio, adeoque receptum ambiens fluidum varicque inter lamellas divisum magnam corporis superficiem contingat, ut eo plura ambientis corpuscula in eam partem agere possint.

Et sic novum Odoratus systema nascitur, quod ipsum naturæ artificium confirmat, cum observentur ossicula hæc narium spongiosa cum membranis suis eo numerosiora esse, (adeoque per spatia intermedia transitum fluido dare copiosiorē) quò perfectius in odoratu & sagacius animal experimur. Suscepimus itaque paulò exactius hanc de vero olfactus organo sententiam explicare, primum à *Stenonio* propositam in *Element. Myolog. specimine*,

mine, ubi observata refert in pisce ex canum genere. Sponte autem omitemus diversas aliorum hac de re opiniones, quas plurimas congeffit *Schneiderus* de osse Cribrif. Optimè *Thomas Willis* olfactus organum dicit ramificatones processuum mamillarum, sed in membrana ossium spongiosorum expansas. Malè vero alii plerique eisdem processus mamillares ita organum dicunt, quasi per ossis cribrosi foramina elevata corpuscula odora, ibi nervos afficiant. Quemadmodum *Molinettus* de Sensib. Cap. XI. perperam negat aërem corpusculis odorabilibus perfusum, in naribus nervum attingere, priusquam, inquit, in os irruperit et hmoioides, Latinis cribriforme, quod multis foraminibus pervium processus mamillares recipit.

Quomodo Respiratio ad Olfactum concurrit.

Prima mutatio quæ nato animali accidit est Respiratio seu potius prima actio, quæ ad conservationem individui instituitur. Illam duplex præcipue sequitur effectus, 1. dum aliquid ab aëre separaturn sanguini miscetur, quodcumque demum illud sit, 2. Dum excrementum sanguinis in Pulmonibus secretum hoc modo excernitur.

Est autem excrementum Pulmonum congeries particularum invisibilium, à sanguine secedentium, quæ dum per pulmones transeunt simul cum sanguine, inde per vasorum capillarium poros, ope materiæ subtilis, exportantur extra corpus. Hoc pulmonum excrementum vel densius est & aqueum, vel rarius seu magis dilatatum & aëreum. Utrumque utrique generi animalium commune est. Namque & aquaticis quibusdam aëreum excrementum intra vesicam colligitur & aëreis aqueum excrementum, dum in utero vivunt, per pulmones excernitur.

Est.

Eliminatur autem extra corpus duobus modis hoc excrementum, uno, per solam novi excrementi successionem, id quod omnium animalium excrementis commune est, quamdiu intra uterum in fluido aqueo continentur; altero, per fluidi externi (sic enim vel aërem vel aquam appello in quibus degit animal) imprægnati excrementis pulmonum perpetuam mutationem. Hæc mutatio fit ope fibrarum motricium, quæ fluidum illud respirationis impellunt, sed non eadem in omnibus animalibus via. In aquatilibus enim motu directo, quod ore hauritur, per branchiarum spatia emittitur. In reliquis autem motu reciproco eadem via, per laryngem scilicet, modò admittitur novum modò admissum iterum emittitur.

Respirationis quidem præcipuus usus est liberare sanguinem excremento, quod in Pulmonibus secedit; sed eadem etiam occasione utimur ad odores percipiendos. An sine respiratione fieri possit olfactus non disputabo, saltem hunc sine illa non fieri certum est. Animadvertit *Galenus* cap. 2. de Odor. Instr. nullum odoris sensum nisi spiritu naribus attracto moveri, quanquam ipsæ nares vapore etiam vehementer olente repletae sint. Cujus rei ratio evidens esse potest, ubi attendimus non debere omnino communicari nervis vel percipi illas particulas, nisi quando aërem inspiramus quippe reliquo tempore tantum abest ut possint percipi odores etiamsi corpora odorata in naribus intrusa sint, ut potius in expiratione cum aëre extra corpus pellantur particulae illæ, quæ odoris sensum movere deberent. Ideoque falsum putat *Casseri* Lib. III. Pentæsth. §. 2. cap. 3. quod odor naribus superpositus retento spiritu non sentiatur, & eos, qui hoc experiri se credunt, sibi ipsis imponere. Nam spiritus eo modo
reti.

retineri nequit, ut non vel aliquid exeat vel intret : Si intrat, attractionem odoris juvat : si exit, introitum halitus odorabilis prohibet, quinimo ipsum ab organo fugat ac repellit. Concedit autem *Cassorius* olfactum sine Respiratione non quidem fieri, sed forsan fieri posse, illamque non ut fiat, sed ut melius fiat necessariam esse, scilicet ut citius & copiosius objectum ad organum perveniat. Qua verò ratione Respiratio particularum odoriferarum perceptionem promovet nunc examinabimus.

Totum fluidum Respirationis, sic enim aërem appello, qui in respiratione eo præcipue sine movetur, ut pulmonum excrementa auferantur, reciproco motu propellitur modò à thoracis & abdominis superficie in asperam arteriam, ab extra introrsum, modò à superficie asperæ arteriæ ab intra extrorsum. Adcoque in illotres partes distinguere licet, quarum extremæ ampliores sunt & earum una superficiem pectoris & abdominis, altera superficiem ramorum asperæ arteriæ in pulmonibus tangit; media pars angustior est & narium atque oris cavitatem implet.

Causa impellens totam hanc aëris molem in motu reciproco, sunt musculi thoracis & abdominis, cum diaphragmate respirationi dicati, qui modo immistas aëri intra asperam arteriam fuligines unà cum portione aëris expellunt, quando scilicet suo motu in expiratione asperam arteriam breviorē & angustiorē reddunt; modò immista aëri externo corpora cum aëre introrsum pellunt, quando iidem asperam arteriam in inspiratione longiorē & ampliorē reddunt.

Ita quod expellitur exit auctum excrementis Pulmonum, quod impellitur, secum fert partim aliquid aëris, qui nuper expulsus est, partim aliquid novi aëris, nec enim nisi
mini.

minima pars expulsi iterum repelli potest. Nam enim per angustias nariū & oris propellitur in aëris externi indefinitam amplitudinem, retinet aliquandiu impetum celeritatis intra nares vel os acceptum, quo primum rectā, inde oblique sursum propellitur, quandoquidem plus materię subtilis contineat quam aer exterior. Quod vero iterum impellitur intra corpus, id omne hauritur ex eo spatio quod est inter partem abdominis & pectoris se dilatantem & oris nariumque cavitatem, in quo vix exigua pars expulsi continetur. Atque dum sic impellitur aër per narium cavitatem in pulmones, fit perceptio particularum fragrantium, si quæ aëri sint immixtæ.

Si Narium anterior pars, quam aëris meatum appello, unicus tantum esset meatus isque cylindricus, aër per illum inspiratione attractus cylindrum formaret, quem cylindrum aëris appello.

Si totum fluidum in hoc aëris cylindro omnibus suis particulis eadem celeritate rectā propelleretur, eadem semper particulæ raderent superficiem narium & eadem in medio manerent. Rectius igitur particularum hujus cylindri motum ex duobus motibus componi dicimus, uno propulso directè sursum vel deorsum pro impetus determinatione, altero reflexo à medio, ubi minor resistentia & major velocitas, versus superficiem, ubi ob resistentiam retardatur motus, & iterum à superficie versus medium. Dum enim particula impingit in superficiem resistentem motui ejus, inde repellitur versus medium non directè, sed ob insequentium impetum oblique antrorsum lata, unde iterum ob directè propulsores majorem impetum re-torta oblique antrorsum versus latera, iterum in superficiem impingit.

Ita causa prima hujus particulæ motus est resistentia quam invenit in solido narium corpore ad cylindri superficiem sito, unde reflecti & concurrere cogitur ad medium, ubi impetus particularum in axe dispellit reliquas fluidi particulas ad latera, quæ non æquè velociter moventur, & ita ab axe ad superficiem iterum recedere cogit.

Servit hic motus particulis fluidi per superficiem expellendis, eodemque pacto dum per meatus narium aër transit in pulmones, sentim particulæ odoriferæ evolvuntur versus tunicam narium. Unde sequitur, quò plures particulæ è medio evolvuntur versus superficiem tunicæ Narium, eò magis odorem percipi, cæteris paribus. Et hoc fit vel longitudine canaliculorum, vel multiplicitate, in quibus ingens artificium elucit circa Narium constructionem. Quo enim major tunicæ narium fuerit superficies, eò plura nervosa extrema in eam terminari possunt, & plures aëris particulæ in eam impingere. Fit autem eò major superficiæ extensio, quò plures in lateribus Narium inæqualitates vel lamellæ exsurgunt, & quantò magis in alias lamellas subdividuntur.


Itaque quò nares simul & longiores fuerint & in plures canaliculos eosque angustiores divisæ, eò plures particulæ odoriferæ fluidi transeuntis affricantur extremitatibus nervorum in membrana narium expansis, adeoque acutior odoratus.

*De Narium structura ossiumque spongiosorum
diversitate.*

Narium utraque cavitas dividitur in duas partes, unam anteriorem, quæ dici potest frctum vel via aëris,

aëris, alteram posteriorem, quam sinum aëris vel diverticulum appellare licet. In via aëris lamellæ sunt, in diverticulo aeris sunt tubuli, qui cæci dici possunt. De his & illis ita *Cassorius de Fabrica Nasi* L. III. c. 16. *In profundo Narium recondita sunt officula illa oblonga, spongiosa quæ gradus scalæ videntur appellanda, eo quod gradatim unum supra aliud positum sit: cucullam quidam vocarunt nescio qua similitudine, nisi forte superiora duo cucullam referre velint, quæ ego conchæ Veneris libentius assimilaverim. Manicam Hippocrates non ineptè nominavit. Turbines & à forma & officio vocarem. De illis qui in hominibus inveniuntur semper loquar, quamvis & in bove & in equo hoc modo maxime se habent, ut & in ove: at in lepore circa cribrum tale quiddam etiam adest quidem, verum circa priorem nasi introitum artificiosissime striatum quoddam officulum reperitur, uti & in cane, alio tamen in hoc quam in illa modo. Ossa, non cartilaginea, sunt. Turbinata ossa rectè dicuntur. Oriuntur ex parietibus narium, ossibus, inquam, cavitatem genarum internè sepientibus, ubi initio tenui exortitur statim crassescunt, & turbinis formam assumunt, undique libera & nusquam nisi suo principio alligata, ita deorsum pendula dependent, ut inter mediam quandam latebram inter os genæ conficiant. Tria plerumque, imo semper, sunt numero. &c. Hactenus *Cassorius*.*

Nos in capite Ovino illa officula cum annexis cartilaginibus & membranis exhibuimus sequenti figura, ubi



AA, Os Nasi secundum septi longitudinem divisum.

B, Palatum eodem modo divisum in CC.

D, Lamellæ in via aëris reperiundæ, quarum circumvolutio non videri potest nisi facta sectione transversa, prout inferius exhibentur.

E, Via aëris ubi in asperam arteriam desinit.

FF, Tubuli cæci in aëris diverticulo.

Oslicula illa juxta Casserium suo calore aërem ingredi-
entem præparant. Ideoque sita putat in medio Narium
ut aer ingrediens ad ipsa appellat, & sic ipsius imperus
frangatur: nam sicut in fluminibus velociter fluentibus obs-
tacula quædam ponuntur, quæ ne aggeribus periculum
sit, imperum ipsius interrumpunt, ita etiam hic in naso fie-
ri. Cæterum rectius inserviunt multiplicandæ superfi-
ciei Narium tunicæ, quæ particulas odoriferas unâ cum
fluido

fluido respirationis impulsas percipiet. Quò plura enim in aeris via lamellarum interstitia, & plures in diverticulo tubuli, eò amplior tunica omnia hæc ossa investiens, adeo, que simul plures particulæ odoriferæ Narium tunicæ affricantur, & in plures ramificationes secantur Nervi.

Lamellæ, quas in via aeris reperiri diximus, in superficie interiori parietis exsurgunt secundum longitudinem ductæ, suntque numero in variis differentes, quarum major ferè semper bifida (in nonnullis altera parte brevior est, altera longior) & circa axem cylindri instar convoluta, in quibusdam animalibus ut damis, cervis, bobus, agnis sæpius convoluitur absque aliarum lamellarum inde nascentium multiplicitate, uti sequens figura ostendit ex capite Ovino, ubi *a*, os nasi externum, in cujus interno pariete lamellæ exsurgunt, indicat, transversim factâ sectione perpendiculari ad palatum *b*, ut videantur circumvolutiones majoris lamellæ *c*, seu officuli, quod à nobis in superiori figura indicatum est per literam *D*.




In Ursis, canibus nonnullis, lepore, muribus, erinaceo, lamellæ bifidæ utraque superficies plures alias lamellas quasi progenerat, quas *Casseri* indigitavit per artificiosissimè striatum officulum in introitu nasi inveniendum.

In Cane venatico exquisitissimi sensus quem nuper habere licuit, inextricabilem & planè innumerabilem lamel-

larum progerminationem & circumvolutionem invenī. Primo cum ut in capite ovino lamella major bifida semel atque iterum utrinque circumvoluta erat, deinde à superficie ejus superiori exfurgebant aliz sex lamellæ quarum nonnullæ etiam bifidæ erant, sed omnes itidem in figuram semicirculi curvabantur, iterumque plures lamellas emittebant, quarum quælibet inextricabilem numerum aliarum lamellarum exhibebat, ut impossibile esset earum numerum inire, nedum figura exprimere. In aliis tamen canibus itidem venaticis talem circiter lamellarum progressum observavi, qualem exhibet sequens figura:



Est hæc lamellarum facies sectione transversa facta, prout illarum progressum utcumque imitari protuit calamus. Earundem vero lamellarum in iisdem canibus progressus (prout apparent in via aeris, quando adhuc intactæ sunt, sectione nasi factâ secundum septi longitudinem) indicatur in figura sequenti per *a, a*, nam *b*, cartilaginea nasi pars est, quæ cum membrana lamellas investiente continuatur;



Hæc-

Haftenus de structura Narium egimus, quomodo olfactui accommodata est. Nihil jam dicam de humiditate Narium, siue quâ fontes, scilicet glandulas oculorum, aurium & narium eam suppeditantes, & vias illam perpetuo iterum abducentes, siue quâ usum, ad inviscandas veluti particulas odoratas aeris. Illa tamen moderata esse debet. Nonnulli quidem cum Hippocrate Libr. de Carn. ad odores benè percipiendos siccas, non unctas, nares requirunt, quod de immoderato humore intelligendū est, à quo, nimium aliunde affluente, organum ad percipiendum sensum ineptum redditur, quemadmodum Olfactus læsionem à gravedine capitis & catharro observamus.

Nec de Nervis agam, siue quâ extremitatem eorum vel per ossa cribrosa continuatam substantiæ cerebri, quam processus mamillares dicunt, vel simul à ramo quinti paris ortam; siue quâ oppositam extremitatem per totam narium tunicam dispersam: Nec de materia subtili jam agam, cujus mutatio mutationem odoris producit. Sufficiet hic saltem indigitasse verum Olfactus organū, cujus artificium consistit in tunicæ Narium multiplicitate, ideo ut in spatio angusto major sit superficiæ expansio per tubulos & canales, quorum varia in variis animalibus conformatio.

Admittendum itaque est Nasum verum esse olfactus organum, nec tantum *semitam rerum olentiam*, quod voluit Galenus, qui ipsum corpus quod odores sentit, superius locatum credidit esse processus mamillares; idq; potissimum, quia nullum odoris sensum, nisi spiritu naribus attracto moveri observavit Cap. 3. de Instr. Odor. quanquam ipsæ nares vapore etiam vehementer olente repletæ sint, ideoque partem corporis quæ odores dignoscit aliam esse suspicatur, eamque interius in corpore positam, non quæ tam

tam in promptu est & in summo corpore locata, ut tunica quæ naribus indita est. Hujus vero rei rationem superius reddidimus, ut non omnino repugnet sententiæ nostræ de olfactus organo. Nec plus evincunt alia *Galeni* argumenta, uti Cap. 6. de Instr. Odor. quod validi odores caput statim lædant, impleant, aggravent & in delirium interdum provocent, atque Cap. 4. quod morsus gravis in intimo capite sentiatur ab attracto vehementiore spiritu nigellæ odore. Nam illa non concludunt ibi odoratum fieri, sed saltem illuc particulas subtiliores penetrare quod negari non potest quamvis in naribus fiat Olfactus.

XVII.

Ovum gallinæ prægnans.

IN ædibus *D. Cosmi Bornemannii* Jurisprudentiæ Professoris Regii, gallina mense Augusto 1679. exclusit ovum alio ovoprægnans, quod ad me misit Vir laudatus curiositati nostræ gratificaturus. Utrumque perfectum & grandiusculum. In extremo ovo albumen & vitellus circa internum circumfusa erant. Similia alia alias vidi, sed sicca.

Hac occasione ovum gallinæ Africanæ primiparæ exhibebo, cui collum crustaceum erat, in ædibus *Gerhardi dulciarii* exclusum.

Cujus hæc figura, communicata mihi à Clariss. *D. Olao Borrichio*:



XII.

Secretum Antiepilepticum.

Invisa mihi semper fuit secretorū occultatio, indignariq; soleo illorum invidiæ qui sibi servant quod omnium utilis rati DEUS & Natura commune voluit. Tanto magis execrari hanc hominum malitiam solitus sum, quanto minus occulti habeant secreta, si revelentur. Jactantur passim arcana, quæ Medicis in quotidiano sunt usu. Et plerumq; ex Medicorum scriniis vel Schedulis omnia prodierunt, quæ magnifico titulo pro secretis jactantur. Exempla ubi vis obvia. Unum signabo. Pro arcano Epileptico hætenus habuit Nobilissima Matrona remedium, quod multorum applausum meruit & admirationem. Ad quod, tanquam ex Æsculapii fano depromptum multi in urbe confugere solent. Non paucos vim salutarem ex usu remedii sensisse certum est, certum quoq; est, non pauciores fuisse incurabiles. Nec aliter fieri potest. Panacea enim necdum illa innotuit, quæ vel omnium morborum spondeat medicinam, vel unius morbi apud omnes curationem. *Quicquid horum sit, secretum illud remedium mihi singulari occasione communicatum fuit, cujus formulam non inuidebo publico, ut videant Artis filii parum vel nihil secreti continere, quod non vel in Medicorum libris legatur, vel quotidiano usu adhibeatur.

R. Cranii hum. gr. X.

Sem. Pocon. gr. X.

Succini albi gr. vii.

Auri hæredit. gr. ij.

Margarit. gr. v.

Cerall. gr. v.

Sambuci cortic. ex Salice nascentis gr. X.

K

Ca

Castor. gr. iij.

Pulv. Calendul. gr. IX.

Pulverisata dentur in aq Lavendulæ.

Quod auro per hæreditatem à parentibus relicto tantum pretii statuat vulgus, superstitioni vicinum est. Nec rationem video, nisi quod illud ex vetustate purius sit. Hoc cordi roborando efficacius creditur, at Luna cerebro in epilepticis. De cranio humano notandum 1. infectum esse debere, monente *Renodæo* l. 3. disp. c. 19. h. e. furis suspensi vel alterius hominis, nullius tamen morbi interventu mortui, explicante *Henr. Ranzovio* de Tuend. Sanit. c. 53. sed præeunte *Plinio* l. 28. c. 1. 2. Partem anteriorem cranii commendari potius à *Crollio* de Sign. quam posteriorem. 3. Femine Feminæ, ac mari masculû accommodatius esse, si credimus eidem *Crollio*, aliisque, quod verum sua experientia testatur *Unzerus* l. 2. de Epileps. c. 11. p. 212. Semen Pzonix maris palmam feminino præripit, quod tamen in officinis valdè rarum. Nostræ sedulò curant, ut illud habeant.

De Sambuci cortice & ramo in salice enato experientias attuli in Centuriis Hist. Anatomicarum; pro externo amuleto efficacem deprehendi. Calendulam Epilepsix adversari, non memini alibi me legisse, nisi quatenus calida siccaq; sua virtute cerebri humores absumit. Aliàs cordi appropriata, & in pestilentia vires potentius exserit.

XIX.

Oculorum Suppuratio & Visus imminutio.

INfans trium hebdomadarum in vico Boreali, nescio an per incuriam humi prolapsus, tantam oculorum inflammationem concepit, ut non tantum invisibiles nobis fuerint

rint oclusis palpebris, sed humor crystallinus ex altero effluxerit instar albuminis ovorum. Interea suppurati, copia puris ingenti quotidie effluente. Acta à Medicis qui curationi adfuerunt, quæ in hujusmodi casu agi solent. Tandem aqua ophthalmica ex succo chelidonii majoris, aliisq; impletus quidem, finita suppuratione, oculi humore crystallino vacui bulbus, sed sine visu. De Visus imminutione penes me est Consilium *Jo. Dom. Salæ* Medici Nobilis Patavini & ætate & experientia & eruditione inclyti, quod hic propter materiæ affinitatem inserere operæ precium duco, grata in magnum Præceptorem memoria, quo duce olim in Visitandis ægris triennium Patavii infumsi. Latina consuetudine à me redditum ita habet:

De relatione missa, quæ melior fuisset si à Medico esset conscripta, ita judico: quod causa visus imminuti non sit Cataracta, quia si illa esset facta, videretur, nec meliori statu conspiceretur, sed semper in pejorem statum provolveretur, ut jam profus visus esset sublatus; si esset incipiens, potius, ut solet, depravationem visus induceret quam imminutionem, adeo ut hoc tempore apparerent antè oculos aut culices, aut filamenta, aut alia objecta quæ obiciunt ea visui quæ revera non videntur; præterea, cataractæ non solent ad maturationem tantum temporis requirere ut visum auferant. Non est ungula, quanquam externè aliqua ejus appareant vestigia, quia, quando ungula pupillam non attingit, innoxia est. Non est alterius generis macula externa, ea quippe appareret. Judico non esse affectum illum internum nervi visorii, quem Græcæ vocant Maurosin, Latini Guttam Serenam, in qua videntur oculi & pupilla tam clara instar sanorum, siquidem non capit initium hic affectus à causis externis oculorum, sed potius ab internis

capitis, & subito omnem visum tollit, nec mutatur modo in melius modo in pejus.

Judico igitur esse in oculo offensam ante humorem crystallinū, qui præcipuū est visus organon, ab humore aqueo, per quem transire debent species visibiles, & præterea adesse crassiciem tunicæ corneæ, quæ etiam transparens esse deberet, ut ad organum dictum species transmitteret. Credo huic parti introducta esse hæc vitia à diuturna & ingenti defluxione, posseque ætatem aliquid conferre ad hanc offensam, quia causæ exigui visus ad sunt in omnibus senibus, quanquam ætas sola non sufficeret ad tanta mala producenda, nisi ab alia causa esset oculi debilitas. Sed de his rectius possent judicare Medici periti præsentēs, quales sunt Norsini, idq; multo securius.

Si causa proxima est illa quam judico, causæ remotæ erunt humores pituitosi, crassi, & tractu temporis defluxiones incrassatæ primo à capite calido & humido, unde semper fluxiones prodeunt, deinde etiam ab hepate calido, quod se prodit per tot pustulas in reliquo corpore apparentes. Quicquid sit, periculum imminet ab hoc malo ne visum amittat oculus hic, sicut altero oculo evenit. Difficile erit curatu, quia magnum, quia antiquum, quia à fluxione conservatur, quia oculus est debilis, quia in hac ætate incidit, quia multa remedia à longo tempore tentata sunt. Spero non fore impossibilem curationem, quia alia remedia supersunt quæ procurentur, quia observata est mutatio modo in pejus modo in melius.

Ideoque in opportuna hac anni statione, primo purgandum est totum corpus, postea particulariter, caput, fluxio divertenda, quantum possibile, exsiccandum nonnihil caput, refrigerandum hepar, in quo generantur humores qui possunt deducere alios ad locum, denique attenu-

an.

nandæ & resolvendæ materiæ concurrentes, roborandæque pars læsa.

In purgatione universali corporis suadeo, quia adhuc nulla adest inflammatio, in hac ætate & oculi imbecillitate, parum sanguinis extrahere. Suffecerit ad calorem hepatis, & ad purgationem, quæ facienda est, ne concursus fiat humorum calidorum per medicamenta localia, extrahere quatuor vel quinque Uncias ex hæmorrhoidibus, & supplere per balneum aliquod inferiorum partium, per frictions & cucurbitulas sine scarificatione.

Medicamenta purgantia & præparantia respicere debent humores pituitosos & biliosos. Sed purgatio erit diligens & duplicata, primo per medicamenta mediocria & Syrupos simplices, deinde per Syrupos compositos, & purgantia nonnihil efficaciora, ut possint trahere ex partibus diffitis & ex capite quoque; sicut sunt pilulæ Lucis cum juvamine probatæ. Materiæ remedium notissimæ sunt, & præscribentur à Medicis præsentibus.

Caput non expurgetur per nasum, ne irritetur fluxio ad oculos, sed per os, abstinendo propter eandem rationem à medicamentis calidis. Sufficit masticatoria conficere ex mastiche, cera, pulvere fœniculi & Saccharo, vel, quod mihi magis placet, masticare fœniculum conditum in aceto. Si hoc tempore oriretur inflammatio aliqua in oculo, laudarem sanguisugam unam vel alteram post aurem sinistram.

Ad fluxionem derivandam fontanellæ inuruntur, ut evacuentur. Fiat setaceum in nucha. Sæpe applicentur vesicatoria, sed superficialia post utramque aurem, quæ fiant vel cerato cum pulvere paucò cantharidum, subtili manu extenso supra telam, vel lacte ex Tithimalli omni stillante, frangendo caulem, & locum tangendo aliquot guttis quæ

exstillant: qualia vesicantia gestentur longo tempore, im-
 nimum quadraginta diebus, renovando quotiescunq; sa-
 nantur. Derivabitur quoq; usu diuturno masticatorio-
 rû, & familiari aliquo purgante leniori, sicut pil. de Tribus
 cum Rhabarb. & ex aloë lota cum succo rosarum cum
 pauxillo ex pil. Lucis.

Ad caput exsiccandum interius laudo decoctum ex falsa
 parilla, sandalis rubris vel visco quercino, additis foeniculo
 & euphragia, ut oculis approprietur. Exterius spongia
 alterat partem tincta sæpe & siccata in decocto ex eo
 quod remansit, additis rosa, betonica & Agarico, quod ma-
 gis ad rem faciet si fiat aut in lixivio dulci, aut in aqua ma-
 rina; aut in balneo quodam sulphureo: & hac spongia sicca
 fricetur caput, semper ad nucham versus.

Hepar refrigerabitur, si post usum decocti hujus, sumi-
 at per quindecim dies vel jusculum alteratum cum cicho-
 raccis, vel uncia una sacchari rosati. Dum decoctum
 sumit, non mihi necessarium videtur nec securum sudorem
 excitare, vel victu uti adeò tenui sicut solent; caro assa con-
 cedi potest, & vinum, sed lymphatum.

Inter remedia localia expertus sum utile esse Unguen-
 tum diabutyri, quo primo simplici utile esse Unguentum
 diabutyri, quo primo simplici utor, oculis applicato, postea
 sensim augendæ sunt vires ejus expositi Soli in vase æneo
 cum paucio aceto, ut acquirat colorem viridem ab ære: au-
 gentur præterea addito parum fellis primo piscis, deinde
 animalium volatilium & quadrupedum.

Probatur mihi etiam illud, quo Norisii pro secreto
 utuntur, nempe ut sæpius abluatur oculus aqua Euphra-
 gix, foeniculi, in qua infunditur parum vitrioli coloris cœ-
 rulei. Efficax quoq; remedium est, destillata aqua vitæ,
 in qua infunditur panis coctus ex tota farina cum surfuri-
 bus,

bus, additis fœniculo, eupragia, & exsuviiis viperæ, quæ oculo applicetur tepida cum aliquo instrumento vitreo, ut aqua oculum tangat.

Et siquidem hæc remedia aliquando propter vehementiam suam alterant oculum dolore & rubore, in tali casu oportet ea intermittere donec mitigetur dolor & rubor, soloq; diabutyrato simplici inungere, aut aqua rosacea cum paucis vino albo & aqua fœniculi vel eupragiæ.

Tandem volente DEO ad pristinum visum restituto oculo, ut roboretur, conducet nunquam aqua lavare, sed vino albo mediocri vel decocto eupragiæ & fœniculi, cui infundatur parum Tutiz.

XX.

De Triplici Quartana & Sextuplici.

UXOR Cerevisiarii in foro Veteri conquesta mihi est anno præterito, singulis diebus calore se corripere sine frigore, semper jam à longo tempore recurrente sine sudore. Hypochondriaca verò est. Credidi eam Triplici Quartana laborare. Hinc variis ex methodo præmissis, tandem chalybeato vino convalescere visa, mihi valedixit. De Triplici Quartana quædam olim adduximus Cent. 1. Hist. 95. Hoc anno non absimiles febres mihi Hafniæ grassari observatæ.

Sextuplicis Quartanæ historiam & curationem olim à Summi nominis Medico Patavino *Hieronymo Capivaccio* conscriptam servo, quam apud me diutius latitare nolo. Forsan ex usu erit: Est verò hæc:

Cum Perillustri Comitibus affectiones diligenter considerarem, in hanc tandem sententiâ ivimus, cum sex quartanis correptum. Quod etsi dictum forsitan mirabile & in-

audi-

auditum videatur, tamen qui volet singula sedula meditatione persequi, ita rem sese habere comperiet. Affectu enim melancholico, & præsertim hypochondriaco virum nobilissimum laborare certum est. Vitium est status, namq; percipit in hypochondriis ragitus, tormina, & in ventris regione frigiditatem, capitis etiam dolore premittitur, quem ex vapore superiores partes petente provenire in confesso est, cum flatibus cessantibus eum etiam cessare fateatur. Sed quod maiorem fidem facit, est totius partis sinistræ corporis frigus, quod in sinistro etiam pede percipit. Accedit præterea eum ex curis & vitæ solitudine habitum contraxisse melancholicum, ut ex his omnibus facile sit colligere eum affectu melancholico esse correptum. Cum vero febris bis in die invadat, mane & vespere, nullo rigore aut sudore, quidnam aliud asserendum, quam Quartanæ ideam obtinere? Eam autem sextuplicem esse, cum accessiones febriles in die bis invadentes, quarta quaq; die sibi mutuò respondeant?

Hæc igitur febris ex melancholico humore ortum ducit, cujus est multiplex vitium, copiosus enim est quam præsit, crassior, viscidior, in liene impactus, quorum culpa factum est, ut viscus hoc humore obstruatur, copiosus enim à jecore generante transmittitur, nec commode à liene expurgatur ob facultatis expultricis imbecillitatem. Hinc etiam fit, ut eum totus à splene suscipi nequeat, in totius partis sinistræ frigidioris quam par sit venas transfundatur, & multiplices sibi ad sex quartanarum exortum focos comparer. Somnus verò ipsi facile conciliatur, quia rationi est consonum melancholico humori pituitam esse permixtam ut ex spuitionibus frequentibus intelligitur. Absq; rigore invadit febris, quoniam mobili humore, qualis est tenuis, sit potissimum rigor; at melancholicus hic humor est

est crassissimus, quandoquidem progrediente febre, cum magis attenuetur, horror saltem aliquis potest oriri. Propter hanc etiam causam sudor non contingit, qui solet rigores consequi, cum humor terrestris difficulter attenuetur & liquecat.

His definitis eliciendæ Indicationes à contentis & continentibus. Contenta sunt humores illi pituitosi & melancholici, qui cum propter tot vitia lienem obstruentes putrescant, ideo remediis hæc vitia respicientibus indigent: neque enim obstructio aliquid ex usu indicat, cum remotis humorum vitiis ipsa quoque removeatur. Continentia sunt hepar & ventriculus: illud refrigerandum, hic moderatè calefaciendus & sicccandus; nec minus proportio calidumque insitum horum viscerum & præsertim lienis, propriis remediis tuenda. Quos scopos absolute ad modum fore arduum putamus; quoniam magnitudo essentiae in tot melancholicæ vitiis, & à naturali statu plus recedentibus conspiciatur, nec non & in intemperantiis prædictis, quæ & dignitatis magnitudinem sibi adscribunt, cum temperies ex Galeno dignitate sit major. Verum cum æger vires firmas habeat, & nullum generosum auxilium fuerit expertus, speramus eum convaliturum.

Quod igitur spectat ad Chirurgiam; Sanguinis missio nem probamus; cumque innatas hæmorrhoides non habeat, incidenda primo sinistri cubiti vena, & eoque sanguis fluere sinendus, donec pro livido & crasso rubicundus & tenuis apparuerit. Sed expedit etiam sanguinis missio iterum molienda, ut multiplices focos febris, quantum fieri potuerit, debellemus.

Pharmaciam lenienda est alvus, ut Melle ros. Sol. & Castia: Tum optimè præparandi sunt humores syrupis melancholico succo dicatis, ut de fumaria, de pomis, de

L

epi.

epithymo admixtis congruis decoctis ex Cetrach, fumaria, borag, tamarisc: Tum valenter expurgandi confect. hamech, Senna, Polypodio, & aliis efficacioribus, si opportuna videbuntur. Peracta purgatione Decocto chinæ cum carne laudatur, quo per 60 dies utatur, & adjungantur herbæ melancholiam respicientes, ut borago, tamarisc, agrimonia, Cetrach, fumaria, ut & Cichoreum & betonica pro ventris & jecoris intemperantiis; quo tempore sudor etiam conferret. Ante Syrupos & cibos pilulis utatur ex pulv. Chinæ, agrimon, fumar. & cetrach confectis. In summa, id observandum, ut (quemadmodum Aëtius præcipit) amaris adstringentia misceamus, ut humorum crassities tollatur, & lienis tonus servetur, ut tum sanguinem repurget, tum supervacua in ipso genita extra ad ventrem protrudere possit: hincq; quanto crassiore utitur alimento, tanta valentioribus indiget. Magnæ antidoti & maximè Theriaca prodesset, sed quia adventant tem pora calidiora, ab eorum usu erit abstinendum. Erit ergo satis Conservas aliquas in usu habere familiari, ut Conf. flor. borag. dianthos, ex flor. cichor.

Victus ratio mediocris respondeat, attenuans sit, modèratè calefaciens & humectans. Vinum sibi paret vindemiæ tempore medicatum, iis quæ affectus lienis juvant, cappar: corticibus, Scolopendr. fumaria. China etiâ, & tamarisco; nec à ratione alienum erit, si dolia & poculum, unde vinum hauriet, ex hoc ligno sibi confici jubeat, quod melancholicis affectibus adversari experientia constat. Reliqua suis Medicis relinquimus.

XXI.

Vermes cum urina.

PAUPERcula quædã mulier pro puero suo stranguria laborante obtinuit in officina Herfordiana pulverẽ Cantharidum cum oculis cancri. Subsecutus ilico post usum pulveris vermiculus urinæ permixtus, rubicundus, longitudine articuli digiti, convalescente puero. Dubitavi an in matula non benè lota vermis antea latuerit, quod alias observaveram. Negavit verò illa, vas enim nitidum fuisse, seq; accuratè hæc spectasse.

Vermiculorum ferax est corpus nostrum, nec ulla pars immunis. In capite dolores excitant, quos exinde excretos capsulæque impositos in templo meo Hagedano in Nobilissimi Friderici Frisii loculo servatos meminì. In ozæna vermiculi prodierunt. In dentibus nascuntur & sævò cervino eliduntur. In corde observatum vermem ex Majo Severinus de Abscessibus memorat. Renum familiares esse hospites non semel vidimus, unde mirum non est, cum lotio excerni. Pedes verminosos alibi descripsimus. Vulgatum est lumbricos in intestinis hospitari, & in Dysenteria nuper grassante non pauci observati. Ex ventriculo Viri religiosissimi Hafniæ, ante fata, vermis vomitu rejectus. Pestem Viennensem nuperimè à vermiculis ortam, Medici notarunt, & succo citri profligari. Scilicet omnem pestem à vermibus advocat Kircherus. Credo verò effectum esse putredinis, non causam. Quid plura? vermiculi vivos nos torquent, & mortuos consumunt. Ut verè Job c. VII, 5. caro mea undiq; verminosa est.

XXII.

De Subitanea pueruli Illustris morte.

EX missa relatione de Subitanea morte illustris pueruli, colligere nobis visi sumus, causam illius repetendam ex coagulato & extravasato sanguine tam in cerebro quam pulmonibus copiosius post dissectionem reperto, unde Apoplexia sanguinea subsecuta. Quod malum quoque accelerare potuit copiosus humor in cerebro visus. An verò extravasatus hic sanguis ab interno aliquo vel externo accidente ortū traxerit, absentibus facile divinare non licet, si quidem nulla indicia certa perscripta fuere. Id tamen suspicari possumus, quia semper difficultatem respirationis & angustiam pectoris observarunt in beato puerulo adstantes, obstructionem in vasis pulmonum vel circa eadem compressionem præcessisse. Hafn. 22. Dec. 1677.

Th. Bartholin. H. à Möinich. J. H. Brechtfeld.

XXIII.

An gangrena pedis ex Sp. C. C. rectificat, inundatione processerit?

Amplissimi Viri amicæ petitioni satisfacturi perlegimus juxta diligentia transmissum Casum Medicum, & ad quæstiones propositas brevissimè respondimus. De facto tamen judicium nostrum suspendere debuimus, quia, deficiente Medici Sempronii relatione, circumstantiæ variaz desiderantur ex ægræ Viduæ statu, malo præcedente, remediis adhibitis &c.

Interea ad Quæstionem Primam officiosè respondetur, videri pustulam in pede excitatam, fuisse mali moris ante
fari.

farinarum Medicarum applicationem; alioquin enim cessisset, ad minimum ex parte, post ad moras farinas, quin & pravitatis ejus indicium esse, quod totus ille prior dolor & cordis & aliarum partium superiorum, desierit velut in punctum aut centrum pustulæ, adeoque ibidem tanto vehementiorem in angusto spatio excitavit dolorem. Putamus autem minus convenienter illitum postea Spiritum Cornu Cervi rectificatum, præsertim si purus ille fuit, & non temperatus mistis aliis, qualem scilicet mitiorem nostri pharmacopœi divendunt. Opportunius adhibuisset Sempronius diaphoretica interna, quam externum illum vehementem liquorem, qui non potest non, præcipue in affectu non frigido, causari tandem dolores & alia incommoda. Neque spiritus ille in hoc casu salutari potest Schmerzstillender spiritus, si accuratè loqui placeat. Solent tamen Medici in Inscriptionibus medicamentorum propter diversas intentiones ludere quandoque vocabulis, atque id innoxie.

Deinde, postquam ex superioribus constat, pustulam fuisse pravi & mali moris, non credimus inflammationem illam & supervenientem gangrænam in totum Spiritui illi Cornu Cervini adscribendam esse, cum etiam sine illo medicamento potuerit sensim ex pustula illa seu fonte infecto manasse, præsertim si corpus fuerit Cacochymicum, & ætas in senium declinans. Potuisse tamen dolores accelerare, & aggravare non negamus. In sanâ autem carne gangrænam ab aliquot guttarum illitu, terque quaterve repetito, excitatam fuisse, hætenus non observavimus.

Tandem, quanquam Theriaca diateffaron succo Sambuci permista cum fructu applicari possit erysipelati incipienti, adultæ tamen inflammationi sistendæ quomodo

servire potuerit, non videmus. Solum rob Sambuci applicitum, fuisset innoxium.

Conclusum in Collegio nostro Medico, Hafniz d. 26. Martii cl^o 13c LXXIX.

Th. Bartholin.	Er. Bartholin.
W. Worm.	Ol. Borrichius.
Casp. Bartholin Th, f.	

XXIV.

Cataplasma odore sudorem provocans.

EX Norwegia transmissum fuit Cataplasma solo odore sudorem proliciens adeoque febres curans. Odor verò est gravis foetidusq;, qui per nares attractus, molestia sua & acribus particulis Salis volatilisturbat corpus & ad expulsionem febrilis materiz incitat. Odor enim, ex *Theophrasto* L. 6. C. P. 22. in eisdem generibus est, in quibus aliquid acredinis aut pinguedinis inest. In America radicem esse mihi narratum fuit, cujus odore copiosissimus sudor in lue Venerea elicitur. Cataplasmatìs verò seu Unguenti Norwagici descriptio hæc est:

R. Alliin. ij.

Pulv. gentian. ʒß.

Piper. ʒij.

Croci ʒß.

Atramenti sutorii, vel lixivii fullonum

q. s. M.

Modus applicandi hic est: Corio vel linteo oblongo inungitur digitisque duobus indice & medio obvolvitur. Hinc lecto culcitrisq; bene munitus ante febrilis horrore invasionē, crebra ad nares odoris hujus attractione, sudore

sen,

sensim copiosum provocabit. Felicem eventum nonnulli, etiam Hafniæ experti sunt, & experimenti gratia Unguentum hoc seu Cataplasma in Officina sua Heerfordius Junior servat, cuius illud petenti libenter communicaturus. De sudore mirum non est, cum etiam alvus lubricetur medicamentis purgantibus frequenter naribus oblatis. Nec alia ratio est periaptorum. Singulare de visco quercino amicus communicavit, quod fronti affrictus, dum calet, ebrietatem discutiat. Odore copioso vini inebriari quosdam scio. Cur de sudore dubitamus?

XXV.

Crisis morbi per unguis.

IN unguibus signa tam sanitatis quam morbi apparere notum est. Iusta enim rubedine nitent in sanis, pallent liventq; in morbosis & moribundis. Per crisin in convalescentibus maculas extrudi non ita vulgatum. Apparent quidem nonnunquam in sano statu maculae albae, à calore vegeto protrusis excrementis, quas ad alia torquet vulgus quam pro naturae intentione. Calumnias enim designare creduntur. Nugae. Quid naturae corporis cum externa malevolorum machinatione negotii? Unde utriusque consensus? si mendaciorum & calumniarum signa unguis semper gererent, nunquam à maculis forent immunes. Cur verò albae magis quam nigrae? Candida potius candidorum judicia proderent, non nigras deformesq; obrectatorum cavillationes.

Quemadmodum robore naturae in sanis candidae maculae exturgunt: Ita in morbosis lividae nigricantesq; quasi crisi quadam generantur, protruso ad extrema digitorum per

per vascula seu sanguinea seu nervosa humore pravo. Id nuper raro exemplo observavimus in Viro rari exempli, quem à gravissimo morbo servatum & publico & privato nomine gaudemus. Erasmus Vindingius is est, magnum patriæ & Academiæ nostræ decus. Sexagesimo quinto ætatis anno magna inappetentia cum occulto depascenteque calore correptus, & siccitate faucium, benè Sibi ominari non coepit. Tractum per hebdomadas binas malum, variis ex arte adhibitis pro stomacho languente, calore & siccitate, quæ marasmm minabatur, & Scorbuto, tandem omnium bonorum voto, visum fuit remittere. In hac morbi declinatione unguis maculis obscuris hinc inde magnis & latioribus tingeantur, quales scorbuticorum in artubus esse solent, quas pro renato Naturæ robore interpretabar, ad extremas corporis partes materiam morbosam, velut crisi salutari, expellentis. Sensim illæ disparuerunt, sed sperata salus Virum integerrimum revisit, quam ipsi perennem precamur.

Alias podagricorum tophos in unguibus pedum re sedisse vidi.

XXVI.

Vomica Pulmonis.

Ad D. Oligeram Jacobæum.

IAm, à nuper acceptis vestris mihi copia facta est aperiendi Cadaver Infantis duos annos & sex menses natæ, à febre cum difficili respiratione & tussi & aliis nervosi generis affectibus extinctæ. Quæ notatu maxime digna in ejus Anatome occurrebant, sic accipe.

Aperto thorace insignem ibidem in dextro latere Pulmonis Vomicam observavimus. Quippe Pulmones
ibi

ibi loci & Pleuræ & Diaphragmati quam arctissimè coherentes, & demum suppurati, cystidem intus amplissimam efformarunt, materia purulentâ coloris dilutè viridescens, repletam. Fere libras duas hujus puris invenimus, in eodem verò huc illuc natitantem materiam aliam coloris albidioris instar Steatomatis. Vomica potius quam Empyematis titulo, eo inductus sum ut hunc affectum insignirem, cum probè notavimus membranam quandam crassiorem semî putidam Diaphragmati & Pleuræ super inductam, Portiunculæ verò isti quæ restabat Pulmonis, continuatam. Maxima enim ejus pars, cum in pus abiit, supra basin tamen cordis particula ejus adhuc mansit. A vulnere verò inflicto intus hic illic Abscessus parvulos alios offendimus. In sinistro latere Thoracis Pulmones magis integri, copiosis verò fibrarum manipulis in variis locis & Diaphragmati & Pleuræ affixi fuerunt. In ipsam Thoracis cavitatem serosus quidam liquor, non tamen multum copiosè effluxerat. Nullibi verò hic Apostemata invenimus, & quod magis sum miratus neq; glandulosas istas carunculas in malè affectis Pulmonibus quam sæpissimè occurrentes, & quibus suppuratis non rarò succedit Phthisis, nisi dicamus, quod in hoc cadavere Tubercula ista jam penitus in pus faciescentia, nulla sui vestigia reliquerunt.

In abdomine viscera omnia aliquantulum albidiora, ventriculus verò & Intestina planè candida. Epar pallidum & exsangve, & nisi in Portæ sinibus nil sanguinis apparuit. In Pelvi utriusq; Renis (quod sum plurimum miratus) pus quoq; album ibidem stagnans, nec non in Vesica urinaria copiam ejus satis largam offendimus, in neutris verò Apostematis seu Abscessus vel minimum tractum observare licuit, unde necesse habuit (uti credere par est)

M

cir

circuitu sanguinis huc è vomica Pulmonis deferri, & demum una cum urina secerni. Quod confirmatur, & vicissim ratas habet Observationes Practicorum, Urinas Empyicorum quandoque purulentas evadere, & narravit mihi Vir ingeniosissimus & Medicinæ hic Londini Practicus felicissimus D. D. Morton, se olim empyicum quandam copiosi puris per urinas seductione in integrum restituisse: Materia hæc purulenta in sanguinem absorpta (uti fas est opinari) albidioris istius viscerum coloris causa extitit, & Epar quasi exsangve reddidit: Et notatu dignum quod cum Bilem vesicæ felleæ extraxeram, Hypostasin quandam purulentam in fundum basis præcipitatam observavi, ita ut quod vel balsamum sanguinis perhibetur, nequit hic se ab ipsius noxis tutum præstare; at Natura se ab inimico hoc hospite expedire satagens, quacunq; licuit, foras eum protrudere contendit, sc: per glandulas secretrices Renum, Epatis, nec non Aurium (aures quippe purulentas habuit), sed copiâ ejus demum devicta succubuit, & exspiravit patiens. Londini 1679.

Eduardus Tyson.

XXVII.

Hydrops Thoracis & difficultatis spirandi

rara Causa.

Ad Oligerum Jacobæum.

CUM Oxonii olim studiis incumberem, quidam me admonuit de Cane summa spirandi difficultate laborante, ita ut vix spatium viginti pedum motu citatiori emetiri potuit, quin illico in humum delapsus & anhelans rapidissimè spiritum trahere necesse habuit. Cum data

pe.

pecunia difsecandi mihi copiam feceram, ſectō Thorace integram ejus cavitatem Aquā repletam inveni; Pulmones verò ita parvi, ac quafi ſacculo incluſi, ut dimidio minus ſpatium præ ſolito occupabant, eſſi Aere inflato ope follium ad maximam ſui expansionem excitaveram. Tunicā quippè communis Pulmonum (quæ hic craſſior & albidior videbatur) ita coarctaverat ipſorum parenchyma, & conſtrixerat, ut copiam aëris pro reſpirationis munere idoneam, non niſi repetitis nixibus admittere potuerint. Subſtantia Pulmonum aliàs ſatis integra videbatur, & id unum vitium, quod non ſatis libere ſeſe explicare licuit. Aquam iſtam in Thorace contentam multum quoque Reſpirationi obeſſe facile crederem; ſed an non à contractura illa Pulmonum originem ſuam traxerāt, cum non aliàs viderim, unde efflueret, in medio relinqvam. Canis hic venaticus fuit, & eo nomine domino ſuo valdè gratus, ſed à ſex ferè menſibus (ſi benè memini) morbo hoc detineri incepit.

Eduardus Tyſon.

XXVIII.

Hæmoptoe, Tuffis, Pleuritis, & Empyema, à duobus Claviculis fortuito in Pulmones delapſis.

Ad Oligerum Jacobæum.

Vir quidem ex occupatione Cæmentarius, cum pro more in munere fungendo claviculos in ore detineret, ex forti cachinno dum ſurſum aſpicit duos in Pulmones fortuito demiſit. Illico ingenti tuſſi correptus eſt, & hæmoptoe; & ab illo tempore moleſtiam circa pectus ſenſit, nihilominus fungebatur munere ſolito, & poſt elapſum

annum uxorem duxit. A celebratis verò nuptiis Tussis magis sæviebat, an à Baccho, venere, tripudiis vel à suscepto frigore melatet. Post 4 dies ingenti dolore dextri lateris, anhelosa respiratione & febre detentus, Dn. Morton, ut ipsi medicinam faceret, accersit. A datis medicamentis dolor iste Pleuriticus evanuit; Febris verò, vigiliæ & importuna tussis usq; perseverabant. In tantum verò quandoq; sæviebat, ut erecto corpore per longum spatium cum maxima violentia miserum defatigaret. In cassum verò tentatis vel optimis medicaminibus, & habito jam Prognostico, expirans fere tandem Medicum admonuit, de deglutitis (ut ipsi visum est) clavis. Dissecto corpore; dextri lateris Thoracis cavitatem materia purulenta repletam offendimus. Pleura hic insigniter crassa, alba & putrida fuit; & membrana dextrum Pulmonis lobum investiens ejusdem indolis. In eodem lobo Cystidem observavimus pure valde foetente & instar Meliceridis repletam. Pulmones discolores fuerunt, & ferè nigricantes, utriq; lateri adhærebant, & sanguine & pituitosa purulentia multum infarcti. Juxta Trachæam ubiq; glandulas frequentes advertimus, viscida nigricante materia obfitas; & in ipsis Pulmonibus alias insignes materia steatomatosa turgidas. In eavitate verò Trachææ intra Pulmones ubi se in bronchias seu ramificationes suas diffundit, clavos istos duos juxta sitos, purulentia quadam obfitos & rubigine obductos, miseri hominis fati miseri cordes invenimus.

Eduard Tyson.

XXIX.

Polypus omnes Corporis totius Venas & Arterias occupans.

Ad Oligerum Jacobæum.

Canis quædam Islandica, quæ pro indole sua valde hū-
dibunda & agilis fuerat, à semī anno pingvescere &
torpescere incepit; & tum temporis quasi syncope correps-
ta in terram corruens, animam ut mihi videbatur, efflatura
erat. Tandem verò convalescens, sed usq; pigra, non ita
pridem catulos tres parturiit, duos verò mortuos. Tem-
pore prandendi solito cibos sollicitè quæritans huc illuc
cursitando, & post devoratos satis alacris cum visa est, ad
catulum fovendum rediit. Sed hora una vel altera elap-
sa cum famulus obiter canem minus integrè (ut ipsi visum
est) se habentem observasset, ad focum admovet, sed
illico crura & pedes summè extendens & in tergum se vo-
lutans, exspiravit.

Mortis tam repentinæ causas scire gestiens, corpus
dissecui, & cum cætera viscera satis integra videbantur, in
dextro cordis ventriculo & Auricula Polypum insignem
ejus cavitatem occupantem observavimus. Sed quod
rarius (ni fallor) annotatum est, per totius venosi generis
systema ramulos dispergebat, ita ut in Pulmonibus, in
Epate, in Renibus, in Venis Mesentericis, in Cava, in Ra-
mis Iliacis, uno verbo in omnibus totius corporis venis
Polyposam hanc sanguinis coagulationem, quasi in Theca
inclusam advertimus. Sectis venis Polypum integrum
cum suis ramulis è corpore exemi, & in Tabulam explica-
vi, qui demum exsiccatus mihi nunc inservit pro systematis
venosi schematismo. In sinistro ventriculo & auricula
itidem Polypum alterum satis grandem notavimus, qui

codem ritu ac in Venis, per singulas arterias diffundebatur. Hoc verò discrimen interfuit, quod Truncus illius qui Arterias occupaverat, gracilior fuit & minoris molis,

Eduard Tyson.

XXX.

Polypus Bronchiarum & Tracheæ.

Ad Oligerum Jacobæum.

J Am à longo tempore apud vulgus obtinuit & in Prætorum libris observationes habentur, de frustulis seu particulis pulmonum (ut ipsis visum est) cum Sputo Phthisicorum tussiendo rejectis. Pulmones deminui, consumi, & deperdi pro confesso habent, & demum ossas seu portuncululas aliquas ex ulcere corrosas egeri. Quantum verò mihi ex fide quarundam observationum Anatomicarum & ex frequenti Cadaverum Phthisicorum dissectione adhuc innotuit, res aliter se habet: & Pulmones nimium inflari, augeri, à materia serosa vel purulenta, sæpius à Tuberculis glandulosis infarctos esse, quandoq; mihi contigit observare. Ita ut cum integram fere Thoracis cavitatem occuparent, minus spatium pro libera sui explicatione, & aëris satis idonea copia susceptione obtinere nequeant; hinc frequentiori nixu respirandi systolen & diastolen repetere necesse habent. Quod ansam fors præbuit sententiæ illorum, qui Pulmonum particulas tussiendo quandoq; ejici autumant, idem foret quod mihi à se quæpianno contigit videre. Scilicet Juvenis quidam olim hæmoptoe & gravi tussi laborans, jam Phthisicus planè evadens, sæviente brumali frigore graviores affectus ejus

in-

insultum expertus est. Tussis valde frequens, & maxime importuna miserum defatigavit, vomitu sæpe correptus est; vigilæ & dolor capitis urgebant, sitis vexabat; dolor à dextro latere infra costas ad sinistrum imò ad dorsum affligebat; spiritum cum maxima difficultate trahebat. Pulsus nullum fere sui inditium præbebat, & quod notatu maximè dignum, sæpe & insigni copia per decursum morbi, cum Tussis maximè urgeret, offas quasdam planè carneas, sanguinis efflorescentis striis in superficie insignitas, è Pulmonibus rejiceret. Offas hæc quò melius perspectas haberem, salivam ab ipsis & reliquam immunditiam linteo deterfi, & inveni carnosas planè fibris longitudinalibus donari. Coloris subalbidi fuerunt, figuræ ut plurimum oblongæ, variz magnitudinis; & Particula quædam 4 digitos transversos longa Ramificationum vestigia obtinuit. Imò omnibus ritè pensatis, ut mihi videbatur, Polypum Cordis & venosi generis quam exactissimè referebat. In sanguineis verò Pulmonum vasis prius efformari, & demum vi tussis vasis erosio & ruptis ejici, minus mihi verisimile videbatur, cum jam vivente homine hæc morrhagiam inde insignem insequi necesse foret. Cum nos vidimus non nisi strias quasdam sanguinis superficietenus. Potius ab ipso sanguine in bronchias effuso, vel à sero sanguinis ope Glandularum in ipsas secreto & tandem coagulato fieri, credere par est. Sed cum ipse oculatus testis non fui, mallet *ἀνίχην* quam temere hic quicquam statuere. Anatonem enim Corporis quam maximè licet sollicitavi, vana Amicorum pietas, & nescio quæ in mortui cadaver reverentia vetuit.

Edvard Tyson.

XXXI.

De Dysenteria Castrensi ejusq; causa Vermifera & curatione

D. Pauli Brandii Medici Castrensis.

EXercitus Danici in Scania non ita pridem militantis cum Medicum agerem, inter alias contagiones Castra nostra infestantes, grassabatur præcipuè crudelissimus & sævissimus ille dysenteria dictus affectus. Cujus originem & causam paullo accuratius investigans observavi in scybalis non solum meis purulentis & cruentis; (nam & ipse hoc affectu lethalter ægrotabam,) sed & in suis militum plurimi observavere mecum cruentæ cladis cruentos reos, scilicet, animalcula quædam anguineo flexu gregatim perreptantia variæ magnitudinis & formæ, quorum delineationem accuratam Curiosorum oculis in præsentiarum sistere nequeo, ob defectum microscopiorum, quibus illo ipso tempore, quod doleo, destituebar. Accedit, quod valetudo infirma cadaueris sectionem negaverit. Quantam autem atrocissimorum dolorum Lernam excitarint hospites isti ingratiissimi, intestina fodientes, mordentes, lancinantes, imò, in ipsa præcordia sævientes, quilibet faciliè cogitatione assequi potest. Ideoq; ne malum ipso in limine hærens ulterius serperet, exitiumq; sibi metipsis cacerent ægrotantes milites ab expeditione Christianopolitana reduces, maturo consilio opportunum remedium daturum fuit ab Archiatro Regio Celebratissimo Dn. D. Christiano Fossio tunc temporis præsentente, scilicet absinthium non procul à Castris nostris ubiq; in agris luxurians, cujus summitatum in cerevisia cum Sale communi vel nitro coctarum largo ac tepido haustu bisterve in die facto, angvem, quem juxta
pro:

proverbium in sinu suo fovebant, sensim necarunt ægros tantum plurimi. Quo & ipso consilio Wilhelmus Trellund ante hos XXIV. annos Hafniæ percuravit dysentericosquam plurimos, quade re extat adhuc scriptum ejus in luce publica, vid. Th. Bartholin. Histor. 65. Cent. 2. Nec minori virtute pollebat aqua antidotalis Matthioli cum essentia absinthii composita ad præservationem propinata, ut nihil dicam de aliis remediis vermes sive vivos, sive etiam ante occisos è sedibus suis eliminantibus.

Hujus commatis observationes pathologiam animatam optimè illustrantes, cum altiori mentis indagine opus habeant, altioribus meritò mentibus relinquo, haudquaquæ operosè disquirens, utrum hæc vermiculorum generatio aëri an aquæ sive horum elementorum bigæ quod suspicor, imputanda, cum notissimum sit aërem sive atmosphæram effluviis sæpe putridis & verminosis, sub formæ rubiginis interdum segetes & fructus horarios corrumpentis, arborumq; foliis arefactis auripigmenti ad instar adhærentis, scatere; variaq; in sinu suo occulta vehere semina, in corpus quæ faciliè trahi possunt; Aquam autem æstate præprimis, propter tunc frequentius silentes ventos stagnantem & quiescentem putrescere, juxta illud Poëtæ:

Ut capiunt vitium, ni moveantur aquæ.

Unde verminosum seminum in ea hospitans propullulat & ab urente sirio excluditur: Quid mirum, ejusmodi progenie verminosa prægnantem aquam largiter haultam in ventriculo insignes excitare turbas; quinimo, sæpius lacertos & bufones ex ea produci, ceu illud quam plurimæ restantur observationes ab Æsculapio nostro Boreali Th. Bartholino annotatæ. Et Delphis Batavorum triennio abhinc mente Augusti à famæ celebritate Cl. Viro Dn. Lewenhoeck admiratione pleno mihi per microscopium

pium singularis artificii unica in aquæ guttula innummerum vermiculorum oberrantium numerum monstratum fuisse memini. Quamvis & huc suam quoque symbolam addere soleant copiosæ in castris circumvolitantes muscæ, præcipuè majores illæ *Epy*, *Stuer* nostratibus dicæ, jam oletis ægrotorum, modò alimentis siue crudis siue coctis insidentes, fermentumque hocce malignum in cibos transportantes, vel ovis ubique suis, ex quibus vermes excluduntur, alimenta conspurcantes; quinimò eadem & ipsæ cibariis immersæ assumptæque; catharsin excitantes. Ut nihil dicam de cerevisia novella, nec debita fermentatio: ne à fecibus depurata, aut vetustate acescente, vel ex frumento ad putredinem vergente, & curculionibus (*Malga Würmer*) scatente, confecta, copiosæque; epota, hanc malorum Lernam pariente & fovenite. Et hæc est symbola illa, forsan alibi obvia, quam hac vice hisce doctis doctorum virorum observationibus, ex voluntate eorum, quibus reluctari maxima mihi religio est, annectere volui. Hafniæ postridie calendarum Decembr. 1679.

XXXII.

Methodus Demonstrationum Anatomicarum,
cum præparationibus quibusdam selecti-
oribus.

Cassari Bartholini Thom. f.

NEc omnia in uno cadavere possunt demonstrari, nec quæ in uno demonstrantur, secundum omnes conditiones plenè exponi; Non illud, quia quarundam partium præparatio requirit ut aliæ auferantur, quæ in eodem subjecto simul præparari non possunt; Non hoc, quia ne
inter

integri quidem menses sufficerent, omnibus ordine recensendis, quæ jam tum innotuere circa partium conformationem & actionem, atque nostrum, quem inde percipimus, fructum, ad Dei notitiam morborumque curam. Non igitur mirandum si in demonstrationibus Anatomicis quædam admodum perfunctoriè, alia non omnino tangant Professores.

Primò igitur ad illam demonstrationem accingor, quæ plerorumque viscerum naturalem situm exhibitura est. Sponte enim omitto longam enumerationem variarum corporis in partes divisionem, cum suffecerit indicasse communem omnibus, quæ sit in ventres & artus: Nec circa integumenta universalia multum hæreo, quæ alii aliter recensent, ego tantum triplicia agnosco, cutim, pinguedinem, & fibrarum motricium collectiones, quæ constituunt tertium integumentum commune. Quæ verò de membrana adiposa, carnosâ & communi musculorum vulgò dicuntur, ita explico, quod omnes non sint nisi à musculis exeuntes fibræ, quæ hinc inde expansæ membranas formant, sed tantum particulares; dum verò à musculis in cutem exeunt, hinc inde pinguedine intercipiuntur, ut nullam pinguedini propriam membranam reperire liceat, ita per universum corpus expansam, ac Antiqui voluere. Quæ de panniculo carnosâ dicuntur, desumpta sunt à musculis cutaneis hinc inde in corpore apparentibus, quæ in quibusdam animalibus majorem, in aliis minorem corporis partem investiant. Denique quintum corporis integumentum, quod omnes cujuscunque regionis & organi musculos comprehendere continent Aratomici, sectioni debetur, non naturæ, ideoque peritiam Sæctoris, quam ad membranz hujus præparationem requirit *Riolanus*, in eo consistit, ut relecet omnes

fibras ab ossibus vel musculis exeuntes. Verè enim ex musculis singularum partium exeuntes fibræ concurrunt ad componendam membranam singulis membris propriam, licet omnibus musculis communem.

Lustratis integumentis, quæ communia vocant, ut jam pectoris & abdominis viscera in naturali situ demonstrarem, ea ratione musculos & pectori antèrùs incumbentes, & abdomen tegentes præparo, ut eorum demonstratio deinde fieri possit, ubi ad *Myologiam* specialem pergendum. In cadavere autem aperiendo observo methodum apud Celeberrimum *Stenonium* quondam visam: Portionem cutis digitorum latam relinquo in medio corpore à collo usque ad pubem, idque ut tendinum in cutem transitus demonstrari possit, & de communibus involucribus controversia dirimi. Nec chiasmum circa umbilicum instituo, sed primò cutim, deinde pinguedinem, nulla sectione laterali divisam, à medio versus latera separo. Musculum pectoralem à sterno, abdominis verò musculos resecò à parte ossea costarum & vertebri, ita ut parti cartilaginosa sterni, lineæ albæ, & ossi pubis adhæreant; vel interdum etiam ab osse pubis resectos uno latere per musculum transversum vertebri adhærentes relinquo. Deinde abdominis musculos ita ab invicem separo & à peritonæo, ut tamen peritonæum integrum maneat, & connexio ejus cum lineâ alba & diaphragmate possit demonstrari. In resecando sterno, primum carnem inter duas costas ita removeo, ut pleura non lædatur, hinc pleuram sub costis deprime, (non sine difficultate ob communicationem fibrarum) ut pleuram integram conservem, ubi cartilago ab osse dividenda est, id quod sub singulis costis & claviculis, quantum fieri potest, observare nitor. Sternum autem ipsum non elevo, nisi in de-

demonstratione, ut in remotione ejus agnoscant in mediastino, seu inter pleuræ duplicaturam, nullam reperiri cavitatem.

Ita remoto sterno cum musculis, qui anteriora pectoris & abdominis formant, in conspectum prodeunt duæ membranæ suam quælibet cavitatem interius vestientes, nimirum peritonæum & pleura, & demonstro illas non undique partes contentas ita involvere, ut cortex ovum, sed liberam relinquere illam viscerum partem, quæ reliquo corpori continuatur. Adeo ut nonnulla viscera certo loquendi modo potius extra membranas constituta sint, sicut verè ipsa vasa majora fere omnia extra eandem membranam reperiuntur. Id quod facilè percipitur si quis mente concipiat dictas cavitates omnibus visceribus vacuas membranæ modo nominatis interius obduci, & sub membranæ delitescencia viscerum primordia, veluti semina, ex vasis majoribus progerminare, quæ dum crescendo exsurgunt, ipsam supra se membranam ita elevent, ut partes excrecentes omnes eâ exterius testa manerent, exceptâ illâ sui parte, qua reliquo corpori continuantur. Præterea de peritonæo observo, quod diversa nomina, ut mesenterium, mesarcum, ligamentum suspensorium hepatis, alæ vesperilionum uteri, duplicaturæ & processus, non designent nisi ejusdem membranæ varias partes, prout variè à partibus contentis extenditur. Sic in pectore mediastinum pleuræ pars est.

In recensendis contentis visceribus pectoris & abdominis sequor ordinem quo se singula exhibent: Ubi in pectore primum thymus, inde pericardium cum corde, ad latera pulmones conspiciuntur; Nam Aspera arteria, œsophagus, thoracicus ductus, arteriæ & venæ, necdum spectantium oculis commodè exponi possunt. De corde

hoc loco succederit innuisse, apicem ejus in homine ferè semper sinistrorsum inclinare, basin autem in medio sitam ad latera auriculas exhibere. In abdomine conspiciuntur primò vasa umbilicalia, sive, vena umbilicalis, urachus & arteriæ umbilicales, inde omentum, mox ventriculus, cui à dextris hepar est, à sinistris lien, circa modum inferius pancreas situm est.

In ductu intestinorum sequens ordo observatur: Ventriculus excipiens portio immediatè sub hepate sita aliquantulum deorsum in dextro latere fertur, inde à dextro versus sinistrum transversum inter mesenterium & vasa majora ad lienis regionem transit, ubi iterum sinum formans variis plexibus circa & infra regionem umbilici inflectitur, donec prope renem dextrum colon excipiat, quod transversum sub stomacho sinistrorsum fertur, ubi figuram S. majusculi imitatur, & in rectum desinit. Infimo loco abdominis, antè vesicam, posterius rectum, medio loco in foeminis uterus cum annexis partibus, in viris organa generationis videntur.

His ita in situ naturali intra corpus visis, educo simul omnia & thoracis & abdominis viscera continuo ductu, relicto diaphragmate, cujus tria foramina in unum reduco, ut pectoris viscera detrudantur in abdomen. Diaphragma vero relinquo, ut ejus veras connexiones deinde examinem, eandemque ob causam nec linguam cum œsophago educo, ut postea veros horum musculorum terminos exhibere possim, sed circa jugulum refeco asperam arteriam cum œsophago. Hæc omnia educta absque alia præparatione in tabula dispono, primò secundum situm naturalem, deinde totum canalem seu viam alimentorum à vasis atque mesenterio liberatam, in alia tabula ita explico, ut uno intuitu conspici possit series integra viæ
hujus

hujus alimentorum, quæ quibusdam in locis strictior est, alibi amplior. Dilatatio præcipuè conspicitur in ore; ventriculo, & colo; os inter & ventriculum interceptus canalis angustior, œsophagus dicitur. Hunc excipiens dilatatio, stomachus, cujus principium, os stomachi, finis pylorus. Inter ventriculum & colon interceptus canalis à pyloro ad pori bilarii insertionem usque, duodenum, inde longo tractu jejunum, tandem ileum dicitur; Coli principio juncta appendicula, Cæcum, ultima pars column excipiens, Rectum nuncupatur. Nec amplius difficile erit visa serie partium, ut se invicem secundum ductum canalis excipiant, implicationem earundem, quam intra corpus naturalis exhibet situs, intelligere. Colon enim quod remotum est à ventriculo secundum ductum canalis, eidem proximum est in connexionione partium.

Quod contenta in via alimentorum attinet, ad duas classes illa reduco, unam assumptorum, alteram è sanguine secretorum. Assumpta ipsa fluida & solida, si comminuta & censusa extra corpus sibi relinquerentur, in se ipsa agerent, & resolvendo particulas, calorem, nonnunquam simul & bullas excitarent; dum verò in via alimentorum secretis à sanguine humoribus junguntur, qui jam ante ex ejusdem generis corporibus mediante sanguine præparati sunt, & per cribra glandularum conglomeratarum (sc. salivalium & pancreaticarum) atq; hepatis secreti, geminus inde effectus sequitur, dum & resolutio illorum facilior evadit, & illa tantum inde resolvuntur, quæ isti individuo conveniunt.

Viso ita canali seu via alimentorum, ut sanguinis etiam viam demonstrarem, reliqua pectoris & abdominis viscera, ubi cor, pulmones, hepar, renes &c. per vasa sanguinea coherentia ita in circulum dispono & seorsum in alia tabu-

la

la explico, ut tota vasis sanguinei figura appareat, ad ejus figuræ exemplum efficta, quam, per ventriculorum cordis separationem, & reliquarum partium, quæ ad hanc sanguinis œconomiam pertinent, dispositionem, sanguinis cursui conformem, factam exhibuit Celeberr. *Steno*, quæ figura in Editione ultima Anatomæ Parentis mei quartùm Renovatæ in fine addita est. Pendet hæc tota præparatio à divisione ventriculorum cordis, quæ, vasis sanguineis in basi cordis benè præparatis & distinctis, atque auriculis probè ab invicem divisis, instituitur in medio septo, incipiendo dissectionem carniū cordis secundū lineam quam vasa coronaria perreptant, & quæ differentiam ventriculorum ostendit. Deinde ligamentum inter utraq. que cordis arteriam dissectetur, & dexter ventriculus cum vena cava, quæ ab hepate venit, & arteria pulmonali ab una parte locetur, sinister ventriculus cum vena pulmonali & arteria aōrta ab alia parte, in medio pulmones; inde reliqua viscera per vasa sanguinea in circuli formam cohærentia: Scilicet hepar à dextris, infra, intestina, vel, si illa abscissa sint, vasa mesaraica, sub quibus renes cum omnibus illuc pertinentibus vasis, & ad vesicam, partes generationis atque artus inferiores cunctibus à sinistris verò lien. Poterunt quin etiam conservari vasa ad caput & artus superiores euntia, ab iisque redeuntia, ut ita in una tabula tota sanguinis via habeatur, & uno intuitu percipiat. Præcipua enim cordis, tanquam musculi, functio consistit in propellenda tota massa sanguinea in orbem, quem motum sanguinis Circulationem nominarunt, quia per arterias à corde sanguis continuo pellitur in universas corporis partes, & ab iisdem iterum per yenas reducitur in cor circulo absoluto. Est tamen quædam hujus circulationis observanda diversitas. In animali enim jam aërem

aërem hauriente & adulto, è dextro cordis ventriculo exiens sanguis ad pulmones per arteriam pulmonalem, iterum à pulmonibus redit ad sinistram cordis auriculam, per venam pulmonalem, & inde per sinistrum ventriculū & arteriam aortā versus omnes corporis partes distribuitur. A quibus iterum per venas reflui sanguinis pars ab intestinis & liene veniens, mediante vena porta & hepatis cava, reliqua immediatè venam cavam ingreditur, & inde primò in dextram auriculam, hinc in ventriculū dextrum revertitur. Et ita circulum suum absolvit sanguis, ad locum reversus unde primò distributus est. In Embryone verò, dum adhuc intra aquas ut utero vivit animal, sanguis qui per venam cavam ad dextram auriculam pergit, non totus ingreditur ventriculū dextrum, sed ejus pars ex dextra auricula immediatè in sinistrum ventriculū transfunditur per foramen, quod ovale vocant. Qui verò dextrum ventriculū ingreditur sanguis non totus inde abit in pulmones, sed maximā sui parte per canalem seu tubulum arteriosum in arteriam magnam propellitur. Est itaque hæc differentia inter sanguinis motum in animali vivente intra aquas uteri & in aëre vivente, quod in hoc omnis sanguis, in illo non nisi exigua ejus pars per pulmones transeat, adeoque ab auricula dextra duplex via sit in arteriam magnam, una per auriculam sinistram & ventriculū sinistrum, altera per ventriculū dextrum & canalem proprium. (Notandum autem postquam editum jam est animal, & respirationis usum habet, ultimam hanc viam aboleri, cum ille canalis obturetur & naturaliter in ligamentum degeneret, quemadmodum foramen ovale valvula clauditur.) Per aortam distributus sanguis, non totus intra foetum manet, sed ejus pars exiens ad membranas & glandulosa corpora utero annexa, inde novo succo imprægnata redit ad hepar

& cum sanguine reliquo foetus jungitur. Sic in foetu uterque cordis ventriculus junctis viribus pellit sanguinem, quemadmodum etiam uterque junctim recipit redeuntem. Magnam hujus diversitatis necessitatem ostendo, quia in foetu longior est via per quam pellendus sanguis, nimirum per vasa chorii & cotyledonum, ita & ab iis redeuntis major est quantitas quam in adulto.

Modus demonstrandi motum sanguinis circularē varius est. Primus, cum in vivo animali insigniores rami arteriosi & venosi in cruribus aliisque partibus detecti ligantur, ut videatur pars venarum ab extremis ad ligaturam sanguine adveniente impleri, altera verò detumescere; pars autem arteriarum à corde ad ligaturam usque impleri sanguine, sed illa à ligaturâ ad extrema inaniri, & sanguine destitui jam ad omnes partes abeunte. Alter modus est, cum per vulnus vel venę vel arterię totus è corpore sanguis educitur, aut quivis liquor per idem vulnus ad omnia vasa implenda propellitur. Nec minus necessarium talem motum sanguinis demonstrat apta Receptaculi sanguinei conformatio, & admirabilis valvularū in corde dispositio, quod artificium elucet maximè, si per septum medium dividatur cor & disponatur eo modo, quem supra docui. Servit ita Receptaculum Sanguineum non solum fluidis variis tum admittendis & inter se committendis, sed etiam iisdem in circulum agendis, & versus omnes corporis partes distribuendis.

Circa sangvinem duo examino, unum, cur perpetua ejus requiratur circulatio; alterum cur modò in unum communem alveum colligatur, modo per minutissimos canaliculos dividatur. Quod postremum spectat, dividitur, quò facilius expellantur secernenda, & admittantur recipienda, dum canaliculorum multiplicitas efficit, ut plu-

plures à sanguine partes, & quidem facilius secernantur, quando scilicet plures superficiem cribri tetigerint. Colligitur autem sanguis iterum in unum communem alveum, ut à diversis partibus diversus rediens, ad statum uniformem reducatur, ubi alvei simplicitas efficit, ut homogeneus evadat sanguis, qui ex diversarum partium canaliculis redux diversæ est naturæ; Cum enim versus omnes partes propulsus, non easdem sed diversas sui particulas in singulis cribrorum differentiis, deponat, non mirum si ex diversis redux discrepet ab invicem. *M*ctum autem perpetuum sanguinis necessarium judico, quandoquidem animalium vita non alio pacto constet, quam ut quolibet momento aliquid perdens corpus, sui restitutionem in singula momenta requirat: Præterea nisi continuo motu fieret particularum concussio, omnes particulæ graves inferis ora corporis peterent, solæ leves hærent circa caput vel partes magis elevatas. Atque hac occasione ex generali materiæ & motus consideratione Physica, multa de sanguine convenienter deduco, quæ communem fluidorum notitiam illustrent.

Vidimus hætenus viam alimentorum & sanguinis, superest considerare quia via alimenta & assumpta sanguini communicantur, & inde quibus viis excreta sanguinis excernuntur.

De assumptorum distributione, illam statim ab ipso ore incipere existimo, cum spirituosæ ore assumpta hominis lassæ vires cum suavitate velut momento restaurent; Præcipuè verò cum admittamus capillaria vasis sanguinei, per totum alimentorum ductum diffusa esse, & ex assumptis quædam facilius, alia tardius à reliquorum nexibus liberari, adeoque negari non potest quin ubique illa in sanguinem ferantur, quæ à reliquorum nexibus libera vasa capil-

pillaria sanguinea contingunt. De distributione autem chyli magna hæctenus fuit controversia, tum quoad vasa, quibus ab intestinis in sanguinem ferri diversi crediderunt, tum quoad ductum vasorum, quæ chyli distributioni intervire clarius postea deprehensum est. De priorî controversia nihil dicam, nimirum qua via feratur, cum sit notum satis per venas lacteas hoc fieri, & falsam esse aliorum sententiam, qui vel immediatè ex ventriculo chylum ferri volunt ad organum sangvificationis, vel ex intestinis, sed mediantibus aut poro cholidocho, aut ductu pancreatis Virsungiano, aut venis mesaraicis vulgaribus, prout diversi crediderunt. Pro ultima via per venas mesaraicas plurimi steterunt, quâ adhuc, sed frustra, defendunt alii & lactea esse volunt excretoria vasa glandularum interioris tunicæ intestinorum, nihilque esse nisi albicantem lympham quicquid in lacteis videmus, ex glandulis intestinorum procedentem, quæ succum suum ab artèriis accipiunt. Cæterum uti hoc de lacteis primi, ut vocant, generis, inter intestina & glandulas mesenterii interceptis, falsum existimo, ita de reliquis quæ à glandulis mesenterii feruntur ad receptaculum, uti & de ductu Thoracico observavi, illa vasa distributionis alimentorum tempore chylum vehere, aliàs verò lymphâ glandularum conglobatarum impleri, quam sanguini affundunt. De Lacteorum distributione diu inter Autores non convenit, dum alii ad solum Hepar chylum per illa ferri voluerunt, alia ad Cor simul & Hepar. Sed ex novissimis Parentis mei observationibus unicam tantum chyli viam ad cor demonstro, & omnes erroris convinco, quotquot non satis animadverterunt, lymphatica ex Hepate produntia, illa vasa esse, quæ pro lacteis chylum allaturis sumserunt.

Ad

Ad demonstrandas autem venas illas lacteas cum thoracico ductu, aperto post partum animali vel vivo vel strangulato, vinctis chylum inhibeo tribus locis; Primò inter iustina & glandulas in medio mesenterii; deinde prope receptaculum ubi lacteorum truncus, vel unus vel plures sequuntur ductum vasorum sanguineorum, quæ ibi cum ramo mesenterico superiore ab aorta prodeunt; denique in thorace omnem inhibeo chylum, ligato Pecquetiano ductu, cujus in venam insertio hoc modo investigari potest: separata cute in latere sinistro usque ad spinam dorsii; & detecto latere sinistro colli, sectio recta instituitur per musculum cucullarem & Rhomboidalem, atque inserto digito intra scapulam & ferratum majorem, rescanda est ferrati connexio cum basi scapulæ, & sic tota scapula in latus dextrum rejicienda, deinde, detecto plexu nervorum, sub iisdem nervis inferendus est stylus, ita ut à subjectis partibus liberari dissecari possint absque læsione partium subjacentium, atque tum membranz, vel si quæ inter membranas fuerit pinguendo cautè removenda est, & si lactea vel lymphatica necdum in conspectum prodierint, aperiendum est pectus & costæ à cartilaginibus separandæ usque ad collum, ubi inventus thoracicus ductus sursum in venam continuandus est, vel etiam lymphatica colli querenda sunt & deorsum ad venam continuanda. Magna autem attentione utendum in membranis rescandis ubi multiplicitas lymphaticorum sub illis interdum occurrit.

Hac igitur via chylus ex assumptis in via alimentorum elicitus sanguini subministratur, scilicet per ductum thoracicum, & cum sanguine commixtus sensim ejus induit naturam, & varias cum illo circulationes experitur. Itaque cum viderimus quomodo sanguinis conservationi

necessaria subministrantur, & quas in Receptaculo suo sanguis subit conditiones, videndum jam quomodo inde pendeat corporis nostri conservatio, & quomodo à sanguine separantur humores diverso loco & usui diverso, scilicet per viscerum cribra, quæ sua habent excretoria vasa, quorum omnium particulare examen instituo. Et primò cerebrum administrandi brevissimum modum propono. Duo enim partium genera ordinem demonstrationum Anatomicarum interrumpunt, alterum, quia foctorem contrahit, alterum, quia consistentiam sectioni convenientem amittit. Ad prius incommodum evitandum ab intestinis feci exordium; ut alterius damnum præveniat, ad cerebrum festino.

In cerebro, præter partes reliquo corpori communes, geminam tantum cognosco substantiam, albam scilicet, quæ etiam fibrosa est, meritoque nervorum continuatio habetur, & cineritiam, quæ fibris caret, & vel exterius circa albam, vel interius in interstitiis ejus conspicitur, quæ hic cribri vice fungitur. Ut verò una lectione integra cerebri notitia ab omnibus percipiatur, circa præparationem sequentia notanda sunt: Posset quidem in uno cerebro talis fieri præparatio, quæ omnia exponeret nobis certò de hac parte cognita: cum autem frequentior agitatio partium mollium tandem multas illarum nimium immutet, præstat plura ad manus habere cerebra ex animalibus desumpta & variè præparata. Præcipua præparatio est, quæ exhibetur orthographia cerebri secti plano ad basin perpendiculari, per longitudinem falcis, (& tum media pars cranii aptius integra relinquitur, ut in ea cerebri altera pars lateat) quæ claram notitiam de vero ductu ventriculorum, deque vero situ glandulæ superioris omnidubio eximit. Poterit in alio cerebro fieri orthographia
trans-

transversa triplex, una transversim per longitudinem glandulæ superioris, quam pinealem vocant, altera per medium transversum posterioris partis, tertia ita ut transversim secet secundum par tuberculorum & continuationem ventriculi cum glandula inferiori seu pituitaria. (Harum sectionum cerebri figuræ videantur in Tractatu Gallico *Stenonii* de Anatome cerebri.) In alio cerebro posset fieri talis partium abinvicem separatio, ut ventriculorum extremitates absque sectione pateant, maneantque oculi per nervos opticos continuati cerebro, & venarum arteriarumque trunci non nimis prope caput resecti. Ultimi cerebri præparatio fiat resecando partes laterales ab intermedia parte alba laterales connectente, ipsamque partem posteriorem cerebri, in uno latere resectam, mediam dividendo. Possunt etiam piscium & avium cerebra inspicere & ex quocunque animali cerebrum cum tota spinali medulla aperiri, cum detectione nervorum plexus insigniores versus artus mittentium in uno latere. Quæ operosa cerebri præparatio ex diverso animalium genere vero ordine disposita, omnem de cerebro notitiam, hæcenus certò detectam, lectione non adeo longa explicare potest, idque incipiendo ab eo in quo partium lateralium & posterioris facta talis divisio, ut ventriculi videantur; Inde orthographiam factam secundum longitudinem falcis explicando, hinc visis reliquis orthographiis, in cerebro humano omnia ordine denuò incipiendo.

Cæterum ad Viscerum cribra progredior, quæ non sunt nisi circa capillaria sanguinea vasa circumfusa materia, ideo dicta affusio seu parenchyma, quod communi loquendi modo viscus appellatur, eademque cribra elabentem ex osculis vasorum humorem secernunt & per excretoria vasa eliminant. Vasis quidem capillaribus Receptaculi sanguis

guinei, quibus affunduntur cribra, pori adfunt emittentes, non tamen promiscuè omnes contenti sanguinis particulas, sed tantum certas, easque in diversis partibus diversas. Sic vasa continua caruncularum renalium ductibus, particulas urinosas emittunt, quæ pulmonibus, halitiosa excrementa, quæ verò generationis organis continua sunt, semini & ovo inservientes particulas, quæ bilariis ductibus, bilem, quæ glandulis salivalibus, pancreati & crustæ viam alimentorum obtegenti, particulas humoris resolvæ emittunt.

Illorum singula in demonstrationibus seorsim attingo. Exempli gratia: ut conglomeratas glandulas exhibeam, ex cavitate oris tum intra, tum extra dentium septum membranâ oris cum suis glandulis removeo, sequenti modo: Membranâ extra dentes cum adhærentibus ipsi salivalibus exterioribus tum vasis, tum glandulis, totam extraho, & in tabula expansâ à pinguedine ita libero ut globuli glandulosi in ambitu oris & buccis cum suis vasis majorumque salivaliû in buccas insertionem conspiciantur. Palatum seu coelum oris investientem membranam cum glandululis non quidem totam separo, sed ita ab osse libero, ut exsecto per particulas osse circa anteriora pateat communicatio internates & palatum. Etiam naris alterius externum os ita diffringo, ut communicatio inter palpebras & nares, per foramina dicta olim lachrymalia, pateat. Eodem modo reliquas etiam conglomeratas glandulas examino, & vasorum excretoriorum ramificationes in una solum præparo, exempli gratia, pancreate. Aliud deinde glandularum genus aggredior, nimirum globatas, uti vocant, quæ à sanguine receptum humorem revehunt in sanguinem per vasa lymphatica à Parente meo inventa. Harum conformatio cum renum conformatione convenit, quâ
cavi,

cavitatem loci unde exeunt excretoria vasa, & quâ convexitatem partis oppositâ; differt verò ab eadem, quod in glandulis conglobatis ferè omnibus etiam vasa advehentia liquorè, scilicet lympham, à sanguineis vasis diversa reperiantur. Tales glandulas cū lymphaticis in mesenterio demonstro inter vasa excipientia chylum ab intestinis & receptaculi radices, circa venâ portam inter lymphatica hepatis & receptaculi radices, in lumbis, inguinibus, circa pulmones, in maxillis, in collo, supra fauces & subalis.

Alia deinde in Receptaculo sanguineo vasorum excretoriorū genera considero, eaque tot constituo, quot diversos novi humores secernēdos, vel prorsus inutiles, ut excremēta pulmonū, sudorem, urinā &c. vel utiles sive speciei, sive individuo. Qui ad speciei, conservationē spectant, in mammis, utero & partibus utriusque sexus generationi inserviunt, à sanguine separantur. Hi qui individui utilitati inserviunt, ideo plerumque secerni videntur, ut vel iis secretis & nunquam iterū admittendis massa remanens purior sit his liberata; vel iis secretis & post liminiō recipiendis, massa illa fluidior sit; vel deinde ut secreti & nonnunquam intra peculiare cavitates collecti, inserviant humoribus in canali alimentorum vel dissolvendis, vel dissolutis secernendis à se invicem & præcipitandis. In nervis, etiam qui inter receptaculi sanguinei excretoria locum merentur, materia contenta, quæcunque demum illa sit, in cerebri cortice secreta, facit tūm ad motus voluntatem, tūm ad sensus perceptionem.

Ita in Receptaculo variè circulatur sanguis, & in diversis cribris diversas deponit particulas, ut massa remanens purior nutritioni corporis inserviat, cum particularum succi nutritii, per varias secretionum depurationes, talis à reliquis sit seclusio, ut in partium substantiam appositione facilius cessant. Atque sic hæcenus demonstravimus præcipua

tantum organa, quæ conservationi individui inserviunt. Restant adhuc illa quæ ad conservationem speciei spectant, obiter solum antea notata, quæ cum organis sensus & motus strictius deinde examino atque demonstro. Hic saltem circa administrationem musculorum, addam modum quo vera muscoli & fibræ motricis fabrica, quam nobis aperuit celeberr. *Steno*, oculis exhiberi possit. Et primo quidem talis fibræ motricis fabrica in variis apparet corporis locis, ipso musculo intacto, sed remotis duntaxat partibus conspectum ipsius impediens. Sic in manu remotis aliis musculis, solo flexore pollicis intacto, fibræ motricis in eo verus situs evidentissimè conspicitur, & in femore, remotis tantum integumentis, rectus cum utroque vasto idem quam distinctissime demonstrat. Deinde in musculis, quorum fabrica simplex est, ut in gastrocnemio, idem exterius conspicitur, una eorum extremitate ab osse resecta sine ulla alia ipsius musculi præparatione. In omniū musculorum administratione, nulla fit fibrarum sectio, sed sola contiguarum separatio, sive per longum sectio instituitur ad fibrarum ordines demonstrandos, sive per transversum ad earundem versus exhibendos. Sic, secundum methodum *Stenonianam*, sive simplicis sive compositæ fabricæ musculum præparo, fibrarum in alterutro tendine ductum sequor, & ita cultrum sensim adigo, ut à mutuo contactu tendinosas fibras separem, iis que continuas carnosas nullo pacto lædam, donec ad oppositum tendinem perventum fuerit, quam sæpius relinquo integrum. Cum hucusque continuata præparatio, simplicem musculorum fabricam satis evidenter declaret, ut compositam etiam fabricam more *Stenoniano* ostendam, utrinque in tendine externo secundum prædictam methodum procedo, medio tendine intacto: quandoquidem

dem

dem sæpius se mutuo scandentes in intermedio tendine fibræ, nisi patienti adhibita attentione, sine laceratione vix separentur.

Paulò difficilior musculi cordis præparatio est, & vertebralium. De corde alibi agimus. Vertebrales verò musculi, quorum extremitas superior est in spinis vertebrarum superiorum, inferior autem extremitas in transversis processibus vertebrarum inferiorum, sequenti modo administrandi sunt : Detegantur primò principia spatiorum tum inter spinas, tum inter processus transversos, deinde & à spatiis inter spinas deorsum versus processus transversos inferiorum vertebrarum, & à spatiis inter processus transversos sursum versus spinas superiorum vertebrarum continetur fibrarum separatio, semper abstinendo à sectionibus profundis, ne inferiores fibræ transversim secentur. Ut autem adstantium oculis eò commodius mirum illud naturæ artificium exponatur, ubi, facta quam modò dixi spatiorum divisione, ab una spina omnes fibras ad suum quaslibet processum transversum continuaveris, reseccandæ sunt omnes fibræ, tum quæ descendunt à spinis superioribus, tum quæ ascendunt à processibus transversis inferioribus; & ea ratione patebit continuatio fibrarum non solum à superiore spina in quemlibet transversum processum inferiorem, sed & ab infimo processu transverso in singulas spinas superiores.

XXXIII.

Anatome mulieris 30. annorum, phthisi, hydropethoracis, ascite, ac vesiculari extincta.

APerto abdomine in ejus cavitate libræ aliquot (ad summum 6. 7.) aquæ reperiebantur, & quidem clarissimè instar fontanæ. Crustæ spongiosæ pellucida, clara, turgescens & quasi vesiculis inclusa aquea materia, sperma ranarum sive mediam citri substantiam ac pinguedinem quasi resolutam referens, innumeris capillamentis ac fibrillis, partim rubicundis, partim albicantibus, sed omnibus linea recta à crustâ spongiosa in mesenterii substantiam tendentibus, erat adnata, quæ dicta materia per totum mesenterium continuabat ut & circa renes, copiosissimè verò circa intestina crassa hærebat. Hæc vesiculosa materia aquam contentam non nisi ad fortiorem sui compressionem, & quidem in loco tantum compresso maximè claram præbebat. Renes longiusculi conspiciebantur sinistri substantia non nihil solito compactior interius cruda sanguinolenta ac serosa erat. Quatuor, in utroque latere binis, instructa erat ureteribus. Intestina, mesenterium, diaphragma, & omnia in abdomine contenta membranosa summè erant albicantia: Peritonæum duplo vel triplo solito erat crassius adeoque, validum, ut etiam cultelli aciem ac cuspidem acerrimam respueret. In mesenterio lateris dextri paulo supra umbilicum sanguineo atra macula thaleri magnitudine erat conspicua. Pancreas non nihil induratum. Lienis color internus admodum niger. Hepar quoad colorem ac substantiam apparebat sanum; bilis verò crocei sive vitellini coloris erat & admodum

dum viscida. Vesica urinâ vacua ; uterus oblongus, testiculi indurati. Muliebria sive pudenda, madida, turgida, rubicundissima, ac corrosa ex materia acri aquea, quæ, ut videbatur, continuò illa loca irrigaverat, horum labia externa in latere altero erant divisa; uteri vagina adedò erat mollis, ut stylus ad levem quamvis immisionem, eam perforaret. Pedes tumentes eâ adhuc vivâ, paulo ante ejus obitum, detumuerant. In dissectione thoracis, & quidem primò lateris dextri aquea turbida, innatante materia furfuracea cum impetu, ob ejus lateris repletionem, erumpebat materia fœrens. Latus sinistrum vix dimidiam vel tertiam aquæ partem, respectu lateris dextri, continebat, ast clariorem; pericardium ex nimia repletionem quasi splendebat. Lobus pulmonum dexter nigricabat, fursureaq; materia hinc inde erat obductus. Superiori parte erat adnatus, ubi etiam adhuc ex ulcere aperto pureq; repleto pus promanabat; totus hic lobus erat induratus ac friabilis instar hepatis cocti, ac intus materia purulenta hinc inde viscida indurata frustulatim collecta apparebat; Lobus sinister purulentam spumofam continebat materiam. Cor pinguedinem hinc inde habebat adnatam ut in statu naturali, sed sanguine erat vacuum, ut & vena cava circa cor sanguine depleta. Sectioni huic interfuerunt d. 23 Martii 1674 Dn. Eichelborn Medicus Nosocomii Erfurtensis Ordinarius, cujus jussu hanc sectionem peregi, Lic. Dörner, jam Doctor & Practicus felicissimus Northusiz, N. Schorck Med. Pract. Erfurtensis. &c.

. Simon Warmbold.

Figura 1.
Ureteres duplices.




Fig. 2.
Vulva fissā.



XXXIV.

Cardialgia ex Vermibus.

IN pago Vindinge Fionum, cum rusticus operi suo intentus res suas sanus ageret, subito, relicto opere domum se conferens, cardialgiam sensit. Superveniente mox vomitu vehementi, rejecit magnam massam materiæ pituitosæ, cui immixti viscebantur 200 vermes lanuginosi viventesq; medium digitum longi, pediculis suis & capitibus rotundis conspicui. His rejectis, convaluit. Similis affectus etiam aliam feminam ejusdem pagi comprehendit ipso hoc anni hyemalis tempore.

XXXV.

De Tumentibus senum pedibus.

Ad

D. D. *Simonem Paulli*

Archiatrum benemeritum.

PROposuisti, Vir Magne, mihi & Cl. Borrichio quæstionem enodandam in Digressione Tua nunquam satis laudanda De Febribus Malignis §. 87. nuper secundis curis edita, de Tumoribus pedum in senili ætate, in corporibus non cachecticis nec scorbuticis, sed marasmo senili laborantibus, de qua sententiam nostram in Actis Medicis Hafniensibus referendam, amicè desideras. Parco voluntati, ne quicquam tanto Viro denegem, quanquam nollem noctuas Athenas. Tibi enim Veterano Medico tot experimentis Artis divinæ dudum probato, malletm credere, quam ingeniosam tua commentationem in dubium vocare. Demorsos unguës sapit quicquid ex pena tua fluxit, & quia orbem eruditum hastenus fama ingenti meritisq; implevisti, admirari satius fuerit conjecturas tuas naturæ suffultas, quam vel augere vel illustrare. Ibin ajunt, ubi consenuit, magis aromaticè olere, & vitis quoque vetustior, eo melius vinum gignit. Ita de Te, senex venerande, judicamus, cui anni judicium, diligentia eruditionem peperit. Quotiescunq; cum Sophocle non tragœdias sed scripta tua recitas, dicere cum illo potes; si sum Sophocles, non deliro; si deliro, non sum Sophocles; in eruditis enim ac sobriis, sicut Parens Eloquentiæ loquitur, animi vis non elanguescit, sed reviviscit potius usu & exercitatione, quam in canis Tuis venera mur. Vides qua mente à Te provocatus accedam, non ut doctum doceam, sed ut docear à docto. Judicium enim
tuum

tuum de lymphâ nostra in marasmo senili errante magnifacio, & quicquid hisce tuis, tuo rogatu adjecero, tuæ censuræ subjecio, ut amorem tuum perennem prompto obsequio merear. Duplicem causam tumoris in pedibus senum marasmo vicinorum statuis, defectum lymphæ à caloris defectu, & Vasorum Lymphaticorum retentricem debilitatam. Ingeniosè hæc, ut omnia tua, specie veri se commendant. A defectu lymphæ marasum deduci, non potest negari. Tumorem pedum à Vasorum Lymphaticorum retentricæ facultate debilitata repeti, absurdum non est, quæ quæquam etiam sine senio hac parte debilitari queant in Scorbuto & hydrope juvenum, tamen in ætate ingravescente facilius rumpuntur subtiles lymphaticorum ramusculi, præsertim copia lymphæ acrioris irruente & incumbente, nec intra alveos suos libenter retenta. Non miramur Demonasti seni crura intumuisse, cum, ut ipse jocabatur, Charon illum momorderit. Inquilinus canis morfu suo vascula nullo negotio discerpit & fatum hominis ad pedes præcipitat ut vicinius sit exiru. Aliàs varia alia in pedibus senum symptomata observavi. Nonnunquam sine tumore ullo maculas sanguineas per totum pedem dispersas. Eas vidi in Anna Finckia Matre mea 84 ætatis anno, & Consule Christophoro Johanneo, focero meo 81 annorum. Quibus apparentibus benè habuere, disparentibus verò, malè, brevi enim subsequuta est mors. In aliis senibus sicca scabies molesta ad ultimum vitæ diem apparuit. In non paucis vidi, nec tumorem, nec maculas, sed siccitatem cum duritie furarum. Ubiq; lymphæ defectus fuit in siccatis ætate membræ senum. In nonnullis tumorem cedematosum, ex qua aqua stillabat in Matrona honesta, qui tandem in gangrænam terminatur. Isq; plerumq; Scorbuticorum proprius, humore sæ-

culento ad pedes, vitâ sedentariâ, defluente. An hic à lymphâ originem trahat, non ausim negare. Serum extravasatum quidem improbare videris, quia symptomata Hydropicorum non adiunt, sed latet anguis in paludibus. Sequuntur illa, nisi sedulâ curâ prohibeantur. Cachexia certè senectutis est proprium, ut scribit *Aretæus* l. 1. Chron. c. 16. Serum verò illud, quid nisi lymphâ, quæ in Hydropicis & Scorbuticis vel copia laborat, vel acrimonia molesta est, vel loco peccat, extra terminos vasorum oberrans. Cur horum senum pedes tumeant, illorum arescant, non difficile est discernere. Discrimen istud temperies cuiusvis constituit. Siccis quippe, pedes contabescunt, habitu osioribus & ad scorbutum proclivis, intumescunt. Quod inductione exemplorum didici. Nec ipse ignoras in tanta experimentorum multitudine. Hinc utrisq; sua curatio attemperanda, sive, ut verius dicam, mitigatio. His exsiccantia, illis humectantia conveniunt; roborantibus permixta. Veteres oleo ungebant pedes antequam calceos induerent, quod ex *Hesychio* notat *Meursius*, unde λιπαροὶ πόδες apud Poëtâs: & ne deficeret remedium in itinere, pedibus labore fatigatis vel exiuccis, ampullam secum olei portabant. Ita *Plautus* in Mercatore: tollo ampullam, atq; hinc eo. Oleum quoq; post balneum siccis intemperiebus & senio commendat *Trallianus* l. XII. c. 4. & à somno frictiones olei laudat *Oribasius* l. 1. Euporist. c. XI. Tumentes humore pedes à Tuo Emplastro Anodyno Nervino suppetias petunt, quod in usus mortalium publico propagasti, & tuis pedibus probasti & metitus es summo hætenus, quod gaudemus, emolumento. Deus animo pedibusq; Te diu servet incolumem, ut licet pedes officium facere per ætatis gloriosæ computum & ingruentes tumores nequeant; alistamen

Q

Mer.

*Mercurii subleveris ad æternam, quam meritis est, famam. De pedibus meis majora expectare non ausim, quanquam dispari sorte. Tabeſcent enim ſenſim & gracili textura vix ſerendo corpore pares erunt, cum vita veſperam induxerit. Ad ſenectutem quippe, quæ jam mihi 64 agentium annis, Tibi 77, imminet, veluti ad officinam omnia mala accedunt, Tibi rumentes, mihi graciles pedes, ut dispari gradu ſine convitiis ad eandem tamen metam diverſis pedibus properemus. Eleganter olim Alexis Poëta Comicus, apud *Stobæum*, cum quidam ipſum ſenem ægrè incedentem intuitus, quid ageret, interrogaret; paulatim ſe per ocium mori reſpondit. Non omnis tamen moreris. Poſtera laude creſces, quam Anatome augebit, à Te primo in Academiam noſtram introducta, nuperq; donario instrumentorum Anatomicorum, in primis Hyſtericorum ſeu quæ ad Fœtus educationem ſpectant, exornata, quo tua merita in Theatro Anatomico perennabunt, Cum *Kirſtenio* Tuo claudam:*

Vive, quod reſtat fugientis ævi:

Quicquid extremo ſuperes in actu

Lene decedat, nihil exeuntis

Vota moretur.

T. B.

• XXXVI.

De Fluore albo.

SCorbuticæ Matronæ fluore menſium albo fatigatæ, cum variis ex arte præſcriptis remediis non ſatis ex voto procederet ſanitas, conſilio amici Eleſtuarium præparari juſſit quod ex Abbate Italo acceperat, non huic tantum malo ſed ſtomacho roborando, ruborigi faciei pro.

profuturum, me tamen prius consulto. Dissuadere usum non potui, cum præmissis quæ ex methodo præcedere debebant, Electuarium hoc ex aperientibus ventriculumque roborantibus compositum viderem. Non nihil tamen à me immutatum fuit, cum à manu medicarum rerum non adeo perita scriptum esset :

R. Limaturæ Chalyb. præp. & nutritæ in aceto commun. per novem dies ꝑij.

Mirobalan. Chebulor.

Indor.

Belliric.

Emblie.

Nucis Moschatæ an. ʒv.

Sem. nasturt. Ind.

Amcos

Herb. Origani

Piperis

Oliban.

Zinziber.

Pulp. Tamarind.

Spic. Nard.

Squinanth.

Rad. Ciper. an. ʒiij.

Contunde Contundenda, tere terenda, in primis mirobolana contundantur cum ol. amygd. dulc. quod deinde prorsus abstrahatur ut sicca sint, exinde in pulverem terantur.

M. f. l. a. Electuarium.

In mulso vel vino alternis diebus exhibendum quantitate nucis. Multorum experientia probatum, non male cessit Matronæ honestissimæ, usitatis antea medicamentis præparatæ.

Aliàs non unam fluore albo afflictam restitui vino medicato ex aperientibus & uterinis, deniq; decocto rad. China. Inter rara experimenta & sæpenumero feliciter probata adversus albas Mulierum fluxiones, hoc accepi in Italia; cremorem nempe seminis lactucæ prius macerati in aqua extinctionis chalybis, addito pulvere eboris in tenuissimum pollinem reducti.

XXXVII.

De gemmarum odore,

D. Olai Borrichii.

UT gemmæ in medendo laudem meritam tueantur, in eas minutias longo attritu comminuendæ sunt, ut dentibus admotæ nihil stridoris excitent, aut, ut præclare *Galenus* de simpl. med. fac. l. IX. c. XIII. imitentur subtilitate pharmaca, quæ ingeruntur oculis. Hoc instituto rogabam Medicinæ studiosum in ædibus meis viventem, ut cum satis nonnunquam perfunctoriè insistatur in pharmacopoliis gemmarum trituræ, ille patientiam menstruam istuc converteret. Offerebam ergo Smaragdorum, hyacinthorum, sapphirorum, rubinorum, & margaritarum ana unciam unam; quibus primum, ut erant rudes & integræ, in mortario ferreo nitido, ministerio pistilli itidem ferrei, pavillulum comminutis, ventum est ad mortarium vitreum, in quo, per aliquot horas singulis diebus, pistillo vitreo, affusâ subinde aquæ vulgaris stillatitiæ portiunculâ gemmas has longâ patientiâ attrivit. Elapsis jam in terendo tribus circiter hebdomadibus, cœpit totum ejus Musæum, ut cunq; satis amplum, gratissimo odore perfundi, eoq; non fugaci, sed ultra integrum triduum perseveran-

rante. Erat autem odor ille ut varietate & suavitate naribus acceptissimus, ita pavlò vicinior violis Martius deliscatè fragrantibus. Neq; importati aliunde odoris ulla suspicio, quippe totum conclave ab odoremmentis aliis liberum. Subiit tum animum illud in Museo Aldrovandi Metallic.: *Alapidibus Mariæbergicis malleo percussis odor moschi egreditur.* Id quod ab *Anselmo Boetio* mutuatus est, cui & saxa Lavensteinia violam traduntur ole-re, & Hildelheimensia, si malleo percutiantur, cornu adustum. Quin visus mihi apud illustrem *Septalium Mediolani* lapis stellaris, qui solo frictu calcfactus reddebat odorem humani stercoreis. Et apud Cardinalem *Ursinum Romæ* conspecta mihi vasa terrea Lusitanica sponte odorifera.

XXXVIII.

Urina viridis.

Ol. Borrichii.

MAtrona nobilis sextum mensem gravida corripitur febre tertianâ. Advocor, & quæ malo avertendo opportuna sunt, præscribo. Postridie & sequentibus aliquot diebus, dum urinam prægnantis inspicio, oppidò viridem eam observo, sedimento griseo subsidente. Jubeo frontem & oculos mihi obverti, cogniturus anne in istecum declinet malum, quòd compertum, urinas ictericorum aliquando ex flavo virere. Nihil in vultu, in oculis nihil, quòd de imminente ictero testetur. Cessavit pavlò post malum pharmacis acidi nimii vires frangentibus expugnatum: quid enim credibilius, quàm bilem in corpore hoc cum potentiori acido confusam ad vasa urinæ penetrâsse, & in itinere colorem suum flavum, ad

imperium acidi, in viridem convertisse, quo nihil frequentius, ob eandem rationem, in excrementis infantum solet notari.

XII.

Ex tubis puerilibus periculum.

Ol. Borrichii.

Johannis Træneri filius sex annorum, donatus à sedulâ matre, ante festum Natalitiorum Christi, varii generis crepundiis, ligneis eqvis, fistulis ligneis, tubis ex eodem argento confectis, omnibus diverso colore, præcipuè rubro & flavo incrustatis. In quibus ventilandis, & usui puerili accommodandis dum sollicitè occupatur, rogatur forte in convivio à Parentibus, ut hospites grato tubæ suæ clangore exhilaret. Paret officiosè, & dum strenuum se se in novâ buccinâ animandâ præstare laborat, concidit ad mensam propemodum exanimis, & convulsionibus diris atq; vomitionibus excruciatu totam excutit familiam. Adfunt lipothymia, livor faciei, & quicquid in propinquo mortem solet ostendere. Advocor propere, & misellum propemodum enectum adverto. Inquiro in causam subiti infortunii; utq; nuperrime lætum & ludibundum adstitisse mensæ referunt, jubeo instrumentum lætitiæ in medium afferri. Mox, quod reserat, deprehendo. Tuba affertur lignea recens, coloribus expicta, præcipuè flavo & rubro, avripigmenti sobole, cujus illam partem, quæ ori inferi solet, buccâ calente puellus delingendo abraferat, hinc tristitia illa symptomata. Itaq; cognitâ causâ ventum mox ad emeticum blandum & pingve, hinc ad alexipharmaca & præsertim nativam crystallum; unde cessit

tans

tandem malum , sed cadaverosus faciei pallor in tertium usq; mensem perseveravit.

XL.

Putridorum imago gustui representata.

Ol. Borrichii

Nobilissima Virgo Holsatica, docta illa, & in Historiis gentium, immò & Philosophicis versata, cum ex affectibus aliis, atq; aliis, præsertim hystericis, me curam valetudinis ejus agente, convaluisset, consilium meum rogavit, ad rarum quoddam & diuturnum à cibo aversionis genus profligandum, cui pluribus annis varia Medicorum pharmaca incassum opposuerat. Malum hoc erat; Quotiescunq; cibaria mensæ inferebantur, etiam delicatissima, ad eorundem primum aspectum in faucibus gustum eorum præsensit, non nativum illum, sed qualis ex iisdem putrescentibus solet oboriri. Visis piscibus curiosè præparatis, quàm, inquit, foetent pisces illi, quàm rancido sapore guttur afficiunt? visis carnibus, cadaver, inquit, carniū palato meo obversatur: Mira imaginandiratio! putàrim, in viscere ejusdem aliquo, hypochondriis, aut fortassis ipso utero abscessum delitescere, ex quo foetor ille in corpus reliquum spargitur, in primis autem in fauces, quòd illis operosissimè utatur, ut est perpetuò facunda, eoq; vasa eadem habet ampliora. Cum autem nidores dulcorum appetitum evocat, & simul ex hypochondriis assurgit foetor, miscentur, ut credibile, hæc duo, & imaginem putridorum cibariū animo repræsentant.

XLl, Fe-

XLI.

*Febris petechialis per diabetem spurium soluta.**Ol. Borrichii.*

Anni hi haftenus ut bellorum, ita febrium malignarum fecundissimi, variè curam Medentium distrinxere. Desiere pleræq; per sudorum crises, nonnullæ per diarrhoeas supervenientes quievire; una in juvene XXII annorum, contumax, maculis subrubris comitata, & in deliquia subinde exiens, nec sudoribus paruit, nec aliis fomentis, donec tandem à vesicatoriis stimulati humores viam sibi fecere per urinas, quas æger die XI profudit adeo copiosas, ut verum diabetem formidarem. Et hæc ipsa profusio ipsi salutaris fuit. Non est tamen tam fida aliquin crisis hæc, quam illa altera per sudores: quippe notati mihi plures in febribus malignis, quibus, negatis sudoribus, fluxere effusæ urinæ, sine optato eventu, quòd pestilens illud in malignis fermentum sæpe adhærescat renacius sanguini ipsi, & lentis in eo humoribus, quàm ut patiatur se in vias lotii amandari.

XLII.

*Diabetes dysenteriae Comes.**Ol. Borrichii.*

Diabeten hic voco, non ex *diabetes* Medentum, sed insuerâ & copiosissimam urinæ per aliquot dies profusionem, sine ullâ manifestâ causâ ægro supervenientem. Hanc raro exemplo passus est jam ante biennium facundissimus quidam Ecclesiastes simul cum infelici dysenteria, & levibus deliriis, nullo alioquin vel caloris insoliti, vel pulsus febrilis indicio. Mira *ευδερμῶν*, cum ratio sponderet,

deret, fore, ut translata ad vias urinæ, quæ intestina divexabat, materiâ, cessaret alvi profluvium, vel è contrario, nihil horum contigit. Duravit coepta violentiâ utrumq; malum in decimum quartum usq; diem, admonentibus identidem deliriis, sed mitibus, & tandem longiori vitâ dignum fatali metæ adstituit. Nec omissa, quæ omnibus scopis servirent pharmaca, sed plusquam gemina hîc adfuit hydra, cui conficiendæ vix ullus Hercules par fuisset. Scilicet acrimonia humorum in hoc corpore tanta erat, & tam pertinax, ut simul & pungendis cerebri membranis, & renum pelvi, & deniq; intestinorum ductibus plusquam sufficeret.

XLIII.

Dysenteriae raris symptomatibus infestæ.

Ol. Borrichii.

UT singuli homines suos patiuntur manes, ita singulæ propemodum morborum species, quoties populariter affligunt, novi generis irritamento ægros adoriantur. Hoc anno dysenteriiis passim se adjungere dolores acerrimi circa regionem cordis, oppressiones pectoris, interceptiones anhelitûs, adeo ut ægris nonnullis à suffocatione metus esset; accessit ea in faucibus lentæ pituitæ copia, per aliquot dies recurrens, ut gargarismorum opem frequentem non secus requireret, ac febres malignæ in fauces humorem noxium effundentes. Quibus non rarò se aggregavit lambricorum copia, atq; pertinax ægrorum à phar-macis abstinencia, & solius cerevisiæ frigidæ amor, quod utrumq; ultimum non paucis funestum fuit. Tandem trahente se in longum morbo, circa vigesimum primum diem

R

obortæ

obortæ quibusdam vomitiones sanguinis, & illæ modicæ quidem, sed plerisq; ægrorum lethales, utcumq; jam per plures dies non sanguis ampliùs, sed cum excrementis ichor tantùm subinde per posticum excluderetur. In curâ, post rhabarbari usum, etiam frequentiore aliquando, profuit maximè tinctura Martis adstringens, sed curiosè elaborata. Pulveres adstringentes, decocta adstringentia, quæ solenniter huic malo destinata sunt, parum, immò propemodum nihil hoc anno adstringere visa sunt. Sed & malo tandem evictò, tenesmi solito pertinaciores aliquandiu cruciavere. Cuidam Equitum Magistro dysenterico, meæ curæ subiecto, hoc peculiare, quòd indubitanter prædiceret, quoties excrementa sua proditura essent cruenta, quoties sanis similia: quoties enim sentiebat in urethrâ & testiculis dolores lancinantes, certum erat exituri sanguinis indicium, quoties in ventre & intestinis vagabantur dolores, nil tale observatum.

XLIV.

Crurum ulcera contagiosa.

Ol. Borrichii.

Non est quidem illud contagium adeo virulentum, ut spargatur ad plures, sed ad eos, qui in eodem lecto decumbunt, tandem proserpit, nisi maturè obviam eatur. Designantur autem hic potissimùm ulcera cacœæ the, non fugacia, aut levia. Id cum pluribus ostendi posset exemplis, unico hic acquiescemus, sed clarissimo. Vir meritis illustis, sed scelotyrbe per intervalla divexatus duxerat puellam septendecim annorum, sanissimam, pulcherrimam, quæ sensim, licet mater liberorum aliquot, evitare non potuit, quin è contubernio mariti omnia ferè

cor-

corporis ejus vitia in se quoque derivaret, illo tamen nullo ex eo solatium inveniēte. Laborabat asthma maritus, correpta est eodem malo uxor, maeabat nocturnis sudoribus maritus ultra modum aliis familiarem, maeabat & illa, quamvis initio conjugii siccior; distendebantur pedes mariti humore scorbutico, nullum fere commodum afferentibus sub utroque genu caveriis, similia passa est conjux. Tandem exulcerantur crura mariti ulceribus variè serpentibus, & licet subinde curâ periti chirurgi cõirent, recrudescunt ferociùs, idem pedetentim contigit uxori. Nec tantum potuit vel Medicorum diligentia, vel chirurgorum assidua sedulitas, quin utrique idem malum fuerit mortiferum. Non indignum est, quod hic memoretur celebris Itali tentamentum adversus ulcera illa funesta. Viderat parum profici pharmacis vulgaribus, eoque ad insolita conversus magnam in ægro spem sanitatis pristinae excitaverat. Jubebat quotidie afferri ex ædibus artificis, qui avrum in bracteas extenuat, tunicas allantoidæas plures, namque his inter avri foliola extensis, convenientiùs, & planiùs tundendo ultimam manum recipiunt lamellulæ; has membranulas sollicitè tumentibus & exulceratis admovebat cruribus, in hanc ingressus opinio nem, fore, ut ab avri contactu vires novas mutuarentur, & propriâ subtilitate poros exsudantium ichorum occluderent. Sed nihil his profectum. Tandem ingessit se chirurgus Batavus, qui omnia brevi salva fore pollicitus, toto trimestri ita ptilanâ quadam medicata virum optimum exercuit, ut quotidie vel duodecies ad fellas discederet Patroclianas. Miram ægri patientiam! jubebat tum chirurgus crura fasciis strictè involvi, nè humores de novo illuc decumberent, atque ita ægrum jam visum sibi saniozem, quasi re bene gesta, dimisit, nec dixit sicciori

R. 2

im.

imperatâ , nec pharmacis, roborantibus commendatis. Quid sit ? nè unum quidem mensem durabat imaginaria hæc sanitas , antequam ex adstrictis fasciâ cruribus humores noxii in artus omnes penetrarent, atq; adeo intolerabilem accerferent arthritin, cui demum, grave malum, calculus se associavit, & urinæ interceptio, quibus novissimè, frustra in adversum nitentibus Medicis, vir longiore vitâ dignissimus succubuit.

XLV.

*Novi generis fenestræ.**Ol. Borrichii.*

Sed quia de allantoide tunica superiùs quiddam attigimus, non ab re fuerit, Islandorum hîc fenestras vel verbo nominâsse. Sunt autem illæ, præsertim egentiorum, ex tunicis allantoideis vaccarum confectæ, & ita transfluxidæ, ut vitrum vulgariùs provocent. Missæ mihi ex illâ Insulâ id genus fenestræ, de solertiâ gentis testantes. Subiit perpendere, ex quo fibrarum genere constet subtilissima illa tunica, tandemq; conclusum, ex nullo : quòd videamus humores aqueos nonnihil interquiescentes, in quovis ferè loco cõire supernâ facie in membranulam simul, non expectatâ priùs fibrarum distributione. Simile quiddam videre mihi contigit in portu Massiliensi mediâ ætate. Ibi cum sinus ille maris à fluctibus liberrimus esset, & superficies aquæ quieta, induit tunicam viridem, sed tenuissimam, & oppidò tamen firmam; dixisses tunicam allantoideam; nisi amplitudo & viror obstitissent. Quoties alicubi tollebatur pellicula hæc, intra triduum aqua iterum simili veste tegebatur. Decausâ alii disputant.

XLVI. Mi-

XLVI.

Mirum, sed nunquam fallens ægra somnium.

Ol. *Borrighii*.

Fœmina nobilis, jam ab aliquot annis valetudinem minus firmam experta, sæpe arthritica, semper κακοσύμαχος, aliquando calculosa, in quæ incommoda incidit ex non interrupto ab morte filia unica, luctu, quamquam plurium Medicorum pareat consiliis, familiarius tamen meo, quoties grave incidit symptoma, utitur ministerio. Hæc sine omni hæsitatione præfagit venturum proximo biduo morbum, quod trienni jam experimento constantissimè edocta sit, quoties de me somniat, instare sibi adversam valetudinem, licet sana ad dormiendum se se componat. Credibile, oberrare in corpore ejus semina mali, antequam se plenè colligant, atque ab istis vagabundis motiunculis membranas cerebri inter dormiendum leviter pungi, & ab his vellicationibus redire memoriam eorum, quæ solenniter geruntur, quoties punctiones ejusmodi crebrius infestant, hoc est, discurrendum ad sollicitandam Medici familiaris operam. Hinc quoties eam inviso, primò omnium percunctari soleo, utrum inter somnandum me viderit vel lætum quicquam, vel triste agentem: si neget, jam securus sum proximo ad minimum biduo de mali induciis.

XLVII.

De odoribus singularia.

Ol. Borrighii.

Mira jam pridem mihi visa sunt, qvæ Clariss. Medicus
Marcus Marci in Philof. Vet. restit, tradit de
 R 3 odoro

R 3

odoro

odoro Pragenſi : *Ante paucos annos, inquit, hic Praga fuit religioſus, qui ſingulos, & quæ ad eos ſpectabant, ſolo olfactu dignoſcebat, quin etiam mulieres impudicas, & quæ plurium conſortio eſſent uſæ, conſeſtim internoscebat. Et quia Philoſophiæ non imperitus, novam ſcientiam odorabiliſſimam, optica, atq; acuſtica æmulam moliri cœpit, innumeras qualitates odorabiles nobis ignotas, quibus ipſe nomina imponerat, ad certas claſſes revocando. Verum hos conatus mors intempetiſſima abrupta. Dignus ſanè longiori vitâ fuſſet, aperuiſſet enim plura, propter organi odoratorii ſubtilitatem, quæ fortaiſſis vix integro ſeculo fruſtillatim manifeſtabuntur. Subiit animum memoria hujus relationis, cùm ante annos plures in illuſtris cujuſdam Herois familiâ vivens ſimilæ cujuſdam mores inſpicerem, de quâ jam alibi. Sed quid impedit hic enarrare, quomodo periculosa æquilatiſſitudo odoribus abacta ſit. Junxeramus ſocietatem XXXII viatores, in quibus erat Comes Die-drichſtain, Comes Donaw, Baro Siefowſchi, Baro Hornſtein, alii, ut eò ſecuriùs iter Romæ Neapolin conſicere-mus, quòd viæ paſſim à ſicariis & latronibus obſideren-tur. Itaq; die tertio itineris, cùm uniùs ex comitatu e-qvus (fuimus enim omnes eqvites) oppidò laſſus nè cal-caribus quidem incitari poſſet, adeoq; trepidaret inſeſſor, quòd, ſi ſolus relinqueretur, pereundum ſibi manifeſtò videret, ex improviſo novam alacritatem caballo ſuo addi-notabat; miratus ſubitam mutationem miraculo vicina ſe obſervare clamabat, enimvero tot horis defatigatum eqvum ſuum, nullo pabulo, nullâ quiete recreatum jam priſtinas vires recepiſſe, portento ſimile eſſe. Duravit illa alacritas horam circiter unam, & cùm per anguſtias mon-tis cujuſdam eluctaremur, ſubitò iterum elanguit, ſed inva-luit paulò poſt, cùm certum quendam eqvum ponè ſeqve-retur,*

retur, quo recedente nova lassitudo, novus moeror obortus. Efficit ergo precibus, ut liceret sibi illum equum suo caballo perpetuo comitari, atq; ita nobiscum salvus in diversorium evasit. Scrutati causam advertimus tandem, non equum fuisse, sed equam, cujus odore languidus equus vires resumpsit, & totis quatuor horis infatigabili fervore continuavit.

XLVIII.

Alia de odoribus.

Ol. Borrichii.

Qui Smyrnâ, aut Aleppo quotannis Babylonem eunt, itinere arenoso, & difficili, referunt assuetos vel ad XXX milliaria odorari, etiam nocturno tempore, quo loco sint, & quantum ab urbe desideratâ distent, etenim eosdem prosternere se humi, & raptò harenæ obviæ manipulo nares consulere, moxq; de distantia ab oppidò securè definire. Fortassis tamen herbulæ, aut radices odoriferæ harenis permixtæ locum relinqvunt præfagio. Ex odore ægri etiam nondum visi, sed vicini tantum, sæpe statum ejus valetudinis cognoscimus; & sanè, quoties in ægri cubiculo fœtor cadaverosus naribus meis obversatur, et si nondum gravissimè decumbat, soleo tristitia ominari, neq; temere decipior. Ratio in promptu est: ea ipsa effluvia, quæ à cadavere copiosius exhalant, parcius, sed intelligenter tamen ab eo corpore solent emanare, cujus viscera jam corrupta prope absunt à cadavere. Sed in hoc negotio canibus nonnullis major sagacitas, quàm hominibus. Sæpe mihi Ripis viventi visus est canis civis cujusdam *Georgii Harboe*, minutus ille, & castaneæ colore, qui toto septennio,

nio, quo ibi commoratus sum, nunquam, quantum explorare mihi licuit, falsus fuit in denunciandâ latratu nocturno ægrorum morte. Quotiescunq; enim fenestris ægrotantium, iterum, iterumq; ejulans assidebat, quacunq; demum Urbis plateâ, intra lapsum unius hebdomadis in iis ædibus funus deprehensum; utcunq; ad primum canis nocturni adventum sæpe satis leviter ægri viderentur laborare. Scio futuros, qui illa præfagia in ostentationem spectrorum rejiciant, sed cum bonos genios ita percurfare vicos nusquam certò doceamur, & constet malos à domino suo, id quod ipse ignorat, havrire non posse, malim credere sagacitatem canum quorundam, (quam in venatico genere experimur admirabilem) ex funebri ægrorum odore in ejusmodi ululatus seu querulos latratus incidere. Certè *Borellus* in *Centur.* refert quendam rabidi canis morfu afflictum olfactu percipere potuisse amicos è longinquo, etiam nondum in conspectum prodeuntes.

XLIX.

Ex aspectu pharmaci cathartici liberalis purgatio.

Ol. Borrighii.

Quamvis imaginationi in humores corporis imperium sit, ut ex *Tb. Fiene*, & aliis passim experimentis liquidum evadit, ita eo, quod subjicitur, exemplo confirmabitur. Primarius quidam civis Hafniensis ex febre tertianâ convaluerat, &, domito jam morbo, corpus solum lenni cathartico expiârat, jamq; sibi plenè restitutus rogabatur, ut uxorem quoq; leni purgante tentarem. Pareo, & pilulas duntaxat quinque propino. Dum illa delicatula in deglutiendo tricatur, maritus, nisi, inquit, subito havseris, quod

quod apponitur, jam mihi quoque; navscam commovebis; abhorrebat enim maritus à pilulis, sorbitioni addictior. Dictum, factum, vorat illa hamum, & maritus, qui haurerat nihil, ante uxorem strenuè purgatur, nec ternis dejectionibus, iisq; luculentis contentus provocasse uxorem, etiam gemina vomitione stomachum evacuat, hac parte uxore superior, ut quæ nihil per os rejecerit.

L.

*Alia imaginantium exempla.**Ol. Borrichii.*

Illustrissimus quidam belli Dux febris continuæ afflictus meam exposcit operam. Venio, & quæ salutaria visa sunt, per aliquot dies præscribo, cum vespertinà quadam non à subito evocor in auxiliū, identidē occurrente famulo, Dominum suum in extremis esse, haurisse per imprudentiam venenum, jamque sudore frigido perfundi. Miratus inexpectatam mutationem ad volo, invenio ægrum propemodum desperandum, pulsus turbatus, omnia confusionis plena, famulum qui venenum obtulisse credebatur, fugā elapsus. Sciscitatus causam audio famulum similitudine vitrorum pharmaceuticorum deceptum, non consultā prius inscriptione, Domino suo gargarismum ebibendum porrexisse, cum debuisset offerre analepticum. Hic ego, peccatum, inquam, hoc est, sed non adeo grave, quippe gargarismum illum nihil ingreditur, quod vitæ insidiari possit, utcumque ejus simul hauriatur integra libra. Tum verò expectatio Illustrissimus, At ego, respondit, frequenter audivi gargarismos solis faucibus consulere, stomacho autem & intestinis esse inimicissimos, id quod & jam expertus sum, ita horam pæne integram

gram affligor , & vertigine funestâ circumagor. Ego placidè , nil , inquam , in Daniâ gargarismis permiscetur , quod havstum graviter nocere possit , & simul ad phârmaça roborantia conversus propino ægotanti liberalem havstum. Unde mox alacrior deposuit de veneno opinio- nem , & noctem quietè transegit , inq; paucis diebus sibi restitutus est. Sed ad experimentum aliud. Uxor *Christiani Nærgeri* statuarii tertianâ contumaci excruciatâ recipit , meo jussu , vitra duo , alterum sudori eliciendo , paulo ante paroxysmum , alterum corrigendis stomachi cruditatibus destinatum , ex absinthio , centavrio min. gentianâ , aliis. Imminente autem jam paroxysmo , per errorem totum illud vitrum exhavit , quo stomachicum extractum in plures hebdomadas suffecturum continebatur , & ad sudandum se componit. Intervenit frater ægræ , studiosus , & intellecto , ex inscriptione , errore , non , inquit , soror , sudandi tempus jam est , sed de extremis cogitandi , havsisti enim illud unâ vice , quod in dierum viginti usum præscriptum est. Illa anxia in sudores frigidos declinare , circumspicere sacerdote m , & , si adhuc locus esset auxilio , opem meam ardentissime implorare. Advenio , & ægram jubeo habere bonam mentem ; nihil esse , quod mortem formidet , paratum me esse , ut in ejus gratiam tantundem exhaviam. Illa præter spem suam in novam vitæ spem erecta in paucis diebus perfectè convaluit , nullumq; amplius experta est paroxysmum , formidipe mortis , havd dubiè , ira effervescentiam humorum febrilium turbante , ut in statum morbosum nescierint reverti. Tolerabilia hæc in ægris medicam artem ignorantibus , sed & Medico *D. D. Oldenburgio* similia ante biennium contigere. Is , ut erat castrensis Medicus , & artis suæ alioquin oppidò peritus , sed imaginationum intervallis obnoxius , & in ha-
rior

riolandis imminentibus suo corpori ægritudinibus, prolixè anxius, postquam diebus aliquot Helsingoræ decubasset ex suspitione febris malignæ, quòd existimaret traxisse se miasma à præfectis aliquot militaribus, quibus in petechiali febre medicinam nuper fecerat, Hafniâ se iussit transportari consilio meo usus. Ego cum toto tri-duo nihil vel febrile, vel malignum in pulsu, urinisq; deprehendissem, quin, inquam, Amice, ad alia convertimur. febris equidem suspicio evanuit, sed noto corpus tuum pravis stagnare humoribus, ex diætæ & aquarum vitio, in obsidione Christianostadiensi contractis. Annuit ille, & me squalore, lenè bibit purgans, quòd lienis, aut certè acidi putrescentis circa lienem fæces exturbaret. Postridie ad sùperû, & Oldenburgium meû propemodum desperandum invenio. Et quid, inquam, turbarum? ille, decepit te, respondit, stochasmus tuus, ego enim jam mortem imminere sentio, quòd in medio febris ardentis, & malignæ æstu catharticum assumpserim, unde jam totus exundo petechiis, iisq; præ malignitate liventibus, simulq; femora & crura ostendit maculis scorbuticis distincta. Tum ego, aut, inquam, me fallunt omnia, aut hæc non sunt febriles petechiæ. Consulo pulsum, urinam, contræcto frons, nulum usquam febris indicium. Ille diu reluctatur, & in febrim lipyriam se incidisse credit; cumq; nec pulsus id svideret, nec arderent interiora corporis, tandem, licet satis ægrè, expugno pertinaciam tristitia sibi ominantis, & antiscorbuticis insistendum moneo, quibus ad breve tempus usurpatis cessare maculæ, & Medicus sibi restitutus sanus in Scaniam ad exercitum redit. Audio tamen ipsum hoc anno Helsingoræ obiisse, sive recurrerit similis imaginationis constantia, sive seriò rem gesserit Morbona. Contumacior, funestiorq; observata est imaginatio, in clarissi-

gram affligor , & vertigine funestâ circumagor. Ego placidè , nil , inquam , in Daniâ gargarismis permiscetur , quod hâvsum graviter nocere possit. & simul ad phârmaça roborantia conversus propino ægotanti liberalem hâvsum. Unde mox alacrior deposuit de veneno opinio- nem , & noctem quietè transegit , inq; paucis diebus sibi restitutus est. Sed ad experimentum aliud. Uxor *Christiani Nærgeri* statuarii tertianâ contumaci excruciatâ recipit , meo jussu , vitra duo , alterum sudori eliciendo , paulo ante paroxysmum , alterum corrigendis stomachi cruditatibus destinatum , ex absinthio , centavrio min. gentianâ , aliis. Imminente avtem jam paroxysmo , per errorem totum illud vitrum exhavrit , quo stomachicum extractum in plures hebdomadas suffecturum continebatur , & ad sudandum se componit. Intervenit frater ægræ , studiosus , & intellecto , ex inscriptione , errore , non , inquit , soror , sudandi tempus jam est , sed de extremis cogitandi , hâvstisti enim illud unâ vice , quod in dierum viginti usum præscriptum est. Illa anxia in sudores frigidos declinare , circumspicere sacerdotem , & , si adhuc locus esset auxilio , opem meam ardentissime implorare. Advenio , & ægram jubeo habere bonam mentem ; nihil esse , quod mortem formidet , paratum me esse , ut in ejus gratiam tantundem exhavriam. Illa præter spem suam in novam vitæ spem erecta in paucis diebus perfectè convaluit , nullumq; amplius experta est paroxysmum , formidipe mortis , hâvd dubiè , ira effervescentiam humorum febrilium turbante , ut in statum morbosum nescierint reverti. Tolerabilia hæc in ægris medicam artem ignorantibus , sed & Medico *D. D. Oldenburgio* similia ante biennium contigere. Is , ut erat castrensis Medicus , & artis suæ alioquin oppidò peritus , sed imaginationum intervallis obnoxius , & in ha-
rios

riolandis imminentibus suo corpori ægritudinibus, prolixè anxius, postquam diebus aliquot Helsingoræ decubisset ex suspitione febris malignæ, quòd existimaret traxisse se miasma à præfectis aliquot militaribus, quibus in petechiali febre medicinam superfecerat, Hafniæ se iussit transportari consilio meo usurus. Ego cum toto tri-
duo nihil vel febrile, vel malignum in pulsu, urinisq; deprehendissem, quin, inquam, Amice, ad alia convertimur. febris equidem suspicio evanuit, sed noto corpus tuum pravis stagnare humoribus, ex diætæ & aquarum vitio, in obsidione Christianopolitensi contractis. Annuit ille, & me squalore, lenè bibit purgans, quòd lienis, aut corré acidiputrescentis circa lienem fæces exturbaret. Postridie adfuit iterum, & Oldenburgium meum propemodum desperandum invenio. Et quid, inquam, turbarum? ille, decepit te, respondit, stoichasmus tuus, ego enim jam mortem imminere sentio, quòd in medio febris ardentis, & malignæ æstu catharticum assumpserim, unde jam totus exundo petechiis, iisque præ malignitate liventibus, simulq; femora & crura ostendit maculis scorbuticis distincta. Tum ego, aut, inquam, me fallunt omnia, aut hæc non sunt febriles petechiæ. Consulo pulsum, urinam, contrecto frontem, nulum usquam febris indicium. Ille diu reluctatur, & in febrim lipyriam se incidisse credit; cumq; nec pulsus id svideret, nec arderent interiora corporis, tandem, licet satis ægrè, expugno pertinaciam tristia sibi ominantis, & antiscorbuticis insistendum moneo, quibus ad breve tempus usurpatis cessavere maculæ, & Medicus sibi restitutus sanus in Scaniam ad exercitum rediit. Audio tamen ipsum hoc anno Helsingoræ obiisse, sive recurrerit similis imaginati-
onis constantia, sive seriò rem gesserit Morbona. Con-
tumacior, funestiorq; observata est imaginatio in clarissi-

mo quodam Duce militari, qui nescio quo infortunio per-
 fvasissimus erat se gratiâ Regis excidisse, in conservandis
 præsidariis sibi commissis negligentius egisse, eoq; jam
 ad tribunal citari, ut capite lueret socordiam. Quæ licet
 sola animi tristitia secum agitantis inquietudo dictaret, (nec
 enim ullius criminis reus deprehensus est) duravit tamen
 in pertinaci illâ credulitate adeo obstinatâ mente, ut nec
 sacris, nec politicis, nec Medicis rationibus contraria do-
 centibus pareret, immò nec præsentî aliquando indulgen-
 tissimæ Reginæ, & prolixè Regiam gratiam offerenti cre-
 deret; multo minùs Medicis, qui duo simul advocati era-
 mus, nostra chimæpharmaca, totidem toxica interpreta-
 batur, & in alimentis aspidum virus recondi præ se
 ferebat, donec tandem ex longâ & precibus omnium
 invictâ marcidus inedia, pestiferæ imaginationi immor-
 tuus est.

LI.

Mirus oculi, & digiti annularis consensus.

Ol. Borrichii.

Consensum cordis cum annulari digito sinistro jam
 olim prædicavere Ægyptii, de quo *Gellius* & *Ma-
 crobius* disertè, & post eos *Dn. de la Chambre*, quam nunc
 controversiam in medio relinquimus, certi de Consensu
 ejusdem cum oculo, id quod sequens historia planum fa-
 ciet. *Anna Maria*, ministri Evangelii in oppidulo
 Store Heddinge filia sex annorum, digitum annularem sini-
 strum mihi ostendit male multatum, tumentemq; , quem
 dum etiam ulceratum adverto, prosequor inquisitionem,
 & tandem *spina ventosa*, quam vocant, miserè vexatum
 con-

conspicor, & os subjectum magnam partem carie exesum. Adjiciebat sollicita mater, digitum illum non semper dolere, sed per intervalla; enimvero quotiescunq; oculus ejusdem lateris rubore & dolore affligeretur, nullum in digito sentiri dolorem, sed, quiescente oculi malo, digiti dolores esse exquisitissimos, quod & ipsum plorans puellula testabatur; & cum sæpe post ad me ventitaret, dum M. Philippi Hacqvardi curæ subjecta erat, re ipsa notabam. Commendatum puellæ in brachio caverium, lavdata, quæ in hanc rem Marchettus in Chirurgicis spinæ ventosæ opponit, expiatum corpus, cætera chirurgo industrio permissa, quibus quantum profecerit non constat, cum domum jam diu concesserit.

LII.

Ex vivo argento carpi applicato mors.

Ol. Borrichii.

Est argentum vivum eqvo indomito simile, quoties in manus imperitas incidit. Id apud nos non ita pridem expertus est Vir quidam illustris, cum ex febre ardentissima, & simul malignâ decumberet. Enimvero, licet non deessent Medici, Ipe celerioris felicitatis, nescio cujus fvasu, passus est agyrtam suas artes expromere, Medicis scilicet ignotas. Hic mirificus ille Roscius, postquam de suis experimentis magnificè perorasset, replet duos pulvinos linteos argento vivo corrente, & pulsibus utriusq; carpi securè alligat, addito promisso, fore & brevi calor ille febrilis exstingveretur. Et vera præfagiit, sed exstinctus præternaturalis calor nativum etiam totius corporis calorem, ante exactas XXIV horas improvise exstinxit, & æ-

grum in Libitinæ rationes transcripsit. Aliud exemplum hoc anno mihi spectatum usurpati infelicitè Mercurii. Honestissimus in Urbe nostrâ mercator arthritide, & genuum debilitate diu cruciatus, promissis chirurgi navtici inductus, tandem in ptyelismo spem sanitatis reponit, hauritq; doses aliquos liberales Mercurii vitæ, unde *ἀντα & καὶ* violentissimè purgatus, simulq; ad sputandum impulsus omnibus viribus suis exsultat, totusq; rigens, & quavis glacie frigidior opem meam implorat. Ego adultulo julio, cum Sirius ustularet agros, ingressus ægri cubiculum, observo non tantum luculentum in camino ignem, sed simul manus ægri quasi congelatas, pullum nullum, asthma difficile, solam rationem sibi constantem: edoctus autem de chirurgi medicaminibus, vidensq; rem in extremis esse, prognostico ægrotantem reliqui, qui & eadem nocte in vivis esse desuit, magnâ utiq; chirurgi ignominia, nisi moribus hodiernis etiam conveniret illud *Ἱπποκράτης*: *Ἀδοξίη δὲ ἢ πρῶσκει τὰς ἐξ αὐτῆς συγκαίμεναι.* Sed quia sermonem de Mercurio ingressus sum, reperio in climate nostro non sufficere iis, qui lue Venereâ luunt stultitiam suam, ptyelismum ex Mercurio ad tres hebdomadas, & postea ad alias tres decoctum lignorum, sed si malum inveteravit, requiri ptyelismum jam ad sex, jam ad octo integras hebdomadas, immò in quibusdam vel ad decem ante decoctorum usum, quòd nisi observet Chiron, indubitabilem ante lapsum sex mensium instare recidivam.

LIII.

*Anginarum & calculi symptomata rarum,
D. Olai Borrichii.*

Non alienum est, in febribus malignis, diebus præfets

sertim Criticis, aliena loqui; sed notavi idem in simplicibus anginis, nulla febris suspicione, quandoque contingere, quoties malum est paullo vehementius, & materia peccans jam in pus resoluta sanguini se miscet, unde nervosæ cerebri partes ultra solitum vellicatæ notiones confundunt. Sed cum malum hic usque adeo vicinum sit sensuum metropoli, causam symptomatis assequimur facilius, in calculo autem renum officina mali à cerebro longè remota tumultuatur. Vidi nihilominus, qui calculo gravius infestante non constarent sibi, nec nisi delira loquerentur, sed momento post, translato in vesicam hoste, dictorum ejusmodi essent obliti, & cum corpore, tum mente validi. Tandem excluso calculo animadverti causam mentis emotæ in acutissimos lapidis angulos rejiciendam esse; quippe nulla unquam deliria, in iis deprehensa mihi calculosis, quibus calculi rotundi, aut obtusioribus angulis molesti fuere, sed tantum (nec tamen semper, propter mentis majorem in quibusdam constantiam) in istis. Scilicet pelvis renum vestitur tunica *vesicae*, quæ & ipsa interiorem ureterum membranam constituit, hæc punctiunculis acrioribus sollicitata contrahit se violentius, & tandem nervosa cerebri in consensum rapit, unde noëmata quandoque turbari credibile. Quin & visus mihi Parisiis à la Greve, qui rotis fractus, pectore nondum contuso aliena loquebatur. Jussus enim ab astante monacho, ut pendens in cruce Salvatoris, quem oculis ejus identidem objiciebat, memor esset, quod in propinquo mors expectaret; An ergo, inquit, saevius sum, si tam subito moriendum; annuente sacrificio graviter saevium esse, Cur ergo, excepit, in nosocomium non deportor, ut manu Chirurgi sanari queam. Verisimile, ossium in cruribus femoribus, brachiis fragmenta acutiora, totidem cuspides fuisse,

se, quot in calculosis illis exquisitiores anguli, adeoque, in utrisque eadem secuta quandoque symptomata. Nec fortasse in somnis aliena loquuntur nonnulli ob aliam causam, quam quod vel in partibus solidis, vel fluidis cuspidatae quaedam particulae nervosa pungendo quietem spirituum interrumpunt. Sed nec illud fortassis ubivis obvium, quod verminosi pueri quandoque aliena loquuntur. Id mihi praeter ceteris compertum in *H. Brechlinii* filio sex annorum, qui postquam miserabile triduum inter convulsiones & deliria exegisset, nullo febris argumento, propinatis liberaliter, quae vermes exigunt, novendecim tandem excrevit lumbricos vivos longos, crassos, & propemodum spithameos, quibus exclusis praeter spem Parentum convaluit.

LIV.

Cur tertianae hoc anno frequentissime in quartanas exeant.

Ol. Borrichii.

Vix integro seculo tot in his Provinciis numeratae sunt quartanae, quot unico hoc autumno pullularunt. Nec initio visae sunt quartanae, sed tertianae vagae, quae sensim in duplices, immo triplices quartanas degeneravere, nisi manus Medica initio admoveretur. Nec difficulter parere pharmacis, sed sibi relictae, vel negligentius habitatae ferociter insultarunt. Parcius tamen incubuere Urbis nostrae, quam agris, insulisque; ob diata, ut opinor, vitia, civis enim quod familiaratum dysenteriam malignam formidarent, abstinere à fructibus horariis, leguminibus, aliis, quae vicinis suis morbum invexisse adiebant; ceterum agre.

agrestes, & minutiorū oppidorū incolæ, nullo metu, oblati
 pascebantur. Hinc integræ familiæ, toti propemodum
 pagi, immò quandoq; tertia pars oppidanorū, quasi fulmi-
 ne ista lectis affixa est. Nec omnium tamen febres in quar-
 tanas abiere, sed eorum, qui neglexere curam omniū cor-
 porum, similes Virgiliano illi Georg. III.

— — *alitur vitium, vivitq; tegendo,*

Dum medicas adhibere manus ad vulnera pastor

Abnegat, & meliora Deos sedet omnia poscens,

vel eandem initio perversam instituerunt. Causam av-
 tem, cur ad tam frequentes ventum quartanas, hanc puto:
 extremum ætatis præter morem, modumq; apud nos in-
 caluit, unde intestinus corporū calor ab externo evocatus
 est foras, quo facto reliqui humores tanquam in vappam
 subacidam delciverunt, promptam quartanæ genitricem.
 Explicatiùs loquar, videntur humores corporum id passi,
 quòd cerevisia in cellis, tonante coelo, accescit paulò post,
 mucet, corrumpitur; quòd vividiores ejus partes fulmi-
 neum illud sulphur, omnia pervadens secum in æra trans-
 tulerit, aut, si mavis, confuderit, & in aliud schema pervers-
 terit.

LV.

Singulare symptoma à veratro albo productum.

Ol. Borrichii.

QVando Divinus noster *Comæ* pronunciat *επιπνοον* ἢ
επιπνοον *επιπνοον*, non id vult, omnibus perinde con-
 vultiones ejusmodi lethiferas esse, quemadmodum sagas-
 ciores interpretes odorati sunt, sed periculosas, eoq; Me-
 dico formidandas. Certum enim est, nec id Hippocrati
 ignorari potuit, post tristia ejusmodi symptomata plures,

T

licet

licet ægrè, Libitinam evadere. Quin nec omnia symptomata à veratro albo, utcunq; funestiora esse soleant (nam Hippocrati nigrum fuit familiarius) mortem invadunt, sed aliquando subitam salutem, quam tamen ita periculose mercari non svaserim. Solet vulgus veratri albi, radicem cum cinere culinario, & momento aluminis, atq; Zingiberis permiscere, atq; mixturæ hujus (*Pharamundo Rhumelio*, ut video, etiam laudatæ) drachmam febricitanti ingerere, unde præter cætera, quæ ob usum veratri nimio proficisci solent symptomata, notavi miram oculorum convulsionem succedere, namq; invertuntur planè oculi, & pars, quæ videmus, retro fugit, bulbusq; duntaxat albus insipientibus apparet. Durat illa cæcitas horam circiter unam, & tandem rejecto per crebras vomitiones helleboro, discutitur, febris cedit, & sanitas expectata revertitur. Hoc illi vocant, duro nodo durum quærendum esse cuneum; sed nisi salva omnia sunt in pulmonibus ægri, cuneus tandem esse potest, qui vitam ipsam è corpore tabido extrudat.

LVI.

*Superfoetationum exempla.**Ol. Borrichii.*

TRia superfoetationum exempla observare mihi licuit, unum Lugduni in Batavis, hic duo; in omnibus ea foetuum diversitas, ut duo circiter menses inter primam secundamq; conceptionem intercessisse viderentur. In ultimo, quod nuperrimè accidit, hoc rarum, quod infans minor natus interfecerit majorem. Res ita gesta: Nobilis Germana, quæ per biennium Amstelredamenses Medicos in

in curandâ tabe pulmonibus infectâ, experta erat, hæc tamen ad maritum se transfert, & mox, ut sit, gravida inducias mali sibi sponder, ex persuasione vulgari, quæ adiu parturiunt foeminae, nullum esse à phthisi periculum. Non cessavit tamen occultus hostis, sed intra paucorum mensium lapsum invalescens ægram lecto affixit. Ego advocatus, expensis circumstantiis, diætam convenientem definio, laudo decoctum carnis gallinacæ, rosas rubentibus farctæ, ad exemplum *Foresti*; commendo radicis Chinæ decoctum diu frequentandum, quod usum ejus in simili affectu sæpe salutarem deprehenderim, paucisq; pharmacis adjectis, svadeo lac asininum in quotidianum alimentum. Illa cæterorum citò pertæsa in usu lactis asinini perstitit, eo successu ut jam habitior septimo gestationis mense in Holsatiam ad maritum Glûchstadii tum degentem properaret: sed in itinere, fracto, per nescio quem tumultum curru, exterrita ægrior mox rediit, atq; animam velut agens, & lacris expiata ultimam necessitatem expectavit. Post aliquot tamen dies collegit se se iterum, & meliora cœpit sperare, cum iterum tristi mortis filii, quæquam falsæ denunciatione perturbata disrupti involucria foetus sensit, & mox lectum aquis stagnare. Advolat obstetrix, & in tertium diem, cum malè dispositis, ut referebat, foetus membris luctata tandem expedit puerperam, & primum quidem infantem masculum in lucem produxit septem circiter mensium, vivum quidem, sed qui unicâ post horâ expiravit; hinc fratrem minorem, itidem, ut prior, membranis propriis involutum, sed mortuum, immo foetentem. Putrida etiam visa involucria, & infans fratre, dimidio propemodum minor, qui foetore suo majorem natu infecerat, ut qui vivus quidem prodiit, sed miserè languidus & cadaverosus. Credibile, minorem

rem ideo primùm sucebuisse, quòd junior, eoq; imbecillior perturbationes matris ad suum quoq; nutrimentum derivatas sustinere nequivit.

LVII.

*Suspicio de aliis Urinæ ductibus , quàm quæ
vulgò cogniti sunt.*

Ol. Borrichii.

DIu est, quòd Medici luctantur in explicandâ subitâ illâ acidularum per vesicam redditione , præsertim ex quo leges circulationis sanguinis videntur persuadere, omnem lotii materiam per cor transire, antequam ad renes perveniat. Alii quidem aliter hic se expediunt, mihi difficultas avgeri videtur ex eo, quod subjicitur, exemplo. Virguncula septem annorum, sana alioquin & vivax, variolis nuper scripitur, & dum ardens sitit, recipit subinde à sollicitâ aviâ havstus tenuis cerevisiæ , quam dum ego jubeo, ante sorbitionem, inclescere , nè maculæ retrocedant, advertit quotidie aviâ , misellam, quoties calidam bibit, mox intra horæ quadrantem, eandem totam per urinæ pelvi reddere, sed frigidam adeo constanter retinere, ut totis duodecim horis nè semel quidam mejat. Id cum pluribus diebus simili ratione accidere viderem, recruduit suspicio sæpe his annis ventilata de aliis urinæ viis. Alioquin notus mihi amicus , qui havsto unico tantum cochleari aquæ vitæ, quam vocant, sive simplicis sive compositæ, intra mediæ horæ intervallum reddere urinam cogitur bis, tæve, licet ante havstus nuperrimè vesicam exonerarit. Atq; ut dixeris spicula illa salis tenuissima , & ramenta acutissima olei, quæ in aquâ vitæ resident, subito fingere sibi viam ad renes, ductusq; ibi aperire, nihil certius

us est, quàm amicum illum, nullum interea vel teporem in renibus adactum observare, sed mox stimulum circa regionem vesicæ. Sed & quodnam calcar in caldâ? quàm jam sana quotidie bibit virguncula, nec toto die nisi semel laxat vesicam, etsi juscula interea forbeat longè calidiora, immò aromatis condita.

LVIII.

Ex glande melleâ vitæ periculum.

Ol. Berrichii.

TOties impune volitantes circa tempora glandes plumbeas, ferreasq; senserat illustris *Baro Grandviller*, excubiarum in exercitu Monasterienſi præfectus generalis, apud nos melleæ propemodum succubuerat. Postquam enim vespere quodam alvum notâſſet adstrictiorem, per famulum Pharmacopœi jussit glandem ex melle coctam sibi, more sÿeto, supponi, quâ intra horam unam aut alteram nihil excrementorum evocante, secundam subjici imperavit, & illâ quoq; segnescente, tertiam. Nihil omnibus effectum, & nox inter turbulenta somnia, vigiliâsq; querulas exacta. Postridie accersor, & clysteribus insistendum moneo, iisq; pingviusculis, & carminantibus. Sed nec à clysteribus levamen. Visus sibi æger, ut referebat, in intestinis quasi palo confixus. Subiit cogitare, glandes nimium fortasse coctas induruisse, ut solent, atq; altius in intestina penetrâſſe. Interea frequentatis enematis, & ingestâ per faveas cerevisiâ, in quâ manna Calabrina deliquerat, item oleo amygd. dulcium, aliisq; , quæ necessitas suadebat, binæ tandem glandes per posticum viam invenerunt, ægro interea inconsolabili, quòd nec

dolores imminuerentur, nec venter detumesceret, nec excrementi quicquam prodiret. Tenuit hæc lucta tertium jam diem, jamq; videbatur ultima minari, Barone fremente, inauditum sibi mortis genus à melle intentari, cum post balneum aquæ dulcis pingvia per os ingesta, & inunctus unguento de arthanitâ, cui oleum diacolocynthidos permixtum, ventriculus expedirent laborantem, & cum excrementis protruderent crassa enematis primifruta, sed durissima, & vitri more fragilia. Discant hinc Pharmaceutices ministri, quantum noxæ, & quàm funestus eventus ex inconfultâ tam innoxii alioquin succi cocturâ quandoq; proficiatur.

LIX.

Immensus scroti tumor.

Ol. Borrichii.

Videram quidem jam ante, laxiores corporis partes ex decubitu humorum in singularem amplitudinem extendi, notaveram renem unum infantis recens in lucem editi, vel tres urinæ libras, ex defectu ureteris ab illo latere, sinu suo comprehendisse; sed scrotum usq; ad ultimum genuum marginem descendere posse, nunquam conspexi, nisi in *Jacobo Cirsow*, pistori Hafniensi. Is à multis annis ramicosus, cum rejectis, quibus malum cœrebat, fasciis negligentius viveret, immò in nuptiis tandem amici liberalius se invitaret, excrevit ex eo sensim in eam molem scrotum, ut omnia ipsius intestina complecti videretur. Mirabar, cum staret, partem scroti etiam tantillum infra genua descendere; cum decumberet, accumbebat molestissimus saccus, & in amplum se diffundebat. Tandem

vomitio nigerrimæ & acidæ an arcæ ad aliquot durabat dies, rejectus & per os sanguis impurius, sed adeo acris ut fauces exulceraret; hinc nullæ ejus quærelæ graviores exceptæ, quàm uri & excoriari sibi fauces, buccam, gingivas. Hæc dubiè cibaria, quæ in scrotum quoque descenderant, cum eluctari ad anum non possent, morâ & calore loci in acidum crama degenerare, unde acres illæ versus superiora regurgitationes, quas acidæ ipse æger interrogatus agnoscebat. Supervenit tandem gangræna scroti, & reluctante licet chirurgo, fata absolvit.

LX.

*Fæmina, quæ mortuam se credit, & miratur
se quandoque reviviscere.*

Ol. Borrichii.

Honestissima matrona propemodum septuagenaria, cum ante biennium valida adhuc & sensibus integerrimis in culinâ nescio quibus cibariis assideret, illapsa per januam subito avra frigidior ita occiput ejus penetravit, ut in paucis horis hemiplegica concideret, & toto tri-duo parum à mortuâ distaret. Narcosis perpetua, rhonchi crebri, spumosa circa os, pulsus aliquando undans, sæpe velut deficiens. Quarto die, antapoplecticis diu fortâ, frictâ, fumigata levavit oculos, habuit pharmaca, loqui coepit, sed pleraque aliena; præ cæteris autem, (in quo adhuc per intervalla durat) nominavit fæminas usu & familiaritate sibi cognitâs, quarum ministerio jam mortuâ (ita enim constanter credebat) seralibus linteis vestiri veller, & in arcâ reponi. Cumque filia & famulæ nondum obiisse dominam identidem occurrent, illa iratior iterum, iterumque;

rumq; emisit, qvi familiares tarditatis in ultimo illo officio increparent. Tandem moræ impatiens, & minanti prior à famulâ domesticâ etiâ diu reluctante officium funebre extorquet, mirata subinde cunctationes matronarum, ut quibus toties in articulo mortis domesticorum secula adfuisset. Quid multa? vestitur habitu extinctis solenni, & in anacinterio extenditur. Diu se circumspicit, & jam ibi aciculas parum fidas, illic fimbrias ultra morem propendentes, alibi lintea non satis munda cavillatur. Tandem in somnum prolapsa ab ancillis expeditur iterum voluminibus funebribus, & in lecto ad quietem reponitur. Exspectata iterum mortuam se asseverat, & ut antè, de polligentibus sollicitam se ostendit. Recurrit diu ex intervallo eadem cantilena, nec aliud præsentius perversæ imaginationi à me inventum est remedium, quàm pulveres gemmei opio alternis diebus remissi. Ex quo vivam se intellexit, sæpe in Norvegiâ se apud filiam esse arbitratur, negantibusq; contumaciter contradicit, accingitq; se nonnunquam ad iter Hafniense, nec alia techaa hanc ejus opinionem discussit, quàm quòd carpento in suburbana aliquando evecta, cum rediret, portam domus suæ agnoverit, & tum demum è Norvegia Hafniam reversam se esse pronuntiârit. Interea manuum, pedumq; ministerio utitur satis expeditè, sinistris tamen partibus paulò timidius, comedit liberaliter, alvus respondet, cætera sanis similia, nisi quòd dormire nequeat, nisi alternis noctibus opio somnos invitet; & primo quidem anno sufficit narcotici granum unum, postea non secuta quies, nisi duobus granis advocata, nunc tria requiruntur, ita sensim natura assuetudine longâ cum opio familiaritatem contraxit. Hodie, maximè circa solstitia, & æquinoctia vel iterum mortuam se credit, & paulò post

revixisse se miratur, vel, quod ipsi jam frequentius, epulis mortuorum se interesse arbitratur, vel jam diu extinctis mente & animo convivia præparat. Usq; adeo firmiter cerebro insedit mortis illa imago, ut perpetuū ferè cum larvis commercium sibi esse peritissimū sit. Alia honorata Matrona ex lochiorum suppressione febricitans infernam se furiam esse voce intentissimā asseruit, & è lecto subitò procurrens, oculis ad formidinem astantium efferis, rubentibusq; sum, inquit, vera Tisiphone Stygia, sum ardens apud Inferos genius, & simul in oculos mariti involavit unguibus, me ad Tragicum ejusmodi ludum cohorrescente. Rediit illa tamen ad saniozem mentem, & largo fletu delirium expiavit. Alia, postquam à partu convaluisset, sacram scripturam nullo modo sibi scriptam esse obstinatissimè pertendebat, & cū sacris interesset, salutaria ministri Evangelici monita ad cæteros quidem omnes, sed ad se nequaquam pertinere asseverabat, expurgata tamen iterum, iterumq; pharmacis amurcam sanguinis emendantibus integræ menti restituta est.

LXI.

Rossalia squamosa.

Ol. Borrichii.

SÆpe hoc anno *ἐνδεήματα* illa videre contigit, quæ vulgò Medentibus Rossalia appellantur, & ad morbillos referri solent. Infestant præsertim teneram ætatem. Ægri primū narcosi, mox febris continuā, eāq; vehementi tentantur, & pleriq; simul deliriis. Adest inquietudo summa, & insignis oculorum pæne lacrymantium hebetatio. Tercio die spargitur universa cutis maculis latis,

V

op,

oppidò rubentibus, quæ circa finem ejusdem diei in unum coeunt omnes, adeo ut corpus totum quasi pulvere granorum Chermes videatur perfrictum, solâ facie à rubore isto liberiori. Durat formidatus Matribus color totum tri-duum, & Bezoardicis interea largiter propinatis, quarto die declinare incipit, & calor præternaturalis imminui, cuticulâ sequentibus diebus in tennes veluti squamas fati-scente. Quippe hæc tanquam in veru assata perdit sequacem illum lentorem suum, & flectendi se se obedientiam, unde ad motum corporis variè primum disrupta hiat, hinc sensim excidit, aliâ succrescente. Alia verò cavsa impetare videtur serpentibus, ut novo vere exuvias deponant. Nempe alimentum vel nullum, vel exiguum hyberno tempore efficit, ut succus, qui in corpore restat nutritius, ægre ad extimas partes gelu pænerigentes (ut est bestiola alioquin & mediâ æstate ad tactum frigida) deferatur, unde epidermis tanquam vestis, alimento suo destituta ad vernos calores exuitur, & cœv alienum corpori involu-crum rejicitur. Quin & elephantiacorum cutis in squa-mas degenerat, quia alimento conveniente fraudatur.

LXII.

Acerrimi dolores capitis evporisto sanati.

Ol. Borrichii.

Vixit non ita pridem apud nos Vir illustris, sed vixit iis cephalalgiz doloribus obnoxius, ut jam diu mortem sibi vitâ optabiliorem æstimaret. Incipiebant dolores ab utrisq; temporibus, & paulatim altiùs in cerebrum eVecti, utrinq; tanquam malleo fabrili latera tunde-bant. Et quidem visum tolerabile malum, quamdiu hi
imas

imaginarii mallei seorsum tragœdias suas exercebant, sed quando miscebantur ictus, ita ut in unam simul in medio cerebro incudem ferociter incumbere, præ cruciatu non amplius apud se erat, sed deliro similis cubicula oberabat, immò aliquando animi tentabatur deliquiis. Sufferant Medici, ut tentatis incassum variis arteriam temporalem pateretur sibi incidi, solenne aliàs in hoc calore remedium, ad quod nescio quo metu inductus descendere recusabat. Tandem cum constaret dolores illos proficisci à nimio sanguinis arteriarum temporalium fervore & impetu, ex consilio cujusdam in medio dolorum cursu strophilo aqua frigida madido collum circumdedit, & cum à nativo calore incalesceret linteam, novo permutavit. Unde dolor quasi excantatus furere eo tempore desijt, & quoties redibat (ad quod singulis terè mensibus solenne) eodem strategemate elusus est, admirante ægro tam efficax remedium è puteo sub tam levi operâ hauriri. Medicis autem ea medicandi ratio suspectior, non quod nesciant contraria curari contrariis, aut, ut prudenter *Hippocrates*, subcontraria subcontrariis, sed quia tum vident symptoma tantum hoc modo tolli, non primam mali causam, tum quia ab illo remedio sæpius usurpato vel paralyfin timent, vel apoplexiam, clavis subito frigore nervosis partibus. Aliquando tamen, non inficior, usus vincit rationem, & nihilo periculo, in quo æger versatur, periculosus est. Parisiis nihil in hoc malo frequentius sectione arteriæ temporalis; atq; notavi in Nosocomio (l'hostel Dieu) quoties chirurgus ob profunditatem arteriæ non nihil tricare necesse habebat, ut scalpellum justè adigeret, nonnunquam cum Alexandro violentius usum fuisse oraculo, hoc est, arteriam ipsam transversio ictu rescuisse, unde recedit quidem dolor, & divise arteriæ partes facili-

us coierunt, quàm post incisionem punctim inflatam, metus tamen est, nè partes capitis ab illo arteriæ funiculo, qui avulsus, nutriendæ, fovendæq; eclipsin aliquam in posterum patiantur. Quod *Forestus* refert à suspensâ è collo verbenâ sedari dolores capitis, id licet sæpe experiri placuerit, tum in plantâ viridi, tum siccâ, nunquam tamen evidenter successisse animadverti.

LXIII.

Epistola ad catharractam imminentem.

Ol. Borrichii.

QVando veluti rete oculis obrendi incipit, & quasi fila visionem inhibere deprehenduntur, item quoties duæ, atq; plures maculæ albæ pupillam obident, adhuc quidem, sed ægrè, translucidæ, duo nostratibus mulierculis remedia sunt, & quidem sæpe fructuosa. Aliquando capiunt securim ferream mundam, & in planitie ejus ad æquis librium collocatâ strophium purum, sed usu ferè detritum, & jam conglobatum reponunt, admotâq; candelâ accendunt. Postquam exarsit, dissipatis flatu oris favillis, ad oras ustinæ oleum crassum sed paucum inveniunt, quod sollicitè exceptum digito oculis ægris ingerunt, & quoties necesse, repetunt. Est autem oleum illud præcipuè linteï soboles, sed cui à vicino ferro aliquot, opinor, ramenta tenuissima adhæserunt. Itaq; dissipantur nubeculæ illæ à tenuitate olei, firmantur oculi fibræ à ferri mantissâ. Alterum hoc est: Capiunt frustum electi Zingiberis, derafoq; cortice tam diu affricant coti (quâ acuuntur scalpella) admistâ portione aquæ rosacæ, donec in fundum vasculi ex attritu crassamentum quoddam deponatur, hinc leni incli-

clinatione vas rosacea tenuior effunditur , quod autem spissius, palpebris, clauso oculo, mane, & vespere allinitur, ibiq; quietè relinquitur, donec æger agnoscat evidentem in oculo calorem, tum digito inunctum magma abstergitur, & labor idem, quoties requirit necessitas, ingeminatur. Fricant autem potius, quàm tundunt Zingiber, ut mollius, tenuiusq; evadat spissamentum, nec fibris, quæ ex attritu prodire solent, inhorrescat; sanè ex crebra usurpatione alterutrius pharmaci non rarò notavi insignem fructum, malo nondum confirmato, nec ratio aliud persuader.

LXIV.

*An fluentibus liberaliter hæmorrhoidibus liceat
uti cathartico?
Ol. Borrachii.*

Dubitandi ratio inde proficiscitur, quòd purgantia turbent, aperiantq; & hoc pacto ampliorem profusioni sanguinis videantur aperire fenestram. Contra, humorum acrimonia interea svader catharticum, nè illi incubitu longiori hæmorrhoidas patefaciant largiùs. In hoc bivio, tutiùs purgari, quàm abstinere, docuere me experientia. Fuere enim ex ægris meæ fidei commissis, qui menstruis ejusmodi evacuationibus vexati, cum viderent se tandem debilitari non criticis, sed symptomaticis his excretionibus, opem flagitare, quibus ego frequenter infuso rhabbari succurri, observans ternis alvi solutionibus, inter purgandum vix tantum cruoris effundi, quantum unâ vice extra purgationis tempus excerni solet, immò sæpe in ipsâ purgatione nè guttam sanguinis profluere, averrà aliò humorum rodentium acrimoniâ. Sed quid

avdendum , si evacuatio menstrua fœminis propria ultra debitum perseverat? Nec hic formidandus rhabbari usus , quanquam providentiùs incedendum. Nam alia purgantia plerumq; hic infida sunt , & ab aloëticis certum periculum. Quoties autem gravidæ supervenit fluxus hæmorrhoidum, ut fit quandoq;, & is nec quiete, nec leniter adstringentibus sistitur, ægrâ interim quotidiè langviores, ambiguum est, utrum rhabbaro locus sit; sed certum, potiùs istuc veniendum, quàm cum evidenti periculo vel fœtus, vel puerperæ, vel utriusq; rem naturæ beneficio permittendam. Qui fortioribus hic insistit , rarò ita circumspectè rem transiget , ut non alterutri immineat exitium.

LXV.

Calculi per anum excreti.

Ol. Borrichii.

SÆpius id apud nos contingit, sed nunquam conspectiùs quàm in *Catharinâ Michaeliâ*, fœminâ propemodum sexagenariâ, quæ ante, retroq; durum illud genus effudit. Vexabatur utriusq; lateris doloribus , stillicidio urinæ, vomitionibus, inquietudine, ciborum fastidio. Itaq; adeo evidentia præsentis calculi indicia effecere, ut spiritum terebinth. Cypriæ, ol. stillat. chamæmeli & succini propinare, addito decocto contra calculum Foresti, in quo plusculum virgæ avræ deferbuerat , commendans ex jusculis minutiorum avicularum, passerum, alavdarum, &c. sorbitiones radicibus petroselini temperatas. Quamvis vendi rationem cum ad dies aliquot instituisset , levata quidem onere est sinistri lateris, exoneratis aliquot in pel-

VIM

vim lapillis, sed ærumna dextri lateris adeo non quievit, ut avetior deprehenderetur. Itaq; missis oleis, ad spiritum salis armoniaci, qui urinam respicit, provoço, eiq; tum efficaciz gratiâ tincturam cocci baphicæ associans ter quotidie ægram hac misturâ in spem sanitatis erigo. Illa solatium inde percipit, & sensim à doloribus, atq; anxietate liberatur, me adhuc de eventu sollicito, quòd nullos amplius calculos in conspectum venire observarem. Tandem ita mecum: fortassis calculo vesicæ felleæ simul tentata est: quo, sine quærimoniâ, per posticum excluso, non amplius cruciatur. Jubeo igitur familiarem fellam inspicere, & affusâ aquâ fæces liquidiores elui, ut, si quid in fundo delitesceret, coram deprehenderetur. Quo facto calculi novem angulosi, flavi, nec oppidò duri offeruntur, quos è vesicâ felleâ prodiisse nullum dubium est, testante colore, mollitie, & cæteris indiciis, de eorundem natalibus. Nam & centum, atq; eo amplius hæc gemellos vidi quondam in Leidensis aniculæ cysti felleâ, cum à morte, Clariss. *Sylvii* cultro pateret, & ex eo tempore satis frequenter. Putârim ab acido præternaturali in vesicam hæc sive cum sanguine, sive aliunde transportato, prima coagulationis initia bili impressa fuisse, quæ postea morâ & calore loci magis induruerint. Idem aliis animantibus usu venit, & quidem bubus sæpe. Nec lapidi porcino Indico (pietra del porco) alia origo, id quod & sapor luculentè attestatur. Et nè solos calculos Indicarum bestiarum felleos æstimemus in alexipharmacis, sunt qui bubulo felli in calculos densato tantundem attribuunt; immò, novi, qui in Galliis, malignè febricitantibus bubulum fel, ut est, nativum & adhuc liquidum, ad dimidium cochleare prisanz permistum cum fructu propinaret. Sed in.

ingratum oportet esse remedium , & non nisi infimo populo suadendum.

LXVI.

Quartana post diurnam violentiam sopita , tandem post usum Mercurii iterum evigilavit.

Ol. Borrichii.

Homo militaris triginta annorum, ex doloribus vagis crura, dorsum, frontem, & præsertim nares infestantibus incidit in suspicionem Venereæ luis, & perfunctoriè à nescio quo chirurgo tractatus quartanâ tandem corripitur; speratq; fore, ut malum ultimum suspicionem prioris evertat, ex lege proverbii: Febrim id agere in corpore, quod incendium in camino, hoc est, feces & fuligines ante natas in solidum secum auferre. Verùm falsus augurii diu circumtulit invisam febrim, & licet institutis huc illuc peregrinationibus, sensit etiam post annum integrum ejusdem insultus; quibus demum circa æquinoctium autumnale quiescentibus, nondum quiescente pristina luis malignæ suspitione, commisit se chirurgo satis in hac palæstrâ exercito; qui ad Mercurium more solenni provocans pyelismum ad tres hebdomadas excitavit, nullo interea quartanæ vestigio usquam in corpore deprehenso. Postquam ea salivæ lentæ vis educta esset, ut malignitatem superesse nullam arbitraretur, ventum est ad decocta vulgaria ex gajaco, sarisâ, aliis; quorum usu ad dies XII continuato, imperatis ex intervallo sudoribus, rediit ex inopinato quartana, & jam antiquum obtinens ægrum oppidò perplexum impulit, ut meum exquireret consilium. Ego memor insidiarum quartanæ, ivadeo, ut decocto primo,

cev

cev generosiori abstineat, contentus dilutiori illo, quod *secundum* vocant Artis filii, donec apertæ, fatigatæq; ex Mercurialibus fibræ corporis collegerint se in roboranti-quum. Quo facto, ex intervallo utatur pilulis de sagapeno, aculeatis grano uno aut altero trochiscorum Alhandal; tribus autem proximis ante solstitium hybernium (quod jam imminet) paroxysmus componat se ad sudores, assumpsit gentianæ extracto, vel sale aliquo volatili, vel deniq; cortice gannanaperide; cuius usum etiam in tertianis laudant hodie Britanni; nostri inter initia febrium parcius usurpant, salibus lixivis in hoc malo plerunq; contenti, ut quæ longo usu experti sunt salutaria, quamdiu malum nondum sepius admonuit. Non inviti tamen post septem paroxysmos ad gannanaperiden descenderent, nisi à corticum fraxini similitudine fucus sæpe in Peruvia, num hunc corticem emanaret. Ajunt quidem fraudem deprehendi frangendo, gannanaperidem in fracturâ nullas relinquare fibras, fraxini corticem relinquare; verum si cortex fraxini vetustior est, fortassis etiam fibras perdidit. Optimum hætenus ab eventu indicium: dosis enim fraxinei corticis non suspendit paroxysmum, Peruviani suspendit, sed, nisi purgatissimo ægro, metuenda recidiva. Verum ad ægrum nostrum: cum de eventu consilii nihil hætenus possit constare, illud tantum hic mone-re libuit, ex allato hoc exemplo satis elucere, quàm impro-bum, & pæne invictum sit in veris quartanis acidum (nam spurix nonnunquam faciliè percurantur) ut quod post an-nuum insulsum, exclusâ tantâ pituitæ morbosæ copiâ, Mer-curio detrectarit parere.

LXVII.

*Puer totâ vitâ rudis , subitò ante mortem
doctus & disertus.*

Ol. Borrichii.

Honorati Viri filius quatuordecim annorum , licet cum fratre nato minori eodem usus præceptore, nihil adeo ediscere potuit, nihil ferè memoriæ imprimere, pauca loqui, gravatè avscultare, integris tamen sensibus, & iudicio, quantum ferebat ætas, non aspernando; illo altero interea pulchrè in studiis liberalibus provecto. Quid sit? præter expectationem intempestâ nocte febris corripitur tardior ille , & subitò toto corpore erubescens delirare incipit , atq; aliena loqui. Advocatus postridie deprehendo omnia turbata, pulsus oppressus, intremiscentem, frequentem, parvum, favces aridas, calorem urentem, verba tertiatâ, malè coherentia, totam cutim non in maculas efflorescentem, sed veluti purpurâ tinctam, solâ facie exceptâ , quam in liberiori aëre huc illuc iactabat. Jubeo illum bene sperare, si quidem parere Medenti non detrescet, alioquin improvisam instare mortem , ob summam ægritudinis malignitatem, quod symptomata adeo gravia ipsum morbi initium comitentur. Is ad monita parum attentus pharmaca oblata partim vomitu rejicit , partim iactatione corporis, & captatione auris frigida eludit. Biduum ita transit inter narcoses deliriis hinc inde distinctas. Tertio mane adveniens oratorem ægrum nostrum gemens deprehendo : loquebatur sanissimo similis & promptius quàm unquam totâ vitâ, & eruditius: crederes Theologum de vanitate mundanorum ex arte disserere, non ægrum ingenii pingvis & obtusi in articulo mortis tricari. Emodulabatur sacras canticiones, quas nunquam
me

memoriâ complexum fuisse præceptor sanctè asseverabat; in contemnendâ morte ita facundus erat, ita plenus rationibus, quæ dissolutionem corporis non formidandam suadent, ut eruditus aliquis Senecæ nepos non potuerit melius. Quin & latine subinde loquebatur, & sine hæsitatione, cum triduo antè, substantivum cum adjectivo (ceci vocant) ex disciplinâ conjungere nescierit. Et hæc omnia prudenter, & sine ullo delirii vestigio ab eo disputata sunt, præcipuè autem multis precibus fatigatâ mater anxia, ut sacerdotem vocari juberet, quòd intimè se inardescere ingeminaret desiderio sacri epuli, ut per teneram ætatem nondum sibi degustari. Nec mora, adest curator animæ, audit sanâ mente consistentem reum, expiat admissum crimen, & religioso viatico languentem communit. Vix hora dimidiata ex eo lapsa est, cum iterum ad deliria reversus, & corpore, anhelituq; debiliior ante noctem fatis concessit.

LXVIII.

*De Epilepticis varia.**Ol. Borrichii.*

Nobilis adolescens equestribus deditus exercitiis tentabatur crebrò tussiculâ, sed siccâ, & subinde dentium doloribus. Rejecta in collum angustius, & catarrahum à glandulis capitis descendentem culpa; avegebatur suspicio, quòd oculi tantillum extra orbitas suas eminerent, & nonnihil erubescerent. Sed cum sæpius, & gravius admoneret odontalgia, dentem, cui dolor præcipuè incubabat, evelli jussit, nullo ferè operæ pretio, serpsit enim malum ad vicina, & ad ipsam maxillam penetra-

bat. Sociis interea delicatulum clamantibus, quòd à muliebri ægritudine constantiam suam turbari pateretur, ille die quodam in publico diversorio inter amicos subito corruit ex animis quasi fulmine percussus. Deportatur in lectum, ibiq; odoribus & aquis apoplecticis variè excitatus tandem post horam dimidiam vivere se ostendit, domumq; translatus postero die surgit sed languidior, & in narcosin cum gravitate capitis junctam propensus. Vocati Medici cephalicis & iis, quæ comitalem avertere solent, insistant, exiguo fructu, quippe æger ex intervallo jam animi deliquisset, jam epilepticis convulsionibus, iisque horribilibus diu exatus, tandem pleno rationis usu ex langvore insolito succubuit. Cumq; testamento ultimo jussisset se in Patriam à morte transferri, adeoq; balsamo, more Gallico, condiri, ne navigantibus foetore molestus esset, desiderio ejus adversari non placuit. Aperitur ad condituram à quatuor chirurgis, & in reliquo corpore, nihil à deo morbosum deprehenditur, præterquam quòd superior or dextri pulmonis facies præter morem nigresceret, ex acidis, opinor, humoribus istuc sensim à capite depluentibus, & dexter testiculus intra abdomen conderetur, pusillus & exsuccus; sed ubi ad cerebrum perventum est, abscessus se obtulit in dextrâ ejus, & quidem superiori parte, non ad latus, sed propemodum in mediotullio, isq; foetidissimo pure albo stagnans, ad amplitudinem ovi gallinacei, aderat & ferum, sed parcius, quòd ad spinalem medullam videbatur sibi aditum patefecisse, unde convulsionum frequentia. Æger autem, qui sæpe conquestus erat de dolore frontis, & quandoq; occipitis, nunquam ostendit sibi illam partem dolere, quæ vomitum occultabat, hæc dubio argumento, cerebrum ipsum non patere doloribus, sed duntaxat, quibus involvitur, membranas. Constat inter

ter alia ex hoc exemplo quàm vanæ sint pollicitationes quorundam, spondentium certam cujusvis epilepsiæ, etiam hæreditariæ curam, cum hic ipsum Apollinem, ipsum Æsculapium frustra advocassent Amici. Nihilominus nè nunc quidem quiescit in urbe nostrâ Empirica, sed promiscuè omnibus hoc malo aggravatis opem promittit. Illa autem (nè mysterium publicè ignoretur) ex sutoriâ pice, granis prœniz, & oleo castorei emplastrum format, & occipiti, erasis, si qui obstant, capillis, calidè applicat, tam diu hæsurum, donec sponte decidat, quod plerumquæ circa duodecimum diem solet accidere. Quod si perseverat adhuc malum, toti capiti, sed raso idem emplastrum circumfundit, successu aliquando non poenitendo, sæpius ras men nullo, ut palam est. Quid enim faceret hoc emplastrum ad tollendum abscessum cerebri? quid, quoties malum urget per sympathiam? quando maligna æra attollitur vel à tumore manus dextræ, quod *Platero* observatum, vel à sinistra, quod *Hæstettero*, vel à mammâ, cruribus, testibus, pollice pedis, quod *Schenchio* & aliis, immò infinita sunt exempla epilepsiæ per consensum, quibus ab illo emplastro parum sperari potest præsidii. Id rarum in quodam cive nostro, cui à carioso pedis pollice oboriebatur hoc malum, quoties percepto prius in pollice motu inquietiore, & mox in crure, fasciâ crus ipsum paullo infra genuâ strictè ligabat, antequam ultra pergeret formicans inqvies, paroxysmum notabat suspendi; sed si negligentior pateretur malum superare genua, postea nullum à fasciâ injectâ observabatur auxilium. Potuisset is vel extirpatione pollicis, vel inunctione butyri Antimonialis, de quâ medicatione *Henr. ab Heer*, persanari, sed maluit periclitari totum, quàm partem ignobilem tolli.

LXIX.

Quid faciat aliquando immanitas doloris.

Ol. Borrichii.

DOlui ex animo , cùm ex *Antonio Guajnerio* apud *Gabelchoverum* legerem , Virum quendam bonum , cùm diu dolores calculi crudeles patientissimè sustinuisset , tandem victum acerbitate cruciatuum animam suam infesto Dæmoni commendasse , modò à doloribus liberaretur . Mitiùs fortasse magnus ille Macedo , sed tamen vehementissimè doluit , cùm , auctore *Curtio* , epoto jam *Herculis* sepyho , repente velut telo confixus ingemisceret , & ferrum posceret in remedia . Parum absuit ab honorato quodam viro nostrate , peregrinationibus claro similis fortuna : Is postquam diu luctatus esset cum infelici stomacho , omnia cibaria per vomitum rejiciente , aliisq; doloribus hypochondria vago , sed acerbissimo cruciatu affligentibus , aliquando , cùm ex lege amiciz ægrum inviserem , præsente Medico ordinario , ad utrumq; conversus : Est , inquit , quod graviter favciat conscientiam meam , occidi hominem , & manus innoxio sanguine inquinavi ; proinde iterum , iterumq; per omnia Vos sacra obtestor , ut Regi mox atrox crimen meum aperiat , nè diutiùs justum supplicium eludam , & animæ periculum adeam desperabundus . Nos circumspicere omnia , notare vultum ægri , habitumq; , & cùm constaret eum sanâ mente ex meditato ita loqui , ambigere , utrum doloris impatience hæc verba diceret , an vulnus conscientiz . Abeuntes premere illa silentio constituimus , & aliâ vice in circumstantias facti operosius inquirere , ne vel amico , vel veritati deesse videremur . Redeo ergo post dies aliquot , & de statu ægri pertunctor . Ille vultu sereniori , in-

inducias, inquit, hodie experior, non ita acriter melanciant dolores; cùm adfloss superioribus diebus, ea fuit tormentorum sævities, ut quancunq; lancinam mallet, quàm eadem ulteriùs sustinere: proinde studio finxi (ita me superi ament) commissam à me eadem, ut vel publico supplicio domesticum hunc & quotidianum tortorem evaderem. De militaribus ingeniis hic ego nihil, ut quibus non infreqvensest gladio vel stlopo imperare doloribus suis, qvoties aliquanto diutius, acerbiusq; perseverant.

LXX.

De urinis varia.

Ol. Borrichii.

C*hristianus Mauriti* hernià carnosissimà laborans & ante sectionem, & post eandem, urinam reddidit adeo frigidam, ut fontana vulgaris medio autumno gelidior non sit; convaluit nihilominus, & sanus ad suos regressus est. Fortassis renes ejus cum vesicà præter consuetudinem acido humore stagnarunt, in quem incidens urina ex arteriis adhuc suis calidè emulsa subito dirigit, ceu videmus extra corpus, urinæ spiritum acido potenti remissum strepere quidem, & subsultantibus bullis velut effervesce, interea tamen nec incalescere vitrum, quo adversi humores continentur, nec ipsos humores vel res pere saltem, sed potiùs de inusitato frigore attingentem manum admonere. Sic sal armoniacus, urinæ & salis marini tantillum sublimati soboles, cùm in aqua frigidà dissolvitur, aquam manifestè reddit frigidiorē. *Alterum*, honoratus civis quartanà diu enervatus, urinam subinde red

reddidit vermibus sed mortuis foetam; dixisses lumbricos terrestres, nisi curti, pleniq; magis essent, & minus longi. An ex intestinis arrosis viam sibi fecerint in vesicam, an ibi nati sint, non satis liquidum est; id constat, ægrum tertio inde mense, cum diætæ leges parum attente custodiret, accedentibus aliis quoq; symptomatis, obiisse. Alioquin vivos vermes sæpe conspiciamus salis marini cumulos, si in loco obscuriori inveterârint, perreptare; dixerim tamen eos potius cumulis illis ex mucoso situ adnasci, quàm innasci. Posse tamen vermes in renibus generari, & per ureteres demum in vesicam penetrare liquidum est, id quod crebræ inspectiones renum caninorum, præsertim vetulorum manifestè demonstrant, sed in vesicâ nasci animal, ad fidem difficilior est, ob loci inquietudinem. *Tertium*, pistoris uxor effœta, hoc ipso tempore, quo hæc scribo, meæ curæ permissa, præter dejectum appetitum, & summum ciborum fastidium quotidie lotium reddit usq; adeo nigrans, ut dilutius atramentum imitari videatur, præsertim circa fundum matulæ, atq; id integrum jam mensem continuavit. Suspicerer ruptam in renibus arteriolam cruentum quiddam lotio aspergere, quod tandè in nigrorem desineret, nisi id unum revocaret, quòd in fundo nullæ fibrillæ observentur, quales ex reddito per urinas sanguine conspici solent, natæ ex spissiori sanguinis crassamento, quod diu urinæ nescit innatare. Fortassis lien amurcam suam per illa vasa expedit, camq; ideo nigriorem, quia solo propemodum vino Rhenano ægra viam hætenus tuetur, eoq; ut palam, acidiori, cum cibaria magis formidet, quàm fullones ululam. Adjunxisse hic juverit, propter eos qui spiritum panis multum tribuunt, inter medios panes à forno calentes ægrotam decumbere,

rere,

re, adeoq; spiritu illo, quamvis debiliori forsan, continuo tamen, non magis recreari, quam si inter totidem saxa zgrotaret, argumento, invalidos esse ad nutriendum odores, & gentem Astomorum *Plinio* laudatam fabulis annumerandam.

LXXI.

Ex venæ sectione obliuio.

Ol. Borrichii.

A Deo delicatæ texturæ est illa cerebri pars, quæ rerum actarum memoriâ custodit, ut levi negotio vel exporrigat se se nimium, & veluti plicas sibi impressas tensione violentiori complacet, vel madore flaccescat, unde obliuionem succedere verisimile est. Hinc aliquando morbo caput infestante perit memoria, aut imminuitur, aliquando senio oblitteratur, sæpe metu interturbatur, nonnunquam terrore subito exstinguitur, immò pluribus aliis modis carpitur, & hebetatur. Sed ex venæ sectione iacturam sentire rarum est. Accidit id tamen facundissimo cuidam Ecclesiastæ pæne sexagenario, cui cum jam febres, jam plethora necessitatem imponant missionis sanguinis, statim ab illâ evacuatione vacillare sentit memoriâ, neq; etiam longo post tempore integram redire. An spirituosus ille calor, qui fibras memoriæ conservandæ dicatas moderatè debet extendere, unâ cum exeunte sanguine pro ratâ parte exit, adeoq; fibras relinquit minùs tensas, quàm oportet? utcunq; fuerit, vas misericè fragile est memoriâ, & rem probè meditantî, aliud ex alio remoram expediundi se objicit. Est mihi notus quidam, satis alioquin fidelis memoriæ, qui in familiari

sermone quoties ad nomina propria venit, hæsit, & circumspicit amicorum opem, alioquin mutus futurus, licet millies eadem nomina ante memoriæ impresserit. Immo certæ sunt voces, quæ quotiescunq; etiam recitentur, nonnullis statim excidunt, cum difficiliore & pronunciatio, & intellectu hæreant firmiter: de me testari possum, jam à pluribus annis, quoties Candidatis Medicinæ monstrandæ erunt plantæ, semper excidere mihi vocem *pimpinella*, etiam oculis observante plantâ, antequam diu reminiscantur perconter; cum interea cortex *gannânaperide*, & jugum Hetruscum *Redicofane*, & alia inusitati generis nomina promptè occurrant. Dixeris, majori curâ ingeri memoriæ ignota illa; sed nulla sanè curâ effecerit, ut *pimpinella* subito oblata memor sim, quod nimium frequenter experior. Nec dubitaverim, aliis similia contingere. Ego hic Davus cupidè Oedipum exspecto.

LXXII.

Ebrius sectâ venâ evadit sobrius.

Ol. Berrichii.

Potabant in cavponâ militares aliquot homines, & jam iis prævertigine tectum ambulare videbatur, ita se vino & cerevisiâ generosiori invitaverant, cum Magister equitum, cujus imperio parere necessum erat, ingreditur coenaculum, adjectisq; minis cogit equos inscendere, ut mandatum iter persequantur. Illic ebrii, & vix sui composites, nec inscendere se posse, nec etiam hære in equis, nutanti corpore satis declarant. Tum ille stomachabundus ad chirurgum suum vertitur, & seca, inquit, temulentis venam, ut subito comitari queant, res enim moram non patitur. Dictum, factum; misso liberaliter sanguine e-

quis

qvites ad sanam mentem redeunt , & Magistrum suum non segnes sequuntur. Hic necesse est, spumantes illos Bacchi & Cereris spiritus, qui cerebrum inquietaverant, magnam partem è seclā venā exhalasse ; adeoq; partes vellicatas rediisse ad officium. Non tamen interpoluerim fidem meam, successurum illud, qvoties vel mensuram omnem excessit temulentia, vel spiritibus excitatissimis foeta vina, item stillatitii vinorum, aromatumq; liquores solidam invexere ebrietatem, cum tum omnis sanguis in corpore operosius ab ingestis tumultuetur, ideoq; unā subito januā exire nequeat. Sed cur ii, qui ebrii vulnerantur, non statim ad sobrium mentis statum redeunt ; redeunt haud dubiè non pauci, quibus largius emanavit cruor, eò usq; ut molestiam inde pæne nullam sentiant ; qui verò ebrii simul & stomachabundi favciantur, levamen non ita promptè experiuntur, revocatis in cerebrum stimulis spirituum acrioribus. Sic quibus ebriis caput selqvi plagā vel contunditur, vel aperitur, aliquando expergiscuntur nunquam, sæpe in lethargum incidunt, adeoq; à seclā venā ebrietas nequeunt excutere. Memini inter plures, *Ostervaldum* cubicularium, cum ebrius ex editā fenestrā in saxum areæ præcipitatus caput gravissimè læsisset, adeoq; in lectum deportaretur, neq; ex cruore per vulnus profuso, neq; ex sanguinis è venā brachij missione, quam statim imperaveram, ad sanam mentem rediisse toto bi-duo, turbatis nimirum ratiocinandi instrumentis, quamquam postea plenè convaluerit. Et Magister textorum in pædotrophio Christiano hafniensi, postquam ebrius è scalis in caput provolutus esset, & simul in somnum functum prolapsus, nunquam evigilavit, licet ad triduum pulsu & anhelitu sic satis constanti vitæ adhuc proderet argu-

menta, & plus, quàm necesse esset, sanguinis ex aperto capitis vulnere excluderetur.

LXXIII.

Varia cadentium fortuna.

Ol. Borrichii.

TRalatitium est, & vulgo etiam compertum, homines nonnunquam cadentes ex edito loco non lædi, sive id angelorum custodiæ (quod malim credere) adscribas, sive corporis positioni inter cadendum fortunatiori. Talis mihi cognitus, qui puer ex altâ turri in saxum stratum præcipitatus, postquam se cadens pedibus excepisset, nullum damnum sensit, nisi calopodiorum ligneorum, quibus pedes munierat, fracturam. Libuit tum experiri locis ejus, verumne esset, quod vulgò jactari solet, ælurum quomodocumque cadat, semper ita se in medio periculo gubernare, ut terram attingens insistat pedibus. Projectus ergo è fastigio turris in ipso lapsu variè gyrabatur nonnunquam pronus, aliquando supinus, sed ubi ad pavementum allisit, in pedes erectus subito cursu profugere nitebatur, & currebat strenuè ad teli jactum, mox in ipso cursu mortuus dirigit, cerebro, opinor, ex illo lapsu nimium concusso. Altioris est indaginis, quod Sevenhusæ in Hollandiâ quorundam annis accidit, & mihi bis spectatum est. Nemo ibi surgit modicum, sed in quo plurimæ arbores volucrum nidis occupantur, succedentibus sibi in iisdem cubilibus, varij generis alitibus, de quo plura *Hegenitius* in Itinerario Hollandiæ. Concesseramus istuc aliquot amici eo tempore, quo corvi aquatici in nidis imperium exercent, non planè implumes, sed nondum volucres. Igitur præmonstra-

frator noster ut artificium capturæ ostenderet, contum ab altero extremo recurvum arborum uni sic satis proceræ, sed trunci tenuioris impingit, & variè agitando, succutit endoq; duos corvos plumatos quidem, sed alis suis nondum fidentes nido excurit. Illi qui aquarum naturam experti nunquam fuerant, in medio lapsu dum superficiem aquæ (suberat enim rivus, in quem decidebant) attingunt, tantâ sagacitate immergunt se undis, ut, cum tres famuli astarent, omnes itidem sudibus longis armati, ut decedentes interimerent, ictus eorum diu eluserint, alio scilicet margine rivi emergentes, quàm quò in eadem parati excubabant; Dixisses volucres has, & vix bimestres, in illo foro evadendi pericula, pluribus annis dexterrimè spectatas fuisse, ita nulla esse potuit matrum solertia prudentior. Id quod, meâ quidem sententia, satis evidenter docuerit notiones quasdam foetibus animalium ingenerari, sine prævio genitorum magisterio; neq; enim hi, ut ita dicam, corvuli, imperiti rerum, & experimentis imbuti nullis, nec à nido in terram prospectare docti (tantum abest ut asserti lymphis fuerint) hos omnes cursus, recursusq; ; has è periculis intentatis exeundi technas scivissent, nisi ab innato emanassent principio. Quin & anatum ova gallinis incubantibus supposita attestantur idem: exclusi enim hi anatini pulli & gallinacis permisti, ubi ad fluviolum venit, statim, nullo nisi intestino doctore, aquas ingrediuntur, natant, alimenta quarunt, stupente veluti gallinâ, pulloꝝ, quos suos æstimat, degenerem indolem. At hi pulli matrem viderunt nunquam. Hæc eò tendunt, ut, si notiones suas claras, distinctasq; ab ovo secum ferant volucres, majorem utiq; prærogativam largiamur animæ humanæ (utcumq; suas alioquin tenebras agnoscat) nec eam vel existimemus tabulam rasam esse,

vel generalem regulam: *Nihil esse in intellectu, quod non ante fuerit in sensibus.* Sed ad cadentes iterum: Alius è scopulo Stephanite ad trecentos pedes in præceps per infortunium actus piscatorem in subjectis undis cymbulæ suæ inhærescentem subito lapsu exanimavit, ipse salvus. Sacerdos quidam Hafniensis fallente vestigio è scalis suis prouens in filiam advolantem caput impegit, elisurus hæc dubiè calvariam, nisi ex improvviso adstitisset virguncula. Verùm superat hæc omnia fatum Svecanæ faminæ, quæ mense Augusto hujus anni, ex incensâ à nostris ad Calmarniam bellicâ hostium nave (cui à clave nomen) in sublime ultra centum pedes cum infante, quem ulnis retinebat, rapta, deflagrante simul omni tormentorum pulvere, in mare inter medios ignes salva procidit, puerulo suo comitata, & à nostris excepta Olandiæ suæ reddita est, ut fati sui lufum, & nostrorum misericordiam evulgaret.

LXXIV.

Menstrua per nares exeuntia.

Ol. Borrichii.

Nobilis inter Hafnienses fæmina post annum ætatis quadragesimum, admonente sanguinis menstrui impetujam in mammis, sæpe in gingivis, non rarò in extremitate narium pruritus invisos experta, partem odiosâ titillatione molestam crebrò manibus perfricare solebat, inprimis nares, ut injuriæ huic magis expositas. Quo effectum, ut evacuatio menstrua, quam alii loco naturæ leges reversare solent, vicibus statim in vestibulo narium diu excraceretur; donec à Medicis exorata per iteratas venæ mal-

leo.

leolos pedum allambentis sectiones in alveum suum humor solennis revocaretur. Nec difficile fuit in illo corpore sanguinem huc illuc promovere, ob summam, quæ æstuebat, mobilitatem: quæ impellente, sæpe præsens notavi maculam in brachio, manu, crure, subito & sine evidenti causa obortam, & minutam illam, ante quadrantis horæ lapsum in eam excrevisse amplitudinem, ut volam manus æquaret, initio rubens, mox livida, tandem varia, & sugillationi quàm simillima; adeo ut inter primordia conversationis in illâ domo suspicarer conspectas maculas à diffidio & vellicatione iracundi, & violenti mariti, profectas esse. Quod contra erat, placidissimum enim sensit conjugium, sed sanguinem ita inquietum & reciprocantem sese, ut nullus Evripus existimeretur fuisse adeo versatilis. Sæpe pridie cutis ejus alba erat & nativæ similis, postridie tota versicolor, & pantheræ æmula; adeo ut Medici non asserti his mutationibus, cum, dominâ ostendente, cutim ipsius sollicitè inspicerent, sine hæsitacione statim pronunciarent, nihil eâ morbosus, & scelotyrbæ afflictius reperiri. Interea quoties secunda venâ sanguinem mittebat, nihil eo purius, integrusq; deprehensus; erat enim illud sanguinis ejus ingenium, ut (quemadmodum vinum recentius, & cerevisia adhuc calens) despumando fæces suas extra se protruderet, & foras amandaret, ipse intaminatus. Libuit accuratius recognoscere, unde tam subito erumperent maculæ illæ; demumq; notatum mihi, quoties instabat ejusmodi phænomenon, partis subjectæ vasculum aliquod sanguineum, licet tenuissimum, amplari tantillum, & mox per diapedesin guttulam cruoris extra alveum suum propelli, quæ deniq; in angustiis carnis, cutisq; luctata quæquaversum se se diffundens, & mox addentata hanc sensum varietatem coloris invexit. Id in labris, & ubi tenuis

tas cutis patiebatur, id in reliquis subinde partibus observatum. Sed quid vascula ita ampliavit? frequentior in sanguine, nisi decipit augurium, acidi & salis pugna in flatus definens.

LXXV.

Matre variolis exstinctâ infans sine variolis exclusus.

Ol. Borrichii.

Nimiùm eqvidem solenne est, matrum vitia in foetus, quos adhuc sinu complectuntur interiori, transire. Et memini spectatam mihi in nosocomio Parisiensi virgunculam à partu adhuc rubentem, cujus genitalia foedis ulceribus Venereis manabant, derivato in misellam à genitrice infortunio. Verum enimvero non est perpetuus ille consensus, nec ferè nisi inveteravit malum, foetum inquinat; cujus cum plura alibi, recenseantur exempla, unum hic annotasse satis fuerit. Illustris quædam Comes octavum jam mensem prægnans variolis corripitur, iisque ita frequentibus, ut à plantâ pedis ad verticem usque nihil in cute ejus non pustulosum. Itaque nihil à Medicis intentatum, (eramus enim plures advocati) ut pustulis his sua constaret rotunditas, & serosior adhuc, tenuiorve liquor in saniem purulentam facefferet. Sed juvenula, omnium, quas vidi, inquietissima perpetuis membrorum jactationibus, & captatione frigidulæ ævæ effecit, ut retrocederet in corpus liquor, relictâ in pustulis valleculâ, & in ejus meditullio, puncto obscuriori. Nihil actum precibus Medentium, nihil minis, perseveravit illa minarum & lethi contemptrix, donec undecimo morbi die foetus spectaret

fo.

ras, & inquietudine matris excussus sedibus suis manu obstetricis allevante prodiret in conspectum puellus bene obesus, optimè formatus, nullum in corpore variolorum circumferens vestigium; sed qui nondum maturus sorbendo externo aëri (agebat enim non nisi octavum mensem) post horam dimidiam exspiravit, matre pavllò post preartarum admonitionû poenas immaturo etiam obitu luente. Usq; adeo verum est illud magni Cui: Ad curandos morbos non Medici tantum requiri peritiam, sed & obedientiam ægorum.

LXXVI.

De sudore perpetuo volæ manûs.

Ol. Borrichii.

Vixit apud nos, aut certè nuper vixit illustri legatilia nubilis, in Brasiliâ quidem nata, sed pulchritudine & membrorum aliâ conformatione optimâ insignis, cujus volæ manuum perpetuò sudant, etiam hyberno tempore; non ulcerantur tamen, sed madent tantum subtili humore, quem cum oppidò abominetur plurimorum in Belgio, atq; alibi consiliis usa nondum invisum laticem ita sistere potuit, ut non ex brevi intervallo recurrat. Inquietatur eadem frequenter retentione menstruorum, cui incommodo cum rogatus ex præceptis Artis obviam irem, soluto tandem hoc nodo, observavi parcius sudare manus quoties illa liberaliter debitum menstruum exsolveret, quo iterum tardante, recrudescere sudorem manuum, ut vel hinc novi generis consensum liceat recognoscere. Non putârim tamen sympathiam hanc nervorum propaginibus communibus, aut alij vasorum conspirationi adscribendam.

Z

dam.

dam, sed solenni humorum gravium ad inferiora propensione: quippe fluentibus menstruis necesse est iterum in superioribus corporum partibus præsertim in sanguine stagnans imminui, adeoque tum minus alibi exsudare; resistantibus autem illis, pergit in pristinos alveos, atque ex illis, si quæ pars imbecillior est, & poris magis porvia, sudoris iterum specie extunditur. Non alienum hæc fuerit meminisse studiosi Germani, cujus quidem volæ manuum non mdebant perpetuis sudoribus, sed ardebant perpetuo rubore; nec continebat se pruriens rubor intra volam, sed paulatim ad extima digitorum proserpens quavis hebdomade amplius occupabat spatium. Curiosum erat videre mediam digitorum partem quasi cocco tinctam, ardentemque; mediam nativo albore ceruscam, & tepescentem. Diu tenuit hoc malum, & diversos Medicos etiam in Germaniâ fatigaverat. Erat autem eò formidabilius, quod ardor ille plures post se squammas in cute relinqueret, & tristi vultu appareret spectantibus, ac si in elephantiasin tandem videretur propendere. Cessavit tamen post crebrum usum catharticoꝝ, & modestè refrigerantium, advocatis simul in auxilium coralliis, Antimonio diaphoretico, acidulis, diætâ crassitudinem humorum inducente.

LXXVII.

Tumor frontis & narium à cæterio suppresso.

Ol. Borrichii.

VIr nobilis, sed surdaster cæterium ex meo consilio jam diu in occipite circumferebat, non pœnitendo successu, qui enim antea subinde parum, aliquando nè quidem tormenti bellici explosi impetum audire poterat,

nisi

nisi ore admodum hiante; & sparso, post menstruum ejus uti pavllo distinctius percipiebat sonos, tandem, additis subinde, quæ in rem erant, pharmacis, plenum aurium fructum consecutus. Et licet ex eo tempore in diætæ leges gravissimè quotannis peccaverit, nihil tamè roboris decessit auditui, excubante scilicet in occipite fonticulo. Tandem longum iter ingressus, & tricas in purgando scrobiculo scaturiente exosus, passus est eundem occludi, secus ac proficiscenti svaferam. Interjectis deinde paucis diebus frontem intumescere sentit cum vicinis naribus, eò usq; sensim invalescente & dolore & tumore, ut nè pileum quidem ferre posset. Cui maluit in itinere obviam iretur, in harenâ, quod dicitur, consilium cepit, & strophiola sale & aquâ madentia identidem fronti applicando virium obortum visus sibi est discussisse; certè enim requievit impetus, sed ut permissis tum induciis postea gravius alium locum vexaret. Rediit tandem, sed ita ut postridie reditus evigilarent in pedibus ejus arthritici dolores propemodum intolerandi, argumento sopiri malum veriùs ejusmodi epithematis, quàm bonâ fide tolli. Obduces, redeundum ideo ad caverium neglectum, & hoc pacto invisum illud sanitatis instrumentum ad plures annos cum fastidio gestandum. Respondeo, vel non impingendum in diætam, vel concoqvendam ægritudinem, vel in Medici, chirurgiq; manus vel invitè sæpius veniendum. Sed ad difficultatem auditûs; cam, quoties gravis est, & pertinax, non aliud certius expedit, quàm caverium in occipitio, id quod plura me experimenta docuere. Ea tamen vis ejus non est, ut surditatem omnem queat solari, præsertim illam, quæ ex tympano fisso, aut ossiculis auditûs graviter concussis, confusisq; profecta est. Adiit ante sex annos simile infortunium primaria fœmina Helsingorensis, quæ

actis in furorem equis curru excussa caput stratis plateæ impegit, adeo violento impetu, ut toto triduo muta, & sui immemor decumberet. Die quarto tanquam ex altissimo somno evigilans diu secum disputavit, ubi locorum esset; cumq; ab ingemiscientibus amicis scripto significaretur infelix casus (usus enim avrium planè cessabat) vix tandem credidit se prolaptam; cui malo cum plures Medici Hafnientes, tum & Hamburgenses, aliq; remedia etiam generosissima opposuerint, excitato etiam, in occipite caverio, nihil tamen profectum est, nimium videlicet turbatis audiendi instrumentis. Itaq; illa ex eo tempore, ut est ingeniosissima, audiendi organa in oculos suos transtulit, loquentemq; maritum, & alios, quibus familiarius assuevit, ex dispositione oris attentè consideratâ prope modum ita plenè intelligit, ac si integris sensibus hac parte gauderet. Alius autem, qui per intervalla ferè surdus, & domi suæ clamantem uxorem ægrè audiens, sed in itinere, flante alacrius vento, avrium percipiens usum, cum in nullis pharmacis, quæ Practici hætenus literis consignarunt, invenisset auxilium, evidentissimum à similicaverio solatium recepit.

LXXVIII.

*Digitus à triginta annis incurvus improvisò
sibi restituitur,
Ol. Borrichii.*

MArchio de Pianezza, Musarum & Charitum delitium, cujus humanitatem & virtutes Augustæ Taurinorum prolixè expertus sum, longâ impotentia dextri brachij afflictus, svasu Protomedici Torrini, concesserat

ferat ad *thermas Vinadienses*, ibiq; luto calente in tertium usq; mensem quotidie perfrictus à Chirurgo Borello, in gratiam cum sanitate rediit, singulari fricantis etiam Chirurgi emolumento. Is enim postquam triginta tum annis digitum incurvum circumtulisset, nullo non frustra adhibito remedio, incisis in maritimo quodam cum Turcis consuetu tendinibus, hic dum alii vacat curando, sensit pavllatim ex limo medicato calorem nativum recreari, hinc ultra solitum digitum exportigi sine dolore, tandem planè sibi restitui, quem & sanum, exporrectumq; mihi ostendit, solâ relietâ cicatrice amplissimâ. Sed dum hæc de usu thermarum Vinadiensium traduntur, non ab re fuerit addidisse, quatuor locis aperiri thermas in Pedemontanâ regione; quas inter *primæ* sunt *Vinadienses*, quæ sulphure scatent & bitumine, serviuntq; ægris quatuor modis, vel enim luto calente perfricantur eorundem membra, vel aqua potatur, vel servit loco balnei, vel adjuvat stillicidio, quod incolæ *tuccia* appellant. *Secundas* tenent *Valderienses*, (locus *Vaudier*), quæ ejusdem ingenij sunt, sed agunt pavllò vehementius, totidemq; modis usurpantur. In harum canalibus noctu concrescit bitumineum quiddam butyro non dissimile, quod diurno sole incidente evanescit, nisi maturè excipiat, utile & illud ad debilitatem membrorum. Utræq; conspiciuntur in Alpibus maritimis versus Boream, de quarum usu eruditè scripsit *Franciscus Gallina*. *Tertiæ* sunt *Rochabilarenses*, inventæ à *Torrino* Medico, nondum ab alio descriptæ, agunt ignavius quàm cæteræ; nec tam calidæ, quàm tepidæ deprehenduntur; vehunt sulphur, bitumen, vitriolum, aurum. Reperiuntur in Alpium marinarum avstrinis, ad radices montium in Comitatu Niciensi. *Quartæ* vocantur *Aquæstatiellæ*, quæ omnium potentissimæ, op-

pidò sulphureæ , coq; potari nequeunt; has offert ager Ferrariensis, quâ paret Duci Mantuano, percensuit etiam *Gallina*. Discriminis necessarii causâ Alpes has maritimas nuncupant, quæ incipiunt ad Nizzam urbem mari mediterraneo imminentem & in Vesulo, toties apud antiquos celebrato terminantur. A Vesulo ad *Rochemelon* prope Segusium, hodie *Susa*, extenduntur *Alpes Cossæ*, aliis *Cottæ*. A Rochemelon, editissimâ rupe, ad Augustam Prætoriam & Hipparedium, hodie *Ivré* oppidulum (cui vicina est fodina Magnesiæ Pedemontanæ tantopere ob colorem purpureum, quem etiam vitris imprimi, ab exteris quæsitæ) porriguntur *Alpes Grajæ*, sic dictæ, quòd olim Herculem Grajum transmiserint. Inde sequuntur *Penninæ* Alpes, nonnullis *Pœninæ*, quippe credunt Pœnum Hannibalem istac cum exercitu transiisse, cum Italiæ se infunderet; veriùs tamen à pinnis nomen fortitæ sunt, ut editissimæ, & in pinnarum morem hinc inde fastigiata; neq; etiam Hannibal istac transit, ut alii satis ostenderunt. Penninas excipiunt *Rheticæ*, & has *Noricæ*, atq; Noricas *Julie* in Carinthiâ.

LXXIX.

Cartilaginis ensiformis incurvatio periculosa.

Ol. Borrichii.

TEr mihi spectatus ille affectus, & semper in fæminis, quanquam etiam maribus accidere nullum dubium sit. Queruntur de dolore loci, de interceptione anhelitus, de metu deliquii, nec, si incurvatio gravis est, commotè ducunt spiritum, nisi capite tantillum resupinato. Causa symptomatum hæc dubiè in vicinâté oris ventriculi

re,

rejicienda, quod cum nervulis suis perreptetur, adeoq; oppidò deprehendatur sensile, non fert nimiam cartilaginis adeo duræ propinquitatem. In macilentis incurvatio illa digitis quodammodo percipi potest, in obesiortibus non item; hinc & obesiores gravius laborant, pingvedine simul cartilaginem versus interiora premente, quod in Catharinâ Waltheriâ mihi observatum. Malum est plerumq; chronicum, nec semper æquè affligit, sed exinfestat acrius, præsertim post usum eorum, quæ status generant. Profuere in hoc casu emetica, pulvis cephalicus Cratonis, ut nervis amicus, inunctiones ex oleo castorei, & præcipuè emplastrum diasulphuris Rulandi. Profuit & resupinare cum capite brachia. Evasere omnes Libitinam, sed Waltheria tardiùs, ut obesor, & in deliquia prior. Nec minùs affligit nonnullos ossis coccygis incurvatio, sedentibus præsertim incommoda, quæ si inveterata jam callum contraxit, mitigari potest, tolli non potest, sed ægro commoritur, ut in amico, post varia remedia, mihi observatum.

LXXX.

*Moxa vix plus præstat in malo podagrico,
quàm alia Vesicatoria.*

Ol. Borrichii.

POSTquam scriptum illud notissimum de Moxæ viribus in publicum prodiiisset, libuit, me svasore, *Cleudio Lundio*, Poetæ vernaculo insigni, sed doloribus & nodis podagricis fracto, quamvis nondum quadragenario, vires ejus in uno, alteròve digito manûs periclitari. Commotum enim ex Belgio reversus *Ampliss. Mönichenius* noster

MOXA 1770

moxam & bacillos necessarios subministraverat. Quid multa? admovetur ex disciplinâ ustio, sit eschara levis, exsudat serum, sine ullo evidenti solatio; neque etiam minus ex eo tempore afflictus fuit ille digitus, quàm cæteri à Moxâ intacti. Tentavit & curam *Löselij* per transplantationem, sed frustra. Svaferam usum lactis ex more Gal-lorum, & hodie aliorum, de quo convenienter *Clar. Sors-baitius*, sed ingressus curam, amore vini, non diu continuavit. Invenit solatium in sale volatili cornu rhinoceroris interius, exterius in oleo ejusdem foetido, sed propter diarræ vitia non satis diuturnum. Hodie, ut audio, Othinæ se permisit curæ Norwegi cujusdam agyræ, qui, novo more, scalpello per intervalla omnes propemodum in artubus ejus venas minutiores incidit, cum manifesto ægri solatio, an diu profuturo, ab eventu discemus, nondum enim pervenit illa medicandi ratio ad usq; suos umbilicos. Sed ad Moxam! quantum nobis hætenus constat, vix ultra solennem vesicatoriorum efficaciam hac parte apud nos assurgit: an humores hic crassiores quàm in Indiâ interpellant? an in nodosâ parum efficit, multum in recenti & serosâ tantum, aliis experiendum committitur. In *Landio* autem nostro illud singulare, quòd flagrante in geniculis digitorum dolore lac exstillaret satis copiosum ex apertis scalpello tumoribus, lac, inquam, colore & consistentiâ, sed post brevem quietem in calcem & serum factiscens.

LXXXI.

De generatione lapidum in macro & microcosmo.

Ol. Borrichii.

Nihil certius, quàm generari hodieq; tum in subter-
ra.

raneis cryptis, tum in corporibus animalium, varii generis lapides, nihil propemodum incertius hæctenus, quàm quomodo generentur. Nec enim hic consentiunt Naturæ Consulti, ita alii materiam lapidum agnoscunt terram, alii certi generis aquam, nonnulli fumum subtilem terreum, quidam mistum fumo vaporem, sunt qui succum lapidificum, sunt qui partes materiæ ramosas, sunt qui læves & glabras comminiscuntur. Efficiens aliis calor est, aliis frigus, aliis sal, quibusdam spiritus (quem vocant, non explicant) lapidificus, nonnullis forma quædam substantialis (sed & illa inenodabilis) quæ sibi ex apta materia domicilium conveniens fabricetur. Mihi, cui nec refellere aliorum opiniones libet, nec sine experimentis admittere, simplicius videtur procedere natura, quàm vulgò creditur, atque ex solâ vulgarissimi usus aquâ, in regno suo jam constituto lapides producere, cumque in generatione illâ fortuitis sæpe occursibus succi terrestres, & mineralia permisceantur, hinc colorata marmora & gemmarum illa varietas enasci. Quod si quæ Naturæ nomen, ut vapores abhorreat, dicam, solam duntaxat aquam materiam esse lapidum. Efficientis autem titulum vindicare sibi videtur arctior illa particularum aquæ quies in locis tranquillioribus, in quibus illæ cum mutuis sibi sensim occurrant faciebus, nec turbentur ab externo aëre, sed potius leni pressu elateris ejus firmentur, propter similitudinem facile coherent.

2. Atque ut à materia lapidum ducantur exordia, non utar Thaletis, aliorumque summorum Philosophorum auctoritate, non advocabo Homeri testimonium, sed ab ipsis sanis sensibus, & clarissimis experimentis avspicabor. Vix est in totâ Evropa (ut alias nunc mittam terræ partes) montosa regio, quæ antrum non ostendat jam nativum.

Aa

jam

jam manu excavatum, in quo aqua pura, communis, insulsa per poros, rimasq; terræ destillans sponte in lapidem aliquâ sui parte coagulatur; partimq; in stirias varæ magnitudinis densata è fornice specûs dependet, partim in fundo concreta massas diversæ molis & figuræ illapsu suo effingit. Ipse ego similes cryptas duas in Angliâ, in Galliis duas, in Alpibus & Italiâ plures attentè inspexi; nec inspexisse contentus, quantum licuit, pressius expendi. In Angliâ ergo ad Bathonium oppidum, thermis Bladudianis celebre, in monte vicino spelunca se aperit, ab incolis loci ad saxa ædificiorum excavata, in quâ aqua pedetestim defluens in marmor subflavum concreta cernitur. Magnificentior Ukianâ illa ad urbem Wellis caverna, sed & horridior, & quantum videre licet, nativa, in quâ parietes alibi quasi mille adamantibus distincti resplendent, alibi vastæ molis stiris saxæ, allapsu guttarum aquearum quotidiano grandescunt, & si auferantur, brevi novâ sobole repullulant. Fundum autem spelæi asperant ingentes massæ lapidis albi, à destillantibus guttis formata, quæ & indies sua capiunt incrementa. In Galliis infiniti juxta mecum conspexere similem ad urbem Turonium cavernam, non illam tamen nativam, sed vetustam larumiam, ex quâ saxa olim ad ædem sacram D. Martini honori exstruendam transportata. Sed verò Turoniensem cryptam superat varietate tum Gorgonea illa Ukianâ officina, tum Gallica altera Sinonensis, ab oppidulo Richelieu non ita procul remota, ubi in manu excavatis elegantissimis poriticibus aqua simplicissima sensim depluens non in stirias modò vertitur saxæ, hyeme quidem breviores, ob internum tantum montis teporem, & state ferventissimâ longiores, ob interiorum frigus, sive motum languidiorem, sed & guttæ in fundum cryptæ destillantes in massulas abeunt pis,

pifis, amygdalis, piperi longo; aliisq; tragematis externâ facie perfimiles. Nec ab his abludunt Italicæ illæ, tum Pifas inter & Lucam in montanis confpectæ, tum notiffimæ Tiburtinæ, unde bellaria illa faxea, incolis *confetti da Truoli* appellata, quæ tum in Pifanâ porticu horto Medico incumbente, tum Romæ & Tibure magnâ varietate oculos pascunt. Non attingo Bawmanni cryptam in Germania, non alias passim curiosis observatas.

3. Hic non dubito futuros, qui prætexant ejusmodi cryptarum aquas vehere vel fumos saxeos, vel succos indurantes, vel salium compingentium multitudinem; nec is sum, qui negem sive salium, sive vitrioli, sive alia atq; alia ramenta aliquando in Devalionæ illâ metamorphosi fortuito adesse, sed in hoc duntaxat persisto, ad ordinarias materię lapidescentis leges talia non requiri, adeoq; parum decorum Philosopho, supervacua fingere, cum solâ communi aquâ (quæ tamen non omni sale caret) in angustis viarum quiescente totum negotium absolvi posse res ipsa quotidie loquatur. Explorata enim omnibus sensibus aqua cryptarum fontanæ simillima deprehenditur, nil evidenter salinum lingvæ offert, nil coloratum oculo, nil asperum tactui, nil sulphureum nari, nil, ultra solenne, streperum auribus. Nec post dissipatum vi caloris humorem invenitur sedimentum aliud, quàm quod aliæ dulces aquæ post se relinquunt. His accedit potentissimum argumentum, quod in Ukisiano antro quicquid aquæ ob moræ brevitate in lapidem non solidatur, dum è rupe eluctatur, rivulum formet, unde hominibus & bestiis subiecti pagi ministratur quotidiana potio, sine ullâ de calculo inde nato querelâ, id quod asseverant rursus fassi sunt loci incolæ. Similia de Sinonensi cryptâ confirmavere oppidanæ. Est autem Sinon, sive, ut incolæ asperant, *Chinon*,

oppidulum quidem minutum, sed clarum natalibus *Rabiasii*, hominis ingeniosissimè vani, clarū adventu Amazonis illius Avrelianensis, quæ ibi primū Regem desperationi proximum, & ab Anglis tories fufum in spem novam erexit, non infelici successu. Hujus ergo cryptæ aqua in subjectam urbem quotidie defluit, solidatisq; in quieto antro bellariis suis, potum cætera civibus innoxium largitur. Atq; ut in expugnabilior hæc sententia judicetur, aquas dabimus lapidescentes, quas nemo, opinor, mortaliū existimabit vel saxeo, vel salino, vel lapidifico principio turgere. Tales sunt aquæ pluvie ordinariæ, quæ in vetustos fornices templorum, pontium, portarum delapsæ, & tenuissimas laterculorum inter & calcis intervalla rimulas offendentes, se insinuant, tardeq; proserpentes in interiori tandem fornicisthulo quietem à ventis frementibus inoffensam nactæ, successu temporis guttatim con crescunt, & in stirias faxeas addensantur. Tales læto proventu vidi dependere ex artificiali porticu lateritiâ palatio Episcopi vicinâ Lugduni ad Araris & Rhodani confluentem, manibusq; his avulsas reservo: tales inspexi in portâ Mommeliani in Sabavdiâ castelli, tales in vetustis quibusdam Galliæ templis, tales in ruderibus agri Romani. Quis enim ullâ veri specie arbitrabitur vel in pluviam aquâ (neq; enim huc faciunt pluvie lapideæ) Gorgoneos circumferri succos, vel eosdem in lateritio muro multis ignibus porusto delitescere.

4. Restat credere, quamvis aquam, dum modo, postquam per angusta eluctata est, imperturbatâ ab aëre quiete fruatur, posse, immò solere in lapidem converteri, eâ scilicet parte, quæ à pondere succedentium guttularum loco suo non excutitur. Sed ut quietis illius effectus clariùs subjiçiatur oculis, ita phænomenon concipio: Aqua in an-

gu

gustis montium, terrarumq; rimis discurrens proprio pondere (vel, si mavis, ab elatere aëris leviter pressa) vergit deorsum, & quā patet via, descendit, atq; id quidem, si via angustior est, guttatim. Hæ guttulæ, nisi citius, quā convenit, ab aliis succedentibus, aut loci calore interpellentur, æquales illas, lævesq; facies suas leni aëris appulsu arctius sibi conjungunt, mutuisq; amplexibus coalescunt, & è statu fluido in firmum facile vertuntur, more ferè stiriarum glacialium, nisi quòd glaciales ob subitam, violentamq; congelationem paucioribus cohæreant punctis, eoque citius iterum dissolvantur. Neq; hic gluten aliquod fingendum, quo partes coalescant, cum omni glutine fortius sibi adhærescant partes æquales, lævesq;, quorū sibi duntaxat applicantur, juxta illud Hippocratis l. de dietâ, Concors concordi adhærescit, & antiquorum illud: *ὁμαλὸν ὁμαλῷ ἀπὸ πηλίκου*. Ita duo plana adamantum, chalybis, vitri, eboris, ebeni, si accuratissimè lavigata sunt, præviâ solâ applicatione facierum cohærent tenacissimè, de quo plurima exstant experimenta *Boylei*, *Gerichii*, aliorum. Asservantur in arce Regiâ Hafniensi duo plana ahenea diametri pedum circiter quatuor, à *Gyntelbergio* non ita pridem studiose polita, quæ si sibi convenienter apponantur, in directum trahendo vix à quatuor lacertosis distraherentur bajulis. Nec id tantum in planis succedit, sed & si concavis politis polita applicantur convexa, de quo crudite illustris *Boyleus*. Esto, hæcant plana firmius, si inungantur vel vini spiritu, vel oleo amygdalarum vel quocunq; tandem liqore, illa tamen ascititia tenacitas non aliunde pendet, quā quod, cum plana illa nondum sint plana absolutè, liqvor hic inania adhuc inter utrumq; planum spatia impleat, adeoque superficies reddat planiores. Nam esse in politissimo licet marmore ad-

huc pæne infinitas cavitates minutas , quas politura nequeat æquales reddere , argumento fuerit, non tantum pulvis ipse, cujus beneficio expolitur, ut adhuc plurimis inhorrescens angulis, quemadmodum evidenter docent smicroscopia , sed & marmor jam planissimum ejusmodi perspicillo inspectum. Ostendit & illud vel musca, quæ per latera inclinati deorsum marmoris etiam planissimi facillimè descendit, lapsura in præceps, nisi ope hamulorum, quibus cruscula ejus armantur, in rimulis ejusdè sustineret gressum. Hæc omnia eò tendunt, ut monstrent particulas aquæ, ut è fluido statu in firmum demigrent, non egere peregrinis additamentis vel salium, vel succorum indurantium, sed in propriis suis corpusculis quieret sibi occurrentibus acquiescere, immò quò plus heterogeneorum adfuerit, hoc minùs firmiter sibi agglutinari. Et sola hæc ratio mihi videtur esse, quòd adamantes firmioribus sibi adhærescant juncturis, quàm gemmæ coloratæ; quippe in cæteris gemmis solidissimam illam per minimam conjunctionem impediunt heterogenei colores, at in adamante germanissimo nihil, ut in quò facies faciebus æqualissimè respondent. Fingat autem aliquis particulas aquæ vel angvillarum more incurvescentes, vel alterius figuræ, non adversabor, dum constet, quod evidens est, superficies earundem faciliè sociari, adeoquè, necessariò ad planum accedere. Quoties hæc plana lineis ubiq; rectis còeunt, pellucet lapis, quoties obliquis, obscuratur; quoties variat pororum amplitudo, variat quoque pondus, quod & ipsum ab admistis mineralibus sæpe variatur.

§. Nec desperaverim, posse industrium naturæ mystam in cryptà à se convenienter fabricatà æquam in lapidem vertere. Nec illa de procurando ibidem perpetuo aquæ stillicidio difficultas inexpugnabilis erit. Vocari

enim

enim in usum possunt Sardoia illa saxa, quæ Genuæ visuntur plurima, bibula, & cribris angustissimis similia, ex quibus mortaria formantur percolandæ aquæ opportuna. Quale quidem Hafniæ mihi spectatum in ædibus illustriss. Comitum de Rebolledo, legati Hispanici, qui cum podagricis vexatus doloribus vinum averſaretur, lympham, quam potabat, prius sollicitè per mortarium illud solebat colando transmittere, ut in alveo coli hærent facces, limpidissima autem aqua transiret. Itaque infusa saxeo huic colo lymphæ vespertino tempore, horâ decimâ antemeridianâ postridie jam clarissima guttatim transierat. Quod si vel ita citius permeet, quàm negotio opportunum, remedium facile erit fundi crassitudo major. Sed ista Curiosis. Obduces, destillare in variis cryptis lymphas, nec tamen ideo in saxum indurescere. His ut non repugno, quòd in celebri illâ & spatioſâ, quæ Trajecto ad Mosam imminet, cryptâ viderime ejusmodi stillicidia in solam aquam terminari, ita adjicio, obstare alicubi moram densandis particulis necessariam, alicubi fumos subterraneos applicationem facierum mutuam turbantes, alicubi laxitatem speluncæ, alicubi etiam ostium utrinque patens, atque adeo nimis obvium perflatibus, sæpe tellurem cavo incumbentem justo laxioribus esse poris, quàm ut lapsantibus guttis permittat interquiescere. Nec est, quòd obturbent exempla in speciem contraria, quæ docere videntur aquâ primùm omni recedente fieri rerum indurationes, ut in argillâ ostij fluminis Amazonij, quæ sub aquis molliſſima, si aëri exponatur, in siliceam, ex *Pellepratid*, vertitur durtiem; item corallia Brasiliæ, de quibus *Piso & Marcus gravina*, quæ sub undis mollia, in aëre mox obrigescunt. Et quidem si his exemplis debetur fides (nam aliud Corallius in mari Massiliensi contingere certum est) nihil inde

CXI

exsculpitur aliud, quàm alia etiam corpora ex aqua magnam partem nata æqualium esse facierum, eoq; fluctuum motu non amplius interpellante, cum sibi relinquuntur, facilius coire, & more particularum aquæ indurari.

6. Cæterum cum lapides & inter nubila generentur, ubi perpetua inqvies, cum in quavis parte humani corporis parte, ubi continua humorum, vaporumq; discurfatio, cum in summis rupium fastigiis, ubi tot fulminum, nimborumq; tumultus, in eam nonnulli fortasse descendunt sententiam, calorem & quietem in producendis lapidibus partiri operas, & utcunq; genio dissideant, in hoc tamen negotio vices alternare. Nec ista priorem sententiam evertunt; calor enim, more suo, dissipat, discerpit, & motu concitato angulos corporum minutorum figurat aliter, & sæpe ex accidenti, quod dicitur, complanat; indurare autem in saxa propriè nihil potest: verùm quoties contingit partes materiæ à calore reddi planiores, toties, ubi ille fecit officium, superveniens qvies indurat, & in lapidis naturam cogit. Notavi ad calorem speculi cavistici *Viletti*, quod in arce Regiæ hic asservatur, ossa bubula è vestigio in lapidem vitrei generis obsecuri facessere, sed verò, quàm diu speculum suos ejaculabatur radios, nondum lapis erant, sed tandem radiis quiescentibus. Ideo autem calor non semper hic necessarius est, quia si planæ jam suâ naturâ sunt particule, sponte per quietem, aut ceterè motum lenissimum coalescunt, quod aquæ solet acciderè. Quæ ergo saxa ex nubibus præcipitantur (quale Mediolani mihi ostendit illustris *Septalius*, erutum, se præsentè, è coxâ Capucini ad altare fulmine icti) hæc aliter ferè generantur quàm in cryptis subterraneis. Illud tantum intercedit discrimen, quòd in cryptis partes densandæ jam tum planæ sint, in nubibus autem tandem planæ

cva

evadant, ab incidente violentius fulmineo calore. Neq; verò defunt in nubibus præter aqueas, particulæ sulphureæ, falsæ, immò terreæ, quæ à calore subito complanari possunt, cum quævis aqua pluvia, si evaporet, eas oculis subiciat. Sed & eadem sine his solidatur, si relinqvatur sibi. Omnis enim aqua communis stillatitia paulatim abit in bracteas terreas subtilissimas, lucidissimas, quod a libi demonstravi. Veniamus nunc ad lapides in humano corpore genitos! Utcunq; ibi varii discurrunt humores, vaporesq; calidi, istic tamen etiam à quiete, obstructio-num illà & podagræ & calculi matre solidantur. Neq; verò absoluta quies ad lapidum generationem requiritur, ut quæ nec adest in cryptis subterraneis, sed moderatio, & minùs interpellata. Et quidem quod ad renes; quoti- es serum ab arteriis eorundem per tubulos sibi conveni- entes, adjuvante tum diaphragmatis motu, tum proprio pondere, & impresso jam ante à micantibus arteriis impe- tu, eluctatur in pelvim, aliquando pars tubulorum strictior est, quàm ut destillatio feri opportunè fiat, sæpius autem locis aliquot strictior est interior illa pelvis tunica, urete- rum alveo interno communis, ideoq; dum quies & pausa hic præter naturam in transendo per angustias sero præ- sertim pituitoso conceditur, necesse est particulas ejus quasdam sibi agglutinari, & sensim capere incrementa, eo propemodum modo, quo lymphæ in subterraneis cryptis, aut, si mavis, ut urina ad latera matularum quiescens, aut deniq; ut humores oris ad dentium radices impingentes, ibiq; per quietem, maximè nocturnam, in tartarum durum coagulati. Neq; mihi quidem aliud est hæreditaria ad calculum renum dispositio, quàm vasorum aliquot in reni- bus angustia nimia, à parentibus in liberos quosdam sub- inde propagata. Sed cum humores in omnibus prope-

bb

mo-

modum humani corporis partibus variis de cavsis in præternaturalē nonnunquam demigrent quietē, non mirum est pænē ubiq; calculos subinde deprehendi. *Cl. Sylvius* inventis in glandulā pineali calculis, ut certē me præsentē, reperit frequenter, joci solebat, convenire eos animæ Cartesianæ, ut illa his insidens tanquam è throno marmoreo partibus subjectis jus diceret. Erat enim Cartesiani affectus infensor. Quod ad calculum vesicæ, istucum *Fernelio* propendeo, vix ullum esse vesicæ calculum, qui non rudimenta arcessat à renibus, quæ utcunq; initio minuta, per somnos & sedentariam vitam, perq; diætā crassiorem facile ingrandescunt, more pilæ, quæ in nivibus humidioribus diu volutata in formidandam pueris molem exsurgit.

7. Sed quid fiet saxis in summis rupium jugis? quid iisdem per telluris faciem variè sparsis? Equidem illud primū in ambiguo est, an Alpium, Pyrenæorum, &c. cacumina post orbem conditum saxea fuerint, atq; adeo in ipsā induruerint rerum creatiōe. Fac tamen induruisse postea, quid verò similis, quā summum tum (ut est hodieq; non paucis in locis) eorundem corticē terreum extitisse, per quem colatæ sensim nivales, pluvixq; aquæ, ut in cryptis, invitante loci quiete, in saxa abierint? Et hos cortices jam terræ motus, jam moles incumbētium nivium, jam aliæ causæ potuerunt ex eo tempore sedibus suis excussisse. Lapides autem per agros, pascua, sylvas disseminatos quis demonstraverit, non ab initio rerum terrā itidem obiectos fuisse, & supervenientibus pluviis, ventis, terræ motibus, inundationibus, aut ipso deniq; universalī diluvio nudatos? Profecto sub Dio natos esse nullum hætenus indicium est, utcunq; concesseris potuisse forsan sub Dio, ex allapsu quieto pluviarum capere nonnihil

hil

hil incrementi. Sed cùm tellus initio mundi, divino spiritu velut fermentata laxior hinc inde, & cavitatibus distinctior fuerit, si conjecturæ nostræ locus, in eas se paulatim ingessere destillantes aquæ, ibiq; longâ quie te sensim obriguerunt. Qvin & lapides in alveis fluminum hodie conspicuos primordio rerum sub terreo quodam operculo natos fuisse verisimile est, quod in discursantibus perpetuò & sine obstaculo lymphis satis apta generationi quies vix queat inveniri. Hæc de ordinaria lapidescentium lege dicta sunt. Cùm autem partim ex Museis Curiosorum, partim ex historiis, partim deniq; ex fontium quorundam, fluviorumq; inspectione doceamur jam integros homines, jam vaccas, pullos volucrum, viperas, pisces, ligna, chirot hecas, nidos avium, alia, in saxa diriguisse, idq; in patente quandoq; aëre, non rarò in aquis, subinde quoq; in tellure, de iis ita, opinor, sentiendum; volitare sæpe in aëre, sæpe in aquis, aliquando & in terris fumos quosdam saxeos æqualium facierum, qui ubi satis copiose inciderint in obvium corpus, porosejus farcire, & lapideam ei duritiem inducere. Atq; ut potentiùs, rem ita se habere, persvadear, efficiunt non tantùm sitientia Africæ, & regionum aliarum sicciorum, quæ cùm harenarum suarum moles tot jam seculis hinc inde jactaverint, fieri non potest, quin plures earum particule minutiores tam longo attritu læves, atq; æqualium evaserint facierum, adeoq; faciliùs infederint meatibus obviis quorumcunq; & hodieq; insidere possint; sed & pulmones latomorum, qui postquam in cædendis saxis aliquandiu occupati fuerint, tantum sensim fumi illius faxei per anhelitum recipiunt, ut in bronchiis suis à morte veros lapides nonnunquam ostendant, de quo exempla apud *Schenckium* prostant & alios. Hæcramenta saxi excussa cùm maximam

partem, ut rationi consonum, inæqualium sint superficie-
rum, siue, ut loquuntur, irregularia, non mirum est plures
pulmonum in lapicædinis, ab iisdem vulnerari, quàm soli-
dum corpus in se recipere; quoties autem, nimis aperto
laryngis operculo, æqualiora subeunt pulmones ramenta,
eodem propemodum modo in lapides ibi solidantur, quo
in libero aëre cætera, quæ lapidescunt. Similes fumi
lapidum, harenarumq; cum à ventis huc illuc spargantur,
necesse est eosdem quandoq; & in aquas incidere, & his
comitibus in telluris gremium non nunquam penetrare,
unde & his elementis suæ sunt peculiares quandoq; indu-
randi potestates. Quia autem fontes nonnulli perpetuò
has custodiunt leges, credibile fuerit vel in eorum viciniâ
adesse harenæ ejusmodi minutissimas, quæ novum aquis
ministrent pabulum, vel à subterraneis ignibus quasdam
saxorum atomos leviores perpetuò versus terræ corticem
propelli, & in fontium horum origines terminari. Illud
fortasse non ab re fuerit adjecisse, in Musæis sæpe etiam
ostendi ea in saxum indurata, quæ perpetuò saxa fuere.
Vidi in nobili pinacothecâ fragmenta quædam asserum
imaginariorum, quæ præmonstrator sine omni hæsitati-
one ex ductib; venarum judicabat ex ligneis in saxea migrasse,
quales tamen ductus in Alpibus jam antè conspexeram esse
saxeos, immò totas rupes similibus ductibus, undulisq;
constantes. Destinaveram hæc pluribus persequi, sed
quia in Actis his agendum pressius, nec ab experimentis
longius secedendum, satis erit indice digito mentem hic
signasse; interea qui optimè conjecerit, optimus vates
censetor.

LXXXII.

*De aliis è statu volatili in fixum translatis.**Ol. Borrichii.*

QUæ hætenus de aquæ in lapides mutatione disputata sunt, non cò tendunt, ut persuadeant non dari alios indurandi modos in rerum Naturâ, sed ut innuant non requiri succos peculiâres, spiritusvé lapidificos, aut salia condensantia ad generationem lapidum; quanquam enim inter indurandum ingerant se subinde varia oleosa, lenta, salsa, sæpe tamen sine eorum ministerio negotium absolvitur, & quò eorum plura adhærescunt, eo plerunq; minùs tenax consolidatio est. Alioquin quemadmodum aquæ particulæ æquales in locis opportunis facîle in solidum corpus abeunt, ita & omnia propemodum fugacia, etiam partium inæqualissimarû sistuntur, induranturq; ubi tuo attritu ramos, angulosq; suos nimium exstantes perdidierint, adeoq; more particularum aquearum facies facibus associârint. Id quod multiplex me docuit experientia; ex quo penù nunc sequentia depromuntur: Rec. olei camphoræ & olei vitrioli ana, qv. placet, misce, & per retortum vas vitreum alacri igne propelle, ut omne, quod exsudare potest, transeat in excipulum: reliquias in fundo nigrantes igni violento admove, deprehendes constantissimas, utcunq; ante paucas horas fugacissimæ exstiterint. *Secundò*, cape oleum quodvis stillatitium, destillet iterum calore pavillo vehementiori, & in fundo partem ejus jam fixam, omnibusq; ignibus diu invistam offendes, de quo pluribus in *Traçtatu* de opio. *Tertio*, dissolvatur in aceto stillatitio plumbum, & post moram aliquot dierum evocetur iterum acetum illud per balneum Mariæ;

Bb 3

quòd

quod cum ascensu illo satis tum prodat se volatiliū esse partium, relinqvatur sibi æstivis aliquot mensibus in vitro capaciori, non nimis strictè obturato, concreſcet in superficie ejus cutis spissior, ad ignem primū inflammabilis, mox in pulvisculum fixum, constantēq; desinens. *Quartò*, sal armoniacus inter fugacissima merito corpora numeratur, nec minùs fugit arsenicum ad præsentiam flammæ, jungantur tamen hæc duo sollicitè, & quemadmodum vocant, sublimentur, & multum cineris fixi in vase post se relinqvent. *Quintò*, Nitrum sulphuri incoctum magnā sui parte vertitur in insipidum, ignesq; contemnentem tophum, id quod & quondam *Plinio* observatum est. *Sexto*, sal esculentus (qui & ipse faciliè in spiritum attollitur) ad *Aiguemorte* in Gallis ita sensim spicula sua amittit ad solem æstivum, æqualiumq; evadit facierum, ut cortices ejus in metis salinis more saxi indurescant, & nullā post aquā dissolvantur, maximā equidem sui parte, quod præfens observavi. *Obduces*, Cur ergo sulphur argento argento vivo permistum, dum simul gradiuntur in sublime, nihil adeo argenti vivi solidatum in vase ostendit? Quia robustiores sunt anguli Mercurij, quàm ut à fumis inconvenientis sibi sulphuris loco statim moveantur, complanenturve,

LXXXIII.

Adamantes lapidibus aliis innati.

Ol. Berrichii.

QUæ de fodinis adamantum curiosi peregrinatores, ut oculati testes recensent, suas laudes merentur, nec tamen supervacuum fuerit, opinor, significare, non videri
ab

absonum, adamantes quocumque ferè loco nasci posse, si aqua, unde maximam partem, aut fortasse toticonstant, omnium fuerit subtilissima, æqualissima, quietissima. Certè cum in Glocestriæ & Bristolij vicinis, itidem variis in Galliâ locis silices nigrantes frangerem, aliud in iis, ex Glavberianâ hæresi, inquirens, sæpe in eorundem meditullio, tanquam in cryptâ, adamantes minutulos pulcherrimos, & quidem plures sibi junctos conspexi, exquisitis & angulis & apicibus notabiles. Crederem fuisse crystallos, nisi tum nitor illustrior, tum & matricis durities obstarent. De eorum enim duritie propriâ nihil adeo definire licuit, propter impedimenta itineris, & exilitatem corpusculorum. Verisimile fuerit corpus hoc silicis, cum adhuc in suis primordiis humidius lateret, præter crassiores illas, quibus constat, partes, subtiliores etiam nonnullas, easque simplicius aqueas complexu suo fovisse, quæ placidâ in hoc sinu quiete mutuis tandem coierunt vultibus, & in adamantes conversæ sint. Utrum autem angulos illos formârit exiguissima præsentis nitri portio, an proprium sit aquæ, cum sibi quietissimè, nullo prorsus heterogeneo immixto, relinquatur, ita terminari, in medio hic res linquo, ad ultimam tamen sententiam pronior, quod crystalli eodem modo angulos suos colligant, nec tamen nitrosum vehant salem, sed alium exiguâ copiam acrem, & cubicum, de quo in *Hermet. Sapient.* fusius. Et cur hexagonum naturale sit nitro, & adamanti, atque crystallo nequeat esse naturale? Inclusa talibus cryptis æqualissimarum particularum aqua non videtur vel in adamantes, vel crystallos abire, nisi indurationis primordio spiraculum aliquod per udos adhuc parietes subeunti aëri lenissimo pateat, quod absolutâ congelatione claudaturne, an apertum maneat, parum interest. Ideo autem requiritantibus

lum.

lum aëris putārim, ut ipsius elatere premente (neq; enim solæ primi elementi particulæ sufficiunt, ut rem intuenti evidens est) mobiles adhuc aquæ particulæ sibi apponantur; quemadmodum duo plana alia, etsi sibi vicina, nisi appresseris leniter, non cohærent validè. Ut hæc suspicarer, induxit me nobilis pinacotheca *Septaliana*, in quâ visa mihi Achates, in cujus gremio adhuc volebantur aliquot guttæ aquæ clarissimæ, sursum, deorsumq; mobiles, ideo, opinor, nondum compactæ, quòd cortex gemmæ ab omni parte clavus fuerit citius, quàm interiora ab intro-misso aëre sibi apprimerentur. Similis ibidem visa crystallus, in cujus meditullio lympa purissima oberrabat. Verùm non tantùm in silicibus notati mihi adamantes, sed & à *Bapt. Fregoso* in medio incisi marmoris, & à me deniq; in sinu nativæ crystalli leviter nigricantis, apud humanissimum sacerdotem *Corvinum* Romæ, quorum duritiem licet experiri non contigerit, firmiorem tamen fuisse quàm crystalli matris ideo conjicio, quòd elegantia & radiorum projectione genitricem vincerent. De duritie etiam adamantinâ fidem faciebat optimus senex. Sic non rarò Indi in saxis durissimis gemmas reperiunt. Non dubito futuros, qui arbitrabuntur adamantem & crystallum esse diversas mundi species, eòq; formis specificis (& quæ alia cumulari possunt) distingvi, nec se invicem progenerare, sed iidem quando demonstrabunt inter has duas species aliud esse discrimen quàm solius puritatis? quæ sola videtur nitoris & duritiei origo. Ipsi gemmarij totâ pæne vitâ his sacris innutriti hærent sæpe, ambiguntq;,, ad quam speciem oblata gemma aliqua referri debeat, præsertim in genere coloratarum, ita ludit ibi variè non tantùm mundities, sed & admistorû diversitas. Coronidis loco adjiciendum, creditum omnibus seculis, ada-

adamantem esse ignibus indomitum, sed hac tempestate observatum, non quidem liquari dimidiâ horâ adamantem ad specula cavistica validiora, quæ est illud apud nos Viletrii, sed tamen splendorem suum amittere, & obscuris quibusdam nebulis violaceis inumbrari, usq; adeo generâlis rerum domitor Vulcanus est.

LXXXIV.

*Quid ad historiam Naturalem spectans observatum
sit in itinere Gallie interioris.*

Ol. Borrichii.

IN montanis Lugdunum inter & Gratianopolin per castanearum & juglandium sylvas visæ sparsim sponte nascentes, digitalis albo flore alibi, alibi phœniceo punctis distincto, alibi in summo juglandium arborum fastigio ingentes fungi, quos suis non destitui viribus crediderim. Porci istic omnes nigri, etiam porcelli; pueri autem pleeriq; capillitio albo, prorsus ut Dani, sed & hoc alibi in montanis solenne, ut in scopulis Trarara, &c. Scrofulæ, sive strumæ hinc inde in utroq; sexu magnitudinis inusitatæ, diceres secundum misellorum caput. Ad urbem Gratianopolin visâ subinde & hedera & vitis eandem scandere arborem simul, argumento, non esse inter utramq; speciem eam similitudinem, quam finxere Veteres. In Urbe compertum à Dn. Boissieu, Magistro Rationum publicarum in Parlamento, historiam de Gratianopolitanâ fæminâ ex imaginatione puerperâ fabulam esse, sed fabulam ab otiosis quibusdam ingeniis confutam usq; adeo constanti famâ per Gallias pro verâ jactitaram, ut necesse habuerit Parlamentum publico diplomate se se tueri, & va-

Cc

ni.

nitatem commenti redarguere. Donavit me autem illustris *Boishev* libello suo recens edito *de septem miraculis naturalibus Delphinatūs*, id est, *de fonte ardente*, *de turri non admittente venena*, *de monte inaccessō*, *de tinnis Sassenagiis*, *de mannâ Brigantiensi*, deq; *fonte Barbero* &c. in quib; illud *de ardente fonte* curiosissimū: Aqua scilicet ex rupe procurrit, & ipsa frigida, sed sulphure & bitumine leviter imbuta, cujus superficiei si sulphuratum admoventis extinctum, statim accenditur, ardetq; luculentē. Ardet & admota palea, in primis cœlo nubibus cooperto. Nec illud omittendum, quod fraga Gratianopoli totâ æstate recentissima comedantur, immo à mense Majo ad usq; Novembrem. Ratio à situ oppidi repetenda; quippe cū inter montosa jaceat, in clivis humilioribus Majo & Junio maturescunt fraga, in editioribus rupium Julio, Augusto, Septembri, in editissimis circa Carthusiam, etiam Octobri demum; ita rigidiora in sublimi omnia, & in summis ibi scopulis medio etiam Augusto nives perpetuæ. Neq; tamen defunt his rupibus suæ plantæ, conspectæ enim mihi, medio Julio, in iisdem versus Monasterium illud grande Carthusianorum, sponte pullulantes, helleborus albus folio tenui, & crenis distincto, gentiana flore luteo, sigilli Salomonis rara species foliorum sex, sed amplissimorum, ligustrum, bugula, berberis, agrifolium, ribes, vesicaria, milium solis, baccæ varîæ rubicundæ sibi in uno pediculo adhærentes, sed omnium frequentissimè buxus. Ex rupe quadam exsudabat liquor varij coloris argentum non nihil inavrans, existimârim mineram fuisse Vitrioli. Agni ibi spectati nigerimi albissimâ cavdâ. Illud autem concoquere non potui, quod in familiari colloquio Coadjutor Carthus. Generalis, cætera vir prudens, constanter narrabat, ophryn sive

bis

bifolium postridie diei D. Johannis in iis locis nusquam apparere, pridie frequenter. In rupe castello Mommeli-
ano imminente observata sub auroram^o nubes vix pileo
amplior, quæ ante mediam horam ira excrefcebat, ut to-
tum pæne hemisphærium involveret, sequente vento &
imbris. In oppidulo *Aix en Savoy* conspexit ther-
maz, alia quidem sulphureæ coloris subcœrulei, quæ balne-
is agrorum defervunt, alia aluminosæ, quæ potui. In
his montanis intellexi primùm illud Divini Maronis: *Tres
hymbris radii torti*, cum enim tonantecœlo coruscarent
hinc inde fulmina, visi eorundem radij ter, quaterq; intor-
ti, curvatq;, planè quo modo Jovem passim Romæ vide-
mus dextram fulmine sinuato armantem. Lugdunum inter
cætera vis speculi Vilettiani notata, de qua alibi, & alii.
Inspectus & locus editus, è quo mente capti in Rhodanum
præcipitantur, retrahunturq; identidem fune, eo in-
stituto, ut sapere iterum discant formidine peri-
culi, non pœnitendo successu. Simulq; subiit *Juvenalis*
illud Sat. 1.

Palleat, ut nudis pressit qui calcibus angvem,

Aut Lugdunensem Rhetor dicturus ad aram.

In Rhodanum enim projiciebantur olim, ex instituto
Caligulæ, malefadi Oratores, ut hodie malefani morio-
nes. Observata ibi apud Dn. *Bertet* varia, 1. grana
Chermes, si triduum sibi relinquantur, non assiccata, tota
ferè abire in vermes & papiliones. 2. CrySTALLUM nativam
albam solidiorem, si in prima formetur abrafis angulis,
iridem non repræsentare, cœv vitrum solet, ob densitatem,
hæc dubiè, meatuum. 3. Quosdam lapides Bononi-
enses quædam lucere in tenebris, si tantùm libero æri,
ante solem ortum exponantur, & mox transferantur in lo-
cum obscurum. Apud Dn. *de Servier* visa pinacotheca

machinarum, præsertim magnetici generis, omnium hætenus rarissima, quam, quia pluribus appetitur peregrinatoribus, nec præse historiam Naturalem attingit, hic præteribo. In Rhodano spectatum inusitati generis navigium amplum, quod adversus rapidissimum torrentem felici avsu procedit, rotarum & funis ambulatorij beneficio; inventum, seculis inauditum, sed hodie omnium oculis conspicuum. Non procul Avenione spectati equi ungulis suis frumentum exterentes, ut apud alias nationes, monente *Apostolo*, boves. In vicinis urbis Monspeliensis tellus passim sponte luxuriabat lavendulâ, rores marino, calamentha, thymo, eryngiis, carlinâ, fruticibus chermes, tamariscis, colocynthide, gramine Austriaco plumco, aliis; littora etiam crithmis marinis, quatuor speciebus Kaly, inter quas & salicornia aculeata vitriariis Magistris expetita, quæ tamen & hic in Selandia ad diversorium *Rundfi* abunde littus convestit. Inventus & in littore Magellonam contra ætites, & lapis variolorum varij generis, (Incolæ *pierre picot* vocant) quem cum olim non nisi ex Indis afferri crederent, hodie non in eo tantum littore, sed ad fluvium Provinciæ, *la Durance*, reperi. Monspelij apud Dn. *Roquetium* spectatus phoenix (edulium olim Romano palato acceptissimum) murex, unde purpura Antiquorum, calculus humanus pellucidus, torpedo oculis quatuor insignis; sed imprimis oculos morabatur lacerta viridis quadrupes & grandis, quæ in vitro amplo (cujus ori linteum duntaxat tenue instratum erat, ut aëri non præcluderetur aditus) jam tum tres menses sine alimento oculis conspicuo exegerat, adhuc viva, alacris, splendida, quæ & moro serpentum exuvias suas deposuerat, in vitro simul spectabiles. In oppido Arelate deprehensum, Medicos syrus,

pos

pos & decocta febricitantibus concedere non frigida, sed & glacie circumposita frigidissima, narratumq; , ex quo Catalanorum exemplo id egissent , non eam fuisse vim morbi populariter æstate grassantis, quam antea. Ad Salonem in campo illo saxeo, *Straboni* memorato, quater currus, quo vehebamur, accensus est, & nos fumis involuti, flamma tamen non visa, nec nisi ægre per aquæ penuriam restinctum incendium, à ferro, quod axem ambit, nimis stricto, calente Sole, excitatum. Nobis id inusitatum visum est, avrigæ non ita. Inter doctos, quibuscum frequentior nobis in hoc itinere familiaritas, fuere præcipuè Iesuitæ, Medici, Chemicis, & quidem Iesuitis nihil curiosius etiam in Naturali Historiâ, & scientiis Mathematicis, Medici passim docti & affabiles: ex Chemicis humanissimè officiosos expertus sum Dn. *Visancurtiam* in pago D. Roberti ad primum ab Urbe Gratianopolitanâ lapidem; Avenione Dn. *Villanovanum Monsperat*, trinepotem celebris illius Arnoldi de Villâ novâ, Monspeli; , Dn. *de Beauxhostes*, apud quem, inter cætera, spectatum a malagma Solis & Mercurij facie picis liquida, sed ponderosâ. Dn. *de la Roquette* ibidè ex aquâ communii in horto suo speculum caviticum ostendit: implebat nempe ampullam vitream rotundam aquâ vulgari, ejusq; certâ dispositione exceptos solares radios in conum, quantum licuit, cogebat, cui opposita arborum folia viridia terebrabantur statim largo foramine, ac si ferro candente trajecta essent. Inspecta & pinacotheca *Catalani*, quod D. *Gilberto* nunc pareret, in quâ præcipuè ad se se oculos convertit agnus vegetabilis Tartariæ, coloris herbacei, si tamen verus ille fuit, & non schema personatum, nam attingere manibus non licebat. In Insula Camargues, horreo nunc Arlatensium (ubi dicitur C. Marius exercitum suum, ut parum

numerosum fossâ hodieq; conspicuâ circumdedisse meta
 Cimbrorum & Tevtonum, quos postea in vicinis Saloni
 campis superavit) id præcipuè notatum, quòd, ager ut co-
 piofas reddat fruges, vel decies quotannis aratro versandus
 sit, narrantibus incolis, antequam inferi quicquam possit,
 ita falso ob viciniam maris, & inundationes fundo est; quæ
 acrimonia ita subigitur, ut campus lætissimè postea frugi-
 bus exuberet. In hypogæo Arelateni vîsa splendida ex
 marmore monumenta Archiepiscoporum, Rodolandi,
 Concordij, Honorati, Trophimi &c, sed quod ad Histos-
 riam naturalem spectat, tria ibi præcipuè sepul-
 chra, sibi mutuo incumbentia, in quorum infimo
 multum aquæ est, in summo nihil, in medio aqua variat al-
 titudinem ad variam lunæ phasim, indigenæ rem miraculo
 vicinam opinantur. Aquis Sextiis præter thermas in-
 specta illustris pinacotheca *Lautieri* (quam *Peirescii*
 quondam fuisse existimo) in quâ plurimæ Antiquæ sta-
 tuæ Ægyptiæ, Græcæ, Romanæ, varia numismata vetusta
 & curiosa, præcipuè verò gemmæ numerosæ in sculpræ
 figuris admirabiliter ingeniosis, antiqui operis; quod ad
 naturalia, aderat achates, in quâ quinque orbes perfectiss-
 imè designati erant, plures oculi cati, sed unus excellen-
 tissimus, qui & ipsam oculi felis orbitam & pupillam ad
 stuporem intuentium repræsentabat. Vîsa & achates, in
 cujus medio herba roris marini accuratè conspici poterat,
 alia in quâ minutus forex, argumento evidenti è liqore
 gemmas initio concrevere. Inter talismanica unam
 duntaxat marmoream locustam memorabo, inscriptione
 Græcâ literatam, in hunc sensum: *Locusta, jubet hic vos*
quiescere Jupiter; inter gemmas sculptas unam, quæ Attis-
 lam referebat, cæcæ senem, calvum, barba quasi hircinâ sub
 mens

mentum retortâ, unam quæ Silenum, facientem ridiculè, Romano more, ciconiam. Aquas Sextias inter & Massiliam, viam passim inumbrabant lavendulæ, thymi, & subinde capparum germina, ut apud nos ericæ. Massiliæ inter cibaria nostra frequenter cochleæ marinæ albæ rotundæ, thunni, sardi, sardagnes, surbet. Extra urbem oppositissimum pro peste infectis nosocomium, non illud unico ædificio comprehensum, sed domibus prope centum certo intervallo distinctis, ut nec serpat contagio, & liberiori perfatu cubicula purgentur. Ad Cisteronem & Ebrodunū circa vias publicas sponte germinabat bûxus, berberis, salices pumilæ bacciferæ, sedum canceronctum, frequentes ibidem amygdalinæ arbores, & in illis viscum. Spectatus & ibi asinus in deliria & furias actus, quod rarum fortassis in segnissimo animalium. Transitus nobis in alpinus quidam pagus, *S. Crispin* vocant, in quo casæ rusticæ pleræque marmoreæ, marmoreæ sepes, cavæ marmoreæ, sed, quod mirere, eturæ in ædibus, adeo nulla est usquam sincera voluptas. In pago *Argentiere* minera argenti à Dn. *Bogdet* hodie in ulum vocata. Ad Brianconium integra rupes undulis & ductibus simillima ligno. In valle *Prageala*, quæ ad septem milliaria extenditur, sponte proveniebat grossularia fructu hirsuto, digitalis purpurea, berberis: hic solæ vaccæ arant elivos, non equi, non juvenci; credo, quia firmitus pedem figunt in istis præcipitiis. Summa montium omnino calva & inertia, medijs clivi insidebantur sylvulis abietinis, vallis ea solis habitabatur Calvinianis, aut simavis, Reformatis, quorum numerus ad VII millia excrefcebat, & hi Galloparent, vicina autem *Lucernæ* vallis paret Sabavdo, coliturque, circiter XIV hominum millibus, itidem Reformatis.

tis. Hi sunt quos Theologi *Valdenses* appellant; iactabantq; à XII jam seculis se Pontificis Romani sacris non obediisse. Sed nè extra oleas, sermonisq; viâq; ejus nunc terminus esto.

LXXXV.

Talcum Norvegicum torno obtemperans.

Ol. Borrichii.

Sunt equidem quàm plurimæ talci species, & ferè singulis suæ dotes. Aliud est Venetum, quod subvirescit, & si veri Chemistæ quidam, oleum sibi patitur extorqueri; aliud Moschoviticum, oppidò translucens, & nonnullis, *glacies Mariæ*, appellatum, aliud Scanicum, quod hebetius, immò singulis propemodum Provinciis montosis suum est. In Norvegiâ duæ præsertim species reperiuntur; *alia* quidem adnata granatis in minerâ Arndaliensi, eaq; nigrans, sed quæ igni admota, atq; mox exempta, avri lamellis evadit simillima; quin & tantillum avri vehit (si ingeniosè tractetur) non tamen impensis suffecturum: *alia* in diœcesi Christianienâ, de quâ hic agitur, nonnunquam subalba, aliquando subviridis, quæ torno facile se patitur in vasa & cacabos formari, immò cultris, ferris, & ferro acuto in varias transit figuras. Ad tactum subpinguis est, unde incolis *Giststeen* vocari solet, & initio vix talcum esse deprehenditur, ita minutis, & subtilibus constas bracteis, sed ad ignem violentiorem laxatâ sensim compagine prodit naturam suam, & in laminas argentei coloris patitur se dividi. Insignis quidam apud nos Naturæ Consultus furnos Chemicos ex eâ elaboravi, adeoq; nec laterculis, nec harenis ad commissuras indiguit,

guit, solo hoc talco, sed variè excavato contentus, non pœnitendo successu, quamdiu intra modestiam se ignis contineret: ego tigilla, sive, ut vocant, crucibula per otium inde formo, nec illa inepra ad certos labores, in quibus duplex provisio necessaria, *una*, ut cavitas incidatur non secundum, sed contra ductus bractearum, *altera*; ut ignis non intendatur validissimè. Non sunt tamen hæc crucibula ex genere eorum, de quibus suspensâ manu traditum quiddam in superioribus Actis Hafnienſibus. In Siphno lapis est huic fortasse non dissimilis, qui, auctore *Plinio*, jam olim cavabatur, tornabaturq; in vasa coqvendis cibis utilia, vel ad esculentorum usus. In quem ulum hodieq; vocatur Comensis in Italiâ lapis viridis, quemadmodum Mediolani satis elucet.

LXXXVI:

Periculosissimum asthma sebaceum.

Ol. Borrichii.

NOtum satis, mulierculas, quæ in formandis ex sebo candelis occupantur sæpius, tentari gravedine, doloribus capitis, & vertigine nonnunquam, ob exhalantes ex calente pingvedine frequentissimas atomos, quæ & nares & oculos quandoq; obsident, & cum anhelitu in pulmones admittuntur; sed ut notius evadat periculum, quod ex contemptu admonitionum ejusmodi nascitur, exemplo visum est rem illustrare. *Maria Lamprechtia*, vicina mea, dum superiori hyeme, argento quàm sanitati intentior, in angusto conclavi totas noctes fingendis promercalibus ex sebo candelis impendit, advertit sensim aggravari caput, erubescere oculos, angustari spiritum, sed bonus ille

Dd lucrī

lucris odor effecit, ut odorem sebaceū (liceat enim penuriā melioris ævi, Madavrensis uti vocabulo) licet noxium Sparranā aliquandiu nobilitate concoqueret, donec novissimè victa nec insistere pedibus, nec anhelitum amplius posset reciprocare, tota decolor, & desperabunda. Vocatus causā mali intellectā cum inter *συνδεδειγμένον* symptomatum gravius ægram ab asthma & orthopnoeā, quàm à reliquis malis urgeri notarem, ad meticum blandius provoco, & postea aquis convenientibus oxymelli scillitico permixtis reliquias curæ diebus aliquot absolvo, in discessu admonens, ut hostem magis sopitum crederet, quàm sublatum, nisi persisteret in medicamentorum usu, neque enim posse unā vice omnem illam fuliginum candelarum saburram ita excludi, ut recidivæ metum omnem avertat. Illa tamen sibi reddita confidentior, pharmacorum citò oblita ad negotia domestica transiit; unde insequente proximè hebdomade in pristinum malum relapsa, & ferè funestius, quàm ante, omnem vitæ spem orthopnoica & præanxietate prænerigida atque obmutescens deposuit. Rediit tamen ad se se repetitis iisdem medicamentis, & imperatis quandoque sudoribus, jamque sanissima spondet se omnibus candelarum opificibus consulturam, ut, si salvum velint peccatus, in amplā, & perflabili officinā magisterium suum exerceant.

LXXXVII.

Coma somnolentum variis stipatum symptomatis.

Ol. Borrichii.

Honoratus civis *Joachimus Curtius*, annorum circiter quadraginta, cacochymicus, scorbuticus, & seden-

dentariæ vitæ assuetus, jam ante triennium in somnos cœpit esse propensior, adeo ut sæpe inter prandendum, cœnandumq; , sæpe inter colloquia obdormisceret, non sedentantum, sed & cùm stans in fulcrum se aliquod inclinaret, cætera sanus, & polyphagus, & à febre immunis. Duravit illa narcolis, quamvis antiscorbuticis oppugnata, ægro diætæ leges minùs sollicitè custodiente, donec ante hos sex menses pertinacior comitem sibi adjungeret hydropem. Venter enim ad instar ligni induruit, intumuitq; , scrotum aquis & flatu distentum, urina parca, crura rigida, ampla, hinc inde livida, & à digito pressu fortiori in valleculas constantes subsidentia. Evocatus in auxilium chirurgus catharticis, emplastris, & nescio quibus aliis hydropicum tumorem aggrediens eò tandem, neglecto comate, rem deduxit, ut detumesceret scrotum (quod in primis tristitia minabatur) atq; æger in spem sanitatis erigeretur, abdomine licet adhuc tenso & pedibus tumidis. Verùm non diu tenuit illa lætitia. Quò enim plus induciarum spondebat mitigatus hydrops, hoc sæviùs paulatim coma incubuit, & ægrum, præcipuè verò uxorem ejus ad desperationem sanitatis conclamata planissimè adegit. Tandem accersitus ego hominem video statum Mercuriali similem, qui vix clamore subinde experrectus statim oculos iterum clausit, non modò obdormiscens, sed & stertore & rhonchis spiritum meantem inquietans. Aderat & is in vultu, & præsertim in labris livor, ut nullius suspensi facies aut labella saturatori cœruleo colorentur. Instigatus agitatione, clamore, apoplecticis liquoribus verba subinde aliquot pronunciavit, sed illa terriata, & malè coherentia, mox iterum in rhonchos & interceptam quandoq; respirationem declinans, brachiis, etsi sæpe attolles, itatim collapsiscentibus. Svasissem mox (præter ana-

leptica) emeticum, sed metu calumniarum, nè secundum illud *Celsi*, quem non hoc modo servâssem, occidisse viderer, abstinui, & prognostico præmissa, recentissimum sal. armon. urinam redolentis spiritum naribus ægri sæpe admovi, quo ille experrectior momento iterum cum Didone favciâ

Quæsit q; oculis lucem, ingemuit q; repertâ,

Nihilominus crebro spiritus ejus ad motu id effectum, ut ad pharynx os subinde aperiret; quo viso ingeri jussi vinum liliorum convallium sale volatili succini, & spiritu falis armoniaci aromatico prægnans, non quidem nullo successu, sed initio perexiguu, quod conclamata viderentur omnia, pulsus vix dum observabili. Id quod & missio nem sanguinis alioquin profuturam retardavit. Ventum ergo & ad spiritus cephalicos, salvia, lavendula, rosmari ni, ceraforum nigrorum, salem volatilem unguis alciis, & quæ alia usus in hoc affectu solet commendare. Cumq; his præmissis, sequentibus diebus paulo excitatior æger paulatim clysteres admitteret, & cathartica, plurimum quidem fecum exclusum est, sed caput adhuc obstipum, & germano Endymioni conveniens perduravit. Observatum mihi interea, quoties æger incumberet lecto supinus (quæ sola illi dormiendi consuetudo) anhelitum fuisse paulo liberiores, & labra minus livida, quin & rhonchos placidiores, quoties autem sedili insidens à famulis contineretur, metu lapsus, omnia symptomata visa graviora; unde conjiciens obsideri cerebrum circa sagittalem futuram aquâ quadam narcoticâ, quæ sedentem erectiori capite magis aggravaret, jacente autem, pondus ex declivi situ imminueret, in occipite mox cæterio viam noxio humori exituro aperiri jussi, & eraso ad sagittalem capillitio cucurbitas ex vitro amplas sine scarificatione cal-

calvæ sæpius affigi. Propinata interim frequenter tinctura foliorum tabaci cū volatili urinæ & fuliginis sale, suppositisq; lingvæ rotulis ex oleis rorismarini, salviæ, succini, extracto castorei, aliis, cō præter expectationem post dies viginti rem vidi redactam, ut æger postea manè ad negotia sua confurgeret, domo egrederetur, cum amicis luderet fritillis, & libro rationum suarum vigil quotidie affideret, nec quicquā omitteret eorū, quæ negotiationes domesticæ requirunt. Neq; tamen ea felicitas diu duravit, cū plūs cibariorum, plus potionum quotidie efflagitaret, quàm stomachus, & vita sedentaria paterentur. Accessit amplitudo illa & durities abdominis, accessit crurum tumor hydropicus, quæ mala, cū diætæ custodiam non adhiberet exquiritiorem, fatum accelerarunt.

LXXXVIII.

Nitrum non inflammari.

Ol. Borrichii.

Nitrum, ait Vir doctus libello de Natur. historiâ nitri, *est inflammabile, quod experientia probatum est, si particula ejus injiciatur in ignem, confestim flammam concipit & ardet, relinquendo calcem vel cineres post se. Ardet subito & vehementer, ardet deorsum, cū ignes alii ascendant.* At mille experimentis nihil tale mihi compertum. Id video, quoties carboni candenti infunditur nitrum, excitari flammam, sed nitrum ideo inflammari non video. Excitatur nimirum ardor, sive flamma in carbone luculentior, quàm antè, non quia nitrum accenditur, sed quia follis vicem sustinet. Id evidenter cernitur,

Dd 3

tur,

tur, quoties nitrum in mediis flammarum complexibus in
 tigillo liquefactum consistit, enimvero hic non tantum
 non inflammatur, sed injectum sibi flammantem carbo-
 nem magno impetu à se rejicit, & in altum propellit.
 Quin & carbonem frigidum flatu suo accensum mox sus-
 flando, si levior est, è tigillo excutit. A nitro tamen ipso
 non accenditur frigidus carbo, sed à particulis ignis in po-
 ris liquefacti nitri oberrantibus; verum à nitro ipso jam in
 motu existente carbo violenter propellitur in sublime,
 & nisi gravior fuerit, extra tigillum protruditur. Sic in
 pulvere pyris sulphur & carbonarium pollen accendun-
 tur, sed placide, nitrum autem superveniens, & jam ab his
 accensis irritatum, vehementi afflatu suo spargit cætero-
 rum flammam largiùs, & impulsu suo glandem etiam feri-
 ream in distantem murum promovet. Scilicet agit hic
 nitrum sed fortiùs id, quod in bombardâ pneumaticâ so-
 lusaër compactior, quippe is ut per vim in tubo illo com-
 pressus, mox ubi laxato fræno sui juris evadit, cum impetu
 erumpens glandem plumbeam minutam eo usq; propellit,
 ut objectum asserem tenuiorem trajiciat. Quo pacto &
 pueri è fistulis suis pisa in distans agunt solo afflatu. Ego
 ergo nitrum contemplor, ut salem infinitis particulis fla-
 belliferis prægnantem, aut ut salinorum laterum sollem
 clavsum, distentumq;, qui motu ignis reciprocante lucus
 lenter apertus quaquaversum spargit flatus suos, & magno
 impetu obstantia elidit. Hic si leniùs aperiatur, ut sit,
 cum dissolvitur in liqvoribus, aut ipsâ aquâ, idem agit, sed
 remissiùs, hoc est afflatu suo refrigerat. Utrum autem
 partes illæ flatuum genitrices consistant ex intercepto in-
 ter laminulas ipsius aëre, an ex aliter atq; aliter figuratis
 corpusculis, ii ulterius dispiciant, quibus orium & volupe.
 Mihi hæc sufficit, à nullo hæctenus phænomeno in igne e-

videnter exsculpi, quòd nitrum inflammetur. Videtur quidem ob stare experimentum quoddam fabris argentariis solenne, sed revera non obstat. Res ita se habet: illi, quòd ad cupellam (quam vocant) provocare operosum, sæpe argentum impurum in laminas tenuatum admisto nitro includunt tigillo, in versoq; tigillo alio, sed exiguo foramine pertuso, commissuris argilla occlusis, igni committunt. Sensim funditur nitrum, funduntur argenteæ laminæ, sed ubi ad certum violenti caloris gradum mixtura incaluit, cum fremitu per ostiolum illud minutum eluctatur flamma, atq; impuritates argenti maximam partem in aëra secum evehit, non sine nullâ argenti jacturâ. Hic pertendent, qui nitrum constituunt inflammabile, hanc omnem flammam à nitro accenso coortam esse, quòd si in injectis carbonibus sponte deflagrârit. Mihi id parum sit verisimile; nam quis spondebit in tigillum mediis flammis immersum nullos carbones minutos per foramen apertum incidisse, qui hanc flammam excitaverint, eoq; validiorem, quòd per angustias ei luctandum, multo flatu ad exeundum impellente? nam in hac operatione multo plus flatuum violentissimorum, quàm flammæ erumpit. His accedit, quòd ignis per poros tigilli irrupens in flammam quidem non abeat, solo nitro ibi præsentè, non difficulter tamen colligit se se, ubi aliud corpus solidius nitro permixtum fuerit, in cujus poris particulae ejus sibi firmitus quæant copulari, adeoq; junctis viribus agere, id quod in hoc fabrilis opere contingit. Hinc particulae ignis in nitrum retorto vitro contentum ab arenâ validè calente impulsæ nihil accendunt, sed si nitro illi aliquid sulphuris miscueris, accendunt & quidem alacriter, de quo videantur experimenta in Actis nostris Medicis Anni 1671, & 1672. Si quis adhuc suspicetur nitrum inflam-

ma

mari, admoveat frustulum ejus accensæ candelæ, & satis diu ibi contineat, nihil flammæ concipi evidentissimè spectabit. Neq; etiam experimenta ostendunt nitrum vim suam deorsum duntaxat exserere, sed quæquaversum. Certè sursum ire liquidiissimè declarat experimentum fabricorum argentariorum, de quò jam ante, namq; ad aliquot pedes in altum assurgit ex angustiis foraminis luculenta flamma à nitro impulsæ. Quod autem uncia nitri batillo ferreo imposita, superinjecto carbone vivo ferrum diu candens efficiat, nihil aliud docet, quàm vim nitri etiam deorsum tendere, id quod negaverit nemo, quòd si avtem batillum supremo loco statuas, medio nitrum, infimo cardentem carbonem, videbis batillum eodem modo incandescere.

LXXXIX.

De cantharidibus appendix.

Ol. Borrichii.

QUæ de modo agendi cantharidum in ultimis *Artibus Medicis* à me disputata sunt, de corpore & pedibus earundem intelligenda volo, non de earundem alis; ideo corpuscula earum scripsi armari spinis, quod intuenti per microscopiū accuratū non potest nō esse manifestissimū. Spinæ illæ vices pilorum sustinent, sed, ut in hoc genere bestiarum, acutissimis prædatorum cuspidibus. Alæ autem cantharidum licet in puncta quædam asperiora corrugentur, non tamen usquam desinunt in spicula. Ut mirari lubeat acumen Veterū, & in iis magni *Hippocratis*, quī licet oculis nequiverit designare, quænam in cantharide partes validius promoverent urinam, mentis tamen lus

mine

mine vidit in alis earundem parum esse præsidii , ideoq; *textu LXVI. de Vitæ Acutor.* in porione hydropicâ, quæ cantharidas recipit, jubet disertè earundem alas priùs avferri. Obduces, rejici etiam ab *Hippocrate* caput, & pedes, de quo ita pavcis. Caput non injuriâ rejicitur, non quòd non instruat ad extremas fimbrias minutis illis suis aculeis, sed quia pavciores illi sunt, & intuitu reliqui corporis, non magnopere æstimandi. Pedes autem removendi non erunt, ut oppidò, præsertim ad articulos omnes, spiculati, inq; eo aliquid humani passus videtur optimus Cœus, ab antecessoribus havd dubiè istuc inductus. Quàm enim multa & ille olim, & hodieq; nos credimus Viris doctis, & rerum peritis, sine ulteriori inquisitione? Hodierni itaq; Medici, & in his celebratissimi nominis & meriti *Dan. Sennertus*, rectè excludunt in Vesicas induscentibus Emplastris alas & capita cantharidum, pedes autem cum reliquo corpore recipiunt. Sed quid de *hemerobio* sentendum? quem *Augerius Clutius* refert peculiari scripto, addito etiam experimentorum apparatu, ingentia in vesicâ tormina & dolores ciere, si vel parcè tantum, ut fit, ad castigandam arthritin comedatur. Sanè, si imagini ejus, quam relinquit *Clutius*, aliquid tribuendum (bestiola enim jam ad manus non est) pedes ejus in primis horrent spiculis, sed hanc rem optimè definit *Clariss. Job. Sваммерdamius*, qui in insecto hoc contemplando plurimum temporis consumpsit. Sed ad cantharidas iterum! Erunt havd dubiè, qui arbitrabuntur, in emplastris applicatas mittere fortassis posse in sangvinem, adeoq; ad urinz vias spiculorum aliquid, sed non perinde concipi, quomodo aqua, aut vinum, in quo maceratz duntaxat cantharides, si potetur, eadem propemodum inducat symptomata, cum liqvores hi solum videantur succum be-

Ec

stio,

stolarum imbibisse, non item cuspidēs. Respondeo, adeo minuta esse cuspidum acumina, ut ab aqua, immò liqore quovis facile portari queant, adeoq; una cum succo in corpus bibentis demigrare. Et vinum quidem satis per se potens est, ad extundendas has ex integris corpusculis cuspidēs; aqua, ut ignavior, adjuvatur tritura. Hinc disertè Hippocrates loco citato: *τεταρτα*, inquit, *η τεταρτα* *δου δαλ* & *αίματι*. Et nè inusitatum videatur à spiculis ad excernendum lotium invitari vesicam, constat salia lixiviosa oppidò esse diuretica, & illà firmiter spiculata omnia. Quin & excitatissimus ille terebinthinæ Cypriæ spiritus, cum potenter sollicitet urinam, magnam partem ex sale volatili, eoq; solis spiculis agente, constat, quemadmodum accuratiorum quorundam experimenta fatentur. Cantharidēs autem hoc agunt, quàm salia, efficacius, quòd duplicis naturæ armentur spiculis, aliis quidem salinis volatilibus (de quo prostat experimentum in ultimis *Athi nostris Medicis*) aliis autem quasi corneis, quibus exterius tegitur bestiola, absq; quorum ope salinæ particulae hinc tam rarum effectum non producerent.

XC.

Argus Islandicus.

Ol. Borrichii.

Centum luminibus cinctum caput *Argus* habebat, si *Ovidio* credimus; at si oculis nostris (microscopio ad-jutis, plusquam centum oculis donatur caput hujus bestiolæ. Est autem illa, quam illustris *Wormius* noster in *Musæo* suo describit *Oscabiörni* nomine, sed quia in toto corpore nihil admirabilius oculis, de quorum fabrica nihil hacten-

hactenus innotuit, libuit adhuc semel minutum hoc animal in scenam producere. De quo primum audiendus *Hannas Thorleivius*, & ipse Islandus, non minus eruditus, quam verax, inq; historiam naturalem Patriæ eleganter versatus. Hic ergo ita: Ut à nomine, inquit, ducam principium, illud quidem fabulæ & superstitioni originem debet, compositum à duabus voculis *Óskar* & *biörn*, quarum hæc ursum denotat, illa optationem, quasi optationis ursum appellares; *ooskar* enim genitivus est, à nominativo *oosk*, votum, optatio; putat enim vulgus, si quis lapidem in *Oscabiörni* corpore latentem deglutiat, voti sui cujuscunq; etiam, futurum compotem. Est autem minutum hoc animal testacei generis, figura oblongæ, longitudine duorum digitorum transversorum, diceret primo intuitu gammarum caudam, ita ex annulis constat ei non dissimilibus. Caput illi exiguum, & propemodum triangulare, cui nec osculum suum, nec barba, neq; cirrhi desunt; oculi planè admirandi, siti in testulâ inq; eâ fixi, figura ovalis, coloris subviridis, junctura corporis anteriores latiores sunt, angustiores ceteræ, cauda in acumen exit. Wormis in animali hoc non nisi septem numerat juncturas, sed incidit hæc dubiè in corpus detruncatum, nunquam enim pauciores sunt juncturae, quam decem, aliquando etiam plures, quarum singulis, nisi versus caudam, sua femora & crura adduntur, quorum beneficio nascuntur sunt autem in universum hi pedes quatuordecim, in quovis latere septem; sunt & quibusdam sed rariùs plures, aliis pauciores. Intestina in eo nulla, nullum cordis, aut alicujus alterius visceris vestigium. Horum omnium vicem sustinet massa quædam tenax, pellucida, gelatinæ ribibium crassiori similis, in oblongum veluti globum formata, levi incisurâ notabilis, quæ cum tempore indurescit, & quasi in lapidem convertitur. Non est tamen revera lapis, sed


Ec 2

ve.

verius cornu satis leve & scissile, subdiaphanum, colore prope modum rubini. Solvitur hic lapis in aceto, sed acetum indeturbidum redditur, & insipidum. A nostris ad varios morbos commendatur, in primis autem contra navseam marinam presentissimo est remedio, si deglutatur, quod & ipse expertus sum. In epilepsia & cordis affectibus margaritarum peragit officium. Phthisicis quoque convenit & pleuriticis, quia glutinat ulcera pulmonum & consolidat. Erat mihi quondam libellus Mss. in quo varia de lapidis hujus virtutibus consignata erant, qui, nescio quomodo perijt, & adhuc magnum sui relinquit desiderium. Lapidem hunc Islandi Peturs-stein appellant, ut infra monebimus. Repertur hæc bestiola, præcipue dum adhærescit piscibus aliis, unde à doctis nonnullis inter pediculos sive cirmices majores numeratur. Non nascitur tamen in piscibus, ut in animalibus pediculi, sedimenti gratiâ adhæret. Etenim dum piscibus insidet, jam tunc ex suis in volucris exclusa est, & quâ libet, perreptat, nec cetis solum, & piscibus aliis, sed lignis quoque, & algæ se agglutinat. Quando autem integra primum reperitur, latitat in quodam veluti sacculo, sive thecâ membranaceâ, algæ non dissimili, quæ tamen algæ non est, incolæ Peturs-skjup nuncupant. Theca hæc exterius coccineæ est coloris, intra nigrantis, latitudo illi sex aut octo digitorum transversorum, figura quadrata, in cujus medio bestiola hæc delitescit inter mucum quendam viridantem. Huc usque vera narravi, nunc fabulam audite, vulgo apud nos creditam. Narrant videlicet plebei Ostabiörnum ingentis olim magnitudinis piscem fuisse, sed cum piscantem olim D. Petrum infestaret havsturo similis, atque jam tum anchosam ejus minorem, (quæ saxea in linitibus, ut piscatoribus notum) deglutiisset, iram Apostoli incurrisse, ejusque dirâ execratione in bestiolam hanc esse conversum, manente adhuc in

in eo lapidis anchorarii vestigio. Hinc lapidem D. Petri, & involucri animalis naviculam Petri appellari. Hactenus Thorleivius, cuius descriptio sic satis convenit cum bestiolâ, cuius plura mihi exemplaria sunt, sicut & votivi illius lapilli. Sed de oculis ejus hâc potissimum solliciti sumus, qui in testâ caput constituyente defixi, si nudis oculis nostris aspiciantur, opus quoddam cancellatum sive reticulare repræsentant, mille filis in se recurrentibus distinctum, atq; subviride; sed oculis (microscopio armatis) subjecti, clarissimè ostendunt duas testulas ovalis figuræ plenas oculis, sive cavitatibus ad minimum ducentis, non enim facile est in tantillo corpusculo numerum omnium certò definire, quòd testulæ ad gibbum nonnihil inclinent, adeoq; conversione microscopii numerantem vel turbent, vel eludant. Viridis autem ille color ad microscopium nullus est, quippe ex confinio lucis & cavitatum profundarum, in quibus lux umbræ, tale quiddam oculis nudis duntaxat apparet, id quod ad naturam colorum illustrandam pertinet. Diu & sæpe hos oculos ope microscopij expendi, non sine admiratione artificij in abjectissimâ bestiolearum. Credas te primo intuitu videre integrum favum apicularum, suis cellulis aptè distinctum, ita profundè penetrat visus in omnes illas cavitates. Visum fuit operæ pretium, non exteriora tantùm oculorum eorundem contemplari, sed & interiorem testularum, quibus insident, faciem. Itaq; diviso suspensâ manu cranio, cæteræ testulæ capitis omnes interiùs deprehensæ nudæ & sine filamentis, duæ autem illæ, in quibus oculi reconduntur, infinitis ductibus, seu funiculis hispidæ. Utrum autem hi funiculi totidem tubuli sint, non licuit in exsiccatò corpusculo plenè recognoscere, oppidò tamen id mihi verisimile sit, nam parte externâ evidentissimæ cavitates

sunt, & sic satis profundæ, internâ extremitates in se ab aëre exsiccante coherunt, atq; ita frustratæ sunt inspicientem. Desinunt autem extrema filamentorum eorundem non in cartilaginem aliquam, aut testulam, sed in medio aëre cavitatis illius largæ, quæ omnium objectorum radios excipit. Illa autem cavitas clauditur testulâ interius concavâ, in quam incidunt & colliguntur omnia phænomena per tot oculos ingredientia. Et hæc testula interior videtur tunicæ retinæ officio fungi, atq; species incidentes ad nescio quod cerebro analogum corpus amandare. Usq; adeo nusquam fatigatur summi rerum Architecti potentia, & nè quidem in vilissimis animalium desinit esse admirabilis. Alia crustacea oculos habent extra caput prominulos, adeoq; ad omnia, quæ in visum incurrunt, certis motibus flexiles, in Oscabiörno immobilia exterius universa, nulla musculorum vestigia, sed pensat hunc defectum multitudo oculorum, & interni funiculorum ductus, qui non patiuntur admissas rerum species in orbitâ tumultuario motu vagari, sed certo quasi tramite ducunt ad medium forè orbitæ inane, adeo ut amplius errare nequeant, quin statim in objectam illam testulam retinæ vicariam impellantur. Hic inferenda Figura capitis Oscabiörni: A. Anterior capitis pars. B. oculi C. chelæ crustaceæ. D. crura superiora cranii.



XCI.

*De Cinanomi arbore & remediis ex
ea variis.*

*Ex D. Hermann Nicolai Grim Laboratorio
Ceylonico.*

IN Insula Ceylon Medicinam & Chirurgiam exercens *D. Grim*, patriâ Danus, cum Chemiæ quoque sit peritus, ex inquilinis Ceylonæ Insulæ simplicibus Laboratorium Chymicum concinnavit, ediditque, Lingvâ Belgicâ Bataviæ Indorum A. C. 1677. nobisque impressum Hafniam transmissit. Ex quo excerpere placuit Actis nostris inferenda, quæ ex Cinamomo confecit medicamenta, eaque, ut ab omnibus legerentur, in Latinam linguam translata. Dum in eo sumus, ecce Amstelodami prodit A. C. 1679 idem Laboratorium Ceylonicum à *Bartholomæo Pielat* Med. Doct. Latinitate donatum. Placuit labor, sed miratosum nullâ prorsus mentionem fieri veri Authoris *D. Herm. Grimmii*, nec in libri frontispicio, nec in operis progressu. Cum *Grimmii* verum authorem, in Insula Ceylon degentem, editio Belgica Bataviæ prodatur, & in fine Opusculi fateatur se *Fridericiæ*, quæ urbs est Cimbricæ nostræ, domicilium habuisse, usum familiaritate *D. Kornmessen*, Medici ejusdem urbis. Quæ circumstantiæ *D. Pielat* excludunt à laude operis, quem nec in India fuisse, nec Cimbricæ, scimus. Levavit tamen me labore versionis, quem susceperam, & ne actum agerem, Latina ejus vestigia sequi placuit, *Grimmii* laude operis, *Pielatio* versionis relicta.

De

De arbore Cinnanomi.

Arbor Cinnanomi, quæ Rex omnium Arborum jure merito vocari potest, Corticem habet, quæ per totum Orbem cibi vicem præbet: est autem hæc ejus minima quas litas; tot enim, totq; variaz res ex ea procedunt, ut justa sit occasio demirandi qui sit, ut hæc Arbor omnigenas Medicinas nobis exhibeat. Quælibet enim pars suam profert, & talis est omnium inter eas differentia; ut qui earum ignarus fuerit, juramentum præstare facile velit, eas scilicet ex unica Arbore provenire non posse. Nos igitur ab Arboris cacumine principium incuntes, finem ad Radicem usq; deducemus.

Flores Cinnanomi.

Flores isti sunt parvuli, stellati, in fundo & in medio parum perlutei, odore jucundi, atq; cum Tiliæ floribus Europæis convenientes, tantillum pingves sentiuntur dum pertrectantur aut conteruntur. Moderatæ sunt temperaturæ; calidæ scilicet ad gradum tertium, & quamvis crudæ, nihilominus adhiberi possunt ad *Clysteres*, *Fomentationes* & *Cataplasmata*: sunt enim mediocriter calefacientes, resolventes & dissipantes. Per destillationes & præparationes exhibent nobis

Aq. fl. Cinam.

Ol. fl. Cinam.

Spiritus fl. Cinnam.

Conserv. fl. Cinam.

Aqua & *Oleum* per *Vesicam* excipiuntur: subtilis *Aqua*, in Balneo Mariæ. *Spiritus* per *fermentationes* vel affusiones continuas Aquarum primarum super Flores recentes donec sat fortis evadat. Res istæ propter vir-

virtutem Balsamicam Capitis & Stomachi Morbos curant
& *Vehiculi* loco sumuntur.

Conserva florum Cinnamomi.

Conficitur non secus ac *Conserva* Florum aliorum.
Tunc autem excellentissimum est medicamentum ad
ægritudines supra designatas. Dosis est ab j ad ij
Drachm.

Oleum coctum flor. Cinam.

Juxta methodum vulgarem pulcherrimum oleum è
floribus Cinnamomi cum Olivarum Oleo potest adhuc ex-
trahi, quod commodissimum erit in variis Accidentibus,
tam in Medicina quam in Chirurgia pro Clysteribus, Ca-
taplasmatibus & Linimentis & est temperatè calefaciens,
emolliens, resolvens & corroborans.

Folia Cinnamomi.

Hujus Arboris Folia nihil ferè quoad figuram à fo-
liis Laurinis differunt, mediocris sunt crassitudinis, atq;
pinguedinis: calida sunt usq; ad quartum gradum, fre-
quentissimè sunt in usu in Medicina & in Chirurgia, respec-
tu Medicinæ præscribuntur commodè sicut & quævis
alia *Aromata*. Qualitatem habent Calefaciendi, inci-
dendi, dissipandi & resolvendi: quam ob causam effectus
maximos in omnibus Flatuosis morbis producant. Ego
ipse Pulverem exinde composui pro talibus morbis qui re-
spectu *Colicæ Passionis, Tympanitidis*, & etiam inter *Pur-
gantia* commixtus mirabiliter ea corrigit & emendat adeò
ut absq; Torminibus vires suas explicet. Vobis eodem
tempore descriptionem illam demonstro.

Ff

Pul-

Pulvis Carminativus.

Rec. Pulv. Fol. Cinamom. ℥j.

Sacch. Alb. ꝑviii.

Ol. st. fol. Cinnam. ꝑiij.

M. f. Pulv. subtiliss.

Præter usum Medicinalem istorum *Foliorum*, habent etiam varios, frequentes & aptissimos usus in Chirurgia pro Thermis, Cataplasmatibus, Unguentis, Clysteribus, & sic deinceps. Hinc etiam quilibet Vir eruditus atq; peritus, terra mariq; patientes suos optimè juvare potest, si foliorum istorum usum, apprimè noverit.

*Aq. Fol. Cinam.**Ol. st. fol. Cinnam.*

Nobis etiam exhibent per *distillationem* præpollens Oleum, ab oleo Cinamomi toto cœlo discrepans, tam in sapore quam in odore: Qvin & Oleum Caryophilli cuiusq; potius videretur, quam quidlibet aliud, propter integram quam habent uniformitatem. Calidum est & penetrans atq; pro morbis omnibus, ad quos Oleum *Caryophilli*, commendatur, istud etiam impendi potest. Mirabiliter etiam purgantia corrigit dum aliquæ tantum guttulæ cum ipsis commiscantur. Aqua ipsa similes vires possidet, si sumatur in magna dosi.

Syrupus Foliorum Cinnamomi.

Syrupus Foliorum Cinnamomi sequenti modo componitur.

Recipe recentia Folia, eaq; minutim concisa dependantur in Retorta & tunc superaffunde propriam aquam *Cinnamomi* distillatam. Colloca eas tunc in loco calido, donec optimè sed lentè facta fuerit extractio, effunde totum: deinde solve bonum saccharum album in *Aqua Foliorum*

orum Cinnamomi, & id simul ad *Consistentiam Syrupi*, decoque. Postea de jice priorem Extractionem in Retortam nitidam cum isto Syrupo & humiditatem suaviter per *Balneum Mariæ* distilla, & ad usum serva.

Syrupus iste præstantissimum est *Correctorium Vomitivorum* & *Purgantium*, calefacit & confortat Stomachum & Viscera, bonum est contra Colicam & contra morbos quorum maxima pars è *Frigidis*, *Pituitosis*, atq; *Phlegmaticis humoribus* originem suam deducunt.

Oleum Coctum Foliorum Cinnamomi.

Extrahitur per decoctionem Foliorum cum oleo vulgari. Est autem calefaciens, anodynum, & resolvens. Aptissimum est ad usus Chirurgicos, velut ad *Linimenta*, *Cataplasmata*, & *Clysteres*. Item in Colica, Ventris Torminibus, Tympanitide, & in aliis ventosis atq; Aqvosis Tumoribus.

Fructus Cinnamomi.

Ejusmodi fructus sunt æqvè ac Laurini: cum ad maturitatem pervenerunt cœruleum colorem habent, aliàs viridem. Sunt etiam interno cortice circumducti veluti Baccæ Lauri & finduntur pariter eodem modo. Calidi sunt usq; ad tertium gradum quem non facile possunt attingere. Maximus est eorum Usus in Medicina & in Chirurgia, in Thermis, Cataplasmatibus, Emplastris, Unguentis, Clysteribus, & sic de cæteris.

Dum distillantur, exhibent nobis *Oleum* & *Aquam*, & in Fundo certam viridem & densam pinguedinem quæ sæpissimè convenit in Chirurgia. E Fructibus extrahere potes quæ sequuntur.

Ff 2

Aq.

Aq. fl. Bacc. Cinnam.

Ol. fl. Bacc. Cinnam.

Sp. Bacc. Cinnam.

Ess. Bacc. Cinnam.

Ol. Coct. Bacc. Cinnam.

Quando juxta Methodum ordinariam, sufficientem fructuum quantitatem assumis, eosq; primò grosso modo contusos in Cacabum injicis, Aquam largiter superaddis & distillare pergis, tunc *Oleum* & *Aqua* prodeunt, quæ vel minimum differunt à sapore Juniperi, & iisdem affectibus inserviunt atq; produciunt easdem operationes propter quas oleum Juniperi commendatur. Si quædam parvulæ guttæ cum Aqua bibendæ præbeantur, valdè suaviter Urinam expellant & Materiam mucilaginosam educunt quæ procreat uretherum obstructions.

Spiritus extrahitur sicut ex aliis *Vegetabilibus*, unde etiam è Fructibus Essentiam extrahis quæ tibi præbet optimum *Diureticum* in calculo, *Gonorrhæa* & aliis Affectibus. Dosis est semi scrup. ad scrup. i. cum Aquis convenientibus desumendus.

Oleum extractum habebis *per se* post distillationem quando frige factum est, ipsumq; reperies in *Fundo*, sed nonnunquam adeò durum est ac *Cera*, & ad eodem usus usurpari potest, quoniam eandem possidet Temperaturam.

Ad *Oleum* vel *Ceram* istam eliciendam (quæ quidem propter suam friabilitatem magis cum sævo convenit) plurimum refert quo modo fiat ipsius præparatio sive decoctio: dum enim fructus adhuc virides sunt, nec perfectè maturi, atq; lente coquuntur, *Oleum* quoddam viride atq; læve ex iis exprimitur quod idem ferè est ac densum *Oleum Lauri*. At verò si perfectam maturitatem adepti fuer-

fuerint, tunc totam suam viriditatem amiserunt atq; humiditas ista magis in seipsâ condensatur, & per decoctionem veram Ceram nobis præbent, quæ licet parum per viridis atq; lutea videatur, nihilominus citissimè redditur alba. Quod si Oleum simplex habere desideras, id ipsum extrahere potes ex fructibus immaturis, iis oleum olivarum adjiciendo.

Cum autem unâ cum altero *per se* factum erit, ad varios Usus Chirurgicos illud adhibere poteris: adeo ut ego ipse maximam partem communium decoctionum Oleorum quæ nobis ex Europa mittuntur, libenter negligere velim, & isto solo res omnes efficere quæ cætera possunt præstare. Noveris igitur me varia ex his Emplastra atq; Unguenta componere solitum esse, quæ multorum aliorum usum contemptibilem reddunt: hæc autem mea tibi nunc manifestabo:

Empl. Diasulp. Camphorat.

Rec. Ceræ ex Bacc. Cinnam. ℥ß.

Balsam. Sulph. Camphorat. ʒij.

Ceræ Citrinæ q. s.

M. f. f. a. Empl.

Illud *Emplastrum* maximam efficaciam tibi demonstrabit quoad tenaces, viscidos ac cedem atq; ascos Juncturarum tumores, vel alios ejusdem generis.

Empl. Cephalicum.

Rec. Bacc. Cinnam.

Fol. Cinnam. ʒij. ℥ß.

Gum. Elem. ʒij.

Ol. st. Bacc. Cinnam. ʒi.

Ol. coct. Bacc. Cinnam. ℥ß.

Ff 3

Ceræ

Ceræ Citrinæ q. s.

M. f. Empl.

Illud virtutem laude dignam continet, respectu Caput suum atq; Contusionum capitis quæ magnum minantur periculum.

Empl. Stomachicum.

Rec. Bacc. Cinnam.

Fol. Cinnam.

Menth. an. ℥ss.

Rad. Calam. Aromat. ʒj.

Ol. st. Fol. Cinnam. ʒij.

Bacc. Cinnam. ʒj.

Ceræ ex Bacc. Cinnam. ℥ss.

Citrinæ q. s.

M. f. Empl.

Istud magnas vires possidet quoad tormina ventris, Colicam, Hydropem Tympanitidem & Vomitum.

Empl. Nervinum.

Rec. Fol. Cinnam. ℥ss.

Ol. st. Fol. Cinnam. ʒij.

Rad. Cinnam.

Ossis Elephant.

Ol. Coct. Bacc. Cinnam. ℥ss.

Ceræ Citrinæ q. s.

M. f. Empl.

Istud summopere potens est ad sanandas contusiones, dislocationes, contorsiones, Paralyces & dolores à frigore provenientes.

Empl. album Frigidum.

Rec. Ceruss. ℥ss.

Sal. Saturn. ʒj.

Cc.

Ceræ ex Bacc. Cinnam. ℥j.

Citrinæ ℥j.

Ol. Nymphetæ

Ranar. an. q. s.

Istud non suo deerit officio in Phlegmone, Erysipelate, Calidis ulcerationibus & Inflammationibus circa Ulcera.

Ung. Nervinum.

Rec. Ol. st. Fol. Cinnam. ℥iij

Rad. Cinnam. ℥iij.

Oss. Elephant.

Corn. Cerv. an. ℥iij.

Ol. Coct. Bacc. Cinnam. ℥iij.

Ceræ ex Bacc. Cinnam. ℥j.

M. f. Ung.

Istud respectu paralyseos, podagræ, aut Convulsorum tensionum atq; cæterarum nervorum infirmitatum plus auxilii unica die quam quævis alia vulgaria per unius septimanæ, uniusq; Mensis integrum decursum, præstabit.

Ung. Hepaticum.

Rec. Ol. st. Bacc. Cinnam. ℥ij.

Rad. Cinnam. ℥iij.

Sterc. Vaccin.

Caprilli an. ℥ij.

Ol. Coct. fol. Cinnam. ℥iij.

Ceræ ex Bacc. Cinnam. ℥j.

M. f. Ung.

Istud maximum & incredibilem effectum exhibebit ad dolores, ac Tumores Hepatis abigendos.

Ung.

Ungu. Spleneticum.

Rec. Succ. Fol. Tabac. ʒvj.
 Sacch. Saturn.
 Ol. Foetid. lign. Cinnam. ā. ʒj.
 Bacc. Cinnam. ʒij.
 Axurg. Porci ʒiiij.
 Ceræ ex Bacc. Cinnam. ℥j.
 M. f. s. a. Ung.

Istud duritiæbus ac Obstructionibus Lienis efficacis-
 simè medebitur.

Ung. Carminativum.

Rec. Ol. Cost. ex Bacc. Cinnam.
 Fol. Cinnam. an. ʒvj.
 Ol. st. Fol. Cinnam.
 Rad. Cinnam. an. ʒß.
 Bacc. Cinnam. ʒij.
 Ceræ ex Bacc. Cinnam. ℥j.
 M. f. Ungu.

Istud Viribus magnis præditum est ad Curationem
 Colicæ, Torminum, inflationum, ac ventris ingentium
 cruciatuum.

Volumus nunc ulterius progredi & disquirere res quæ
 nobis ab Arboris istius *Corticibus* offeruntur; sunt autem
 istæ:

Aq. Cinnanomi.
 Ol. Cinnam.
 Tinct. Cinnam.
 Essent. Cinnam.
 Sal. Cinnam.
 Spirit. Cinnam.
 Sp. Fulig. ex ligno Cinnam.

Syr.

Syr. Cinamom.

Bals. Cinnamom.

Verum enimverò, quandoquidem satis superq; notum est, quomodo fieri debeant *Aqua*, *Oleum* & vulgaris *Tinctura Cinnamomi*, nulla datur necessitas ea hoc in loco demonstrandi: Alias itaq; Præparationes suscipiemus, veluti:

Essentia Cinnamomi.

Primò talistibi componendus est *Spiritus Cinnamomi* qualis sequitur: *Spiritus Vini Cinnamomi* rectificatus per aliquot vices. Tunc accipe liquorem *Salis Cinnamomi*, cui affundes *Spiritum* illum. Et tunc distillationem facies, multoties cohobando. Accipe deinceps istius *Spiritus* Libram j. *Cinnamomi* 3j. exagita totum simul, & fiet eorum jucundissima conjunctio. Tunc adicies huic *Essentiæ* *Unciam* unam *Cinnamomi* subtiliter pulverizati, & facta *Extractione*, *Tincturam* *Regiam* atq; *Mirabilem* recuperabis, quæ in se ipsa *Virtutes* omnes *Cinnamomi* continet: eam igitur *claram* effandes & ad utrum servabis.

Essentia ista verissimum est *Balsamum Vitæ*, & optime medetur morbis *Capitis*, *Stomachi* & *Matricis*, *menstruorum* obstructions aperit & præstantissimos producit effectus in *Partibus* difficilibus, in *Colica*, & etiam in ea quæ exinde provenit *Paralyti*, *Spiritus Vitalis* corroboratur, cor ipsum confortatur, atq; respectu morborum qui vel à frigidis vel à *Phlegmaticis* *Humoribus* originem suam deducunt, multò plus efficit quam viginti aliæ decoctiones *Herbarum* quæ sæpissime nullius sunt utilitatis. Hujus autem *Essentiæ* vel minima *Dosis* sufficit, scilicet à 3 ad 5. vel ad 10 guttas,

Gg

Sal

Sal Cinnamomi.

Optima *Sal Cinnamomi* præparandi ratio, talis est: Accipe Cinnamomum quod eò usq; calcinabis donec in cineres redactum fuerit: hoc autem in Instrumentum injicies, quod obturabis & ei Recipientem opposes. Tunc provenit exinde humiditas vel Spiritus qui acidulus est & ubi rectificatus fuerit, vires acquisivit sudorem ac urinam promovendi. Extrahe igitur illos cineres & nisi sufficienter calcinati fuerint, eos melius adhuc supra ferrea lamina calcinare poteris, donec albi fiant, tunc verò cum *Aqua distillata* Lixivium facere quod evaporare sines, & ubi siccum erit in crucibulo calcinabitur: cavendum autem ne fiat fusio. Postea solves denuò, filtrabis & coagulabis: tunc illud in loco frigido veluti Crystalla separari sines, quæ colliges & ad usum servabis. Poteris adhuc ex eodem Cinnamomo ex quo Aqua distillata fuit, sal conficere, sed non est æquè bonum ac supra descriptum.

Spiritus Fuliginis ex Ligno Cinnamomi.

Recipe partem quandam hujusce ligni minutim concissi, & eodem terreum Instrumentum adimple, depone illud in Igne aperto, suo Recipiente munitum, atq; humiditatem quam etiam Oleum quoddam comitatur, distilla: hoc peracto, extrahe rem tuam, eam in Retortam ferream injice, ipsi superaddendo parumper *Spiritus Cinnamomi*: & distilla Spiritum in Arena. Spiritus iste penetrantissimus est, sudores optimè movet, aperit & incidit, atq; maximo cum fructu impendi potest. Dosis est semi scrupul. scrup. j. ad semidrach.

Syrupus Cinnamomi.

Recipe, Libram j Cinnamomi : adde ipsi fortem *Aquam Cinnamomi*: obclude totum in loco calido, donec Tinctura fuerit extracta & iterum illud, supra novo Cinnamomo affunde, quod quidem tamdiu reiterabis donec sat fortis evaserit. Confice tunc optimum purum Syrupum ex albi sacchari lib. iij. totum istud immisce, in Retortam injice atq; lentè in *Balneo Mariae* Aquosam humiditatem distilla, usq; ad convenientem Consistentiam, tunc id ipsum serva pro multis variisq; affectibus in Medicina.

Balsamum Cinnamomi.

Fit in Europa Balsamum ad usus externos, quod satis cognitum est : Verum hic in Ceylonia Balsamum quoddam compono quod absq; ulla alterius pinguedinis additione, mirificè pulchrum est, continens in se ipso vires omnes *Cinnamomi*, viride est & fusile sicut Butyrum, & tam internè quam externè excellentissimos effectus producit à Semisrup. ad Scrup. i. atq; vel solus vel cum aliis rebus assumitur. Libenter ipsius præparationem vobis hic manifestarem ; verum quoniam res est maximi momenti pro Nobili Societate, cui sine dubio maximam jacturam afferret statim atq; nota fieret, eandem evidenter in hoc libro describere nolui.

Radix Cinnamomi.

Radix istius Arboris nobis adhuc per varias Medicinas offert quarum vires longè extenduntur. Cortex pro ut in se est excellentissimum *Alexipharmacum*, atq; *Sudoriferum* suppeditat in Morbis Venenosis atq; malignis. Dosis est Semidrach. ad Drachm. i. Per *Distillationem* & *Præparationem* exhibet

Gg 2

Aq.

*Aq. Camph.**Ol. Camph.**Camph. ex radice Cinnam.**Syr. Camphorat.**Sp. Vini Camphorat.**Bals. Sulph. Camphorat.**Tinct. Sulph. Camphorat.**Extract. Rad. Cinamom.**Præparatio.*

Recipe Corticum quantitatem sufficientem, iis cacabum adimplebis cui tantum Aquæ superaffundes quantum necessitas postulabit. Tunc distillationem institues, atq; Aqua simul cum Camphora egredietur. Camphora se se coagulabit in loco frigido & eandem separatim extrahere poteris, imò eam secundum occasionem subtilizare, quod certò modò, à vulgari magnopere discrepante, peragitur. Hæc ergo *Aqua* exquisitum est vehiculum in illis morbis quibus maligna qualitas inest. Usus ipsius externus optime convenit in Chirurgiâ dum eo linthea madida facta Tumoribus omnibus œdematosis & æquolis applicantur, Camphora quæ hinc provenit tantæ virtutis est, ut omnes alias Camphoras non ignoras, respectu subtilitatis, volatilitatis & penetrationis antecellat. Consistit in quodam *Sulphure Narcotico*, & *Sale Spirituali*, vel *Sale Volatili Oleoso*, vel *Alkali oleoso*, quod calefaciens atq; penes trans est, sudoremq; & Urinam expellit & eandem corrigit, partim dividendo, dissipando & emendando, partim Vapores præcipitando & obstructions aperiendo. Res medium istud vel solum assumi potest, vel cum aliis medicis commixtum. Dosis non major est quam 1. 2. 3. usq; ad 5 grana pro singulis vicibus.

Parem

Parem virtutem sed penetrantiorē atq; subtiliorem
obtinet Remedium subsequens:

Spiritus Vini Camphoratus.

Rec. Ol. Camph. ex rad. Cinnam. distil. ℥iij.

Sp. Vini ℥ij.

Impone ea in Retorta, & aliquot vices, illud per Alembicum cohoba, tunc paratum est. Dosis est gr. ʒ. ad semisrup. *Oleum* istud eandem ut dictum est, ac *Camphora* virtutem habet. Externo applicatum, magnas suas vires explicat in omnibus frigidis, viscosis, atq; oedematosis Tumoribus, eosdem dissipat, calefacit, incidit & resolvit, materiamq; disponit ad rarefactionem vel evaporationem & partes debiles corroborat.

Syrupus Camphoratus.

Istum eodem modo conficere debes ac *Syrupum Cinnamonum*, qui nonnullas *Camphoræ* partes habet, sed non adeo potentes. Multum intervire potest Chirurgiæ nec minimi usus est in Venenosis Vulneribus.

Balsamum Sulphuris Camphoratum.

Modus ipsum componendi talis est: sumendæ tibi sunt *Unciæ* nonnullæ *Florum Sulphuris*, quas in phialam immittes, & *Oleum Camphoræ* super injicies, quæ cum cocta fuerint, breviter sursum emittent Flores Sulphuris, dum autem phiala frigefacta fuerit, affunde clarum quod inest & ad usum serva, possidet enim virtutem duplicem in Morbis Venenosis. Dosis est gutt. iij. ad v.

Tinctura Sulphuris Camphorati.

Recipe, istius Balsami unciam j. in phialem injice,

Gg 3

cui

cui superaddes *Spiritus Vini Camphorati* Uncias iij. Colloca rem tuam in loco calido postquam rectè fuerit obelusa, tunc *Spiritus* Tincturam valdè rubram extrahet, quam separabis & ad usum servabis. Excellentissimum etiam remedium est pro morbis ac Vulneribus Venenosis. Dosis est gutt. ij. ad iij.

Extractum Radicis Cinnamomi.

Quando peracta est distillatio, remanet in fundo caccioli Liquor rubicundus qui pariter validissimus est, & evaporatus donec Extractum fiat, miras suas vires demonstrat in fluxu Ventris, & similibus Affectibus.

Ego exinde compono quoddam *Electuarium*, quod vice agniti *Diascordij*, in usum adhibui ipsumque multo fortius in istis Orientalibus Regionibus reperi.

Diascordium Spagiricum.

- Rec. C. C. Spagyr. præp.
 C. C. Ust. & præp.
 Oss. Elephant. calcinat. & præp.
 Gum. ex Arb. Bolang. an. ʒij.
 Terr. Sigillat. Cheilon. ʒij.
 Croc. Martis.
 Fol. Cinam. a. ʒj.
 Cinnamom. acut.
 Cortic. Rad. Cinnam. an. ʒiij.
 Opij Spagyr. præp. ʒij.
 Ol. st. Fol. Marmelle
 Bolang. an. ʒij.
 Extr. Rad. Cinam. ʒij.
 Syr. Cydon. Bengalenf. ʒiij.
 M. f. l. a. Electuarium.

Dosis ipsius est ʒj. ad ʒij.

Quando lignum istud per aliquod temporis spatium

jacuit & Cortex ab eo abscinditur contrahit odorem *Sassafras*, neq; contemnendus est ipsius usus ad omnigenas Concoctiones: potest etiam ex eo, sicut ex ligno Cinnamomi, Spiritus quidam confici qui sanguinem purificat, aperit & sudorem movet. Talia sunt quæ ex arbore Cinnamomi parantur.

Arbor Cinnamomi Sylvestris.

Quæ Canell. de Matte à Portugallis nomen habet, & Cingalis *Walkurundu*.

Radix ipsius Corticem præbet quæ præstantissimum est Alexipharmacum. Attenuans, discutiens, putrefactioni resistens, fermentum febrile præcipitans, & virtutem sudoriferam possidet.

Cortex ejus præbet nobis per distillationem *Sa*l quoddam *Volatile Oleosum*, quod Myrrha saporem ac odorem refert, & potentius adhuc est in supradictis Affectibus. Patitur solutionem cum Spiritu Vini; nec in variis morbis stomachicis minorem effectum producit quam Elixir Proprietatis. Dosis est gutt. v. ad semisrup. in jusculo carnis calido, vel in vino calido.

Aqua, locum pariter habere potest inter *Sudorifera* & *Alexipharmaca* remedia, sed utendum est ea cum Majore dosi.

Plura ex Laboratorio Ceilonico *Grimmii* nostri excerpere in præsentì non vacat. Inspiciatur ipse *Grimmius*, vel ejus Interpres *Pielat*, de cæteris, quæ in opusculo traduntur. In Cinnamomo specimen exhibere volui, specie nobis notissima.

XCII.

De Unguento Armario.

Ad

D. Joh. Lud. Hannemannum.

DOCTISSIMAS paginas, quas Unguento Armario impendisti, cum voluptate vidi. Sapiunt enim prolixam eruditionem, quam ad susceptum argumentum attulisti. Non immittebo me difficultatibus, quibus urgeri videntur, qui pro curationis hujus magneticæ certitudine pugnant. De his alibi actum memini, & tua penna feliciter expediet. Experimentis standum, quæ ubi sufficientes productæ fuerint, rem omnem convincent, & ad credendum invitos cogent. Multorum rationes nobis latent, quorum effectus oculis patet. Nec desperandum causas quoque; erui posse ab ingeniosis, qui lynceis oculis & mente sublimi naturam sollicitant. Pulverem Sympatheticum, Lignum Sympatheticum (quod ex Fraxino ut plurimum Martio Mense secto, quando succus est in cortice, desumitur), aliaque hujus commatis, quamquam simpliciora, eadem ad curandas plagas vi pollere, multis experimentis didici. Fateor, unguentum armarium expectationem nostram in primaria Urbis Matriona aliquando fefellisse. Ad pectoris potius ulcus commendabatur à splendido quodam Viro splendidis promissis. Cæterum cum magna diligentia miscuisset unguentum, nihil profecit irrito conatu. Quia alibi feliciter succedat decantatum remedium, nolui dubitare. Ego quidem hoc declinantis ætatis flexu perdidici spem, quæ me olim oblectabam, maloque credere oculis aliorum lynceis, quam causas vel investigare vel refutare. Ea laus Tibi aliisque servabitur, si quando benevolum Naturæ nutum nacti ad sacra secretiora admisi.

missi fueritis. Nihil labori pertinaci invium. Perrupit Acheronta Hercules labor. Annibal Alpes aceto fregit, h. e. magno exercitus sui molimine, quo hodieq; inexpugnabiles scopulos subruimus. Gratulor interim Naturæ Mystis, gratulor Tibi indefesso Naturæ amasio, quod omnis opera in eruenda Naturæ veritate impendatur. Applaudo benè meritis de Natura, & quanquam alterum pedem in tumulo habeam, non pigebit illa addiscere quibus ars servandi homines vel augetur vel illustratur. Perge, Vir Clarissime, orbem ingenii & doctrinæ Tux monumentis ornare, meq; amare, qui rude donatus, naturæ potius debitum exsolvere paratus sum, quam Naturam provocare novis experimentis. Sine pennis volare haud facile est. At meæ alæ jam pennas non habent.

Antequam finem Epistolæ faciam, tuo judicio expono Transplantationis exemplum, de qua olim inter nos actum memini. Fidem fecit Amicus quidam Magnus, Persicariis am dorso Equorum contuso applicatam deinde in profusentem projectam, sanare ulcus simplici curatione. Eadem est ratio scrofulariz, fabrariz & chelidoniz radice in abigendis scrofulis & sedandis hæmorrhoidibus. Vale, Hafn. Cal. Jul. 1678.

Testatur *Jac. Fabricius* Reg. Dan. olim Archisater in Schedis Mstis ad Crollium, quæ Bibliothecæ Academiæ legavit *D. Simon. Pauls* illius Gener, vidisse se qui cochleari novo, æneo, ligneo, aut argenteo recens sibi ab ægro febricitante ipso empto, die Veneris ante Solis ortum insculperet † con † summatum † est, & dicto tempore, vinum, cerevisiam, vel aquam, aliumve liquorem, super istas literas fusum, tribus vicibus, unum cochlear post alterum ebiberet, optato cum successu, neq; rediisse

Hh

fe.

febrem. Id vero quomodo operetur, ingenue fatetur, se nescire.

T. B.

EX literis D. D. *Hannemanni* XV. Nov. 1678 scriptis: De cura Magnetica socioſequentem hiftoriam, quam mihi *Franciſcus Heſporn* Med. Studioſ. retulit. Puellus XII. annorum in Weſtphalia in pago *Lillebach*, laborans Enteroccele, Variorum Medicorum conſilia ſecutus, multisq; medicamentis, ſed fruſtra, fatigatus, tandem ad hoc deventum conſiliũ, ter per arborem quercum fiſſam traheretur, ſicq; ſanatus perhibetur. Eandem curandi Methodum ſæpius in patria mea Friſia Orientali fuiſſe inſtitutam ſcio.

Claus Friſch civis Buxtehudanus iſtero laborans bis à me curatus eſt per Transplantationem, hocq; modo, ex ejus urina cum farina ſiebant placentæ, haſq; catiſ, canibus devorandas objiciebant domeſtici, hoc faſto vix ter repetito bis evanuit iſterus.

XCIII.

De Thermis Artificialibus.

Ex

D. *Joh. Danielis Majoris*

Prof. Medicin. Chilonienſis

Conſideratione Ferri Radiantis.

IN deſeſſæ diligentiz Vir, non Major, ſed Maximus vocandus, inter alia ingenii monumenta, nuperrimè *Slca-wigæ* 1679 in lucem dedit Experimenta varia elegantiffima de Ferro Radiante, mihiq; amicè tranſmiſit, cum

VO.

voluptate lecta. Illa occasione Cap. IV. digreditur ad Thermas novo artificio parandas, magno ægrorum emolumento, qui tanto Viro hecatomben debebunt.

Ut Acta nostra illustrentur hac accessione, pluribusq; innotescat artificium novum, grata in Cl. Majorem memoria, repetam hicea quæ ibidem breviter sed nervosè scribuntur & figura addita illustrantur. Ita verò ille:

§. 1. Antequam verò ulterius progrediar, ad considerandum porrò Effecta Naturæ reliquæ, quæ durante Ferri Igniti Radiatione, circa eandem se produnt, placeat ad §. 19. capituli præcedentis regredi, ubi Thermarum mentio facta est aliquæ, ac de Thermis tam naturalibus, quam artificiosis, hic quædam inspergere. De posterioribus autem his præcipue, quod quemadmodum pridem antea, in uno ac altero scripto, Inventionem earum promissi aliquam, ita Effectum ipsum quotidie expectat à Me, Illustris ac Generosissimus Dominus, Dn. Benedictus Bloam, Eques Holsæus, in Newenhoff, Kaltenhoff, Obendorff &c. hæreditarius Dominus &c: utpote qui jam ultra Annum, suisibus meis, ac in suæ Valetudinis gratiam, se induci passus, ut sumptibus suis omnis illa supellex conquiretur, quæ Operi futuro sit necessaria.

§. 2. Ad quam inter alia pertinent Retortæ Orichalcæ tubulatæ, (aliquot Gentium Librarum) quas ultra annum Fusori moroso (inuitatum laborem videlicet sæpius subterfugienti) præfiguratas, ab Ipso tandem paratas accepimus, & ante decursum Verni temporis hujus Struxturæ toti adornandæ accommodaturi sumus, si Deus eò usq; saltem Vitam incolumem largiturus sit.

§. 3. Horum Vasorum Inventionem, tam ratione

Figuræ,quam Modi,qvoad usum Thermalem convertentur, Mihi meritò modestè ac vero tribuo; atq; Retortis omnibus alii Tubulatis, hucusq; cognitis, Glauberi, Schröderi, aut Aliorum præferro, qvòd Experimentiæ edoctus sciam, in horum Autorum Retortis, vix posse per singulas Aperturas, declinari Expirationis, melioris spirituum partis periculum:

§. 4. Id verò dupliciter sum vitaturus, ut ex Figuris ambabus, in gratiam Lectorum appositis hic, liquere potest.




Figura I. enim Tubulus Retortæ supereminens, immobilis ac fixus, sesquiuincialis circiter cavitatis in Diametro exhibetur, duplici Epistomio præditus: quorum inf.

ferius (lit. B.) claudendum, dum certis vicibus tantum *Materia Mineralis* aut alterius per apertum superius *Epistomium* (lit. A.) immittitur, quantum in spacio inter medio capi potest. Ac *Epistomium* hoc superius de *ne* *tiam* claudendum est, & inferius aperiendum, ut *Materia* in fundum *Retortæ* decidat: indeq; & hoc clausum exactè, usq; ad tempus novæ *Interjectionis* persistet. Sic utrobivis avertitur *Exhalationis Spirituosæ* periculum. Summæ etiam *Aperturæ Alembicus vitreus* imponi potest, & ambo *Epistomia* aliquando obliquè verti pro lubitu, ad arguendum utcunq; quid à *Calore* supposito (aut claudescitino, etiam non flammeo) intra *Retortam* visui imperiviam, de injectâ *Materia* agatur.

§. 5. Contra, in alterâ Figurâ, *Tubulus* unico saltem *Epistomio* (lit. C.) instructus conspicuus est, isq; non ut prior, cum mole *Retortæ* continuus, sed infertilis per *Tubulum* inferius fixum breviorē ac crassiorem: quiaambo, in loco commissuræ mutæ (lit. D.) cingulolato, glutine intermedio, & clavis ferreis heliciformibus firmantur, ita ut *Materia* supernè per unicum saltem *Epistomium* (lit. C.) transire habeat; nec tamen ut spero, spirituum fusa hinc sit facilè timenda, nam *Tubulus* totus mobilis, aliquanto profundius, ultra medium *Retortæ* demittitur, in qua regione spirituum modestior, quam supernè sub fornice. *Motus* est.

§. 6. Id verò celare quoq; Veritatis amore, non possum, ab uno quodam alio potius, quam *Exhalationis spirituosæ*, mihi metuere periculo. Dum enim *Nova* quadam ratione, *Spiritus* è *Retorta*, non in *Receptaculum vitreum* clausum, sed liberè ac viribus integris in *Aquam lavacri* (simplicem, aut seorsim etiam rebus destillationi ineptis medicandam) debet transvehi, certissimum est,

& tum ex Regulis Hydraulico Pyrotechnicis, tum Experimento ipso, per vitream Retortam facto, novi, Aquam per insertum sibi Rostrum Retortæ ascendere, illudq; obturare, quamprimum illa utcunq; refrixerit, ad occupandum spacium Aëris, ab Igne rarefacti. Sed & huic incommodo faciliè erit medela quædam Mechanica parabilis.

§. 7. Veteres Romani per Thermas suas sumtuosissimas, munditiei & curæ corporis destinatas, in grande quoddam cum Natura certamen descendere sibi visi sunt: sed dum amplius nil, in totâ istâ structuræ magnificentia, cum Aquis suis effecerunt, quam ut Lympham meram, hinc frigidam, alibi tepidam, alteribi calidiusculam aut calidissimam & sic obsequas quasi Nymphas nudas ac Veneres, ad nutus undiq; haberent; ne plenè quidem ad genium Naturæ imitandum evecti sunt, tantum abest, ut ipsam vice, rint, cum Thermarum naturalium materia alioqui generabilis sit hæc! Non Aqua solum, Hominem proluens, cum Aurâ calorificâ, quæ actuat liquorem; sed utriq; præterea junctum sulphur bituminosum quoddam olidum, plus minus balsamicum, aut nervosis Partibus proficuum, cum Recrementis metallico mineralibus plerumq; , ipso Gustu ac alio modo dignoscendis.

§. 8. Novissimis his nostris seculis dein Frizimelicæ, in Patavino Gymnasio Medicus præclarissimus, brevem quendam de Thermis, Arte parandis, libellum scripsit, à diligentissimo Rhodio editum postea: sed totares, tam penes modo dictum Autorem, quam Andr. Baccium (in majusculo suo de Thermis Volumine) ac subsequos alios, ad sudatorium præcipue aliquod Vaporosum commune, Insesum, Irrorationem, aut Lavacra similia, torius aut parcius Corporis, adhibita Aqua simplici, aut cum Herbis mollis

mollientibus, relaxantibus, adstringentibus, discutientibus, anodynis, confortantibusve coctâ, aut Hydræleo, Oleo, Vino, Aceto, ipsove Animalium lacte calido & sanguine, excurrit; rarâ pene cogitatione de Metallorum Extinctionibus habitâ. Omnium minimè verò, quod sciam, ad Incalescentias Laticis, sine Igne procurandas, aut medicatum calorem mineralem, per Tubulos destillatorios in Balnea derivandum, vel somnio sunt des lapsi.

XCIV.

Anatome Ciconiæ.

D. Oligeri Jacobæi.

R Aram in Italia avem, temporeq; Aldrovandi nunquam visam, Florentiæ inspexi ut negatam à Plinio lingvam gyrumq; intestinorum sectio monstraret, aliaq; collatis quæ in Hafniensi factæ, observationibus, viscera innotescerent.

1. Abdomine aperto, cavitates duæ conspiciuntur per membranam intermediam secundum longitudinem abdominis divisæ, quarum quælibet suum hepatis lobum inclusit, parte mediâ ventriculi intra cavitatem dextram delitescente. Est sub ventriculi regione cavitas tertia, quæ cum altera ventriculi parte intestina omnia includit. In medio cavitatis hujus intestinum quoq; rectum conspicitur, cum membrana sua, quæ mesaræum dici poterit. Intra eavitatem eandem renes quoq; cum uretibus latent sub membrana particulari. Vidimus in mesaræo tria vasorum genera, quorum unum nervosum forsitan est, alterum sangvineum manifestè & fortasse arteriosum,

sum, tertium remotissimum, quod latius actenuius, forsitan venosum, licet humorem icerosum continens.

2. Ad latera cavitatis hujus tertiae, quarta quoque & quinta, in latere quolibet una, conspicitur cavitas secundum totam longitudinem abdominis extensa. Patet è pulmonibus foramen insigne, pennam anserinam admittens, in quamlibet harum cavitatum, licet pars reliqua pulmonum à cavitate hac per intermediam aliam sit divisa.


3. Supra cavitates has laterales ascendendo & quidem in latere dextro, cavitates tres usque ad latus cordis se invicem excipiunt, quarum inferiores duæ quo loco per intermediam in pulmone dividuntur vel foramina duo contigua habent vel foramen idem mediante membrana in duo discescunt. Tertia cordi & œsophago proxima membranae alterius ope à pulmonibus dividitur, quæ plures cavitates parvulas efformat, substantiæ pulmonum spongiosæ foramina plura admittentes.

4. Gyri intestinorum & anfractus copiosi satis, quicquid negaverit Plinius, qui per rectum alimentorum ductum, sine ullis circumvolutionibus, deglutitos serpentes exire dixit.

5. Czca duo, ut in avibus plerisque, valdeque exilia & quatuor ab ano digitis vix remota.

6. Vermes in stomacho inventi Erucis similes. In alia à se distincta, ductum totum alimentorum Erucis & bombycibus infarctissimum, spectaculo raro, se vidisse retulit Anatomicus Florentinus, Stephanus Lorenzini, amicus magnus. Ranas in primis ac serpentes devorat hæc nostra, ut, quemadmodum ubique terè locorum, in Thessalia præcipue, serpentum feracissima, magno semper in honore ac ab injuria sclopetorum tuta extiterit cum
ser.

FIG. 1.



serpentes devorando multum mali Thessaliæ detrahat. Unde ciconiæ interfectorem æquæ ac homicidam, capite plecti à Plinio narratur Hist. Nat. lib. 10. c. 22.

7. Perforat extremitatem pancreatis ductus hepaticus, qui communi cum cystico insertione gaudet.

8. Ductus pancreaticus digitorum plurium interstitio à bilariis distans ventriculoq; vicinior.

9. Lingva, à Plinio negata, brevis valde & exilis intra rostrum longissimum delitescit, ex cujus inter se collis partibus instar crotali sonum edit, quo apud quosdam glotterare nomenq; inde Crotalistræ adepta creditur.

XCV.

Lingvæ Pici Martii structura mirabilis.

Olig. Jacobæi.

Quemadmodum in creatis aliis Creatoris summi natureq; artificium elucet, ita in avicula hac, lingvâ in primis musculisq; inservientibus expensis, curiosis se offert quod oculos intuentium animumq; in stuporem rapit, naturamq; in minimis totam & Architecti polydædali sapientiam testatur. Quare, ut fabricam illam mecum alii admirentur, figurisq; ac intuitu potius quàm verbis erudiantur, ita singula adumbravi.

Fig. I.

A. Lingva longissima è rostro exerta, quæ in situ naturali brevior ac complicata, quemadmodum ferè in Chamæleonte. Extremitas acutissima est & cartilagine munita quâ, rostro arboribus perterebratis, vermes culisq;

cesq; extrahit, unde arbores cavantem picum Plinius nominavit, *δεῖροχοκάπτην, ξυλκάπην, δρυκάπην* Aristoteles, *Πελεκάν* alii, *καὶ τὸ πελεκάν τὰ ξύλα;* à perforandis lignis. Unde Albertus, *quædam*, inquit, *aves linguam habent compositam, posterius ex carne, anterius ex cornu acutissimo, sicut picus niger qui infigit ligno linguam pugnandoq; vermes extrahit.* Idemq; de animaliali à Petro Martyre memoratut, cui formam rostri mirabilem, dodrantalis magnitudinis, acutissimamq; tribuit, & oris loco in cuspide foramen per quod linguam longissimam in cubilia formicarum intrudit. Extremitati lingvæ avis memoratæ gluten adhæret, quo capta præda fortius irretitur, idemq; in lingua Chamæleontis, qui muscas venatur, apud Illustrem Botanicum Leydensẽm, Arnoldum Syen, me vidisse meminì.

B. Rostrum superius.

C. Rostrum inferius.

D. Musculorum linguam moventium dispositio mira, qui ad occiput usq; extenduntur, totumq; capitis verticem, per cranio insculptum sinum, supergressi ac velut in glomum involuti in partem rostri superioris dextram (E) inferuntur, ut per ambages longos, ceu missile telum, linguam extendant.

F. F. F. Musculi arteriæ asperæ (G) ad basin lingvæ tendentes fasciæq; instar, spectaculo raro, revoluti ac se invicem interlecantes, omnem superant admirationem.

H. H. Musculi recti ad interna thoracis parte enati ad linguam tendentes.

I. Cranio insculptus sinus; cui incubuerunt musculi linguam moventes. K. K. portiones duræ si dem imitantes.

Fig.

Fig. II.

A. Lingva.

B. Musculi arteriæ asperæ, fasciarum modo, circumvoluti.

C. Rima epiglottidis.

D. Oshyoides

XCVI.

*Anatome Piscis Centrines Italis Pesce**Porco.**Olig. Jacobæi.*

1. **C** Utis crassissima est & asperrima, brevibusq; & innumeris aculeis inhorrescens, coloris fuliginici; corpus à capite ad caudam figuræ triangularis.

2. Caput exiguum ac depressum.

3. Pone oculos foramen, hians in cavitatem oris, quod pro aure à nonnullis habetur.

4. Rostrum, parte superiore, planum multisq; hinc inde pertusum foraminibus.

5. Dentes acuti & triangulares, utrinq; ferrati; figuræ glossopetræ dentiūq; canis Carchariæ à Stenone descripti. Dubia res an glossopetræ ab Autoribus memoratæ dentes sint piscis hujus an terræ producti lapides, cum partibus animalium similia corpora, è terris eruta, de gentium in iis locis animalium spolia cum Stenone credant nonnulli; alii sine animalium concursu ibi in terra producta. Nec ambigo quin litem illam diremerit Bartolinus celeberrimus in dissertatione de Glossopetris Melitenfibus, à Vulcano erepta.

Ii 2

6. Sep-

6. Septem in maxilla superiore dentium ordines, qui obferiem confulam vix numerandi; licet microscopii ope ultra quadraginta viderim. Ordines quinque in maxilla inferiore, quorum prior sursum vergebat, reliqui deorsum, mollique ac fungosa gingivarum carne ita circumsepti, ut, nisi resectis gingivis, oculos effugerent.

7. Pinna, capiti vicina, è dorso surrigitur, aculeo armata, quam venenum fundere Oppianus dixit. Cauda in pinnam degenerat parte inferiore latam, superiore acutam; Ex surgente in dorso aculeo *Κεντερίν* appellatur seu Galeus aculeatus cum duo canum genera in Galeos & Centrinas Ælianus dispeciat. Male aliis Centrina, quæ partim vipera, dipteras appellata, partim culex apud Theophrastum.

8. Stomachus, ductu recto, velut in ranis, protensus ac quasi œsophagus amplior quem intestinum longissimum comitatur, gyris destitutum. Sub finem hujus appendix visitur, cæco intestino similis.

9. Lien quasi in lobos binos divisus; quorum dexter tenuis & oblongus, sinister crassior. Duplicem lienis lobum in aliis vidit Fr. Rhedi, & in cane Calp. Bartholinus Th. f.

10. Bini hepatis lobi longissimi, oleo referti, quorum unus latus abdominis dextrum alter sinistrum implevit, ad anum usque protensus. Cum præstantia olei ex levitate innotescat, mixtum hoc cum oleo olivarum, amygdalarum dulcium, generoso illo quod di Pesca appellatur, superius semper innatavit. Cum spiritu vini rectificato in fundum subsidit. Utracumque in Medicina usum, quem ex hepate fixo collectum, ad durities emolliendas mor-

Fig. VI.




Fig. VII





BIBLIOTHECA MUSEI
ROMAE
HISTORIO NATURALIS

Obs. 97. Vol. 5

Fig. III.



Fig. V.



RECEIVED
JAN 19 1872
LIBRARY

107

Figura Torpedinis
Fig. I.

obs. 97. Vol. 5





FIG. II.



morbosq; articularum sopiendos præstat, autore Ron-
deletio.

11. Ovarium duplex. Gyriooviductus innumeri ac
circumvolutiones stupendæ, quæ cordis regionem super-
gressæ, velut ingulam tendunt; iidemq; in Rana, Salas-
mandra, Torpedine anfractus visi.

XCVII.

*Anatome Piscis Torpedinis motusq; tremu-
li examen.*

Olig. Jacobæi.

INter alios Pisis in Italia Liburnoq; dissectos pisces, al-
latus ille, quia stupore, quem infert, Torpedo appella-
tur, jussuq; Principis Florentini, ut causâ tremoris inno-
tesceret, ferro destinatus. Quæ ergo cum Anatomico &
amico magno Stephano Lorenzini visa, ita calamo sig-
navi.

1. Cum referant Scriptores piscem Torpedinem,
si manu tangatur, tremorem inducere, somnumq; ac for-
micationem, factis imprimis rei experimento, veritatem
deprehendi, manibusq; constructus piscis ita auxit dolo-
rem ut brevi temporis intervallo brachium totum hume-
rumq; invaderet & cubitum ipsum quasi fuisse percuteret.
Dolor manuum pungens fuit & acutus qualis ab acicula-
rum punctura, tremori junctus; factumq; in aliis experi-
mentum nec me nec testes rei oculos, Nicolaum Steno-
nem, Franciscum Redi, Christophorum Bartholinum,
Stephanum Lorenzini, unquam fefellit. Quod è lon-
ginq; operetur vis illa narcotica, ut referunt piscatores,
hastamq; vel baculum ad motum & funem retis pertranscât

manumq; invadat , vix credo , cum facto à me experimento baculoq; corpori admoro nil tale obtigerit , nisi verba fecerint antiqui vel de Torpedine quæ mare adhuc incolit vividaq; , nec dissipata ob mortis viciniam, virtute, fortius operatur, ut putat Redi, vel, præter Italicam, in mari alio degentem , virtuteq; diversâ ac potentiore , quemadmodum de animalibus notum quæ in regionibus aliis veneno turgent, in aliis exarmanantur. Rem nostram illustrat historia Boylæi, quam, habito de similibus sermone , mihi retulit Londini de Torpedine Africana, quæ piscatorem quendam , qui in littore constiterat piscemq; memoratum præternatantem hastâ percusserat, ita narcosi oppressit ut doloribus excruciatu mortuiq; ferè vicinus in terram procumberet; accurrens, re visâ, alius miserumq; , ut humi levaret, apprehendens fatum idem expertus est membrisq; tremantibus & quasi contagione alterius infectis humi procubuit ; ut effluvia illa & miasmata venenata ex Africana potentius quàm Italica Torpedine emanent , & è corpore uno in aliud contagione insinuentur. De veneno Serpentum Virginie, quod potentissimum , simile quid narravit laudatus modò Boylæus, qui hominem quendam vulnera alterius, à serpentibus læsi, curantem lotioq;, ut mos est istius regionis, abludentem, veneno eodem quo vulneratus , correptum subitoq; extinctum dixit; ut serpentum Virginie virus, velut effluvia Torpedinis, latius diffundi & per contagionem serpere videatur.

2. Maximus invasit dolor, ubi tactus in lateribus piscis manibusq; fortiter constrictus, eo inprimis loco, quò substantia fungosa ex fibrarum genere coagmentata apparet. Colliguntur in fasciculum canales memorati & quò propius ad latera cranii ascendunt, eo numero auctiores.

3. Cor.

3. Conſpectiora duo illorum genera, quorum craſſius unum, quoad ductum & parietes, tenuius alterum. Fibrae craſſiores, quae pennas anſerinas aequant, mollesq; & albicantes, in latere utroq; ductu perpendiculari, inter ſuperiorem inferioremq; corporis tunicam meantes, fibris tranſverſis invicem ſeparantur nervoſq; è tranſverſo accedentes recipiunt; ut motrices ideo à Stenone appellantur. Limbo illarum globuli affixi ſeu veſiculæ pellucen-tes, quæ coloris ac ſubſtantiae cum fibris ejusdem. Fungi glandularum vice humoremq; unctuoſum, ceu cribra, ſecernere, cum vaſa ad eas ſanguinea ferantur, quodammodo apparet.

4. Fibrae tenuiores à limbo extremo verſus interiora feruntur. Extremitas una, caudam reſpiciens, foramine patulo cutem perforare viſa, altera ſuperior loco eodem modoq;, quo fibrae craſſiores, terminantur.

5. Oculi parvi partiq; ſuperiori inſerti. Quatuor in Torpedine quodam vidit Borrichius, humoris chryſtallini ſubſtantia triplex à Stenone inventa; uerè figura illa quæ claudere pupillam poſſit, cylindrus cartilagineus durus oculiq; globo firmiter adhæreſcens.

6. Hepar in lobos duos diviſum, qui in baſi gracileſcentes ſupra ſtomachum junguntur. Color hepatis in diverſis varius, jam grifeus, jam pallidus, modò rubellus. Modo ferè eodem lobos hepatis gracileſcentes ſupra ſtomachum uniri in piſce, qui Capo appellatur, figura demonſtrat.

8. Folliculus bilis magnitudinis inſignis, exactè rotundus, coloris viridiſſimi; in cujus ſuperficie convexa vaſa ſanguinea intenſiſſimè rubra conſpiciuntur.

9. Stomachus vaſtus, intus rugoſus, in quo piſcis integer inventus quem turdum appellant. Rictus Torpedis

pedinis amplius est & diductus, piscemq; integrum & illæsum facile transmittens. In stomacho papillæ vitæ, quasi solventis humoris vasa.

10. Intestinum jejunum, quemadmodum cæcum in Struthione, lepore, cuniculo, fabricâ eleganti interiore cochleam effingit; idemq; in intestinis rajæ, piscis palumbi, canum marinorum viderunt alii.

11. Rectum intestinum crassitie insigni, & ante exitum, tantillum reflexum, quo loco portiuncula quædam intestini cæci apparuit.

12. Branchiæ utrinq; in lateribus quinque. Sunt velut lamellæ carnear in vicem compaginatæ, ab ossibus incumbentibus dependentes, & à circulo medio seu foramine ad limbum exteriorem extensæ. Quinq; foraminibus branchiarum internis quinque in cute externa respondent, quæ ingestam ore aquam rursus, ut opinor, egerunt pulmonesq; ab excrementis depurant, similemque ferè figuram monstrant quam stigmata seu foramina illa ovalia, pro accessu aëris & recessu, in insectis conspicua.

13. Cor auriculis binis instructum, licet in Experimentis Naturalibus unicam ei Redi attribuat. Motus cordis validissimus digitorumq; ad motum vi summâ attollens. Vasa coronaria eleganter conspicua. Iteratum à me experimentum Viri sagacissimi, Francisci Redi, voto respondit, qui corpori Torpedinis extractum cor omniq; vase sanguineo liberatum, spatio horarum septem vivere ac palpitare deprehendit, corpusq; reliquum piscis, corde evulso, per tres horas continuas signa motus sensusq; evidentissima monstrare; quo utroq; omnium ultimò cauda destituta est.

14. Juxta exitum ani, exitus quoq; oviductuum, qui per membranam seu fimbriam supra stomachum uniuntur,

untur, quo loco ad latera stomachi foramini patula conspiciuntur.

15. Ovaria posterius hepatis utrinque adhærescunt in quibus hydatides quasi seu vesiculæ aquosæ apparuerunt. In torpedine minore oviductus prope exitum valde dilatatos vidi sacculosque binos, aquâ glutinosâ plenos, efformantes. Sacculos ita formatos crediderim quod Torpedo illa vel ova jam pepererit, vel brevi reciperet. In majore alia sacculi inventi, magnitudinis insignis, quibus ova octo inclusa, coloris sulphurei, figuræ circularis, mutuaque à contactu compressione, placentularum instar, planæ ac depressæ. Oviductus, velut in ranis, gyris innumeris & anfractibus tortuosi, in quorum cavitare humor fluctuabat, vitreo in oculis humori non dissimilis.

16. Foramina bina pone oculos in ostendentia sequeque aperientia.

17. Maculæ quatuor nigricantes, in nonnullis quinque, dorso aspersæ, quarum oculi ab Autoribus vulgo appellantur. Lateribus caudæ appendices rotundæ duæ adhærescunt.

Explicatio figurarum Torpedinis.

Fig. I.

a. a. a. portio cutis abscissa.

b. b. fibrarum fasciculus.

c. c. Extremitates fibrarum, quarum versus cranium copiosiores.

d. d. Globuli seu vesiculæ pelluentes.

Fig. II.

a. a. Lamellæ carnes branchiarum.

Kk

b. circ.

- b. circulus seu foramen medium.
- c. Limbus seu margo exterior.
- d d d d d. foramina parti internæ branchiarum respondentia.
- e e e e e. foramina in cute externa.

Fig. III.

- a. Cor Torpedinis.
- b. auricula dextra.
- c. auricula sinistra.

Fig. IV.

- a. Oviductus, cum suis anfractibus.

Fig. V.

- a. Ova Torpedinis.

Fig. VI.

- aa. Lobi hepatis.
- b. iidem in medio gracilescentes.
- c. folliculus bilis.
- d. ductus Cysticus
- e. concursus ductus cystici cum ductu hepatis.
- f. insertio in intestinum.
- gg. duo ductus hepatici sibi occurrentes in K.
- H. Insertio ductus hepatici in intestinum.
- I. Alius ductus hepaticus ductui cystico (d) occurrens in medio (c).

Fig. VII. piscis Caponis hepar, partesq; cæteras ostendens.

aa. Stom.

THE NEW YORK PUBLIC LIBRARY


ASTOR LENOX TILDEN FOUNDATION

1891

obs. 98. Vol. 5

FIGURÆ LAMPESTRÆ

Fig. I.



obs. 99. Vol. 5.

FIGURÆ SCORPIONIS.



Fig. I.




Fig. III.



B

Renes canini.



Obs. 106. Vol. 5

BIBLIOTHECA MZ.
P. 1011A
VITRARIUM MANTIC.

aa. Stomachus.

b. intestinum rectum.

dd. duo hepatis lobi, qui in medio

(e) velut in Torpedine, gracilescentes supra stomachum uniuntur.

f. vesicula bilis.

g. ductus Cysticus.

hh. ovaria.

I. locus, ubi oviductus supra stomachum uniuntur.

K. Lien.

L. pancreas.

XCVIII.

*De Lampetra ejusq; pulmonibus, &
Angvilla.*

Olig. Jacobæi.

1. **O**S, velut in hirudinibus, rotundum & excavatum, dentibus acutissimis circumseptum, quo lignum lapidemve ita fortiter apprehendit ut sugere videatur objectoq; suo, cucurbitularum instar, agrè avellatur.

2. Quatuor sunt dentium ordines, quorum infimus limboq; extremo vicinior dentibus septem; secundus & tertius quatuor, utrinq; in lateribus; superior binis grandioribus armatur. Dentes ipsi acuti & hamati. Viginæ circiter ordinibus distingvi Gesnerus vidit & tanquam à centro ad circumferentiam digeri, ordinibusq; singulis ternos, quaternos, senos inesse.

3. In parte capitis superiore fistula seu foramen

Kk 2

pà,

patulum, velut in cetis ac balænis, per quod bullulæ exire visæ.

4. Septem utrinq;, infra caput, lateribus insculpta foramina, totidem tubulorum extrema, qui in fasciculum coagmentati, numeroq;, in unoquoq;, duodecim vel quatuordecim pro branchiis habentur, haustamq;, exterius aquam rursus emittunt. Oculi antiquis appellantur, nomenq; inde Regenaugen, cum novem numeraverint, sortitus piscis.

5. Oleo inunxi foramina prædicta, Malpighium imitatus qui in bombyce insectisq; aliis talia tentavit, ut obstructis oleo pulmonum orificiis, illitæ partes motu destituantur aerisq; impedita ventilatione animal suffocetur, sed fecellit in lampetra experimentum, ob foramina, ut puto, ampla nimis & diducta, quæ ab inuncto oleo ita occludi nequeunt, ut ingressus aëris planè denegetur. Cera ergo liquida, quæ oleo tenacior, foramina inunxi motumq; inde pulmonum, à cerâ impedito aëre, manifeste diminutum, rursusq;, cerâ ablata, insurgentem cum voluptate aspexi.

6. Corpus juxta fauces bifidum, motum ostendens, supra quod corpus aliud carnosum maculis duabus oblongis & nigris ad latera insignitum.

7. Hepar oblongum, cæruleum, lobi unius.

8. Cor sub branchiis & foraminibus reconditum hepaticum; immersum, & involucri suo seu pericardio, duro ac cartilagineo, inclusum.

9. Unicus ab ore ad anum ductus longissimus, nullis gyris aut voluminibus inflexus.

Quæ in angvillæ capite cum Nicolao Stenone obiter visa, cum familiæ illius lampetra annumeretur, hic adjicere quid vetat?

1. Caput angillæ à trunco reliquo resectum, levissimâ quavis irritatione, ultra horæ spatium motum ostendit, idemq; in capite resecto G. yllotalpæ per biduum continuatus.

2. Cranio diffracto, quotiescunq; meninx dura, tantillum vellicata, in musculus capitis mox motus convulsivus, oppidò manifestus, apparuit.

3. Variæ in cerebro eminentiæ conspectæ, quæ à parte posteriore, ut distinctius agamus, recitandæ; ubi primò cerebellum, sub quo ad latera ventriculi quarti corpora bina grisea apparuerunt. 2. Eminentia duæ albicantes, unde nervi optici exiëre, quæ parte superiore, ubi cavitas manifesta, sine sectione à se mutuo separari poterant. Corpora hæc visâ natibus testibusve forsan analogâ. 3. Eminentia duæ, coloris grisei, per filamentum albicans transversum cohærentes, per quas cum filamentis reliquis nervosis antrorsum pergentibus cohærebant radices albicantes variè dispersæ.

4. Binæ aliæ protuberantiæ rotundæ griseæ unde orta substantia medullaris filamenta duo retrorsum ad reliquum cerebri corpus propagavit.

5. Binæ adhuc minutæ griseæ unde filamenta nervosa antrorsum.

6. Inverso quoq; cerebrotubercula duo grisea apparent, unde fibræ nervosæ in cerebrum ascendentes, unum quoq; intermedium, sed rubicundum.

7. Ventriculus tertius & quartus ampli satis & insignes, quorum hic longè infra cerebellum per mediam spinalem medullam descendit.

8. Glandula pituitaria figuræ elegantis ac superficie superiore margaritæ perforatæ æmula, speciem foraminis exhibente substantiâ griseâ quæ infundibulo continuatur.

parte anteriori libera est, posterius partibus lateralibus matris duræ adhærescens.

Explicatio figurarum Lampetræ,

Fig. I.

a a a a a. foramina, seu orificia pulmonum, oculi à vulgo appellata.

b b b b b. branchiæ seu tubuli pulmonum ad ostia singula tendentes.

Fig. II.

a. Corpori juxta fauces bifido superincumbens corpus carnosum, corpusculis nigris oblongis (b) insignitum.

XCIX.

De Scorpione Observationes.

Olig. Jacobæi.

Missi ab Italo celeberrimo Francisco Redi Scorpiones, cum in Italia essem, cultroq; ac microscopio subjecti, ita singuli patuerunt.

1. Fæminæ maribus majores & nigricantiores, maiores rubelli, colore ferè piscis minutuli, Sqvilla appellati.

2. Bini oris forfices, qui in medio dentati & in longum exprorecti.

3. Dorsum annulis septem compaginatur.

4. Quatuor utrinq; pedes, extremitate furcatâ, chelis seu acetabulis cancrorum & gammarorum non dissimiles, nodis quatuor seu articulis distincti & instar cornu flavescens.

5. Vena

5. Ventri commissuris quinque; compaginato lamellæ binæ, quasi ferratæ, adhærescunt, crenis seu incisuris orato utrinque; insignitæ quas ambulans scorpio, quasi totidem instructus alis, perpetuo distendit.

6. Vertebræ seu spondyli sex caudam distinguunt, in medio cavitate conspicua limbisque utrinque; dentatis, quorum posterior aculeo armatur grandi & uncinato.

7. Apex seu acumen aculei durum valde & crustosum, an pertusum, microscopio armati oculi vix assequi poruerunt, ad stipulante quoque; Eliano aculeum Scorpionis adeo insensibiliter perforatum ut aciem oculi vel acutissimam, eludat. Cuspide tantum velut acu ferire Scorpionem Galenus dixit sed experientia refragante, cum guttulam inde expressam vulneribusque; post ictum immittam sæpius observaverim.

8. In spondylo seu articulo caudæ extremo vesica latet, quæ ictu Scorpionis compressa venenum ejaculatur. Res ferè similis vesiculis minutis microscopio Hookeii in urtica detectis liqore urente & corrosivo stagnantibus, qui per spicula annexa, syringarum instar viam in cute aperientia succumque; plantæ pungentem derivantia, per compressionem vesicularum exstillat; ut apes, vespe & insecta cætera spiculis infensa omittam quorum admixtus succus partibus nervosis sensibilibus, velut ex commixtis apud Chymicos humoribus, ebullitionem creat & effervescentiam, porosque; sibi minus convenientes inveniens, instar aquæ fortis partes sensiles vellicantis, dolorem pungentem & lancinantem causatur. Dentes serpentum Indiæ vesiculis tegi medioque; dentium insculptam crenam, per quam transit venenum, apud Illustræm The-

venothium Parisius se vidisse mihi retulit celeberrimus noster Olaus Borrichius.

9. Vertebra seu spondylus quintus aculeum antecedens, cæteras omnes longitudine vincit, globulusq; caudæ ultimus fistulâ aculei, ut mihi apparuit, duplicata ac nonnihil inflexa, in extremitate armatus, quem Plinius dentem appellavit.

10. Cum ambulat Scorpio transversim se infert caudamq; arcuarim inflexam supra dorsum attollit quoties iectum minatur, unde in Fastis Ovidius.

Scorpius elataæ metuendus acuminæ caudæ.

11. Cum infecta reliqua, quantum mihi innotuit, Ova deponant, Scorpiones soli vivipari sunt foetusq; vivos ac in specie sua perfectos pariunt, quod & Plinio c. 35. libr. 11. & Eliano c. 20. l. sexti jam pridem innotuit. Foetus ipsi nive candidiores, figurâ nucis avellanæ vermiculus, aspectu primo, non dissimiles, qui in aperta fæmella modo triginta, modo plures vel pauciores sæpius inventi, si loq; oblongo dependentes, quod ante me vidit sagacissimus Rhedi, & membrana tenuissimâ vestiti, in qua scorpio unus ab altero, mediante septo fili tenuissimi æmulo, manifestè distinctus. Vidi præterea, sine ope microscopii vestigia oculorum, punctis duobus nigricantibus notata, & ut naturæ providæ solertia tot in angusto corpore foetus commodius hospitentur, caudam, quæ in longum aliàs exposita, sub ventre reflexam, chelasq; ac forfices infra caput depressas corporiq; agglutinas.

12. Majores ex regno Africa Tunetano exsiccatos mihi Steno monstravit, coloris ex viridi flavescentis & instar ambraæ pellucidi, ubi partes singulae exteriores accuratius conspectæ.

13. Cum

13. Cum inter antiquos sit, cujus jam non occurrit nomen, qui spatio certo inclusum Scorpionem seipsum interimere ait si tentatus exitus denegeretur, cepit me rei experiendæ voluptas, & scorpiones plures spatio satis amplo commisi, prunis, nè elaberentur, candentibus circumjectis, vidiq; non sine stupore bestiolas memoratas, postquam quæ sitò diu exitu hinc inde cursitassent, post gyros pauculos dorsoq; infixum spiculum seipsas interimere, teste rei præsentis Confobrinò nobilissimo Casparo Bartholinò Th. f. Quædam interim, eo quo tentatum experimentum, tempore non occurrens, mihi orta suspicio de Scorpionibus memoratis numnè à prunis circumjectis, quas in fuga attigerint, ustulati tandemq; convulsiones passi, in memorato corporis situ, expiraverint; quod aliis Naturæ Secretariis, quibus copia Scorpionum, hic mihi denegata, suppetit, investigandum relinquo.

Delineatio Fig. Scorpionis.

Fig. I.

- aa a a a a a a a. membranzæ foetum involventes, ut in microscopio apparent, instar crysalli pelluentes.
- b. septum foetum unum ab altero distinguens.
- c. foetus rudimenta.
- d. flexus ad latera oblongus, quasi tuba vel oviductus.

Fig. II.

- aa Oculi, in foetu quàm in adulto conspectiores.
- b. chelæ infra caput depressæ & corpori agglutinatæ.
- c. cauda sub ventrem inflexa.
- d. Annuli corporis satis conspicui.

Ll

Fig.

Fig. III.

- aa. Lamellæ ferratæ sub annulo primo ventris.
b. in medio cavitas.

C.

*Serpentum & Viperarum Anatome.**Olig. Jacobæi.*

IN vesica ad dentium viperæ radices humor flavescens, quem Rhedi venenatum, Charras Parisiensis innoxium proclamavit, cum in irritatis saltem spiritibus, consistere venenum putet. Liqvozem autem flavescentem, dum Spiritibus iisdem earumq; activitate animatur, ac potentius fermentescit, venenatum fieri quid obstat?

2. Dentes vesiculæ inclusi, quasi canini minores, radice molli maxillæ adhærentes.

3. Cerebrum tunica nigra investitum. Crassa illius substantia circa ventriculum quartum.

4. Paria duo tuberculorum, quorum griseum unum, albicans alterum in cerebro apparent. Ab hoc pari supra ventriculum quartum expansio; inter primum ac secundum par in basi media foramen.

5. Nervi optici sibi mutuo adhærescentes.

6. Pupilla ex arcibus duobus conflata, quorum anguli horizonti perpendiculares.

7. Humor crystallinus exactè rotundus.

8. Fabrica arteriæ asperæ rara & elegans, medium saltem annulum constituens, reliquum cavo pulmonum continuum, in quibus loculi varii alveolis favorum non dissimiles.

9. Unicus cordis ventriculus mihi visus ut & auricula

cula unica. Varii in corde sinus, carnea valvula auriculæ præfixa.

10. Sangvis venarum bullulis refertus.

11. Ovarium duplex. Oviductus gemini & suum cuilibet orificium distinctum.

12. Costarum levatores admodum insignes.

13. Fibræ inter costas exterius à parte posteriori versus anteriora descendunt; interius verò à parte posteriore versus anteriora ascendunt, ubi costas plures transiunt. In vertebra interius à medio versus latera descendunt.

14. In capite, non modo dentibus munita ossa mobilia, sed & pars anterior narium cavitates continens. Dens ille mobilis partim cranio, partim ossi alteri, quod mandibulæ inarticulatur, annexus.

In Vipera foemella.

1. Corpuscula duo in cauda admodum exilia, quorum extremitas superior, largior aliquanto & transparens, forsitan clitoridis species.

2. Uterus geminus, cujus orificium unicum inter dorsum & intestinum rectum. Uteri Utriusque cornu superius apertum videbatur, in latere dextro cornu extremum continuum sacculo extremitatem ovarii integenti.

3. Ovarium membrana tubulata est, cui ova intus adhærescunt.

4. Vesica pulmonum, immisso per arteriam asperam flatu, viâ longissimâ descendit. Arteria intus per pulmonis aperti longitudinem decurrens.

5. Gula ipsa membrana robustissima, quæ distendi immensum & ampliari potest. Vera dixisse Aristotelem,

Ll 2

qvi

qvi gulofiffimos animalium serpentes obviaque
 qvævis etiam magnitudine conspicua devorare asse-
 ruit, testatur Bartholinus Histor. Anatom. Cent. IV. qvi
 non sultem Helsingoræ apud Pharmacopœum Viperam
 nostratam exsiccatam vidit qvæ alaudas qvatuor cum plu-
 mis in ventriculo congesterat adhuc ibidem conspicuas,
 non dissimilia qvoq; norante Aurel. Severino in Vip. pyth.
 c. 12, sed & in prædio fratris sui Bartoli Bartholini ranas
 integras dexteritate qvadam à Vipera deglutiri, capite
 primùm intruso pedibusq; ad partem posticam con-
 pressis, qvi deinde corpore compresso felicius succe-
 dunt.

6. Post jejunium longum, copiosissima adhuc in
 abdomine pingvedo.

7. In dorso exterius tria musculorum paria. 1.
 à costa in costam vel è transverso. 2 à transverso in spinam.
 3. à transverso & spina in spinam.

8. Interius tria qvoq; musculorum conspecta paria;
 qvorum unum sub sacrolumbo procedit; alterū à costis an-
 terius, tertium à costis interius procedens in lineam medi-
 am cutis defertur.

9. Motus muscoli sacrolumbo analogi, cum tendi-
 num interfectione, eleganter conspicuus. Musculum hunc
 eo fungi officio puto ut ad latera flectat.

10. Ictus à Vipera turtur, qvem Steno objecit, tre-
 more initio correptus est, ambulans inde tantillum sed
 ebrio ac vacillanti similis, spatioq; exiguo interjecto, post
 convulsionem insignes, in dorsum decumbens expiravit.
 Meretur observationem imprimis, qvò subito copia hu-
 moris ingens, unde bullulæ excitatæ, os oculosq; irrigave-
 rit. Corpore Turturis aperto, ita visa interiora: Hepar
 ex nigricante flavescens, sanguis in vasculis omnibus coagula-
 tus,

tus, manente etiamnum auriculæ in corde motu. Circa sanguinem & in cerebro & in corpore reliquo coagulatum copia ingens humoris serosi in vasis apparuit; unde duo in primis agere videtur Viperæ venenum, serosi scilicet humoris secretionem partisq; rubicundæ coagulationem promovere, unde credidere multi non coagulatum fuisse sanguinem, visâ fluidi ibi existentis copia quod presso sanguine tinctura eliciatur loturæ carniū haud dissimilis. Intestina quibusdam in locis intumescere. In orificio vulneris, unde emanans sanguis, in momento coagulatus.

11. Cum morsui Viperæ remedia plura apponant Franciscus Redi & Moyse Charras Parisiensis, unicum saltem à Boyleo celeberrimò tentatum experimentum memorabo, qui vulnere à Vipera inflictò ferrum candens, distantia certâ, sæpius admovit, extractoq; hac viâ veneno, miseros plures à metu ac morte liberavit.

In Serpente mare.

1. Unica, ut in Vipera, auricula cordis.
2. Arteriæ asperæ pars anterior circulos medios efformat, posterior larga admodum, ubi adhæsit œsophagus, Paulò supra cor, pulmo conspectus, qui unicus saltem, per ductum totum cavitatem cellulis innumeris distinctâ. Substantia pulmonis crassior aliqquanto, illiq; non dissimilis quæ in quadrupedibus reperitur.
3. Parti pulmonis inferiori hepar geminum & oblongum adhæsit.
4. Infra hepar, Ventriculus in quo humor viscosus integræq; adhuc aviculæ conspectæ.
5. Infra ventriculum canalis ejusdem pars, palmar

- mediæ longitudine, fibris carnosiss solidata, ubi vermis interius repertus.

6. Infra corpus hoc, vesiculæ bilis, ad quam ab hepate descendit canaliculus spithamæ longitudinem excedens. Figura vesicæ biliaræ inferius acuta, superius larga aliquantulum & rotunda. A parte superiore descendens ductus, in ortu simplex inde bifidus versus glandulam albam, quam pancreas crediderim, descendit, quæ impositum sibi corpusculum rubellum, lienem forsan, habuerat. A vesicula descendens canalis in glandulæ hujus superficie binos canaliculos effinxit, quorum ab hepate deductus, alter versus medium glandulæ propagatus. Ductus hi in locis variis concurrentes, plexum elegantem vasorum viridum in superficie glandulæ efformant qui junctim inde per glandulam mediam in intestinum tendunt.

7. Quatuor ramos bilarios pergere ad intestinum vidi, sed aperto intestino, tria saltem ostia viridia apparuerunt.

8. Paullò infra hoc spatium testiculus dexter, infra dextrum sinister, & ab utroque descendunt vasa spermatica, gyris innumeris intorta.

9. Infra testiculos, renes.

10. Circa finem intestini recti membrana quædam extensa cavitatem format intra quam circa medium dorsum foramina duo, sibi admodum vicina, conspiciuntur.

11. Duo Serpenti oblatis passeruli, quorum alter capite, alter cauda apprehensus & integer diglutitus.

12. Duo excrementorum genera in serpente visa, unum ex plumis invicem conglomeratis, alterum ex materia

teria

teria albicante, sicca, friabili, ossiumq; dissolutorum calcis
similima.

In serpente alio, ex genere Viridium.

1. Per medium pancreas penetravit canalis bilarius. Ductus hepaticus, ubi ab hepate versus pancreas ad spithamæ longitudinem descenderat, ad vesiculam felleam quatuor digitorum intervallo iterum ascendit.

2. Mesenterium nigerrimum, ut & superficies interna vesicæ pulmonalis.


3. Hepar geminum, Spithamæ longitudinem æquans.

4. Supra cor, ad intervallum aliquod corpus è luteo rubescens, thymo respondens, præter tumores quosdam hinc inde sparsos, aqua rubicunda plenos.

5. Ex plurimis exiguis corpusculis renes coagmen-
tati. Ren sinister infra dextrum media sui parte collocatus.

6. Testiculus dexter, supra sinistrum digitos quatuor elevatus; uterq; digitorum duorum longitudine.

7. Sub anum cavitas satis conspicua in cujus medio papilla protuberat versus quam ureteres & vasa deferentia duo confluunt.



a. ductus hepaticus descendens ad
(b) pancreas,

c. du

c. ductus hepaticus ascendens ad
d. vesiculam fellis.

CI.

De Asino Observationes Anatomicae.

Olig. Jacobæi.


QVæ in fabrica animalis hujus interiore apud Anatomicum Londinensem, Eduardum Tyson, obiter visa, ita breviter notavi.

2. Nullus sub hepate inventus folliculus bilis, sed porus saltem bilarius. Nec in eqvo, cujus viscera pleraque interiora cum animalis hujus ad amussim conveniunt, vesicula fellis ab aliis inventa. In eqvo Regio, Hafniæ dissecæ, frustra illam quæsit Anatomicus noster Simon Paulli, licet diligentia summâ, ad rem penitus investigandam, hepar in frustula plura discerpserit. Blasium interim, in anatome Eqvi, folliculum bilis pugni magnitudine ipsiq; substantiæ hepatis insculptum reperisse refert in Actis Hafniensibus Caspar Bartholinus, Consobrinus amantissimus.

2. Tunica interior œsophagi ab exteriori quodammodo libera, ut quasi œsophagus duplex, alter alteri inclusus, appareat. Ubi protensus ad medium ventriculi œsophagus, simbriis quibusdam firmiter adhærescit figuræq; elegantia intuentes oblectat, coloris quodammodo flavescens, qualis in ingluvie avium spectatur.

3. Prope rimam epiglottidis materia lactea transfundans, quam glandulæ ibi minores sitæ procul dubio effundunt. Quod à glandulis illis transudans materia, ubi acris nimium elaboratur, tussim causeretur in tracheam prolapsa, verisimile apparet.

4. He.



Malva monstrosa.

CAPUT MONSTROSUM.

FIG. I.




FIG. II.



Obs. 102. Vol. 5.

Obs. 102. Vol. 5.



4. Hepar nigricans, & quasi plumbeo griseus, qualis ab aliis in eqvo inventus.

5. Lien rubellus, figurâ glossopetræ.



6. Cor diaphragma non respexit, sed apice ad sternum, basi ad dorsum versâ & ad sternum perpendiculari.

7. Rarior figura renum, quorum alter cordi, quemadmodum vulgo à pictoribus adumbratur, alter retortæ Chymicorum similis.



CII.

• *Caput Monstruosum Infantis.*

Olig. Jacobæi.

QUæ in capite infantis visa à Medico Anglo Vindoboriensi D. John, Amico integerrimo, ita breviter adumbravi.

Fig. I.

a. Membrana extensa & pellucida, aqvæ limpidæ librâ unâ referta.

b. Cerebrum, per membranam translucentem appa-rens, pondere unius libræ; quod ab adstantibus hinc inde conqvasatum, ut in locum retrocederet; mortem infanti acceleravit. Quatuor enim dies vix at-tigit.

c. Nasi vestigium ferè nullum, sed nares saltem exi-guæ.

Mm

guæ.

Malva monstrosa.

CAPUT MONSTROSUM.

Fig. I

d





Fig. II.



Obs. 102. Vol. 5.

Obs. 102. Vol. 5.



4. Hepar nigricans, & quasi plumbeo griseus, qualis ab aliis in eqvo inventus.

5. Lien rubellus, figurâ glossopetræ.



6. Cor diaphragma non respexit, sed apice ad sternum, basi ad dorsum versa & ad sternum perpendiculari.

7. Rarior figura renum, quorum alter cordi, quemadmodum vulgo à pictoribus adumbratur, alter retortæ Chymicorum similis.



CII.

Caput Monstruosum Infantis.

Olig. Jacobæi.

QUæ in capite infantis visa à Medico Anglo Vindoboriensi D. John, Amico integerrimo, ita breviter adumbravi.

Fig. I.

a. Membrana extensa & pellucida, aquæ limpidæ librâ unâ referta.

b. Cerebrum, per membranam translucentem appa-rens, pondere unius libræ; quod ab adstantibus hinc inde conqussatum, ut in locum retrocederet; mortem infanti acceleravit. Quatuor enim dies vix attingit.

c. Nasi vestigium ferè nullum, sed nares saltem exiguz.

Mm

guæ. Cutis enim nasi & frontis per membranam memoratam ita in immensum extensa ut nasus dispareretur.

d. Vertex capitis depressus.

e. Pars cranii vacua, è qua cerebrum elapsum, remanente cerebello.

Fig. II. a. Membrana à cerebro separata.

b. Cerebrum.

c. Cranium.

dd. suturæ cranii.

eee. Cutis à cranio separata.

CIII.

Puella monstrosa hirsuta, & Infans

avose G.

Olig. Jacobæi.

INter alia in nundinis Londinensibus visa spectacula, pretio soluto monstrata est puella toto ferè corpore hirsuta, maculisq; subfuscis variæ magnitudinis hinc inde distincta. Plurimæ in corpore excrescentiæ carnes sacculique in longum propendentes, ad tactum molliores; imprimis in dorso & circa inguina. Latus sinistrum dextro hirsutius, & è maculis singulis pili prorumpentes. Loco vulvæ orificium rotundum pennæ anterinæ crassitiem vix æquans. Sæpius abradi pili iterum intra spatium mensuræ repullularunt. Ex congressu matris cum simia, Mammonet dicta, foetum hunc enixum alii divinarunt, cum salacissimum sit animal fæminamq; ante annos aliquot in Anglia compresserit. Spectata quoq; est apud nos simiæ memoratæ salacitas, ante annos plures in arce Regia

Haf


Hafniensi exstinctæ, quæ fæminas libenter & cum lascivia aspexit. Præter hoc monstrum, Bristoliæ in Anglia monstratus infans qui ossibus artuum planè destitutus, ut brachia & manus, crura pedesq; ad arbitrium nostrum chirothecæ instar flecti ac circumvolvi possent. Puerum *ἀνίστατο* jam pridem suo tempore vidit Hippocrates.

CIV.

Cornu in palpebris enatum.

Olig. Jacobæi.

Mulier annorum quinquaginta protuberavit in palpebris tuberculum minutum, ciceris magnitudine, quod mole inde duritieq; quotidie accrescens in cornu inflexum degeneravit, cum, consilio Chirurgi spreto, illud mulier abscindi initio nollet, tandemq; inter rariora magni Ducis Hetruriæ asservatum. Pars cornu inflexa deorsum spectavit, partem mediam palpebræ sinistræ infestans, colore cornu cervini æmulo, in primis circa radices in oculo dispersas. Cum motu muscutorum frontis cornu ipsius motus coincidebat. Historiam ipsam cum figura adjuncta suggessit Medicus Florentinus Joan. Cinelli, Amicus magnus.



De muliere Purmerenti in Hollandia septentrionali non absimile quid refert Bartholinus Illustris Histor. A-nat. Cent. 1. quod ex mœrore filii prodigi tumorem primo in dextra capitis parte supra musculum temporalem observavit, qui in cornu tandem excrevit digitos duodecim longum, crassitie duritieq; cornu caprini.

CV.

Afellus seu Oviæ vivus cum lotio ex-
cretus.

Olig. Jacobæi.

Cum ad calculum debellandum pulvis insecti hujus cum fræctu propinetur, ab eodem sæpius assumpto levamen quoq; sensit calculosus Anglus, lapidesq; & arenulas copiosas in matulam deturbavit. Postquam autem remedio huic diu institisset, sensit demum in ductu urethræ dolorem ac titillationem insolitam, calculumq; ibi hærentem ratus, cum lotio excrevit afellum vivum, planè albicantem, sine calculis ullis in matulam deturbatum; quem inter rariora servat Anatomicus Londinensis Eduardus Tyson & curiosis monstrat. Forsan in pulvere assumpto vel delituere ova, unde generatum insectum, vel vivum antea ab inscio haustum tandemq; iterum excretum, quemadmodum assumpta plura ac deglutita per vias urinarias sæpius exiere. Acus per quinque annos in corpore hærentes cum urina redditas Claudinus notat & decem Patavii à puella deglutitas per vias urinarias exiisse ferunt. Sic Posonii in Ungaria, quidam suppressione urinx & in latere dextro doloribus excruciatas, cum Nephriticus à Medico judicaretur, ossiculum demum pruni

Da,

Damasceni, antea deglutitum, cum lotio excrevit. De Polono Bartolinus refert *Hist. Anat. Cent. IV.* quod ab usu medicamentorum nephriticorum arenulas excreverit cum infectis vivis nigricantibus forma scorpionis sed magnitudine dispari. Lotium redditurus semper inductu urinario & circa lumbos deprehenderat xger dolorem vermiculantem. Vixerant infecta per triiduum.

CVI,

*De Renibus canum.**Olig. Jacobai.*

Varia figura renum, vel naturæ ludentis vel morbi vitio, in corporibus conspecta. Vidimus in cane venatico Cancellarii Illustris Oligeri Vindii, quem Steno dissectuit, renem dextrum magnitudinis naturalis, sinistrum verò nuci avellanæ vix parem. Carnis tantillum aderat cum reliquiarum membranæ interioris facie confusa. A vermibus forsitan exesus, cum renes canum sæpius infestent. Observavit Sennertus totam renis unius substantiam planè absumptam, superstitie saltem tunicam ambiente, quæ tota vermibus longis, lumbricorum instar, referta.

Explicatio Figuræ Renum.

- A. Ren dexter.
- B. Ren sinister.
- C. Truncus venæ cavæ descendens.
- D. Truncus arteriæ magnæ descendens.

M m 3

E.E.Ve

E. E. Venz emulgentes.

F. F. Arteriz emulgentes.

G. G. Ureteres.

CVII.

*De Cultrivoro & Pyrophago Londinensi.**Olig. Jacobi.*

DE Circumforancis notum, quod liqore arcano ita manus muniant, ut plumbū fervens ac fufum, prunas candentes, ferrum ignitum, aliaq; non fine ſpectantium admiratione ſine damno ferant. Fuit quidam Sigardus Brabantus, qui, ut innoxie ferrum tractaret, gramine in ædibus Bergenfium crefcente manum perftrixit, quod ſempervivum fuiſſe putat Bartholinus celeberrimus de Medicina Danorum. Ungventum quò illitæ partes ignem eludunt ex ſucco altheæ totius cum radicibus expreſſo, oleo ſambucino, alumine rupeo crudo, & cerâ novâ lentò igne ad confidentiam coctis ibidem deſcripſit. An artiſciò tali vim ignis eluſerit Londinenſis quidam, non dixero, quem ferrum candens manibus tractare, laminas ignitas lambere, maſſam ex pice, ſulphure, lacca, reſina, cera totam flammantem in ore volvere ac maſticare cum ſtupore aſpexi. Taceo pruniſe candentibus, quæ in ore detentæ, ſollisq; miniſterio accenſæ, oſtea cruda impoſita in momento aſſata. Oſ hominis, palatum, linguam inſpexi, ut quid monſtri intus aleret, explorarem, ſed nec liqvoris, nec ungventi illiti veſtigia deprehendi. Lapidem inde decem vel duodecim rotundos avellanæ magnitudine devoravit, quos, ventri nudo admotâ manu, ex collifione quâdam deſcendiſſe percepi. Rogatus cur rotundos

dos assumeret, ab angulatis selædi dixit, quod per posteris ora deturbati sanguinis fluxum antea proritaverint. Si verbis illius fides, Hypochondriacum appellarem ob murmura & borborygmos in abdomine auditos, & in ore salivam uberrimam, cujus forsan ope materia flammans ori injecta felicius exstincta, certò tempore adventantem lithothymiam, nisi mox injectis lapidibus ferroq; malum compesceret, ut fermenti acrimonia, qualis in Struthionum stomacho ferrum digerentium, hic inprimis peccaverit. Quæ coram Rege Angliæ Serenissimo aliisq; Aula Proceribus præstiterit, ab Anatomico Londinensi solertissimo Edvardo Tyson communicata hic inferentur.

Anno 1675 die 1 May in præsentia Equitum plurium ac Nobilium aciem gladii ulnæ longitudinis in frustula prius diffractam devoravit.

Anno eodem, Mense Novemb: coram Rege Angliæ cultros duos & novaculam manibus, ne fraus ulla subesser, post tergum ligatis, deglutivit. Rex ipse cultrum unum ori ejus immisit, Dux Eboracensis alterum, & Nobilis adstans novaculam: quæ singula die lunæ assumpta per alvum iterum excreta die Jovis insequente. Cultrum unum pecuniâ comparatum inter rariora servat Medicus Regius Londinensis D. Walden, cum Historia rei, ope, ut opinor, aqvæ fortis, cultro incisa.

Anno eodem, Mense Augusto, cultrum lanionis digitorum novem longitudine cum vagina integra devoravit, qui novem postea dierum intervallo, vaginâ ferè exesâ, per posteriora exivit. Cultrum alium manubrio spoliatum, postquam integer devoratus in intestinis delituisse, curiosis ostendit laudatus Tyson.

Anno 1676. Mense Aprili cultrum alium devoravit,
cujus

cujus manubrium testâ testudinis obductum, cum alvo exerneretur, exesum ferè & corruptum apparuit, & acies cultri non secus ac ab aqua forti corrosa ferè & absumpta. Nullos ante exitum horum sensit cruciatus, licet dolores quosdam cum suborta nausea lancinantes ab aliis perpessus. Ichor interdum tenuis & rubicundus per vomitum rejectus, qui saporis ingratiissimi chalybémq; referentis per horæ dimidium palato infestus. Nigricant ab assumptis excrementa, bulimus causatur, & fluctuantes in corpore humores ac borborygmos exaudit.

Lapides triginta tempore aliò injectos per alvum excrevit, horis quandoq; viginti quatuor, quandoq; octo, interdum quadraginta octo in corpore retentos.

Ab haustu vini albi transitum lapidum, quos assumpsit, accelerari, spatioq; horarum sex deturbari per inferiora asseruit. Sæpius hoc vinum ingurgitavit, ut à cultris duobus intus resistentibus liberaretur, quorum unum die Veneris, alterum die lunæ insequente deglutiverat. Nocte proximâ pintam hausit vini memorati, & mane proximo hora decima per alvum uterq; feliciter excretus, cum aqua atramenti instar nigricante; lapides rotundos quatuor vel quinq; quotidie fere assumpsit, ut redundantem in ventriculo aquositatem, quæ sæpius deliquium causata, subito compesceret, cum mirum hoc remedii genus nunquam fefellerit. Nummos varios æneos & argenteos sine noxa assumpsit, imò baculum vitreum breviorē, qui per dies quatuor in corpore retentus, cæruleo demum infectus colore, & velut ab aqua Stygia corrosus per alvum exivit. Bacillus alius è ligno buxi, postquam per septimanas sex in intestinis delituerat, in frustula demum disruptus similiter eliminatus. Clavis ferrea assumpta dierum novem intervallò carbonis instar nigerrima tandem exivit, cul-

terq;

terq; , qui ductum intestinale ter decies perme-
averat, quippe toties deglutitus, similiter excretus.

Ut obiter adjiciamus, Ann^o 1678 Mense Julio cul-
trivorus memoratus amicum vidit, qui bufonem integrum
turgidum, maculisq; insignitum promptè devoravit, post-
quam bestiolam manu leniter palpasset, lotium illa emit-
tens, ad distantiam ulnarum quatuor, os Viri apertum
sponte ingressa est, ac deglutita. Per spatium inde ho-
rarum quatuor, donec hospes insolitus exspiraret, miseros
præ dolore ejulatus edidit, in partes omnes, trabes, scam-
na, & quicquid fors obtulerat, prolapsus.

Quæ de Borussio Cultrivoro Beckerus fistulaq; de-
glutita, ac die tertio per alvum excreta in Historiis Ana-
tomicis Bartholinus refert, ob rei similitudinem legi me-
rentur.

CVIII.

De Verme dentium.

Olig. Jacobæi.

Quidam odontalgia immani ac periodica vexatus, sen-
sit in dente quid saliens, per temporum intervalla,
cui remedia plura in cassum adhibita. Abrasit demum
cariæ dentis, in vasculum subiectum vermem expuit, qui
capite ad caudam reflexo saltus varios iteravit, foramine
insigni, per quod exierat vermis, in dente conspicuo. Qui
vermes suffitu hyoscyami, sevo cervino gingivis imposito
aliisq; e dente elicitos pro fibrillis habent, ab experimento
hoc. sæpius laudati Tyson aliter erudientur.

cujus manubrium testâ testudinis obductum, cum alvo excerneretur, excusum ferè & corruptum apparuit, & acies cultri non secus ac ab aqua forti corrosa ferè & absumpta. Nullos ante exitum horum sensiteruciatus, licet dolores quosdam cum suborta nausea lancinantes ab aliis perpessus. 7chor interdum tenuis & rubicundus pervomitum rejectus, qui saporis ingratisissimi chalybémq; referentis per horæ dimidium palato infestus. Nigricant ab assumptis excrementa, bulimus causatur, & fluctuantes in corpore humores ac borborygmos exaudit.

Lapides triginta tempore aliò injectos per alvum excrevit, horis quandoq; viginti quatuor, quandoq; octo, interdum quadraginta octo in corpore retentos.

Ab haustu vini albi transitum lapidum, quos assumpsit, accelerari, spatioq; horarum sex deturbari per inferiora asseruit. Sæpius hoc vinum ingurgitavit, ut à cultris duobus intus resistentibus liberaretur, quorum unum die Veneris, alterum die lunæ insequente deglutiverat. Nocte proximâ pintam hausit vini memorati, & mane proximo hora decima per alvum uterq; feliciter excretus, cum aqua atramenti instar nigricante; lapides rotundos quatuor vel quinq; quotidie fere assumpsit, ut redundantem in ventriculo aquositate, quæ sæpius deliquium causata, subito compesceret, cum mirum hoc remedii genus nunquam fefellerit. Nummos varios æneos & argenteos sine noxa assumpsit, imò baculum vitreum breviorē, qui per dies quatuor in corpore retentus, cæruleo demum infectus colore, & velut ab aqua Stygia corrosus per alvum exivit. Bacillus alius è ligno buxi, postquam per septimanas sex in intestinis delituerat, in frustula demum disruptus similiter eliminatus. Clavis ferrea assumpta dierum novem intervallò carbonis instar nigerrima tandem exivit, culterq;

terq; , qui ductum intestinale ter decies perme-
averat, quippe toties deglutitus, similiter exeret.

Ut obiter adjiciamus, Annô 1678 Mense Juliô cul-
trivorus memoratus amicum vidit, qui bufonem integrum
turgidum, maculisq; insignitum promptè devoravit, post-
quam bestiolam manu leniter palpasset, lotium illa emit-
tens, ad distantiam ulnarum qvatuor, os Viri apertum
sponte ingressa est, ac deglutita. Per spatium inde ho-
rarum qvatuor, donec hospes insolitus exspiraret, miseros
præ dolore ejulatus edidit, in partes omnes, trabes, scam-
na, & qvicquid fors obtulerat, prolapsus.

Quæ de Borussio Cultrivoro Beckerus fistulaq; de-
glutita, ac die tertio per alvum excreta in Historiis Ana-
tomicis Bartholinus refert, ob rei similitudinem legime-
rentur.

CVIII.

De Verme dentium.

Olig. Jacobæi.

Quidam odontalgia immani ac periodica vexatus, sen-
sit in dente quid saliens, per temporum intervalla,
cui remedia plura in cassum adhibita. Abrasâ demum
carie dentis, in vasculum subjectum vermem expuit, qui
capite ad caudam reflexo saltus varios iteravit, foramine
insigni, per quod exierat vermis, in dente conspicuo. Qui
vermes suffitu hyoscyami, sevo cervino gingivis imposito
aliisq; e dente elicitos pro fibrillis habent, ab experimento
hoc. sæpius laudati Tyson aliter erudientur.

CIX.

*De Phosphoro Hermetico & Sæpiæ luce.**Olig. Jacobæi.*

INter alia, quæ lucem in tenebris spargunt, ut cornu, fungi, coria angvillarum & leuciscorum detracta, squæ mæ & oculi piscium, ostrea, lampyrides, oculos in primis pascit phosphorus ille, qui à Christophoro Baldvino Hermeticus appellatur sive aurum auræ, variaq; de corpore eodem à Chymico Londinensi ingenioso Friderico Slare tentata experimenta & inservientes præparationi circumstantias publico offeremus.

1. Primâ statim aurorâ splendor ejus major est ac rubicundior, quàm tempore diei medio. Vergente in occasum sole, postquam aëri expositus phosphorus memoratus, splendor sensim decrescit, colore in pallidum mutato. Ubi horizonti subductus Sol, pallidior adhuc color, matris perlarum æmulus, conspicitur.

2. In vacuo Boyléano seu machina pneumática, more splendentium aliorum ut piscium, carnium, lignorum, lumen non amittit sed instar ferri candentis igneus apparet & rubicundus.

3. Ubi ab igne primò remotus, non splendorem saltem, qualis modo apparet, ex se dispergit verùm & flammam ipsam ferè cæruleam quæ aerem ambientem circumquaq; illustrat.

4. Consistunt particulæ lucentes ex flavescente substantia corpori ad recipiendum apto impressa, quæ non fixa sed volatilis adeo ut, nisi gradus ignis ritè gubernetur, facillimè avolet.

5. Ille observandus est ignis gradus ut perpetua fiat
ma-

matèriæ ebullitio, sine quâ particulæ lucentes veram non induunt figuram nec colorem optatum sed albicantes apparent aut saltem à flavedine alienæ.

5. Modus administrandi ignem per reverberationem fiat, ita ut materia ipsa maneat in fundo frigidiuscula, ignisq; ope tegulæ interpolitæ in illam agat, via non dissimili quâ aurum argentumq; cupellatur. Hoc quippe modo spiritus isti volatiles retenti melius ac suppressi, ut in parte vitri convexa potentius figantur, quos, nitrosos verè ac aëreos, splendoris phosphori causam existimo.

Quoniam de rebus lucentibus sermo, in piscium quoq; officina radios splendoris, & in primis in pisce polypo, emicantes vidimus.

Ex apertis cultro anatomico polypis tantus effulsit splendor, ut remotâ tempore vespertino candelæ, Palatium Pisani sectionibus tum temporis assignatum, ardere videretur; & intranti subito timorem incuteret. Lumen maximum quiddam sub cute latens, non caro ipsa, emisit, & quò vicinior putredini piscis, eò luxit ardentius. Ungvibus digitisq; pisci admotis ita splendor adhæsit, ut quasi totidem stellis singuli fulgerent. Luxit præterea, sed segnius, liquor ille nigricans atramentum discit is quo Polypus abundat subitoq; è corpore effuso aquas infuscat ac se abscondit; factò à nobis rei experimento. Atramentum illud bilem esse in vesica sua contentum deprehendi, quod atramento scriptorio pingviori & gummatibus saturato ita simile, ut exaratas eo literas amico quondam transmiserim.

De lucentibus aliis scribit eruditè, lucemq; Lectori fornatur sidus Daniæ fulgentissimum Thomas Bartolinus, qui tamâ ingenti ad miraculum lucet.

CX.


Iridem non esse in Nube rorida, juxta mentem Aristotelis & veterum aliorum, sed gattis aquæ cadentibus.

D. Erasmi Bartholini.

NON quia legem dixerim mihi nihil contra sententiam recentiorum aut magni philosophi Renati Descartes statuere, hanc observationem trado; sed quia res ipsa postulat me ire in illius sententiam qui existimat arcum cœlestem fieri in eâ parte aeris in qua pluit, atq; singula stillicidia pluvie cadentis, singula corpora esse, ex quibus Iris constat, & à singulis lumen Solis reflecti & refrangi, quæ, contra intuitu continua apparent, atq; arcum, sed dimidio circumscriptum ductu signant; nec despicere intervalla, quibus singula distant, spatio prohibente discerni. Id posse quidem ita fieri variis experimentis demonstratum est; nempe, cum fistula aliquo loco rupta est, aquam videmus per tenue foramen elidi, quæ sparsa contra Solē oblique positum faciem arcus repræsentat, in quo aliquid flammei, aliquid lutei, aliquid cœrulei vident astantes, id quod in organis hydraulicis, aliisq; satis patet. Nihilominus & Aristoteles, & Antiquorum plurimi in ea fuerunt sententia, Iridem fieri potius in nube rorida. Ita enim Seneca in quæstionibus naturalibus: *illud, inquit, esse dubium nulli potest, quin arcus imago Solis sit, rorida & cava nube concepta.* Deinde; *illud nego, ex stillicidiis constare nubem.* Habet enim quedam ex quibus stillicidia fieri possint, non ipsa. nec aquam quidem habet, sed materiam future aquæ. Ergo ne amplius ut hypothesis admittatur hæc propositio, etiamsi nullus possit ad locum ubi videtur Iris, eo momento quo apparet, accedere, cum

ne.

necessarium sit ut oculus sit inter Solem & Iridem, eo tempore quo Iridem conspiciat, consideretur sequens observatio. Forte peregre profectus Hauniamq; rediens nondum inclinato jam die, animadverti Iridem, cujus arcus plurimum videbatur porrigi atq; incurvari. Superior pars cœli cui affundebatur, erat nubibus obdusta; sed eo loco ubi in humum demittebatur admodum serenum erat cœlum, cœrulo colore conspicua. Iridis tamen effigies implevit totam circumferentiam arcus, non tantum in ea parte qua nubes maxime ingravescabant, sed etiam ubi aër limpidus constitit versus horizontem. Neq; serena ea pars cœli nimis angusta mihi apparuit ut visum fallere possit, neq; arcus istius pars quæ descendit terra tenus, reliqua parte, quæ nubes à dorso habuit, multum obscurior erat, quin facile totum arcum signatum Iride continua perspicerem. Adeò ut facile hinc existimari possit, arcum factum fuisse in ea parte, in qua pluit, atq; singula stillicidia pluvie cadentis, fuisse partes istius arcus, quem visus noster, deceptus in nube constituit. Ad quorum intellectum adjecimus sequentem figuram



Nn 3

ABC.

ABC. Iris

AD, EC, partes Iridis in limpido aere

FG, pars coeli nubibus obducta

H. Sol.

I. Oculus.

CXI.

De Mixtione Symporum cum aquis.

Erasm̃ Bartholini.

Variis experimentis persuademur mixtionem corporum liquidorū fieri particulis singulorum occulto itinere subeuntium, quæ per multiplices anfractus motæ, naturalem faciem in tanta particularum varietate exuunt & in unius corporis liquidi speciem à priori diversi transf. eunt. Multis quidem videtur eodem rem recidere, siue corpus miscendum infundatur corpori miscibili, siue hoc cum illo confundas. Tamen varia impedire possunt, quominus æque commodè mixtio fiat. Exemplum aliquod videbimus in observatione hac mixtionis symporum cum aqua. Si enim syrupis admisceatur aqua, statim aqua Sympum combibit & in se trahit. Contra, si aqua ad miscendas Sympum, non absorbet aqua statim quicquid in se infusum est, sed Sympum in fundum dimittitur gravis, & legis ibi residet, donec motu commoveatur. Quare solent ij qui aquis destillatis admiscant Sympum, motu efficere ne Sympum in fundo permaneant, ut sparsæ per aquam particulæ symporum, faciem Julepi repræsentent. Cujus desidentia causa in gravitate particularum viscidarum syrupi statui potest, quæ concitatæ protinus convertuntur in humorem qui illis præsto est. Neq; substantia utriusq; hic deficit, cum omnium particularum alterni recursus sint,

sint, & quod alteri composito perit, in alterum transit. Facilis autem videtur transitus particularum aquæ, quia jam motu intestino agitatae, illas per quas transeundum est particulas syruporum viscidas divellunt infusæ, & portionum resistantiam turbant, quæ coherentes præponderabant.

CXII.

Pulveris corticis Chinæ-Chinæ usus contra febrim quartanam in Dania probatus.

Erasmi Bartholini.

ANte aliquot annos cœpit autoritas pulveris hujus febris fugi in pretio esse, quem non diu post singulari opusculo ventilavit celeberrimus Iacobus Chiffletius, quo gratiam ejus potius improbavit quam laudavit. Deinde defensionem ejus suscepit R. P. Honoratus Fabri (fictio licet nomine Antimi Conygi) adscripto opusculo Romæ edito Anno 1655) atque tam propria experientia quam multorum observatione utilitatem ejus commendavit. Celeberrimus vir Villisus postea, multis experimentis edoctus statuit libro de febribus, eximias esse hujus pulveris vires in febre Quartana debellanda; id quod & nobilissimus Rob. Boyle testatur in diversis editis à se scriptis. Quare neque nos decuit usum ejus in terris hisce Septentrionalibus salutarem fuisse silentio prætermittere, ut optimis resbus honos in primis habeatur, neque in medicamentorum cognitione confessa cum ancipitibus & obscuris confundamus. Anno 1679 Epidemica in hisce oris sæviit febris quartana, pluresque omnis conditionis mortales infestavit, magis tamen extra civitatem Havniam quam in ipsa urbe.

be. *Æstas præcesserat calidissima sine pluviis; ferè tota transecta, quæ videbatur non minima causa fuisse hujus febris. Me quoque autumnus invalerat ægritudo. Rediens quippe Hauniam mense Octobri postquam in prædio meo Lindholm rusticatus animi relaxandi gratia essem, sentij die 25 ejusdem mensis rigorem toto corpore, quem paulo post insecutus est modicus calor qui tum non admodum gravis erat. Sed insequens post diem tertium accessio majores vires attulit, atque hoc suo typo quartanâ prodidit. Nam hac vice notabantur pleræque febres quartanæ non tam rigore quam calore infestæ. Præmissis ergo universalibus medicamentis, purgantibus & sudoriferis, cum in tertiam hebdomadem durasset febris, viresque admodum debiles reddidisset, cœpi cogitare de pulvere febrifugo ex cortice China China, cuius usus nondum hic admodum celebris erat. Cognoveram tamen olim, valde eum conducere huic morbo eo tempore cum Romæ olim innotescere ejus virtus cœperat, unde etiam aliquot doses mecum domum attuleram quæ jam consumptæ & amicis impensæ erant. Assumpsi igitur incipiente paroxysmo pulveris istius ʒj. infusi aliquot horis ante in vino albo Gallico; quo facto, paroxysmus solitas vires exercuit, licet mitius. sed sequens paroxysmus plane intermisit.*

Quare cum non nescius essem præcipuam ejus pulveris noxam esse, in eo quod paroxysmum quidem tollat, sed quin per aliquot dies redeat prohibere non possit, & sæpe tum in duplicem quartanam transeat, in memoriam mihi revocavi antiquum axioma politicum posse quoque in Medicina locum habere, melius esse prævenire quam præveniri, sæpius pulveris hujus eandem dosin repetere vo-
lui

lui ineunte paroxysmo, ut si qua pulveris virtus esset in expellenda febris, eadem quoque in ea præcavenda valeret. Neque eventus fefellit. Nam cum multis vicibus iterassem hanc medelam, non rediit unquam febris, & Dei gratia liber evasi; neque graviora symptomata perpeffus sum, quam quibus sæpius antehac per intervalla eo anni tempore, meo temperamento maxime infesto, solitus eram, nempe flatibus hypochondriacis, capitis dolore & similibus, quæ solent Scorbutis attribui. Meo exemplo multi edocti pulveris hujus usum tentarunt, omnes ferè prospero eventum, nisi vel ipsi nimia intemperantia fallerent spem medicamenti, vel non rite usi essent præscriptis. Domestico quoque meo præcepi eandem medicinam, sed quia robustiori corpori majorem svasi dosin, nam drachmarum duarum pondus fuit pulveris. Neque frustraneum erat consilium, nam desuit similiter paroxysmus, quamvis non ipsa febris, quæ quia neglexerat sæpius idem repetere medicamen, sicuti svaseram, rediit aliquo tempore interfecto, duplici paroxysmo infesta; sed ejusdem pulveris usu mox liberatus ab utraque est, & iterum iterumque rediens eodem modo desuit. Adeò ut verissimum esse deprehenderim quicquid laudati autores de hoc pulvere bono publico divulgant, neque in hisce terris minorem esse ejus nobilitatem, quam in Meridionalibus. Est sententia Hippocratis, illa quæ reliquuntur in morbis recidivas parere; & recidivas deinde majoris mali periculum asserre, notum est. Non vis deo tamen cur ab hoc pulvere abhorreant multi quia ejus usus semel probatus recidivas præcavere non possit, cum aliquoties iteratus facile id præster. Id quod convenit omnibus ferè aliis remediis, quæ non nisi sæpius usurpata profunt. Neque ideo proscribendum ejus usum existimas, verum quod paroxysmum absque ulla evacuatione evidenti

Oo

tol,

tollat, primò quia necesse est corpus rite esse præparatum, deinde, quia oportet ægrum nihil omittere eorum quæ methodus medendi præscribit. Multa quoque medicamina essent rejicienda ex hoc fundamento, quod operentur sine evacuatione vel ratione sensibili. Quæ cum ita sint, amplectimur grata mente Divinum hoc beneficium, & efficacissimum hoc medicamentum, quod præsentaneo remedio tollit, paroxysmum & morbum, cæteris paribus; quæ utilitas rarò ab aliis speratur; adeoque, auxilium hujus quo contra quartanas pollet hic commemorari debuit, præsertim in tanta inopia præsentaneorum medicaminum.

CXIII.

ERASMI BARTHOLINI

De

AERE HAUNIENSI

Ad

PETRUM RESEN

Sacræ Regiæ Majestatis Consiliarium & Assessorem in Curia Iustitiæ, Præsidem Urbis Hauniensis.

Visum fuit mihi olim, ex bono publico omnium fore sic cognitio aëris Hauniensis, non inculta, aut deserta penitus jaceret: curam autem hujus rei ut susceperem, go, utque, præclarum hoc institutum adjuvarem, multa svaserunt; uti hac via, non tam patriæ, quam urbis commoda atque, ornamenta augerem; Imprimis cum viderem nostrorum multos proximorum incuriosos, longinqua sectari, Quam

Quam multa in terris hisce septentrionalibus non oculis modo, sed ne auribus noverunt? quæ si tulisset Italia, Gallia, Anglia, Germania, audita, perfecta, lustrataq; haberent. Mea enim sic est ratio, nimis illos à vero recedere, qui, ut scientiæ sibi subsidia, vitæq; ornamenta quærant, existiment gentes mari diremptas alioq; Sole calentes terras omnino esse frequentandas, quasi in manu aliorum, vel sapientia nostra, vel virtus esset. Exteris regionibus sua bona non invidemus; sed patet & hic omnibus honoris & gloriæ campus, ex quo quisq; quod cupit petat. Proposita sunt virtuti præmia, juvenibus exempla; modo suæ industriæ, magis quam rumoribus velint credere nec suæ desidiæ prætereundæ alienam. Sed fateor ingeniorum nusquam tantam esse felicitatem, ut omnium rerum & inventorum copiam sic possideant sola, quin aliorum adiectione egeant: neq; Commercio gentium rupto societatem generis humani, cœtusq; dissolvendos esse innuo; sed hoc declaro, ad noscenda ea iter ingredi multos, atq; maria transmittere solere, quæ sub oculis posita negligunt, & inventuros se apud nostros spondeo, quæ eminere possint ingenia maximorum virorum, unde, audiente invidia, possint exteri sumere exemplar; discantq; experimento, refudisse dudum exteris nos suas copias; quas si cum fœnore repossent, putent nos plena manu solvisse; neq; magis jam suorum apud se bona, ad nos, quam nostrorum ad eos pertinere. Supervacuum est omnium causam agere; quis enim ignorat quantas Tu, Vir Amplissime, ad hoc propositum attuleris facultates, quantum allaboraveris, ut quicquid fortuna seculorū concusserit ex patriæ monumentis in suū decus restitueretur ac reponeretur. Neq; longius te, vel per devias valles, vel per invios colles deferri patiar. In patens urbis loca deveniamus. Cognoscunt cuncti haud du-

biè, qvàm necessarium sit scire ea, qvæ maximè valetudinem hominum tentant; tamen qvis colli patrij, hujusq; urbis Haunienſis temperiem probè examinavit? qvis, qvibus maximè infestetur ventis probè callet? Seu, qvòd harum rerum cupido langveſcit, qvum facilis occasio est, seu, qvòd differimus conſideraturi, qvòd datur examinare, qvoties velimus animadvertere. In ultimas licet terras diſcedamus, peregrinatione tam longa, & tot locorum varietatibus non diſcemus, qvæ loca urbis, qvi venti, noſtræ ſaluti maxime inſidiantur. Ergo, cum multum peregrinaverimus aliquando domum redeundum eſt; ſenſu proverbij Danici utar, Cum Orientem Occidentemq; luſtraveris, nulla nobis videbitur hoſpitalior patria, maximeq; jucunda, qvàm ſoli natalis contemplatio. Quà dulcedine, Te, Vir Ampliſſime, trahi, cùm variis experimentis declaraveris, procedam per varia hujus urbis loca, atq; inqviramus qvales venti in noſtras ſedes maximè cfferantur, qvalesq; aërem temperent, utilem noxiumve tracturis. Solicitæ deambulationis pauliſper comes idem & interpretero. Quam regionem ſpectare debeant urbes, vetuſ diſſenſio eſt. Svaſu Medicorum optimum ſitum urbis, ligunt Architecſti, qvo aer, calore & frigore temperetur, qvi neq; depreſſus hyeme pruinis torpet, aut torretur æſtate vaporibus; neq; elatus in ſumma montium, perexiguus ventorum motibus, aut pluviis, omni tempore ſervit. Hæc poſitio autem, qvàm deſiderant, difficilis & rara paucis contingit; animo æqvior ferre debemus huic proximam, qvæ plurima ex hiſ habet; & tolerare etiam eam qvæ non pauciſſima. Quibus nam ventis frontem habeat adverſam urbs Haunienſis qværis, & qvibus averſam. Qua vergit ad Septentriones, collis obſtat clementer & molliter aſurgens, qvi ab urbe diſtat ſpatio ferè duorum mille

mille passuum, amœnissimus, & naturâ factus ad animum multis modis pascendum, atq; omni honestâ voluptate explendum, qvîq; urbem qvasi ante pedes positam prospiciat, camposq; non æqvissimâ sitos planitie, sed exiguè pronâ. Quâ Circius spirat nemorosus & herbidus. In reliqva parte collis villæ variæ sitæ sunt. Quæ, ad Libanotum extenduntur partes, vario & multiplici curvamine unam faciem longelateq; contexunt, sub qvibus latâ & diffusâ planitie, prata florida & gemmea, perennibus rivis nutriuntur. Sub his, stagna inter urbem porriguntur. Quia, non tantum de vexe terra, qvîcqvîd liquoris accepit, nec absorbit, in hæc effundit, sed & virentissimam planitiem, lenibus aquarum rivulis intersectam, humorem videmus deferre in hæc qvasi aquarum receptacula, usq; ad diversa, constitutaq; urbis loca, ligneis canalibus mittendum. Diversas cœli partes ac prospectus reliqua urbs habet. Ad Meridiem eminet antiquissimum Regis Palatium. Vides littora in portum recedentia, & Castellum in littus excurrere, quâ spectat Septentrionem urbs, & plagam Zephyro-Boreæ Septentrioni proximam; quod, si quando Aquilone, & Cæcia mare impulsus est, fractis jam & novissimis fluctibus leviter alluitur. Hoc adjacens mare, non longius quidem quàm Eurum usq; securè intuetur; spatium modicum, quod tamen sentiat ventos, & fluctibus intrumescat. Excipit hoc, Insula dicta *Amagria*, ab urbe angusto intercisa freto, *Notapelioti* & *Phœnici* objecta, quæ, nisi ab hac parte, quæ urbem spectat, aquis currentibus, & profundo alveo cingeretur, quæ tenue discrimen objiçiant, urbi adhæreret, nec speciem insulæ præberet. *Noro* & *Libanoto* advertitur urbs alteri maris parti, quæ *Amagriam* & *Sælandiam* interfuit. Magnam rem putato, adhibere in morborum curationibus, hanc ex aeris &

ventorum licentiâ, in morbis considerationem, ingens quoque instrumentum ad tutelam sanitatis. *Alia enim conditio est morborum, corpora hominum vexantium Romæ, quàm Hafniæ, quoque notiores sunt Medicis istæ differentiæ, eò plus ad emendationem infirmitatum proficiunt.* In Borealioribus, justior est venia, in his quæ modum excedunt, quàm in Meridiem spectantibus; in quos si eadem incurrat injuria, non eadem exempla defendent. Gal. lib. 3. Epid. refert se cum Asclepiade observasse evacuationem sanguinis per venæ sectionem copiosè institutam in Pleuriticis, nulla ratione ad sanitatem conferre Romæ & Athenis, quàm salutarem semper in Hellespontus expertus erat; cujus rei causam refert ad Ventorum graves offensas, quibus, flatus Australes, Romam reddunt obnoxiam, cum Hellespontus Septentrionalibus gaudeat. Sanctorius, imprudentiæ accusat eos, qui spirante Austro, multum moderatius vero flantibus ventis Borealibus, jubent evacuare; non advertentes, contrarium pro hisce esse in sua regione patrociniū, cum iis vires roborandi magna sit potentia, Australes contra, virtuti naturali semper obstitisse observatum sit. Terra circumfusa est undique, hac animabili, spira bilique natura, quæ mari terræque, continuata & juncta, magna in se, ad temperiem & salubritatem locorum habet momenta. Aer ille est, quem *vitali reciprocamus spiritu, cujus tenuitate & calore, animantibus etiam, vel lethalis, vel salutaris spiritus præbetur; & sine quo, ne momento quidem vita potest supersistere.* In hunc aërem, varia & multa terrarum orbis exspirat, quædam sicca, quædam algentia, quædam concipiendis ignibus idonea, quorum dissimiles motus, per omnes aëris partes, non pari æqualitate discurrentes, necesse est

alia

alia moderatius impellant, alia alijs incidant ac repellantur, implicenturq; & comprimentur. Præsertim, cum ex Sole, vel ventorum jactatione alius motus supervenit; tum quicquid in aëre latet, magno impetu agitur, & proxima quæq; remolitur & jactat. Alterna tum vis corpora concutit, ultro citroq; particulis committantibus. Nam modo terrestres compescuntur, & succedunt maritimæ, mox futuræ potentiores; modo maritimæ fugientes, & omni modo excedere cupientes, congregantur. Quem admodum in urbe, ubi turba in angustum cucurrit, aliorum in alios incidentium rixa fit; sic in hoc quo circumdari sumus aere, discordes particulæ, sine tumultu versari non possunt, quin & aliæ alias arictare & impellere debeant; donec finitis hujus pugnæ vicibus, concordiam utriusq; patiat aer, & in suo cujusq; loco moram. Quam diutius tamen non sustinent; vel, ut aera non sinerent pigrescere, sed assiduâ vexatione, utilem redderent vitalemq; tracturis; vel, ut humanis usibus obedirent. Aerem autem considerare oportet, non tantum eum, qui singulis locis incumbit, sed & qui ex omni terrarum parte huc illuc versatur, vel vi suâ leniter fluente, vel ventis, ac cursu aeris concitatori. Quando, nec huc, nec illuc impetum capit aer, variis aqvarum terrarumq; evaporationibus inficitur, similisq; redditur regionibus ex quibus hæ exhalationes veniunt. Quæ ex paludibus & fluminibus emittuntur in aere, notas gravis & pestiferæ qualitatæ solent retinere. Afflatus maris corporibus admovent salis halitû. Hinc multum interest, utrum aer ex locis sulphure, nitro, aut bitumine redundantibus, recipiat evaporationes. Quod si jam aer diutius supra aliquem locum steterit segnis, neq; vel Sole tenuatur, neq; ventis expanditur, non tantum hanc noxam sentit, sed vitium concipit, sæpè ex ipsâ ignavia. Hoc facilius pe-

Cora afficiuntur, quo propiora terris ferunt capita. Plurimis Italix locis exhalare vapores compertum est, præsertim ad lacum *Avernum*, in loco dicto, *grotta dei Cani*. Ubi aer, sive afflatu diri æris ex terrâ, sive tristitia loci, & morâ, adeò ingravescit, ut animantia quævis confestim exstingvat, modò circa ipsam humum ærem exciperint. Ad certam enim mensuram adsurgit noxa, ultra quam spiritus ducere satistutum est. Hæc præsertim ex causa ventos per diversa disposuit Divina providentia, ut impelleretur aer, atq; liberiori aura excuteretur. Ex motu enim plurimum habet salubritatis, qui quo valentior agiliorq; est, hoc magis à labe vindicatur, tum aër, tum aqua. Verùm, cum aër sic ventis exercetur, nequid in illo esset squalidum quidem efficitur, tamen, si talis fuerit locorum conditio, ut non omnes vires, particularum hominibus insectarum consumere possit; semper aliqua admistione, atq; terræ, maris, aquarum vaporibus concretus fertur, & in omnes partes se ipse fundit. quacunq; imus, quacunq; movemur hinc illinc assilire non cessat. Hinc, licet spiritus graves, qui vel terrarum culpa diu jacuerunt innoxii, nec circumjectis molesti fuerunt, quamdiu in vacanti spatio, & æternâ quiete torpuerunt; tamen, cum eos exerceat laxitas cœli, ventorumq; iactatio, purum aër, aliorum locorum, liquidumq; maculare ac polluere possunt, & latè vitium spargere. Est enim assiduus aëris cursus, quo per vastum cœli spatium lato impetu vadit, dies noctesq; adeò ut à pluribus partibus, in omnia loca impetus fiat. Quare, pro natura locorum, ex quibus evaporatio facta est, & per quæ demum deferretur, regiones omnes aliquarum vi infestantur, modò aridâ, modò humido mixtâ, prout hæc vel illæ evaporationes valere. Cum excusatione audiendi, sunt antiqui Philosophi, qui ventos omnes,

omnes, perpetuò certis qualitatibus præditos esse affirmarunt, Orientales esse siccos, Occidentales humidos. Multa indies obvia sunt experimenta, ex variis orbis partibus allata, quæ antiquos novi orbis ignaros latere necesse erat, quibusq; benevole confutare possumus hanc illorum sententiam, sic ut illos se reprehendi non poeniteat, nos hæc cognovisse gaudeamus. Ventus solet patrios referre habitus locorum, ex quibus prodit, & per quæ rapitur. Quem admodum videmus spiritum arte expressum, transitu patente per loca calida atq; frigida, non sine injuria caloris vel frigoris manus sensusq; nostros ferire: quin &, si emittatur per loca consita sampso, thymo & cinnamomo, odores, quos hæc propius terris pavcrant, ad remotissima deferre; nisi ex aliquâ causâ itinera turbentur, atq; à cunctis ejiciantur atq; avertantur. Jam terræ regiones cum consideramus, videmus quod parsearum appulsu Solis exarsit, pars obriguerit nive pruinaq; longinquo Solis abscessu. Hæc ergo arenarum inculta vastitas jacet, in quibus ad exhalationes vires suas frustra consumet Solis calor; illic vastissimus incumbit Oceanus ex quo tanto major exspiratio est. Quod si à parte Austri constiterint terræ frigidiores, perpetuis nivibus rigentes; evaporationes quæ in aërem surgunt, & motu aëris ventorumq; delatæ in viciniam, frigora & siccitates promittent; & contra, si circa ortum ex plurimis aquis, locisve humiditate saturis & redundantibus, & Oceano, incipiant exhalationes prodire, & ex illâ parte cœli deferri, magnam vim aquarum ventus ille vehet. Hinc sunt regiones quibus siccus est ventus Occidentalis, humidus verò Orientalis. In universâ quidem ora Europæ Oceano exposita, cum flant Occidentales & marini venti, humidæ calidæq; elementorum portiones prævalebunt, & hyemis nullo non tem-

Pp

po.

pore frustra apparebunt minæ; cum verò ex Orientalibus & terrestribus locis, ventorum afflatu, variz afferuntur evaporationes, tum demum maxima frigora ingravescunt. Adeò ut manifestum nobis videatur, aera, calorem vicini maris sentire, particulasq; continere, maris halitu tepescientes, quæ vel multum secum calidi afferant, vel, quia ex salinis elevatis corpuseulis, radij Solis replicantur, & quousq; redire potuerunt, replicato calore, benignius foveant. Nam cum maritimæ istæ particulæ, longo intervallo in mediterræanas regiones inciderint, insitum calorem amittunt. Adeò ut, haud jam nostris mirum videri debeat, in omnibus regionibus eidem Clima subjectis, non eisdem legibus hyemem æstatemq; referri. Angliam & Hiberniam minus sævas perpeti hyemes quam Galliã, & in Scotia minus intendi frigora, quàm in Belgio & Germania; quin & in Islandia temperatiora esse hyberna tempora quàm in Lapponia, aut etiam in Norvegia. Sic Oræ Brasiliz propter ventos marinos ibi Orientales, benigna & temperata admodum fruuntur constitutione, ita ut, regio hæc perpetuo Oceani rore humectetur. Non sunt ergo plagæ ventorum, causæ istarum qualitarum, sed terræ & aquæ unde evaporationes fiunt, in ista plaga constitutæ, quæ ad nos ex illis locis, vel per illa loca delatæ, cultus moresq; locorum, insitos arctius retinent. Hisce expirationibus inter se mixtis, vicibusq; alternatis imputamus varietates temperiei aeris in iisdem temporibus & locis, atq; modo sævitias morborum modo immodicos imbres, modo pertinaciam hyemis. Nam cum ex terra & aqua modo hæc, modo illæ particulæ effluunt, salæ, sulphuræ, bituminosæ, nitrosæ, vitriolicæ, earumq; omnium multitudo, insatiabili varietate distinguitur, necesse est incumbentem terris aera hisce affici, & naturis hisce sursum, deorsum, ultro

ci

citroq; comitantibus, huc illuc effluentibus, ejus motum, partiumq; conjunctionem contineri; moribus infinitis & inæqualibus, nullisq; ratis ordinibus moderatis. Adcò ut verear, ne frustra hic suscipiatur labor quem alibi multi tentarunt ex disparibus motionibus observare quando ad eandem inter se comparisonem confectis omnium spatiis fiat conversio. Cœlum quoq; vanis cogitationibus petunt quicunq; explorari inde putant tempestatum aërisq; mutationes, atq; tam certo se inde prædicere pollicentur procellas, imbres, aliaq; quam Solis Lunæq; labores; non animadvertentes quam lubrico loco sint, non semper aëris corpusculorum naturæ congruente Syderum motu. Fortuita & sine ratione vagæ leges hæc non recipiunt. Cujus rei ordo etiam prædictio est. In stellis equidem hanc varijs cursibus in omni æternitate convenientiam temporum possumus intelligere; sed quoniam aëri tanta inest varietas & erratio ex varietate corporum quæ aëri miscentur, quarumq; vicissitudine aeris continuata natura est; quomodo in hisce terris sperabimus aerem conservare certos progressus & regressus, reliquosq; motus constantes & vagos. Non inficior esse regiones orbis terræ ubi Solis ortu occasuque contrario semper vel frigora vel imbres aliaq; terrarum injuriæ moveantur constantissime, nihilq; immutetur sempiternis seculorum ætatibus, quin eadem eisdem temporibus efficiantur. Qui perennes cursus atq; perpetui cum admirabili incredibiliq; constantia declarant, easdem evaporationum vicissitudines ex abdito spirare & vento deinde agi eadem pertinacia. Verum quando corpora undiq; loca vagæ in aere capeffentia non nituntur æqualiter, neq; easdem patiuntur leges. Natura quibusdam mitis & placida, omni tumultu caret, aliis intensior impetus; quibus per frequentia aëris loca prope-

rantibus in reliquos incurſitandum eſt; alicubi retineri, alicubi repelli oportet; nulli via tam dedita eſt, ut multas tentanti ubiq; reſpondeant. Aliquando hæc ſe in poſſeſſione poſuerunt particulæ potentioreſ reliquis, atq; in hanc vel illam partem transferunt ventorum ſtatus, ac victas commovent. In quas vires ſic effundunt interdum, ut eis ſerviant à quibus impellantur, vel miſcent ſe illis qui ex deſtinato illucetiam fluxerunt, quosq; ſubmovre non potuerunt. Ex hac itaq; inconstantia aëris tam multis qualitatibus obnoxij & undiq; laborantis animadvertitis proximum in noſtra corpora juſ aëri eſſe, neq; tantum deſiſſe ventos Naturæ Dominum ad cuſtodiendam cœli terrarumq; temperiem, vel ad evocandas ſupprimendasq; aquas, vel ad alendos ſatorum atq; arborum fructus, ſed & ut partem ſibi noſtri vendicarent, & hoc vel illo modo motos, in nos propius vim ſuam dirigerent, & prout invicem partes laborant ita in noſtris corporibus ſæpe humores vitia conciperent, & nil aliud quàm crudelitatem ac nova genera morborum verſarent, Sic ipſa auxilia vitæ in metum tranſeunt. Hæc eſt ratio, cur inter locorum naturas tantum interſit, ut alii ſint ſalubres, alij peſtilentes, alij pituitoſi & quaſi redundantes humiditate, in alijs exſiccati & aridi. Thebis craſſum dicitur cœlum, Athenis tenue. In hæc conſiderationes divertiffe mortales non erit alienum, potius quàm ea ſpectare quæ ſuprà nos ſunt & Chaldaicis rationibus eruditos conſulere, quibus ſideribus aſſignentur regiones & urbes. Nos igitur & vaſtum hunc & inquietum aëra alternis diſcordijs reciprocum, quem urbs noſtra excipit, aliquæ dignoſcamus ratione; Exhalationes terræ & aquarum patrias primò attendamus; deinde Solis effectus; poſtremò ventorum vim hic progenitorum, vel

ex alijs locis huc delatorum. Heic & terreni vapores, & aquarum halitus quotidie redduntur. Sed refert quanta quisque conferat. nam, cujus in nostro acre portio prævalebit, inde qualitates aeris, hinc quærelæ erunt. Maritimis plurimis abundare necesse est, non paucis terrestribus, ex stagnis minimum. Hæ variis inter se mixtæ vicibus & alteratæ, plurimas efficiunt urbis hujus salubritates, nisi beneficia hæc Dei corrumpere mus, & ut essent contraria, intemperantia efficeremus. Modo spissæ sunt se, modò expandunt; ex marinis adventitius erit aëre tepor, quo corpora nostra recalescant. Hasce particulas tamen alijs atque alijs viribus ruere verisimile cum sit, pro ut Sol mutato cursu in eas rectior tenditur, vel alio ventorum impetu vertantur, Solis nobis cursus est considerandus, inflexus tum ad Septentrionem, tum ad meridiem. Clima nos incolimus Quinquagesimum quintum, quo Solis accessus modici tum recessus, & frigoris & caloris modum temperant. Magna quoque urbis pars ad Orientem & meridiem convertitur, sentitq; exortus Solis tum æstivos tum hybernos, occasus quoque hybernos. Talem ad Solis exortum situm habere jubent scriptores; in æstuosis locis septentrionem spectare, meridiem in frigidis; in temperatis exortum æquinoctialem. Ita vario Solis ortu & occasu, æstivo vel brumali, Solstitiali & Æquinoctiali, hæc definiebant Antiqui. Quorum ut exactior nobis constet ratio, tota Horizontis peripheria in triginta duas partes divisa distingvatur lineis à centro ad circumferentiam ductis triginta duabus, quibus totidem designentur venti, ventorumq; nomenclaturæ; adeò ut lineæ per centrum mundi ductæ ad normam sese intersecantes, cardinum quatuor mundi vestigia demonstrent. Interjunctæ verò plagæ non Solis exortu vel occalu, sed numero rectarum

rum ordine à cardinibus distanti describantur. Hac cœli distributione exortus Solis Solstitiales æstivi, nobis cum quarra à Septentrione linea congruet, eademq; ab Oriente, Austro proxima brumalem exortum notabit. Brumates quoq; occasus deprehendit urbs nostra, qui incidunt in primam ab Occidente lineam ad Meridiem spectantem. Patet hinc quæ ratione densas compactasq; vaporaciones dissipet Sol. Ex Sole enim oriente & occidente æt. die ac nocte distinguitur. Is æstate fusus & extenuatus, tublius fertur, hyeme, in nubes cogitur, humoremq; colligens, terram auget nive vel imbris. Antelucanos flatus, qui aut ex stagnis ex mari aut ex planitie feruntur, & quicquid ex se emisit urbs tota, quod nocte non exhauritur, calor Solis exorientis levar. Naturâ quippe calor omnes abigit nebulas, & à se repellit. Solis ergo fortius lumen cum est, aer ipse quoque agitatus ab illo magis, calefactusq;, solutior est, partesq; in eo existentes, motui ejus obsequentes, facile dissipantur. E contra hyeme, cum Solis inertior vis est, quàm ut rigentem aera fundat, & ex denso coactoque, explicet, ne pertinaciter diutius nobis incumberent circa urbem collectæ exhalationes, ad deducendum matutinum aerem, atq; impellenda arctata conjunctaq; corpora, ex variis cœli partibus elisos fecit spirare ventos, qui, ubi loci avere vires, multo majores diuturnioresq; sunt, quàm ut à circumposito aere sustineri possint. Itaq;, cum datum est laxamentum corporibus, & stipatio illorum ac turba soluta est, liberior exitus, & loci laxitas, alios ex diversis causis ruentes invitat, ut huc confluant plures. Hinc tantus illis imperus, ut spissum aerem & humidum expandant & tenuent. Totum enim spatium inter Castellum & littora Amagriæ non tantum Solem accipit orientem, sed & perflatus à Borea, Subsola-

no,

no, Vulturno & Meseuro, h.e. omnes, quos recipiunt plagæ à prima linea versus Septentrionis cardinem usq; ad Orientalem; nec non ab Orientali plaga usq; ad tertiam lineam versus Austrum. Ex ea parte cœli cum exeant anhelitus terræ quos emittunt Norvegia, Moscovia omnesq; Europæ continentes regiones, & natura & impetu frigidissimos afferunt ventos, qui hyeme frigora intendunt, æstate media ad temperandos calores plurimum conferunt. Solent per divortium veris & æstatis prodire, cum maxime nives tabescunt, in terris frigidioribus. Aliquando retinent mores quos tradiderunt terrestres exhalationes, & frigido contactu corpora affligunt; aliquando deficiunt, & ante defatigati, quàm ad nos devenerint, facile ab aliis vincuntur. Sæpè enim imbecilliores esse hos ventos & Austrinis parere oportuit ut frigora & siccitates quiescerent, nimium libidine ferociaq; provec̃ti. Frons ergo urbis à Septentrione ad Austrozephyrum directâ, varietatibus hisce ventorum terrestrium & maritimorum, frigidorum & calidorum, positionem obtinet mediam, & temperatum libramentum effectuum hyemis & æstatis. Plurimas enim minas solet Auster in urbem transferre, & nova genera morborum versare, præsertim cum suffragatur cœli status humidus aut æstuosus, quibus malis modum solent imponere salutari sua vi flatus Orientales atq; Boreales, dum particulas noxias quasdam abigunt alias dispensant & ad sanum modum redigunt. Nam qui à parte Austrina & ad Zephyrum declinantes ex aquis surgunt Oceano concepti; sine frigore ingenti vehementes quidem sunt, verû nisi aliquâ iniquitate naturæ segniores fuerint & impetum accipere non possint in salubritatem proniores. Quod, si verò in corpora imbecilliora, quorum

rum virtus impetum ejus reprimere nequit, incidunt, varij defluxionibus illa infestabunt vi sua, & in humiditatem naturā proclivi. Hinc prodeunt ægitudines multiformes, stomachus nauseat, præcordia palpitant, pulmo anhelat, totumq; corpus immanitas doloris depascitur. Aer ergo hisce ventis agitatus magis tepescit, ut intelligi facile, possit in tantis illis humoribus inclusum esse calorem. Addeò ut, sicut flatus terrestres à Septentrione & Euxo proVecti urbem hanc à pernicië imbrum liberant, &, quæ à Aquilone maxime gaudent langventia corpora sustentant ut ab afflatu ejus lætiora fiant; ita blandientibus Austris, molliores apud nos hyemes, & veris initio evocatæ indulgentia cœli germinationes, secutis caloribus sereniores luxuriant, modo præposteris horis singuli non affligant. Quorum vim in nos propius dirigi ex arbitrio licet in nostra potestate non sit; tamen in quantum emendandum providit Omniscius illic Deus & in quantum opus sit concitentur remittanturq;. Accedit & illud, quod natura loci tam commode nos tractet, ut qui ex terris illis frigidioribus incipiunt magno impetu, deficient antequam ad nos devenerint, neq; magis se concitent, sed per aliquam maris Balthici superficiem agitati recalescant, ut tandem ad nos infracti, lepiore accedant. Vice versa, illos, qui à parte Austri oriuntur ex respiratione Oceani, sic corpora nostra accipiunt, ut eorum vapores per continentes terræ regiones delati, & avocati transversis aliorum vestigiis passim discurrentium, vel consumpto humore, exhalationibus terrenis siccis mixto, ex dissimillimis naturis, tantus concentus fiat, ut omnem vexationem non sentiant, atq; longe aliter nos afficiant, quàm eos qui ictibus infractis patent. Correctis sic Divina gratia ventis, nihil est in aere nostro, quod non sit bonæ spei capax. Reliquos ventos

ventos ab occasu brumali & occidentali latere Septentrio-
nis perflantes cum bonâ gratia dimittimus ; à quibus cum
defendatur civitas, collibus, ad orientē & meridiē molliter
de vexis, eorum impetus non adeò effusus esse oportet, sed
temperatos & obediētes, nisi cum vehementer concitati,
procellosi & acres, iter sibi vi ac pugna parant. Tota itaq;
Dania ejusq; metropolis Haunia, salubre satis nacta est
coelum, nisi proprias in se manus advocarent incolæ, vel,
nimium quæculi, minima momenta calumniarentur. Sed
quia nulla terrarum pars à clade excepta est, & à fato im-
munis ; non mirum hic sæpius sævire innumerabilia infir-
mitatum pericula. Invadit temperatissimos morbus, va-
lidissimos mors, vitæq; compendium mortis est luendum
incommodo. Pituita hic maxime timetur, quæ in humo-
rum mixtura cum prævalet, facile sanitatem omnem cor-
rumpit imbecillis corporibus & non magna molitione
perdendis. Deinde in perniciem nostram satis valet quod
oras Balthicas depopulatur malum ex Scorbuto. Hoc ip-
sum tamen non omnes ex æquo sollicitat, & quamvis latif-
sime pateat, non est inevitabile. Rusticos, & laboribus
assretos præterit, quos ab hoc vitio vindicant exercitia,
parsimonia lautiores. Hujus quoq; imbecillitatis con-
sciiis, solatium inter cætera providentiæ Divinæ opera
admiratione suspiciendum, ex vicinia dedit, Cochleariam
in Amagria, in pratis trifolium aquaticum, Nasturtium,
Beccabungam & similia. Suas enim istud malum causas
habet, quibus corpora turbantur, nec plus in se periculi ha-
bet quam vulgares morbi, adeoque facile & evitari & provi-
deri potest, modo ad versus hanc cladem bonum sumamus
animum, & auxilia usurpemus non temeraria. Valetudo
ferè omnis intra nos stat. Multum prodest in viridi æta-
te abstinētia ad omnem legem exacta. Cibis, portioni-
bus,

Qq

bus, exercitationibus ordinem ponere, ac sanitatem mutata quandoq; vitæ dispositione firmare. Sic etiam quæ extra intellectum atq; æstimationem causarum mali sunt posita, assiduitas curæ pertinacis evincit. De salute enim qui non sunt solliciti atq; remedia opportuna negligunt, non mirum est dare eos hujus negligentiae poenas. Sed quoniam nusquam cœli tanta benignitas, ut sine omni sanitatis jacturâ, ad senium pervenire liceat, quippe, corpus nostrum, quod sanguine irrigatur, & spiritu, omnium mutationum patitur leges; non dubium est tamen, quin quibusdam locis levibus causis discutiantur, & quibusdam subitæ continuæq; mortes grassentur, & monstrosa generâ morborum; aliis verò felices, annoso degant ævo, homines. Hunc crassior saliva suffocat, hic pedum dolore corripitur. Per successiones suspiria, asthma, calculi quibusdam traduntur. Sub eadem lege jacemus omnes; sed si discutiamus ægritudines quæ, aura urbis nostræ contrahat; ad confessionem veri etiam invitos compellemus, non adeò infelices hic esse valetudines, quin cunctis annos suos emetiri ex commodo liceat, quibus natura dedit sana corpora, & ad senectutem decurrere; nisi in se malint, gulæ deliciis, vocare fata tardantia; & cibus, & potus omnis generis, & vigilia, & somnus, cum mensurâ quadam, tam salubria sunt, ut mors non nisi satietate vitæ adventet. Omitto nunc infinitas hic opportunitates, portum quietissimum omnium, quos aut natura posuit in tutelam classium, aut adjuvit manus; sic tutum, ut ne maximarum tempestatum metus sit; accessu quoq; cunctarum gentium facili, ad cultum hominum atq; abundantiam; ne imperiti, & sine magnâ experienciâ hic habitarent homines, circumscripti natali soli sine. Benigno diversorum ventorum, quovis anni tempore, afflatu fruimur, ut com-

mo:

moda cujusq; regionis nobis fierent communia. Neque adeò effusos eorum impetus animadvertimus, sed sæpius temperatos & obediētes. Rarò enim tantis apud nos procellæ viribus ruunt ut partem metus nostri fierent, silvasq; convellant atq; ædificia tota corripientes in altum frangant. Non affidui aut immodici cadunt imbres, & sine ullis Solibus nebula continua. Nunquam subito maris accessu urbs vapulavit, neque terræ motibus infamis reddita est, non incendia ruptis montium verticibus effusa hæc visa sunt. Pestilens cælum quandoq; hanc urbem afflixit, non exhaustit. Adversus tonitrua & minas cœli, melior quoq; est horum locorum conditio quàm multorum. Adeoq; situm, salubritatem cœli & æmperiem, non immerito quis dixerit rerum Naturam dedisse sumamam. Inde nobis omnipotens Deus animum gratum, ut sicuti par est eloquamur eminens hoc beneficium in nos tuum. Ne prolabamur in ingratam oblivionem, aut siamus jejuni aut iniqui æstimatores muneris tui. Sed abortu Solis usque ad occiduum diem, & dum sydera nocturna excubant usq; ad albescentem auroram annunciamus laudem tuam.

CXIV.

Anatome Hydrophobici.

D. Joh. Henr. Brechtfeld.

L Aurentius Serenissimæ & Clementissimæ Reginæ meæ à pedibus d. 1. Mart. 1678 in subitanæ incidit hydrophobiam ut ne guttulam liquidi cujuscunq; generis posset deglutire cum tamen solida quæcunq; promtè per gulam demitteret. Ab exhibitis bezoarticis & alexi-

Qq 2

alexj-

alexipharmacis parum juvabatur, die tertio rabie correptus saliva ubertim ex ore fluente adstantes omnes conspu-
 ebat, quarto demum morbi die extra lectum in sella sedens
 facto uno, & altero corporis subsultu subito suffocabatur.
 Aperto per Chirurgum Regium Philippum Hacqvardum
 me presente cadavere corpus prorsus extenuatum erat ac
 si hectica diuturna tabefactum fuisset, caro musculosa om-
 nis ut & pinguedo penè consumpta, omentum item peni-
 tus absumptum ut intestina flatibus turgida nuda jace-
 rent, mesenterii glandulæ & pancreas prorsus extenuata.
 Hepar in parte convexa sano simile, in parte concava in-
 flammatum & gangrænæ proximum cum pleura tam fir-
 miter coalescerat ut vix nec sine ruptura avelli posset, sinis-
 ter lobus hepatis lieni tam arctè adnatus erat ut non nisi
 sectione ab invicem possent separari. Vésicula fellis bile
 viridiuscula plena, costis itidem firmiter adhærebat. Ven-
 triculi interior tunica corrupta ut digitis posset abradi.
 Ejus superius orificium exile admodum ut & totius ceso-
 phagus angustus valdè & quasi constrictus. Pulmones
 aridi & extucci costis utrinque adnati. Pericardium ne gut-
 tulam aquæ continebat. Cor flaccidum & extenuatum,
 cujus dextra auricula insigniter tumebat, dexter ventricu-
 lus sanguine grumoso plenus, in sinistro sanguis planè flu-
 idus. Renes satis magni notabili vitio carebant, succen-
 turiati egregiè conspicui. Cerebrum non inspectum,
 quia instrumenta ad calvariz depositionem necessaria ad
 manum non erant. *An à cane rabido demorsus unquam*
fuerit, à me, cum mente adhuc constaret interrogatus, se
id non meminisse ajebat, svadere tamen id videbatur ci-
catrix in sinistro crure post mortem conspicua, quan-
quam non desint exempla letalis hujus aquæ metus ut
Plinius l. 8. N. H. c. 40. vocatur etiam citra morsum ca-
 nis

nis rabidi prout videre est apud *Marcel. Donat. hist. med. mirab. l. 6. c. 1. Salmuth. cent. 2. observ. 52. Zacut. Lu. sit. de Med. P. P. hist. 20. Borell. cent. 3. observ. 38.* Proinde etiam famosum illud aquæ marinæ balneum in curâ neglectum, quod demorſi antequam hydrophobia superveniat juvamen aliquando indè accipiant, ubi verò aquas jam horrent

Nec formidatis auxilientur aquis.

CXV.

Ex pilulis cephalicis intempestivè & in consulto Medico assumptis intumescencia capitis & tandem subita mors.

D. Casp. Kölichen.

Emerat Tornator quidam artificiosus pilulas cephalicas sanitatis conservandæ gratiâ, ex pharmacopolio (siquidem ibi pharmaca venalia & vulgus miserum parvimonix studens, pro placandis miseri corpusculi infirmitatibus non medici, sed Medicastri auxilium passim implorabat): quid sit? reſer ille Vitam in marsupio cum pilulis possidere ratus, post paucos dies mortis candidatus navium Charonti solvere coactus fuit: grædo enim Capitis, quam per plusculos dies cum tumore genæ dextræ senserat ab usu pilularum aucta (siquidem humores peccantes in corpore commoti & non sufficienter, nec justo tempore per Vias consuetas promoti & salutari pharmaco evacuati (tormina enim potius quàm purgationem indicabat illa pillularum massa) partem debiliorem & glandulas, quibus caput præ cæteris refertum est, petunt) humores

Qq 3

afflu.

affluentes, unde tumor capitis, remisit ad partes inferiores, pectus scilicet, & ibi suffocationem inopinatam peperit. Hinc qui volunt cautius mercari discant. Idem Judæo cuidam nuper accidit, ejusdem farinæ pilulas in simili affectu porrigente Tonfore quodam navali.

Dis immortalis quantum mortalia cœcæ

Pectora mentis habent!

Motus enim naturæ in tali affectu adjuvandus non impediendus: impeditur autem per purgantia, illa enim materiam peccantem à naturâ ad peripheriam corporis ad centrum revocant: adjuvatur per sudorifera, illa enim humorem peccantem vi naturæ ad ambitum corporis propulsum, ibiq; in parte aliquâ hærentem & tumorem procreantem magis attenuant & per poros apertos evanescere faciunt, aut jam induratum maturationi aptum reddunt; adeò multum interest scire

— quid distant æra Lupinis.

CXVI.

Aqva ex Mercurio sublimato pro Aqva C. C.

ex incuriâ deglutita.

Cass. Kölichen.

A Servatur in pharmacopoliis nostris Aqva C. C. comp. Wormij, cujus hæc est descriptio: R. Ralur. C. C. Pom. Citr. unâ cum Cort. Sem. & pulpâ in frusta dissect. à ℥j. His affund. Aqv. Acetos. Scord. Meliss. Scabios. Card. ben. à ℥iij Destill. s. a. in Balneo. qvæ aqva ubiq; & undiq; in Civitate expetitur pro usu domestico à Matribus familias: fortè fortunâ in ædibus primarii cuiusdam Civis ex domesticis quidam ad cutis vitia paraverat

rat aquam ex mercurio sublimato; Ancilla Infanti puellæ Aquâ C. C. ex lagenulâ infundere volens arripuit exincuriâ Vasculum ubi Aqua illa mercurialis asservabatur & Infanti haustulum dedit: illicò sequuntur Symptomata, Vomitiones, Convulsiones, sitis & febris &c. curata ramen fuit hæc puella, divino Numine aspirante, vulgaribus ex quotidiano Pharmacopœorum penu desumptis, iisque methodicè adhibitis medicamentis, quæ hic recensere supervacaneum judico. Confestim enim advolavit Medicus, qui dum principiis obstitit, ocyus medicina parata fuit, antequam

— mala per longas invalere moras.

Præcipuè ramen ratione Veneni profuit hæc mixtura alexipharmica mihi in omnibus aliis etiam affectibus ubi suspicio est alicujus malignitatis usitatissima & Ægris salutaris. Rec. Aqu. Galegæ f. rutæ capr. Scordji. Card. ben. exsicco, febrifug. Schröderi. à ʒij. Pulv. pannon. rub. Elect. Orvietani à ʒiiij. Syrup. flor. Tunicæ ʒj, M. d. in Vitr.

CXVII.

Pecus Marinum patriâ lingvâ Strandqvæg/ Germanicè Strand oder Meerbleh.

Casp. Kolichen.

A Micus quidam Coagienfis mihi narravit: cum uxor ipsius Hafniâ Coagium aliquando tempore æstivo rediret, & circa meridiem non procul ab oppido, cum littora sicca essent, ut pro Ventorum flatu ibi locorum fieri solet, ipsa curru vecta, maris vestigia propter viz planitiem, legeret, ex longinqvoad maris profundioris labia vidit

dit coloniam novi pecoris, glabri, variegati, cornibus etiam ornati, sed caudâ ab illo terræ incolâ differente, cauda enim instar flabii erat, quantum ex longinquo videre poterat: Vaccas, ni fallor, numeraverat duodecim cum uno Tauro, quæ omnes cum Tauro agmen ducente ad aspectum & adventum ipsius ad Neptunia arva redibant, natatu tamen tardiori: domum reversa Uxor narravit Marito novum istud spectaculum; Ille rei novitate commotus illo ipso curru vehebatur ad illa maris littora etiam profundiora, quæ curru superare poterat, sed præter Neptunia arva nihil vidit, dimidium enim milliare ab oppido distabat locus spectaculi. Expiscatus sum postea à rusticis maris accolis an ipsis aliquid per Vitam innotuerit de hoc pecore marino, affirmarunt cum additione: Taurum nempe marinum quandoque cum Vaccis terrestribus congregi, soboles verò illa quam primum lucem viderit & paulum adoleverit ex stabulis dimissa ad littora accelerare & ibi in mare sese præcipitè dare. De Flabro quo ex fætelitio nobili unus Regi Persarum præsenti, ventulum fascit, quod ex India defertur & ex pecore quodam marino desumitur vid. Eras. Francisci theatr. historic. in hist. Otto Brückm. Frid. Bollingius in Itinerario suo Indico, Danicè scripto & nuper edito refert: dari circa caput Bonaspei in sinu Taffels Bay equos marinos seu Hippopotamos, ungulis bisulcis, capite bovino, qui excurrunt quandoque ad littora ibique gramine vescuntur, eorum sanguine utuntur Pictores Indi ad picturas, dentes verò medentur dentium dolori, si illo dente dentes affecti fricentur, ut ille ibidem asserit.

CXVIII.

*Spiritus Vini & frumenti potus noxius**maris accolis.**Casp. Kölichen.*

Maris accolis dico noxium esse potum Spiritus Vini & frumenti (per Spiritum autem Vini intelligo illum, qui aut ex Vino ipso aut ex fecibus Vini, quem Galii suâ lingvâ Vin de Vin appellant, destillatur,) quia ibi crassior est aër, variis ex salis inquinatus vaporibus, qui corpora Incolarum falsedine illâ imprægnata ad Scorbuti generationem habilia reddunt; hinc epar Colatorium sanguinis inprimis patitur: falsedo enim illa, præsertim crassior, ad Vias excretorias alioquin destinata (quod enim crassum, quod fæculentum, quod terrestre est, fundum petit, infimas partes scilicet, suâ gravitate, & hepar, lienem, Ventriculum & vasa mesenterii infestat, reliquum quod volatile est ex illa falsedine, superiores petit partes; caput sc. & pectus, ibique aut salivationem aut tussim frequentem parit) à quotidiano Spiritus Vini usu quasi exaltata, hepar, lienem, mesenterium & ipsum Ventriculum instar muræ tingit, & ob pondus altius ascendere nescia, ibi hæret, & obstructions insignes parit, hinc ob remoram urina tingitur (sal enim tingit urinas, & quò magis tinctorum aptissima) hinc pauca redditur, hinc Viscera acridine illâ à Spiritu Vini inducâ corrumpuntur & tonum naturalem amittunt, inde hydrops, Icterus & alia mala quæ ad Charontem ducunt, siquidem nullis exemplis & observationibus id demonstrare possem: Experientia hic locorum pro me testis est: Ergo

Abstine & efficies quod Medicina nequit.

Rc

CXIX. Hy.

CXIX.

*Hydrops Scorbaticus.**Casp. Kölichen.*

Hydrops & Asthma

Est mirabile phantasma.

Quod nullum curat Cataplasma.

Ita olim dū Rhythmi valerent & obscurior ætas esset, aliquis cecinit: & profectò si morbus est qui Medico multū facessit negotiū, hydrops est; præsertim ille, qui ex Scorbuto sensim propullulat, plerumq; enim hic oritur ex Visceribus corruptis ex falsedine illā Scorbaticā fermè exesis cum adjunctā Ictericā flavā quandoq; etiam nigrā, hinc illa Cantilena

Hydrops, Quartana Medicorum Scandala plana.

Hic enim est ille hydrops, qui vitiato hepate etiam quandoq; acrimoniā suā exedit illa in concavo hepatis vasa lymphatica, unde aquæ redundant in Cavitatem abdominis, hinc moles ingens, & quis ibi dabit medelam, ubi ex humano consilio nulla est? quis enim Valcula illa tenuia, lymphatica intelligo, occludet & iis obicem ponet. Salvis tamen aliquo modo Visceribus & vasis lymphaticis incorruptis, medela dabitur, non purgantibus, non sudoriferis, non diureticis, quod rarò fiet, (loquor enim de hydrope confirmato) non paracenthesi, quæ ultimā plerūq; absolvit lineam vix centesimo salutaris: sed medicamentis exsiccantibus & eādem diætā: inter exsiccantia medicamenta laudem præ cæteris habet Chalybs, ut sæpius, Deo benedicente, expertus sum, qui etiam aperiendi & Viscera roborandi vi pellet insigni: Limatura sc, in Vino sive Canariensi, sive rhenano, seu gallico cum Zedoariæ radice

rad: infusa, ubi tinctura sensim extrahitur & ab essentia chalybis Vinum ferè insipidum redditur. Formula hujus medicamenti talis mihi in usu est. Rec. Limaturæ chalybis recentis. ʒj. Rad. Zedoariæ elect. incis. & contus. ʒvj. M. & infuantur sacculo ex syndone albâ S. Sâf. Irin zu einem Pott Wein. Hujus Vini Chalybeati marie & Vesperi recipiuntur tria aut quatuor Cochlearia, & fiat continuatio ad quatuor aut plures septimanas (sensim affundendo Vini aliquid pro ut tinctura ex chalybe efficacior appareat) usq; dum malum mitigetur & sanitatis affulgeat Spes, observata diætâ convenienti, ut antea dictum.

CXX.

Execrabile Calculi remedium.

Casp Kôlichen.

Agyrta quidam, honestæ Matronæ septem menses gravidæ, ex suppressione Urinæ (qui affectus gravidis sæpe obvenire solet) & doloribus dorsi decumbenti, ex marisupio commendavit oleum in lagenulâ asservatum pro singulari calculi remedio, quod ille Matronam illam laborare asseverabat; assumit ægrota quotidiè certam quantitatem hujus olei, unde ardor urinæ & dolores dorsi magis aucti, tanto cruciatu miseram affecerunt ut dies noctesq; in somnes transigeret, largius quidem effluxit urina, sed cum urinâ mucilago aliqua instar spermatis ranarum coherens, quæ mucilago procul dubio naturalis ille mucus Vesicæ & Vasis Urinariis inhærens, fuit: provida enim natura de tali muco instar glutinis illis partibus prospexit, ne ob continuū urinæ transitū partes illæ læderentur

Rr 2

rentur

rentur & homo cum dolore mingeret; hinc etiam factum ut quoties optima Matrona urinam redderet, præsummis doloribus vix sui compos effer. Mortuâ tandem, apertum fuit cadaver, sed nullum ibi calculi vestigium apparuit, neq; in Vesicâ, neq; in renibus nec ureteribus; totum verò Vesicæ corpus internum undiq; glabrum & quasi elotum & erosum erat, ob causam fortè, quam antea dixi: dexter ren duplo major erat sinistro, qui satis exilis erat, totus autem Lien sideratus. Plura explicari non potui ob temporis angustiam, aderant enim mulierculæ, quæ pollincturam urgebant. Urinam pellendi & insignem fortè abstergerendi Vim illa Agyptæ medicina habuit, hinc illæ lachrymæ: Caveant ergo sibi, qui ob metum Calculi præcautionis ergo quotidie aut sæpius medicamenta abstergentia, aut calculum frangentia ingurgitant, ne aut nimium præceps natura fiat in expurgando sero aut plus sabuli à sero separatim ad partes urinarias natura amoliatur, quam partes illæ ferre possint: optima enim pharmaca

— — data tempore profunt,
Et data non apto tempore sæpè nocent.

CXXI.

Singularis Urinæ suppressio.

Casp. Kôlichen.

HOnesta fœmina sedecim præter propter menses gravidâ, dorsi doloribus infestatur; mulierculæ Vicinæ, pro more sequioris sexus, in consulto Medico, non auditâ Obstetrice, partus tempus, cujus calculum malè observaverant, appropinquare, miseræ persuadent; hinc tot ex tripode dicta & consilia, si diis placet, hinc tot potiones ex herbis partum promoventibus domi præparantur, & præ-

præparatæ ægrotæ propinantur, & nescio quid amplius consilij harum furiarum excogitaverit audacia, in perniciem misellæ scœminæ, inter manus medicastrarum vix respirantis. O Cœlum! nonne satis est, Evam in Paradiso peccasse, an adhuc illæ non degeneres Evæ filiæ tot in mundo ludibria exercere debent, & si profari ausim, homicidia committere? sed ut ad ægrotam meam revertar, scias, benevole Lector, miseram illam ex falsis illis parturiendi conatibus, quos insana illa muliercularum procacitas, internè & externè, verbis & herbis, nefando ausu promoverat, in tantam urinæ suppressionem incidisse, ut parum aut nihil lotij sine instrumenti ope, Catheterem vocant, per vesicam redderet, cum acerbis cruciatibus & hinc incremente febre, aucto abdominis tumore, (obscuro retrocedens) magis magisque suppressâ urinâ, ut nec ipse Catheter amplius juvare posset, vigiliis & doloribus exhausta diem supremum obiit. Consensiente Marito, me præsentem à Chirurgo Regio Philippo Hacquardo, Viro Exercitatisissimo, Cadaver apertum fuit: invenimus Vesicam, ex lorio ibi collecto, tumidam, caput adulti hominis æquantem, cujus exterior tunica ex parte gangrænosa, dissectâ verò vesicâ ultra libras quatuor lotij olentissimi effluerunt.

Uterus cum fœtu mortuo, ex ligamentis superioribus, lata dicunt Anatomici, laxatis, ob causam, quæ antea recitata fuit, tam arctè sese cum mole suâ associaverat collo vesicæ, ut ex arctâ illa compressione ne guttam quidem seri vesica transmittere posset, hinc omnis mali causa.

CXXII.

Hæmorrhagia rebellis.

Casp. Kôluchen.

STrenuus quidam Miles infelicius in Castiris Acidaliæ
 Re 3 quàm

quàm Gradivi militaverat, hinc ex Lue inde reportatâ & malè curatâ varia ipsi relicta sunt Symptomata; inter alia & hæmorrhagia narium longa, frequens & rebellis: omnia tentavimus, quæ Industria nostra excogitare potuit, sed prohibere non potuimus, quin illa tanto sæpe cum impetu rediret, ut de Vitâ periclitari videretur Æger noster. Interim confortantibus, sanguinem sistentibus & acrimoniæ ejus mitigantibus tam diu pugnatum fuit, usq; dum ipsa natura medelam attulit: Officulum enim oblongum & satis acuminatum, quod benevolus Lector hic delineatum videt, à naturâ ex parte sanâ separatam & sensim ad narès protrusum, inde tandem Chirurghi manu fuit extractum, quo factò, non amplius rediit enormis ille narium sanguineus fluxus. Ita, sublatâ causâ, tollitur effectus.



CXXIII.

Fixa herbarum salia non sunt ejusdem facultatis.

EA esse omnino uniformia nostrilucæ propalator Kunckelius affirmat, ita ut e. g. salis absinthij virtus anti-febrilis, non minus genistæ aut arte misæ Salis, vel cuilibet alij competat: Summa: Omnium salium elixiviatorum tum in Chimia tum Medicina energiam esse prorsus eandem. Verum enim verò, cum per experientiam constet, virtutem specificam & seminalem unius cujusq; rei latere in suo sale, & penitus ipsi implicari, ad eò, ut non nisi pereunte salis forma, pereat ipsa; ille profectò salium delectus,

etus, non omninò de nihilo videtur habendus: sic sal cens-
 taurij minoris, philophice paratus in cineribus herbæ la-
 titans, per resuscitationem Chemicis notam repræsentat
 solam centaurij minoris umbram; genistæ sal repræsentat
 genistam, urticæ urticam; quod sane specificam vîr-
 tutem in sale suo adhuc dum latitare manifestissimè probat. Ut
 taceam Kunckelij sententiam quam maximè refutare, va-
 rias salum figuras, quas in crystallisatione constanter reti-
 nent: hinc enim diversa atomorum salinarum modifica-
 tio manifestè arguitur, diversas verò medicaminum in hu-
 mano corpore operationes, à molecularum in situ, figura-
 rum diversitate dependere Philosophiæ Cartesianæ non
 ignariorunt. Quin confusiones variorum salium cum
 acidis id evincunt: e. gr. si pro parando Tartaro Vitrios-
 lato Spiritui Vitrioli adfundas sal Tartari, longè alia
 φαινόμενα adparebunt, quam si eidem Spiritui Vitrioli ad-
 fundas sal urinæ, cum tamen utraq; salia & Tartari & urinæ,
 sint de natura alkaliū. dantur autem & salia purgantia,
 quæ sequens esto:

Rec. Sal. gemmæ

Succ. radic. esul. min.

polyp. querc. an. ʒj.

gumm. ceras. ad pondus omnium.

Reverbera per duas horas; extrahe sal, & rursus adde
 prædictos succos cum gummi cerasorum, misce & forma
 globulos; reverbera item per 2 horas, non diutius; pulve-
 riza, extrahe sal filtrando aliquoties & coagulando donec
 purum & albicantissimum nanciscaris: serva usui: dos.
 gr. XII. ad ʒj.

Hoc est purum putum sal lixivum, per secessum tamen
 pur-

gans, quod ab alio quovis alkali puro, nisi pro stimulo, nec quidquam expectaveris.

Rosinus Lentilius

Ser. March. Brand. Medicus.

CXXIV.

Axungia leporina ad oculorum pannos.

Non esse turpe Medico ab agyrtis nonnunquam, vetulis & Veterinariis aliquid addiscere Medici mecum haud pauci statuunt. Audiui quondam à Veterinariis equos, quorum oculi sunt pelliculis prorsus obvelati, illita axungia leporina curari: tentavi id in hominibus, & in leucomate, panno, me nunquā sefellisse quin profuisse sepius obtestor: Temperavi tamen axungiam leporinam melle rosaceo. Hoc addo, unguentum ophthalmicum J. Val. Willij *Actis Med. Hafn.* insertum me sæpius exoptatissimo cum successu, non in inflammationibus oculorum tantum verum & pannis & aliis multis adfectibus, oculorum, sed methodicè adhibuisse,

Ros. Lentilius.

CXXV.

De Thermis Anglicis.

Ex literis *Pauli Vindingii* Erasmi. f. Prof. Hafn.

EX itinere meo Bristolienfi & in alia loca suscepto nar-
rarem Tibi quædam, nisi Iliada post Homerum scribe-
re tæderet, id est, post *Ampl. Borrichium*, qui in Epistola
ad Te sua omnia accuratè perstrinxit. Id verò non præ-
tereundum, quod in rupibus Bristolienfibus vix alios ajunt
in.

incolæ lapillos inveniri, quam spurios adamantes; non alterius coloris facile reperias. In Thermis Bathoniensibus nummos argenteos in aurari vidi. Luto extracto nummos iterum & tertio fricant, donec colorem aureum affricent; an hoc naturæ fundi sit ad scribendum nescio. Narrauit mihi Venerand. Dn. Episcopus Oxoniensis idem succedere in locis, ubi multum urinz confluerit; si quis limo isto nummos infecerit, colorem in aureum mutare. Quod si fuerit, frustra se hoc mysterio jactant aquæ Bathonienses, sed forsan de curandis febricitantibus magis sollicitæ erunt.

CXXVI.

Dolor dentium & auditus difficultas subsultu curatus.

DOlore dentium intolerabili pridem cruciabatur Dn. Erasmus Vindingius, Vir magnorum meritorum, qui neq; noctu inducias dabat. Cum alia remedia frustrarentur spem nec levarent dolores, consilium in arena cepit. Media nocte lecto se proripiens, dormientibus famulis, exiliendo ad mensam corpus agitavit concussitq; propulitq; ex loco suo dolorem vel doloris causam, statimq; levato dolore ad quietem compositus, ex eo tempore ab isto symptomate immunis fuit. Nuper idem consilium Johanni Torchilli Procuratori Urbis de auditus difficultate conquerenti svasit felici quoq; successu. Scilicet subsultu illo corporis seu, ut cum *Plauto* loquar, insultura & desultura, pellitur loco noxia materia, quæ vel dentes vel aures occupat. Non ignotum antiquis remedij hoc genus. Testis est *Oribasius* L. 6. Collect. Med. c. 31.

Sa

qvi

qui ex Antyllo refert, exilire accommodatum esse diuturnis morbis capitis, thoraci, materiæ quæ ad partes superiores propensa fertur: saltationem quoque ad nates, quæ Lacanæ mulieres utebantur, caput purgare & siccare. Differre verò monet exilire à saltando: nam exilire esse cursui simile; quò eodè in loco corpus manet, poplites inflectendo & circumvehendo, saltum verò esse firmè crurum continuū. At subsultus, quo Vindingius noster Magnus suam odontalgiam discussit, pedibus sursum deorsum in eodem loco motis, corpus quoque deorsum sursumque, concussit, & quæ dentes occupaverat materia deorsum quoque propulit. Ita & discussit ex auribus sive flatūs sive obstruentes humores.

Affinis huic est curatio, quæ quoscunque corporis dolores exteriores & tumores, pugnis vehementioribus parti dolenti impactis domare amicum alium vidi, ut quæsi fustibus molliores fiant magis, quam ullis emplastris,

Quæ de subsultu dixi, propriis Magni Vindingii nostri verbis confirmabo, sicut ipse consignavit. Ita verò ille:

Ante annos plus minus quindecim postquam statò tempore cubitum iveram, & aliquantum obdormiveram, acutissimus dentium dolor mihi somnum excussit, duravitque; is aliquot horas, rumpo tandem patientiam: de lecto surgo, & me propinquæ mensæ applico & pulvinum in tenebris forte repertum nudis pedibus subdo, & manuum, quibus mensam apprehendi, ope subfilire incipio toto corpore; pulvino pedibus insistens: cœpit sensim remittere dolor: postquam me ita ad octavam horæ partem exercueram, redeo cubitum & mox lenis sopor occupat artus, nec ullum discusso somno sensi dolorem.

Accidit his diebus notissimum in hac urbe causarum Patronum Johannem Torchilli f. agentem causam apud consi-

Obs. 27. Vol. 5.

Monstrum Lalandicum



BIBLIOTHECA
MUSEI HIST. NAT.
VITRUVII

stitutos à Rege Judices M. Wibe & me ob defluxum humorum ad aures difficillimè audivisse quæ vel ab adversæ partis Patrono vel à Judicibus dicebantur: cum dimitterentur disceptantes apud nos questus est se hoc aurium vitio plusculos menses laborasse. Rediit in memoriam quo modo ante annos quindecim dolorem dentium repulisse, putaviq; eodem modo audiendi difficultatem ex humorum in aures defluxu ortam tolli posse. Docui eum rationem à me initam. Paruit consilio & cum iterum apud nos in eadem causa post aliquod dies compareret, ea audiendi facultate præditumprehendimus ut quæcunq; vel ab adversa parte vel testibus vel judicibus dicerentur haud difficulter auditu perciperet sine ulla vocis intensione.

CXXVII.

Monstrum Lalandicum.

ANno 1677. 12 Julij natum est Syftoft in Lalandia nostrum monstrum feminei sexus, parentibus piis & honestis, Patre Johanne Weber, Matre Maria Joachimi, cujus iconem & descriptionem nobis communicavit Dⁿs Job. Henr. Brechtfeld Serenissimæ Reginæ Matris Archiater. Descriptio hæc est:

1. In capite multi crinium cincinni variis coloribus ea forma viscebantur, quæ Virginibus hodie usitata.
2. In fronte alba lacinia erat, seu Antix candidæ.
3. In occipite situm peplum obturatum crinibus & orbiculare, pendulis cincinnis ad axillas utrinque

Obs. 27. Vol. 5. *Monstrum Lalandicum*



BIBLIOTECA
MUSEO
VITTORIO EMANUELE

stitutos à Rege Judices M. Wibe & me ob defluxum humorum ad aures difficillimè audivisse quæ vel ab adversæ partis Patrono vel à Judicibus dicebantur: cum dimitterentur disceptantes apud nos questus est se hoc aurium vitio plusculos menses laborasse. Rediit in memoriam quo modo ante annos quindecim dolorem dentium repulisse, putaviq; eodem modo audiendi difficultatem ex humorum in aures defluxu ortam tolli posse. Docui eum rationem à me initam. Paruit consilio & cum iterum apud nos in eadem causa post aliquod dies compareret, ea audiendi facultate prædicitum deprehendimus ut quæcunq; vel ab adversa parte vel testibus vel judicibus dicerentur haud difficulter auditu perciperet sine ulla vocis intensione.

CXXVII.

Monstrum Lalandicum.

ANno 1677. 12 Julij natum est Systoff in Lalandia nostra monstrum feminei sexus, parentibus piis & honestis, Patre Johanne Weber, Matre Maria Joachimi, cujus iconem & descriptionem nobis communicavit D^{ns}. *Job. Henr. Brechtsfeld* Serenissimæ Reginæ Matris Archiater. Descriptio hæc est:

1. In capite multi crinium cincinni variis coloribus ea forma viscebantur, quæ Virginibus hodie usitata.
2. In fronte alba lacinia erat, seu *Antia candida*.
3. In occipite situm peplum obturatum crinibus & orbiculare, pendulis cincinnis ad axillas utrinque

instar percucarum nunc usitatarum, & ad dorsum usque protensis.

4. Sinistrum faciei latus barba Turcica ornabat, quasi pictor pincillo albo partem signasset.

5. A collo ad umbilicum protendebatur alba lacinia, quo habitu lugentes feminae incedunt.

6. Manus chirothecae velabant albæ, quarum unam adhuc Obstetrix servat.

7. Oculi nulli. Horum loco viscebantur duo foramina parva.

8. Nec nasus foraminibus distinctus.

9. Os patulum. In cæteris monstruosa hæc puella, ab aliis nihil differebat.

CXXVIII.

Carcinoma Uteri ex suppresso fluore.

Mulier Hafnienſis quinquagenaria pluſculorum liberorum Mater, paſſa fluorem ſanguineum petiit remedium à neſcio quo, qui fluxum illum cruentem Uteri compeſcuit tandem, remanente copioſo per Uterum ſeri fluore, quo etiam imminuto excrevit ſenſim tuberculum in uteri orificio, quod auctum propendit extra vaginam longius. Dolores angebant miſeram, & terrebat fruſtulum extra pudenda dependens, credituſque uterus ipſus eſſe ita prolapſus. Advocatus Chirurgus Regius experientiſſimus *Philippus Hacquart* rem detegit, invenitque uteri orificio ſuperno adnatum tuberculum inſtar ſcato-
tis, molle & pendulum, anguſto collo, reliquo corpore inſtar ficus comparente patula tamen via in uterum. Inito cum uxore conſilio, de reſcindendo tuberculo doloroſo,
in-

injectoq; circa uteri orificium vinculo, incurva novacula dextrè abscidit & exemit, restituitq; in integrum mulierem, Extractum tuberculum mihi ostendit, prorsus ficus majoris magnitudine & figura, angusto collo præditum & ventre subrotundo. Per medium dissectum steatomatis substantiam præ se tulit, sero permixtum. Suspicio est, post fluoris suppressionem nimis acceleratam à natura cumulatam in orificio uteri fuisse hoc malum & excrevisse, ut discamus non statim inhibendos esse fluxus à Natura tentatos, & inchoatos.

CXXIX.

Malva Monstruosa.

Propter ætatis præteritæ humidam temperiem varia in plantis monstra nobis occurrerunt. Vidi rosam turbinatam seu in pyramidem protensam, quæ alias circularis esse solet. Observavi Ribesia eodem modo pyramidalis forma turgentia. *Malvas* duas monstruosas vidi, quarum una maximè conspicua, fasciata, cultum hodiernum feminei capitis representavit. Communicavit mihi eam *Ol. Borrichius* noster, quam figura addita illustravi.



Actor.

Actor, Med. & Philos. Hafn.
Volum. V.

Pars II.

De Opusculis Med. & Philos. edit. Hafniz.
Anno 1677. 1678. 1679.

1. *Thomæ Bartholini Acta Medica & Philosophica Hafniensia* Ann. 1674. 1675. 1676. figuris æneis illustrata. Volum. III. & IV. Hafniz apud P. Haubold Acad. Bibl. 1677. in 4.
2. *Thomæ Bartholini filij de Holigero Dano qui Caroli Magni tempore floruit, Dissertatio Historica.* Hafn. ap. P. Haubold. 1677. in 8.
3. *Casp. Bartholini Thom. fil. Oratio Jubilææ de Gestis anni LXXVII. prioris & currentis seculi, ad Augustiss. Danorum Monarcham Christianum Quintum.* Hafn. ap. P. Haubold. 1677. in 4.
4. *Casp. Bartholini Thom. f. Expositio Veteris in Puerperio Ritus ex Tabula marmorea.* Rom. ap. Mascardum 1677. in 8.
5. *Bartholomæi Scalæ, Vita Vitagliani Borromæi, ex Bibliotheca Medicæ, edita à Christophoro Bartholino Thom. fil.* Romæ ap. Ang. Timassium 1677. in 4.
6. *Bartholom. Scalæ Historia Florentinorum, edita ab Oligero Jacobæo.* Rom. ib 1677. in 4.
7. *Caspari Bartholini Seniori b. m. Præcepta Lo-*
gi-

gica in usum Juventutis edita, Editio nova prioribus correctior. Francof. ap. Gothofr. Herbert 1677. in 8.

8. *Vita Annae Finckiae Viduae D. Casp. Bartholini Senioris ex Programme D. Walh. Worm Acad. Rect. traducta.* Hafn. ap. Math. Godichen, 1677. in 4.

9. *Olai Borrichii Dissertationes III. & IV. de Poëtis.* Hafn. ap. Vid. Godian, 1677. in 4.

10. *Olai Borrichii Dissertatio de Docimaſtice Metallica.* Hafn. 1677. 4.

11. *Olai Borrichii De Ictero Disputatio Medica.* Hafn. 1677. ap. Matth. Godichen. in 4.

12. *Andr. Stenckelſtrapii Dissertatio de Duellis.* Hafn. 1677. ap. Chr. Wering. in 8.

13. *Michael Severini de Donariis dissertatio Philosophica.* Hafn 1677. ap. Wering. in 4.

14. *Methodus brevis curandi & præſervandi dysenteriam graſſantem, à Facultate Medica conſcripta juffu Regio.* Hafn. 1677. ap. Dan. Pauli in 8.

15. *Pauli Brand Dissertatio de Ovo Humano.* Hafn. ap. Godichen. 1677. in 4.

16. *Luca Debes Feroa referata, that is, description of the Islands and Inhabitantes of Ferroe; being sevenſeen Islands ſubject to the King of Denmark, lying under 62. deg. 10. min. of Nord Latitude. Wherein ſeveral ſecrets of Nature are brought to light, and ſome Antiquities hitherto kept. in darkneſſ diſcovered by I. S. M. D.* Londin. ap. Wilhelm. Hles 1677. in 8.

17. *Andr. Matthie Hiörings Obſidio Hafnienſis. Secunda editio auctior.* Hafn, 1677. ap. Eichhorn, in 8.

18. *Simonis Petrei Aarhuſienſis, decades Variæ Quæſtionum Logicarum, Metaphyſicarum, Phyſicarum &c.* ap. Wering. 1677. in 4.

19. *Casp.*

19. *Casp. Bartholini* Thom. fil. Positiones Anatomicæ ex Novissimis aliorum & propriis Observationibus Hafn. 1673. ap. Vid. Godian. in 4.

20. *Bagg Wandalini* Rabdologia Neperi, seu methodus numerandi sola additione & subtractione sine tabulæ Pythagoricæ adminiculo. Hafn. ap. Godichen. 1678. in 8.

21. *Friderici Bollingii* Itinerarium Indiæ Orientalis. Hafn. ap. Dan. Pauli 1678. in 4.

22. *Fr. Bollingii* de Ventis ex Dania ad Javam & ex Java ad Daniam, item de Vento Mousson in India Orientali. Hafn. ap. Dan. Pauli 1678 in 4.

23. *Frid. Bollingii* Grammatica Anglicæ perfecta, cum dictionario illarum vocum quæ cum Latina vel Danica lingua nullam affinitatem habere videntur. Hafn. ap. Dan. Pauli & Christ. Geertsen 1673. in 8.

24. *Danielis Pauli* Mercurius Dapicus Extraordinarius Anni 1677. 1678. 1679. Hafn. in 8. & 4.

25. Catalogus Librorum *M. Olas Lyxderphii*, quorum Auctio habebitur in ædibus Viduæ *M. Erici Thormii* 25 Junii. Hafn. 1677. ap. Wering in 4.

26. Catalogus Librorum Variorum, quorum Auctio habebitur in ædibus *B. D. Bangii* 9 Julii. Hafn. ap. Wering 1677. in 4.

27. Catalogus Variorum & Insignium Librorum, quorum Auctio habebitur in ædibus *Th. Bartholini* 26. Nov. Hafn. 1677. ap. Godichen. in 4.

28. Catalogus Librorum Insignium *M. Jacob Vossii*, quorum Auctio habebitur. Hafn. ap. Godichen. 1677. in 4.

29. *Hugonis Grotii* de Veritate Religionis Christianæ Libri in Linguam Vernaculam translati & hinc inde

deemendati à *Th. Bartholino*. Hafn. ap. Christ. Geertsen 1678. in 12.

30. *Quæstiones in Proœmium Metaphysicæ M. Simonis Petrai & Petri Andree*. Hafniæ ap. Wering 1678. 4.

31. *De Astrologia dissertatio Michaelis Severini*. Hafn. ap. Wering 1678. 4.

32. *Casp. Bartholini Thom: f. Exercitatio Anatomica De Corporis Humani Oeconomia*. Hafn. ap. Viduam Godianam 1678. 4.

33. *Th. Bartholini De Unicornu Observationes Novæ*, Secunda editione Auctiores & emendatiores editæ à Filio *Casparo Bartholino*. Amstelodam. apud H. Wetstenium 1678. in 12.

34. *La Dania fatta Campo d' Amore Idillio di Giov. Battista Lopez Vi conte*. Hafniæ apud Godichen. 1677. 4.

35. *De Auguriis Dissertationes Criticæ Georgii Nicolai Seerup*. Hafn. 1678. ap. Godian. 4.

36. *Brevissima delineatio Enunciati Infiniti Olai Michaelis Storm*. Hafn. ap. Wering 1678. 4.

37. *Nicolai Job. Calundani Levia Miscellanea Philosophica*. Hafn. ap. Wering 1678. 4.

38. *Pauli Vindingii Erasm. f. Epistola ad Patrem de Festis Natalitiis*. Hafniæ apud Wering 1678. in 4.

39. *Andr. Nic. Seerup. Positiones Metaphysicæ*. Hafn. apud Wering. 1678. 4.

40. *Christ. Nic. Seerup. De Pompa Triumphali dissertatio Philologica*. Hafn. apud Wering 1678. 4.

41. *Olai Borrichii Dissertatio V. de Poëtis*. Hafn. 1678. ap. Godian. 4.

42. *Joh. Brunsmanni* Theses Miscellaneæ. Hafn. 178. ap. Viduam Godian. 4.
43. *Catalogus Bibliothecæ M. Nicolai Lundii*, quorum auctio constituta est ad die 15 Julii. Hafn. ap. Wering. 1678. 4.
44. *Petri N. Terpagrii* Tabulæ Synopticæ in Rhetoricæ Præceptiones Resenii & Hilarii. Hafn. ap. Dan. Paulli 1678. fol.
45. *Casp. Bartholini* Thom. fil. de Cordis Structura & Motu disquisitio. Hafniæ 1678. apud Godian. 4.
46. *Casp. Bartholini* Th. fil. de Ovario Mulierum & Generationis Historia Epistola Anatomica Romæ prius edita, cum altera ejusdem argumenti. Amstelod. 1678. ap. III. Wetsteinium 12. Noribergæ 1679. 8.
47. *Jani Nicolai How* de Principiis Generationis dissertatio Physica. Hafn. 1678. ap. Wering. 4.
48. *Bernardi Omeis* de Apoplexia diss. Inauguralis Hafn. 1678. ap. Godian. 4.
49. *Casp. Bartholini* Thom. fil. De Olfactus Organo Disquisitio Anatomica. Hafn. 1679. 4. ap. Cornif. Luftr.
50. *Arnoldi Rhumani* Roma Attica vel Tractatus quo probatur Assertio Prisciani Romanos Græcis in omni doctrina Autoribus usos, adductis Grammaticæ Latinæ Regularum & Exceptionum è Lingva Græca Rationibus & Fundamentis. Hafn. 1679. 4. ap. Vid. Matth. Gerdichenii.
51. *Jacobi Woldenbergii* Hafniensis dissertatio de Podagra. Hafn. 1679. ap. Wering. 4.

52. Catalogus Librorum, quorum Auctionio habebitur in ædibus Auctionis directoris, d. 17. Mart. 1679. Hafn. ap. Wering. 4.

53. Nic. Laurentii Winde Dissertatio Physico-Philologica de Lacrymis. Hafniæ 1679. apud Wering. in 4.

De Rifu. ib.

54. Andreæ Petri Majoragii dissertatio Philosophica Miscellanea. Hafn. 1679. ap. Wering. 4.

55. Sebast. Christ. Whit. Heptas Physica de Corporibus illuminatis. Hafniæ apud Viduam Eichornii. 1679. 4.

56. Michaelis Severini Leigh Disputationes Pneumatologicae. Hafn. ap. Wering. 1679. 4.

57. Georgii Nicolai Seerupi Dissertatio Polemica contra Cyrianum Lentulum pro Renato Carthesio ab atheismo vindicato. Hafn. 1679. ap. Wering. 4.

58. Valentini Erii Pontoppidani De Philosophia in genere Exercitationes duæ. Hafn. 1679. ap. Wering. in 4.

59. Nicolai Ioh. Calundani Decas Thematum Philosophicarum. Hafniæ 1679. apud Wering. 4.

60. Catalogus Librorum qui Auctioni subjiciuntur in ædibus Auctionis directoris. 2 Jan. 1679. Hafn. ap. Lufft. 4.

61. Catalogus Librorum Dn. Jo. Fischeri, quorum Auctionio habebitur. 7 Jan. 1679. Hafn. ap. Vid. Godicchen. 4.

62. Marci Heerford Hafniensis Dissertatio Medica de Tussi. Jenæ 1678. 4.

63. Simonis Pauli Digressio de Vera, Unica ac pro-

xima Causa Febrium cum Malignarum & Petechialium, tum Morbillorum, Scorbuti, Luis Venereæ & similium Morborum macularum, nec non de Accurata febres has curandi methodo, iterato edita, aucta & recognita. Argentorat. 1673. ap. Sim. Paull. fil. 4.

64. *Sim. Paulli* Historica Relatio de rarissimo Casu Anatomico ac Chirurgico, una cum illius ad eam Amicabili Responso. Accesserunt tria singularia Consilia Medica. 1. de Apoplectico & Paralytico Nobili. 2. Pro puerulo bimulo paralytico. 3. de Scorbuto. Argent. 1679. ap. Sim. Paull. fil. 4.

65. *Casp. Bartholini* Thom. fil. de Tibiis Veterum Libritres, secunda editione correcti & figuris plusculis auctioribus. Amstelod. ap. Wetstenium 1679. in 12.

66. *Michaelis Lyseri* Culter Anatomicus, tertia editio. Francof. 1679. 8.

67. *Casp. Bartholini* Th. fil. Administrationum Anatomicarum Specimen. Francof. 1679. 8.

68. *Erasm. Bartholini* de Aere Hafniensi Dissertatio. Hafn. ap. Dan. Paulli 1679. 8.

69. *Joh. Brunsmanni* Elementa Logicæ nova methodo digestæ. Hafn. 1679. apud Dan. Paulli 8.

70. *Olai Borrichii* Conspectus Præstantiorum Scriptorum Latinæ Lingvæ. Hafn. 1679. apud Cornif. Eufst. 4.

71. Catalogus Librorum ex Bibliotheca D. Georgii Witzlebj Theol. Hafn. Hafn. 1679. apud Wering. 4.

72. *Hermanni Nicolai Grim* Dani Laboratorium Chymicum in Insula Ceylon ex regno Animali, Vegetabili & Minerali Baravia 1677. in 8. ap. Abrah. van den Eede. Latinitate donatum à Bartholomeo Pielat & impress. Am3

Amstelod. ap. Boomios 1679. in 12 sed innominato auctore Grimmio.

73. *Georg. Nic. Seerup* Ratio concludendi Compendiosior, seu Methodus Logica didactica brevis & facilis. Hafn. 1679. ap. Dan. Eichorn. 4.

74. *Jan. Nicolai How* decas Philosophica. Hafn. 1679. ap. Wering. 4.

75. *Ioh. Petri Dorschæi* Examen definitionis Essentialis Peripateticæ, sive demonstratio tentata nullam dari definitionem Essentialem ex mente Aristotelis. Hafn. 1679. ap. Wering. 4.

76. *Magni Andr. Regelii* de Iride. Hafn. apud Wering. 1679. 4.

77. *Catalogus Librorum Miscellaneorum*, quorum Auctione habebitur Hafniæ in ædibus Severini Laurentii. 11. Oâ, 1679. ap. Godichen. in 4.

78. *Petr. Nicol. Krogii* Dissertationes duæ de Miraculis Solis stantis in Gibeon. Hafniæ apud Lustium 1679. 4.

79. *Gerh. Joach. Bonsack* Colloquium Philologiæ de Ἀποστολικῆς, an locum habeat in Lingua Sancta, cum Cl. Samuele Bohlio institutum. Hafniæ 1679. ap. Wering. 4.

80. *Pauli Erasmi Vindingii* Tractatus Talmudicus ex Mischnæ parte prima de Novi Anni initio, ejus juribus, & solennitatibus, IV capitibus constans, Latine redditus & Notis illustratus. Hafn. ap. Lust. 1679. 4.

81. *P. J. Resenii* Historia Friderici II. Regis Daniæ. Hafn. 1679. ap. Lust. fol.

82. *Christian. Noldii* Concordantiæ Particularum Ebræo-Chaldaicarum. Hafn. ap. Lust. 1679. 4.

83. *Oligeri Jacobæi* Oratio Jubilææ Evangelica de

gestis Anni 1679. elapsi & currentis seculi. Hafniæ apud Lust.
1680. 4.

84. *Herm. Grube* Conjecturæ de Vi Musices in ictu Tarantulæ.
Francof. ap. Dan. Paulli 8 1679.

85. *Magni Andr. Regelsii* Dissertatio de Sacris Romanorum
Lectisterniis. Hafn. 1679. ap. Wering. 4.

86. *Herm. Nic. Grim* Compendium Medico Chemicum. Ba-
taviæ 1679. ap. Abr. van Eede. in 8.

Programmata Academica.

1. *D. Christoph. Schletteri* Rectoris Programma in Excessum
Nic. Rosencrantii Pro Generalis. Hafn. 1676. fol. *Auct. D. Mat-
thia Jacobæ.*

2. *D. Olai Borrichii* Pro Decani Programma Invitorium
ad Candidatos utriusque Laureæ Philosophicæ. Hafniæ 1677.
in fol.

3. *D. Christoph. Schletteri* Rectoris Programma in obitum
Gerhardi Schröderi Consil. Cancellariæ. Hafn. 1677. fol. *Matth.
Jacobæ.*

4. *D. Christoph. Schletteri* Rectoris Programma in obitum
Annæ Beloviæ Conjugis Justii Valent. Stemanni Theol. Licentiati.
Hafn. 1677. fol. *Matth. Jacobæ.*

5. *D. Christoph. Schletteri* Rectoris Programma in obitum
Christiani Caspari Schölleri Assessoris in Supr. Trib. & Consulis Co-
agienfis. Hafn. 1677. fol. *Matth. Jacobæ.*

6. *D. Christoph. Schletteri* Rect. Programma in promotione
CVII Baccalaurorum. Hafn. 1677. fol. *Matth. Jacobæ.*

7. *D. Christoph. Schletteri* Rect. Programma in promotionem
XXX Magistrorum Philosophiæ. Hafn. 1677. fol. *Matth. Ja-
cobæ.*

8. *D. Christoph. Schletteri* Rect. in resignatione Rectoratus.
Hafn. 1677. fol. *Matth. Jacobæ.*

9. *D. Wilhelmi Wormii* Rectoris Programma in Obitu An-

na Finckia Vidua D. Casp. Bartholini. Senioris, Matris, Avia. Proavia, Abavia LXX Liberos. Hafn. 1677. fol. *Matth. Jacobai.*

10. D. *Wilh. Wormii* Rectoris Programma ad Orationem jubileam *Casp. Bartholini* Thom. fil. Hafn. 1677. fol.

11. D. *Wilh. Wormii* Rectoris Programma in Obitum Marix Pelt Conjugis D. Henrici à Möinichen Archiatri Regii. Hafn. 1677. fol. *Matth. Jacobai.*

12. D. *Olai Borrichii* Pro Decani Comitia Philosophica. Hafn. 1678. fol.

13. *Thoma Bartholini* de Visitatione Officinarum Pharmaceuticarum Programma VI Hafn. ap. Godicchenium 1678. in 4.

14. D. *Wilh. Wormii* Rectoris Programma in Obitum Elisæ Nicolai Conjugis D. Iani Bircherodii. Hafnia 1678. fol. *Matth. Jacobai.*

15. D. *Wilh. Wormii* Rectoris Programma in obitum Gertrudæ Georgii f. Viduæ Viti Beringii. Hafnia 1678, fol. *Matth. Jacobai.*

16. D. *Wilh. Wormii* Rectoris Programma in Promotione LXXVI Baccalaureorum. Hafn. 1678. fol. *Matth. Jacobai.*

17. D. *Wilh. Wormii* Rectoris Programma in obitum Annæ Catharinæ Winstropiæ Viduæ D. Wandalini. Hafn. 1678. fol. *Matth. Jacobai.*

18. D. *Wilh. Wormii* Rectoris Programma in Promotione doctorali D. Casp. Bartholini Thom. fil. Hafnia 1678. fol. *Matth. Jacobai.*

19. D. *Wilh. Wormii* Rect. Programma in obitum D. Erici Pontoppidani Episcopi Nidrosiensis. Hafnia 1678. fol. Aut. D. *Jacobae.*

20. D. *Olai Borrichii* Pro Decani Programma Invitatorium ad Utriusq; Laureæ Philosophicæ Candidatos. Hafn. 1679. fol.

21. D. *Wilh. Wormii* Rectoris Programma in Promotionem Doctorem D. Christ. Noldii. Hafn. 1678. fol. *Matth. Jacobai.*

22. D. *Wilh. Wormii* Rectoris Programma in Oracionem jubileam Christophori Bartholini Th. f. Secret. Reg. & Mathem. Prof. Hafn. 1678. fol.

23. D. *Wilh. Wormii* Rectoris Programma in obitum Friderici

ci

ci Poggenbergii Telones Regii Hafnienfis. Hafn. 1679. fol. *Matth. Iacobi.*

24. D. *Wilh. Wormii* Rectoris Programma in Promotione Doctorali Medica D. Jacobi Woldenbergi Hafnienfis & D. Laurentii Christiani Wiburgii. Hafn. 1679. fol. *Matth. Iacobi.*

25. D. *Wilh. Wormii* Rectoris Programma in resignatione Rectoratus. Hafn. 1679. fol. *Matth. Iacobi.*

26. D. *Ioh. Baggeri* Rectoris Programma in obitum Margaretae Diederici fil. Conjugis Consulis Christophori Iohannis. Hafniz in fol 1679. *Matth. Iacobi.*

27. *Th. Bartholini* de Visitatione Officinarum Pharmaceuticarum Programma VII. Hafn. ap. Luft. 1679. 4.

28. D. *Ioh. Baggeri* Rectoris Programma in Orationem Jubilæam Oligeri Iacobi D. Hafn. 1679. fol.

29. D. *Ioh. Baggeri* Rectoris Designatio Lectionum Publicarum Professorum Hafnienfium. Hafn. 1679. fol.

30. D. *Ioh. Baggeri* Rectoris Programma in Obitum Christophori Iohannis Consulis Hafnienfis emeriti. Hafn. 1679. fol. *Matth. Iacobi.*

31. D. *Ioh. Baggeri* Rectoris Programma in Panegyricam Orationem Thomæ Bartholini pro pace reddita habitam præfente Augustissimo Rege Christiano Quinto. Hafn. 1679. fol.



APPENDIX

Ad Pag. 325.

CXXX.

*Verum Lapidis Bezoartici orientalis Examen.**D. Caspari Kôlichen.*

Incidi nuper in Scriptum ex Anglico Idiomate in Gallicum translatum, sine nomine Translatoris, Autoris verò nomen Grew ibi in præfatione legitur: Inscriptio Libri talis est: *Recueil d'Experiences & Observations sur le combat, qvi procede du mélange des Corps sur les Saveurs, sur les Odeurs, sur le Sang, sur le Lait &c. Ubi inter alia scitu dignissima ibi agitur de Lapide bezoartico orientali, quod si nempe illi affundatur Spiritus Nitri, brevi post tantam effervescentiam ibi excitari cum spumâ, strepitu, vapore & elevatione tantâ, usq; dum illa lapidis bezoartici quantitas tota sit à Spiritu nitri dissoluta & in colorem sanguineum mutata, id quod verissimum est; tentavimus enim hoc examen in Pharmacopolio Beckeriano, præsentè Nobilissimo & Amplissimo Viro D. Christiano Fossio summi Tribunalis Assessore & Archiatro Regio, qvi fortè advenerat: Drachmæ autem Lapidis bezoartici orientalis electi affudit laudatus Beckerus præter propter drachmas duas Spiritus nitri, & Vitrum cum contentis admovit prunis ut paulum incalêsceret, ubi illicò tanta ebullitio secuta fuit cum spumâ & effervescentia vaporosâ tantâ, ut Vitrum illud ssj. p. c. capax vix sufficeret ut intra capacitatem ejus contineri possent hæc duo prædicta corpora sibi invicem magno cum fervore repugnantia, ubi tandem post absolutam pugnam liquor rubicundissimus in fundo Vitri remansit. Tentavimus etiam hoc in alio la-*

Vv

pide

pide bezoar quem sciebamus esse factitium, (siquidem Beckerus ut est curiosus satis, factitios illos construere novit) ubi nihil effervescentiæ subortum. Plura qui vult, legat in prædicto Autore, hæc saltem hic egorepetere volui, ut Autoris, de hoc experimento effatum magis confirmetur, & oculos lapidis bezoartici orientalis ad saniorē mentem redeant.

CXXXI.

Gangræna post Variolas.

Casp. Kölichen.

Variolæ ubiq; ferè tam parvi æstimantur, ut ad illas curandas Medici dogmatici opem paucissimæ ex matribus familias implorare audent, ipsæ prudentiores hinc tot errores sæpè committuntur, ut Lippientes, morbos oculos imò cecos & facie deturpatos tot videas ex hoc malo quod Medicastræ adfuerunt expulsionī (ubi mulsū cum stercore ovillo primas sæpe tenet) solummodò intentæ de futuris contingentibus non sollicitæ. Idem suo exemplo nuper ratum fecit puella quatuor aut quinque annorum Variolis infecta, cujus mater Vidua parcendis sumptibus magis quam salutī filiæ intenta, ipsa filiæ medicatrix fuit aut esse voluit, dum verò videret malum istud in principio neglectum quotidie in pejus ruere, ut conscientię suæ consuluisse videretur, advocavit non Medicum dogmaticum, sed Tonsores, qui pro sua arte quam profitebatur, asino & ipsā matre indoctior per aliquos dies tractavit puellam, usq; dum Gangræna gingivas & totum labium superius occupaverat: hinc lachrymæ & querele. Ego tandem à Matre & Consanguineis vocatus auxiliari debebam jam in orci faucibus hærenti puellæ: prædixi mor,

mortem, advocavi tamen, ut testis hujus miserandi spectaculi adesset, unum ex Chirurgis Urbis in arte sua exercitatum; & quia

Immedicabile Vulnus

Ense recidendum est, ne pars sincera trahatur: rescuimus illam superioris labij partem sphacelofam & emortuam ad nares usq; , sed nihil amplius industria nostrâ in arte fundatâ efficere potuimus, gangræna enim intus omnis oris glandulas jam occupaverat,

Sic neglecta solent incendia fumere vires.

Idem alij cuidam Tonsori accidit, qui putredinosam oris inflammationem post variolas relictam, sale armoniaco incerto liquore dissolutâ corrigere voluit, unde malum magis auctum gangrænam intulit immedicabilem: Ita error si planctus esset, omnium Medicastorum ædes perforarent ululatu.

CXXXII.

Ex Febre quartanâ malè curatâ Dysenteria.

Casp. Kölichen.

Mercator quidam Juvenis ab Amico aut alio Medico impetraverat pulverem pro quartanâ abigendâ: quid sit? ab assumpto pulvere cessat quartana, sed succedit dysenteria malum priori pejus, hinc dolores & ejulatus: accessor ego ab ægroto, curaturâ me (Deo sospitante) dysenteria, sed redit quartana, ut memor esset perpetrati erroris, eò enim res medica, prohi dolor! rediit, ut vel quivis Idiota se Medicum fingat Arcadico pecore indoctior. Febris enim, quartana præ cæteris peculiare

Vv 2

ha.

habet Acidum (siquidem omnis febris ex fermentatione & fermentatio ab Acido) de natura antimoniali, aut helborinâ aut colocynthinâ, quod Acidum præpostere præcipitatum, dysenteriam & alia mala excitare potest, cautius ergò hic medicari oportet. Sic alius quidam scriba cujusdam Herois ab Empirico quodam seductus pro quartanâ abigendâ pomi colocynthidos drachmas duas in Vini Gallici tñ infusi pro duabus vicibus assumere decreverat: primam partem lethalis hujus potionis cum exhaustisset, tantis intestinorum cruciatibus vexatus fuit æger, ut penè sanguineam cacasset animam, nisi in aturo consilio, Deobenedicente, Ipsi subvenissem: cessavit æquidem quartana, ut in priori casu accidit, usq; dum dysenteria duraret, materiâ scilicet febrili deorsum ad Intestina præcipitatâ, concurrente insuper colocynthisis acrimoniâ, sed rediit quartana post curatam dysenteriam.

CXXXIII.

Telephium, seu Crassula major.

Casp. Kölichen.

A Muletum illud Wedelij ex radice Telephij ad hæmorrhoides dolentes, esse alicujus efficacix, experientia docet & probat, ut tamen magis inclarescat illud Amuletum & experientiâ continuatâ illius Veritas magis elucescat hoc ego in meis ægrotis ex appensâ illâ radice observavi, alvum nempe quotidiè laxam & solutam esse debere, alioquin penes illud Amuletum non erit perpetuum levamen.

CXXIV.

De Opio observationes

Ex

*Nuperâ Dissert. de Somno & Somniferis
Olai Borrichii.*

§. 10.

Reliquum est, ut ex officina quoque; mea symbolam adjiciam. Igitur principio ex retorta vitrea minori per roris balneum excitatus propuli ex duabus feminis papaveres albi Uncijs, quicquid ille gradus coloris permittebat. Surrexit circiter cochleare unum aquæ non coloratæ, limpidæ, olei flavi pellucis non tota drachma. Paucis admodum post diebus, in experimentum plenius, elicui per capaciore retortam vitream ex Uncijs præcisè sedecim papaveri feminis candidi, igne arenæ per gradus ad aucto, aquæ Uncias ferè tres, olei autem circiter novem Uncias, relicto in vase capite mortuo nigerrimo ad Uncias tres, & paullo amplius; reliquæ evanuerant, viamque sibi fecerant per triplicem vesicam, cujus beneficio retorta excipulo committebatur; fuisse autem oleosi generis odor per conclave sparsus satis testabatur.

Oleum tenuius, quod excepi, aquæ suæ permixtum ex balneo roris evocare institui, ut elementa clariora prodirent. Surrexit aqua subflava, linguam non nihil feriens sapore acri, comitata supernatante oleo pellucis coloris flavi saturatoris, quod non modo Linguam velut aculeis pungebat, sed & è longinquo concipiebat flammam, ardens luculente, assurgentibus interea ad latera excipuli cylindris variis salinis. Inter operandum, non retorta solum, sed excipulum fumis latè inundabant. In-

qvifitum mox in naturam capitis mortui, notatum
 que idem constantiam coloris fuidiu in igne tueri,
 tandem tamen in cinerem subalbidum fatifcere,
 adeoq; pondus, qvò erat *Unciarum trium & drachmæ U-*
nus, in cineris drachmas sex cum femiffe terminatum: ex
 qvibus beneficio stillatitiæ aquæ educta sunt grana falis fi-
 xa viginti qvinq;. Cum autem subductâ ratione consti-
 terit, 29440 circiter grana papaveris albi requiri ad unam
 femunciam implendam (qvippe non nisi XCII grana hu-
 jus papaveris pondere æqvant granum unum tritici Lolan-
 dici, grana autem tritici LXXX drachmam implent, sed
 ægre grana centum hordei) facile ex eo collegeris, ne tri-
 ginta qvidem granorum papaveris millia unum fixi sa-
 lis granum constituere, & nihilominus singula contribuere
 aliquid.

§. 21.

Crassius autem *Oleum*, aquæ turbulentæ innatans, ut
 in qvo vis narcotica abundantius residere credita, post a-
 liquor dierum in B. Ror. laborem, cum nihil amplius eâ
 via evocaretur, ad calorem arenæ translatus; prodiit olei
 plurimum, & aquæ flavescens, acrisq; nonnihil, relictis
 iterum in retortâ vitreâ eaq; non ante usurpatâ, decem
 circiter scrupulis capitis mortui nigerrimi, sed qvorum
 moles, ante tentatam libræ fidem, vel duas Uncias videba-
 tur expletura. Visum id portento simile, ex-
 Oleo nuper assurgente, denuo crassamentum tanti
 ponderis deponi, idq; adeò fixæ, constantisq; ad ig-
 nem naturæ, ut diu intigillo, etiam luculentè incan-
 descens nihil adeò perderet vel substantiæ, vel coloris.
 Igitur conjecti statim oculi in illud *Hippocratis L. II. de*
Diæt. *Μήκρον χρόνου*, atq; *ejusdem aliud l. de Nar. Muliebr.*
ubi χρόνος ὁ χρόνος, loci stabiles sunt, qvicti, fluidis & mobili-
 bus

bus oppositi, interprete *Fœsio*; denique in illud *Plutar-
chi* de primo frigidi: τὸ ψυχρὸν πάσι μὲν, κινητικὸν δὲ τὸ θερμὸν.
Hinc nata tum suspicio, oleosae granorum papaveris par-
tes adeo æquali esse superficie, ut in loco calidiori mutuis
paulatim faciebus jungantur primum quidem sibi, mox &
spiritibus corporis, humoribusq; atq; inde quietem pro-
ficisci. Igitur ut de constantia experimenti securius con-
staret, ventum est ad ejusdem olei, & aquæ, quæ bis jam
ascenderant, examen. His ergo recenti commissis Retor-
tæ per Baln. Ror. validius primo biduo in excipulum des-
tillavit olei præter propter Unciæ una, aquæ ferè sem un-
ciæ sed quæ supernataret oleo, eoq; inter spiritus quodam-
modo referenda. Exceptis jam ijs, quæ exstillant, alio
vasculo, infudatum adhuc eidem destillationi per dies
quatuor: prodiit de novo oleum & aqua, oleo tum aquæ
supernatante, unde colligas, non illam spiritibus accen-
dendam, sed aquæ veræ, spiculis salinis volatilibus armatæ.
Tandem guttis in hoc balneo admodum legnescentibus,
reliquæ per arenam propulsæ sunt. Ascendit copiosè
adhuc oleum, crassum & subfœtidum cum aquæ pauxillo.
In retortæ fundo remansit capitis mortui drachma una,
eaq; picei coloris, & ad ignes contumax, quippe ne tri-
horij quidem flammâ, in cineres soluta est. Oleum per
Baln. prolectum, præsertim primum, aurei coloris erat,
nullo odore aut fœtore molestum. Repetita demum
quarta vice destillatio novum iterum caput mortuum
produxit, fixum illud, sed levissimum, & quod
retortam vitream interiori facie tenuissimis phly-
ris nigricantibus, flexilibusq; vitro ætissimè inhære-
scentibus convestiit.

§. 22.

Videbantur hæc quidem suspensionem, quam ingressus eram, firmare, sed retrahebat à pleno assensu illud *Dis vini senis nostri*, *πρεσβυτερῆς οἰνῆς*, & antiquorum canticum, *μείναντο αἰτίαι*; & proinde versato in alia atq; alia animo, subiit, illud fortassis aliis quoque oleis commune esse, ut licet sæpe in altum calore evocentur, relinqvant nihilominus semper terreum quiddam, non quod terreum ante fuerit, sed ex collisione particularum sese obrudentium terreum semper, quotiescunq; etiam insistas, in fundo & parietibus evadere. Atq; illi sanè cogitationi respondit eventus: enimverò tentatum mihi mox idem in olei olivarum *Unciis octo*, quæ capitis mortui drachmam, & quod superat, relinquebant, cui idem spongiosus tumor, eadem in igne contumacia. Tentata experimenti constantia in oleo Juniperi, cujus ex *Uncijs* duabus rediere capitis mortui duo scrupuli: ex duabus olei laurini *Uncijs* relicta capitis mortui drachma. Et hæc ipsa olea, quæ semel ascenderant, secundâ destillatione, tertiâq; novum produxere crassamentum, nigrum, ferensq; flammarum; minori tamen pondere, quam ut proportioni olei papaveri responderet.

Illud omninò curioso speculatori hîc notasse non fuerit ingratum, hæc ipsa olea non in solo fundo constantiam hanc adipisci, sive, ut vocant, figi, sed in ipso aëre etiam, dum ascendunt particulæ, & mutuo attritu in se arietantur, unde acuminum illa, quæ sive fociantur, sive franguntur, in stabilem massam desinunt. Videbis enim & latera vitri interiora, & cælum ejus, immò & collum fixis ejusmodi lamellis incrustatum, maximam partem attritis, aliis quando & iridis formâ, nonnunquam quasi inauratis. Ut proinde veritatis perpetuæ non sit, figi volatile à fixo, sed, quod

quod varia experimenta me docuerunt, sæpè aliquot horarum spatio figi à volatili volatile. Ad summam, palam cernimus olea, etiam stillatitia, etiam citrà calorem ignis, suapte naturâ ad quietem propendere, quoties diuturniori morâ in vasis asservantur, sive hamatis id eorundem particulis, ramosive adscribas, sive facierum æqualitati.

§. 23.

Habent ergò hoc commune olea, quod sibi relicta, sive per calorem instigata, partem motus sui sensim amittant, id autem oleo papaveris peculiare est, quod particulæ ejus spatiosius fument, laxius sibi accumbant, & promptius in omni ferè liqore solvantur. De reliquis narcoticis viderint alii; hoc sane oleum inter destillandum plus omninò fumi, sive halitus albi, nebulosiq; de se spargit, quam pro ratâ portione alia olea, argumento partes ejus tenuiores esse cæteris, eoq; amplius diffundi. Laxius habitare minimas partes ejus ex eo liquet, quod aliis longè facilius moveantur: moventur autem statim non tantum in corpore nostro ad operandam quietem, sed & extra corpus ad cujusvis liqoris contactum, immò quod palmarium est, in quovis ferè liqore, insipido, acido, salso, lixivo, alio, quomodocunq; temperato magnam partem obedienter dissolvuntur, quod privilegium reliquis oleis in concessum est. Sive autem id accadat ob rotunditatem partium, non nisi paucis se contingentium faciebus, eoq; facilius extrema partium liquidarum (vel, si mavis, particulas elementi primi) in spatia sua inania ad ciendos motus admittentium, sive ab aliam partium dispositionem, nobis perinde fuerit, dum id, quod oculis coram usurpamus, constet, oleum hoc cuius ferè liquido facile permisceri, eoq; citius & mitius ferri quæq; vaverum. Ra-

Xx

piunt.

piuntur quidem & olea stillatitia aromatum in caput, sed misceri nesciunt, & aculeata nimis, pungunt magis, quam pacant: hoc autem dum in corpore nostro clementiori igne rarefcit, & cum placidis liquoribus elevatur, non pungit, sed sistit, sed obtundit; ut propterea credibile sit, partes ejus magis ad rotunditatem accedere. Ramosas olei partes figurat equidem *Cartesius*, sed difficilius rem intuentibus persvaderet, utque persvaserit, nihil prohibet, ramos quorundam oleorum porrigi in longum, aliorum contrahi in angustum, eoq; magis rotundari.

§. 24.

Hæc phænomena ulterius prosequi libuit, & in ipso quoque opio elementa propria, eorundemq; vires speculari. Igitur perventum rursus ad ignium examina. Et primum quidem ex opij purissimi Unciâ unâ, per vitreum vas retortum, modestissimo calore aqua limpida, ad sexaginta guttas evocata est; inde alacriori paulatim igne fumus nullo modo aut ater, aut subfuscus, sed albissimus per collum vasis undulato lapsu prosperans partim in excipulum erupit, partim ex naso vasculi guttulatim destillans, ex aquâ & oleo simul junctis constare se ad lucernam ostendit: tandem intentius aucto calore, totum excipulum licet plurium librarum æquæ capax, albescentibus fumis ita oppletum est, ut per omnia spiracula exitum quærerent. Interea etiam crassum oleum è naso propendens subinde in excipulum destillabat, & postremo adhærescebat instar stiracis. Quin & observatum, plures crassiores fumos in retortâ tumultuantes, cum non ita subito per nasum eluctari possent, impedisse se invicem, & in massulas coaluisse, adeoque versus fundum & latera vitri relapsos in caput

put mortuum tandem defuisse. Ultimò, cessantè etiam ad vehementissimum calorem fumo, cessatum opere est. Inter operandum, quanquam spiracula triplici vesicà muniissem, penetravit nihilominus cadaverosus olei foetor, totumque conclave nidore ingrato latè perfudit. Hunc foetorem autem olei non generavit natura ejus, sed ignis violentia, quæ eundem, imò intolerantiorẽ oleo lini, per se mitissimo, solet imprimere. Oleum quod destillando prodit, dimidiam Unciam pondere æquare visum, & paulò amplius, siquidem illius etiam habeatur ratio, quod per vesicarum angustias exhalans nares offenderat. Drachmam non totam implevit, quæ simul excepta est aqua & Spiritus. Capitis mortui nigerrimi & fixi aderant drachmæ tres; si collas grana quatuor,

§. 25.

Sed parum actum hac theoriâ, nisi ad praxin respiceret. Itaque cui ex his operelementis potiores debeantur vires, ita porro inquisitum. Advocati in harenam feles duo semestres: alterius ori infusa media grani pars ex spissiori hoc oleo, tantillo spiritus vini dissoluta, ut promptius subiret corpus. Electi idèò ad hoc negotium feles, quod & citius, & evidentius ab opio commoveantur, quam canum genus. Is ergò è vestigio, ab assumpto hoc oleo, leni primum ejulatu, & mox tribus quatuorve obortis circa ventrem convulsionibus, spumante ore & naribus, oculisq; in confinio mortis ex castio in cœruleum versis colorem (qui in mortuo ad naturalem rediit habitum) vivere desiit; & postero die apertus nihil in cerebro, nihil in corde, à naturali statu descissens ostendit. Quin & sanguis neq; in reliquo corpore, neq; in sinibus cordis densior solito animadversus est, sed verius serosior,

Xx 2

fluid

fluidiorq; secus ac in homine quandoq; visum *Rogerio*, & aliis. In ventriculo aliquid turbatum, plus etiam in pulmonibus, qui ubiq; spumei, ne quidem inflari se siphone, nisi ægerrime patiebantur. Admissus mox in theatrum alter, cujus ori media circiter drachma liquoris illius ex aqua, spiritu & sali volatili constantis, qui unà ex opio exstillarat, infusa, non mortem, non convulsiones attulit, sed nauseam; expuit enim mox aliquid pituitæ crassæ & tenacis; post mediam autem horam vomitu rejecit copiosius pituitosa, spumosa, foetentia, sed defunctus hac exanitione, de cætero convaluit, & ante horæ unius periodum ad consuetos sibi lusus & saltus revertit. Nauseam autem & vomitionem inde natam credibile, quod liquor ingestus tantillum flavesceret, adeoque nonnihil olei sibi remissum testaretur. Neq; enim tum libuit, per foctorem, & liquoris exiguitatem ad novam ex Balneo distillationem provocare, ut ramenta illa olei separarentur. Id tamen ex his experimentis liquidò constat, vim illam opij *δραστικήν* & periculosam in oleo ejus potissimum conqvilescere. Nam caput mortuum inermesse vel id ostenderit, quod quinque grana ejus minutissimè trita, & lacti permista felis alius hauserit innoxie, nullà vel in somnos, vel vomitiones, vel nauseam consequente inclinatione: ut non alienum sit suspicari, integram opii Unciam, si per frequentes distillationes in similia abeat crassamenta, ut potest sanè; omnem simul vim suam deposituram esse.

§. 25.

Sed redeundum ad illum, qui spumosa evomuit. Placebat internoscere, utrum efficacius ageret oleum hoc opij, quam opium ipsum crudum: igitur idem ille post

post horas aliquot more suo exultim lætus , dimidium opii crudi granum tantillo spiritus vini dissolutum sorbere coactus momento concidit , & prope citius expiravit , quam prior is , qui oleum glutierat : unde non iniquè colligitur , illud quod ascendit , dum variè sibi alliduntur particuli , hebetari nonnihil , immò & celeritatem opii actuosam idèò apparere celeriore , quam olei , quod salinis suis spiculis actionem utique promoventibus foetum adhuc sit opium , quibus aliquam partem oleum destituitur. Quin & oleum ignavius agere ipso opio ita perspectum : infudi oleum hoc spissius aquæ calenti , dissolutum est maxima sui parte in liqvore turbidum & subflavum , reliquis in morem pellis nigræ innatantibus , quæ tamen & longiori cocturâ solent dividi. Turbidæ illius aquæ cochleare unum hausit felis nullâ sanitatis jacturâ , nisi quod levi nausæ se ulcisceretur. Subiit , oleum illud in aquâ per minutias solutum non fuisse , adeoque parum efficax deprehensum , & proinde ingerendum adhuc ori felis spiritum vini , ut minutia in corpore fatiscerent. Dictum , factum. Post lapsum horæ , spiritum vini ad cochleare unum hausit felis , & subito exanimis concidit. Deprehensum postea , non tantum opium , sed & solum spiritum vini feli venenum esse ; quippe repetito sæpius experimento compertum , unum cochleare spiritus vini purioris , statim etiam valentioribus felibus , jam convulsiones , torsiones oculorum , & insignes palpitaciones cordis expressisse , redeunte post aliquot horas sanitate , jam præter enarrata symptomata , subitum attulisse interitum. Neq; id adeò mirum , cum prope naturâ in rabiem declinet animal , & Spiritus Vini eandem potentius incendat. Quin & vinum *Aristoteli* est inter *ἰατρικὰ , καὶ κατὰ φύσιν μύσθη* , l. de


Somn. & Vigil. c. III. Tandem notatum, opium quidem in aqua solutum, propinatumque felibus largiori dosi, tristitia inducere symptomata, immò tandem mortem, sed minuscula portione nec promptè, nec periculose tumultuari. Segnius etiam crassum illud oleum opij, quod ita in minima nequeat dissolvi. Neque tamen ideo inficiandum, efficiaciores opij vires in oleo ejus hærere, est enim pæne totum oleum, paucis aquæ & salis particulis comitatum, ut jam vidimus. Sed dum ignem patitur validiorem textura olei ejus non parum immutatur, ideoque in phar-maca convenientius recipitur vel crudum purius, vel paucis corrigentibus associatum, quam post ignium labores. Sufficit ipsi nativus calor corporis ad faciendum officium.

§. 27.

Novissimè in volucrum genere olei illius opii vires explorare decretum. Igitur granum ejus dimidium in Scrupulo Spiritus Vini solutum, & columbæ ori ingestum non effecit, ut illa statim mortua concideret, sed vacillavit illico, & ultra horam vertigine correpta jam caput præceps egit, jam alterum latus, ebrîæ similis, post leni vomitione spumoforum præmissâ inter reliquas sui generis confedit, discurretq; à cibo tamen abstinenter; vi-taq; convaluisse, post biduum exanimis inventa est. Pro vehiculo opii idè electus frequenter vini spiritus, quod promptius dissolvat, latiusq; didat vires ejus, quam cæteri liquores. Discimus autem ex his experimentis varia: 1. non esse necesse, hariolari amplius de elementis opii & papaveris, cum oculis se sistant, 2. vim ejus narcoticam non pendere ab ejusdem aquâ, spiritu, sale, crassamento fixo, sed tamen reddi à sale & spiritu actuosorem. 3. oleum ejus, si leni

lenicalore evocetur, non foetere, si alacriori, foetere, sed
 & virium partem amittere. 4. ab oleo narcosin, sive vim
 soporiferam proficisci. 5. particulas olei ejus esse minu-
 tiores, quam aliorum oleorum, eoq; facilius ascendere. 6.
 ascendere autem naturaliter habitu albissimi vel vaporis,
 vel fumi, & proinde non posse *nigrare suo* (quod Clariss:
 Viro in recentiori scripto persvasum) *spiritus animales*
opacare, sed potius ad instar nebulæ perreptare corpus, &
 ubi inciderit in liqvores, eosdem nebulæ suæ involutos,
 quantum licet, sistere, sive motum eorundem excitatio-
 rem impedire. 7. Illud impedimentum in cerebro, sed &
 in ventriculo, & magnopere in motu pulmo-
 num sentiri; ut reliqua hîc trans-
 mittam.

F I N I S.



Nobilissimo ac Celeberrimo

D. THOMÆ BARTHOLINO

Avunculo mellitissimo

Actis Medicis & Philosophicis rem
 Medicam illustranti.



Elifer innumeris exercitus incubat herbis
 Et varias Floræ depopulatur opes,
 Omnia percolat, salices, thyma, lilia, calthas,
 Narcissos, violas, pendula fila croci,
 Ex variè mixtis mox quinta essentia stillat
 Et solum stipat sedula nectar apis;

Non

Non dispar, si parva decet componere magnis,
 Est, Vir summe, tibi sedulitatis opus,
 Qviqueq; enim callent artes vel pharmaca; lustras,
 Qviqueq; & insoliti terra vel æqvior habet,
 Toxica, monstra, herbas, frutices, animalia, succos,
 Insolitos casus, corpora lecta, rogos,
 Omnia componis circum undiq; & undiq; jungis
 Ac celebri stipas mellea scripta libro;
 Explicat hic naturæ suos fugitiva recessus,
 Explicat hic totos Dania tota sinus,
 Aspicitur junctim quodcunq; dat Indica Thetys,
 Aspicitur tellus barbara qviqueq; alit,
 Nodosam ad podagram glomeratæ vellera Moxæ
 Contulit Edis proximus Indus aqvis
 Contulit & fibras ignoto nomine Nisi
 Gens Chinæ; hæc mecum munera, dixit, habe,
 Et velut extinctos aliorum fuscitat ignes
 Lux Tua, sic nostras ventilat illa faces,
 Ergo Tibi & laceras fundunt mea sermnia chartas
 Fluminaq; ingenii quantulacunq; mei,
 Non ego debueram saltem tot Numina t hæberi
 Inter, & Heroum nomina tanta legi,
 Raucus Amyclæo malè succinit anser olori
 Ad vada Mæandri dum sinuosa canit,
 Nec bene Santonico miscetur purpura panno
 Nec violis spinas implicuisse decet
 Sed si nostra Tuis non exorabilis Actis
 Inferis, & junctim sub Tua præla trahis,
 Incipias limâ passim mordaciùs uti
 Vel vitia effusus spongia mergat aqvis,
 Sic quos jungit amor, junget liber, unaq; laudis
 Pars delata Tibi pars erit una mihi,
 Atq; fatigatos ubi mors ocludet ocellos
 Et precibus flecti nescia dicet, obi,
 Fama rogam effugiet nunqvam peritura, nec Acta
 Deficient, animâ deficiente Tibi.

OLIG. JACOBÆUS.





